



This is a digital copy of a book that was preserved for generations on library shelves before it was carefully scanned by Google as part of a project to make the world's books discoverable online.

It has survived long enough for the copyright to expire and the book to enter the public domain. A public domain book is one that was never subject to copyright or whose legal copyright term has expired. Whether a book is in the public domain may vary country to country. Public domain books are our gateways to the past, representing a wealth of history, culture and knowledge that's often difficult to discover.

Marks, notations and other marginalia present in the original volume will appear in this file - a reminder of this book's long journey from the publisher to a library and finally to you.

### Usage guidelines

Google is proud to partner with libraries to digitize public domain materials and make them widely accessible. Public domain books belong to the public and we are merely their custodians. Nevertheless, this work is expensive, so in order to keep providing this resource, we have taken steps to prevent abuse by commercial parties, including placing technical restrictions on automated querying.

We also ask that you:

- + *Make non-commercial use of the files* We designed Google Book Search for use by individuals, and we request that you use these files for personal, non-commercial purposes.
- + *Refrain from automated querying* Do not send automated queries of any sort to Google's system: If you are conducting research on machine translation, optical character recognition or other areas where access to a large amount of text is helpful, please contact us. We encourage the use of public domain materials for these purposes and may be able to help.
- + *Maintain attribution* The Google "watermark" you see on each file is essential for informing people about this project and helping them find additional materials through Google Book Search. Please do not remove it.
- + *Keep it legal* Whatever your use, remember that you are responsible for ensuring that what you are doing is legal. Do not assume that just because we believe a book is in the public domain for users in the United States, that the work is also in the public domain for users in other countries. Whether a book is still in copyright varies from country to country, and we can't offer guidance on whether any specific use of any specific book is allowed. Please do not assume that a book's appearance in Google Book Search means it can be used in any manner anywhere in the world. Copyright infringement liability can be quite severe.

### About Google Book Search

Google's mission is to organize the world's information and to make it universally accessible and useful. Google Book Search helps readers discover the world's books while helping authors and publishers reach new audiences. You can search through the full text of this book on the web at <http://books.google.com/>



*In Memory of*  
**STEPHEN SPAULDING**  
 1907 - 1925  
 CLASS of 1927  
**UNIVERSITY OF MICHIGAN**

WHM:uk:11 1917

Bequest of  
 Oliver Lyman Spaulding











Sallustius Crispus, C.

C. SALLUSTII CRISPI

**OPERA**

OMNIA QUÆ EXTANT,

INTERPRETATIONE

ET

**NOTIS**

ILLUSTRAVIT

**DANIEL CRISPINUS**

IN USUM

**SERENISSIMI DELPHINI.**

---

IN HAC SECUNDA EDITIONE AMERICANA PLERÆQUE LONDINIENS  
ERRATA, DILIGENTISSIME ANIMADVERSA, CORRIGUNTUR.

---

**PHILADELPHIA :**

**PUBLISHED AND SOLD BY M'CARTY & DAVIS,**  
(SUCCESSORS TO THE LATE BENJ. WARNER)  
*No. 171, Market Street.*

.....  
**1825.**



Stephen Spaulding Mem Call  
Request of Oliver Lyman Spaulding  
3-12-49

SS2531

878

S

C.93

1825

## AD LECTOREM.

**QUIS** fuerit Crispus Sallustius, antequam tibi sistetur, monendus esses, amice lector: Sed illud quia viri juxta docti et celebres egregie præstiterunt, supervacaneum duximus eorum bene scripta recoquere: Adeoque ex illis, si lubet, auctoris nostri et vitam et mores cognoveris. Aliud est, quod a nobis jure, meritoque expectes; quemnam, scilicet, ex hac nova Sallustii editione, fructum carpere possis. Institutum, totiusque operis designationem si spectes, nihil non sperare audeas: Nam, quod ante omnia monitum te volumus, non instinctu nostro, sed sapientissimi ducis Montauserii, serenissimi Delphini moderatoris, jussu, consilioque, eximium, eo quo videbis ornatu, historicum tibi exhibemus. Ille, ut est omni humanarum literarum elegantia excultus, ubi instituendo principi præpositus est, quonam potissimum modo singuli auctores facile, feliciterque legerentur, cœpit cogitare: quæ lucem adderent legentium animis: quæ impedimentum inferrent: eaque omnia animadvertit, quæ non modo serenissimi Delphini, sed publica etiam studia juvare possent. Dux sunt in legendis auctoribus difficultates, quæ festinantibus et minus exercitatis negotium facessant: Prior quidem, quam facit ipse sermo et dicto; seu quæ ex lingua et idiomate oritur: Alia vero, quæ rebus ipsis adscribitur; quas vel obiter illi in cursu orationis, vel tanquam abunde cognitæ attigerunt: quavis de causa denique, non satis ad captum omnium, explicaverunt. Multam equidem, eamque maxime laudabilem operam in his solvendis difficultatibus collocaverunt hactenus viri eruditissimi: At suo loco, nec satis commode visa sunt posita quæ illi cæteroquin optime scripserunt. Eorum enim commentarios ubi inspicias, quæ ad nudam vocum et phrasis pertinent significationem, aut

© 6-6-49 HCS

## AD LECTOREM.

peculiarem sermonis declarationem, ea cum ulteriori rerum enarratione commixta invenies : Ex quo oritur, ut, cum aliquam ex his notis inspicere velis, non ea prius occurrat, quam in aliis, contra animi tui desiderium, tempus consumpseris. Ne quid ejusmodi eveniret, egregie providit vir prudentissimus. Namque interpretationem, quæ ad vocem et sermonis facit explanationem, seorsum a notis, quæ res ipsas evolvunt, proponendam decrevit : Nisi forte, quando qui ad notas majores nonnullæ circa dictionem difficultates essent retrahendæ. Designavit insuper, quo omnia primo statim intuitu occurrerent, ut notis arithmeticis loca, ubi interpretatione opus esset, indicarentur : alphabeti autem literis, quæ notas poscerent. Minuta vero hæc sunt, quæ primo delineantis animum occupaverunt. Aliud una et eadem opera ab ipso quæsitum est ; ubertas, scilicet, et sermonis copia. Non enim tantum in interpretatione suo quoque et naturali loco restituendas voluit partes orationis singulas ; nominativum ante verbum, deinde accusativum, &c. sed synonymiam, obscuram vice præsertim, aliarum etiam vocum substituenda statuit : Ut sic tum sensus clarissimus appareat, tum verborum vis et propria significatio dijudicetur, abundantiaque inducatur : Quamquam ex poetis hic fructus erit multo uberimus. Restabat aliud nihil, nisi tam utili, tamque laudabili consilio manum admovere. Rem vero ipsam, ut videtur, in se recepit gratus bonarum literarum genius : Nam a quo incæpto retrahere impensam maximam quivis credidisset, ei rei ne minimum quidem obtulit impedimentum. Nimirum in ea tempora incidimus, quibus regum munificentissimus, hominumque oculatissimus, imperium obtinet. Cum ergo dux illustrissimus Montausorius ad honoris summum fastigium sublatus, lectusque inter procures fide ac sapientia præcellentes, quos magno numero hodie præsertim habet alma Gallia, regiæ Delphini institutioni incumberet, ea perficienda curavit, quæ ante cogitaverat : Studiosissime apud omnes literatos, intra et extra regni fines, requirendos jussit, viros instituti sui administros ; quos beneficentia, et omni favore clientes suos fecit. Quantum de bonis literis, literisque, toto denique Musarum choro meruerit, qui omnes, quotquot habemus Latinæ linguæ auctores, eo, quo præscripsit modo, castigandos et enarrandos procuravit, non ego, in

## AD LECTOREM.

hæc infantia, sed quibuscumque bonorum omnium non fuerit innata turpis adversatio, omnes prædicabunt. Jam nihil opus erit vernaculis istis, et quotannis fere renovandis interpretationibus, quæ vix satis unquam auctoris sensum et scopum assequuntur; semper ab ejus ratione, modoque recedunt. Quisquis in Latinæ linguæ cognoscendis operam suam per sex menses adhibere voluerit, is postea solus magnam illam virtutis altricem, veterem Romam dico, poterit perlustrare; tutusque venerandorum ejus sepulcorum manes in auxilium et consilium evocare. Utinam vero, quod reliquum est, tam multis commoditatibus culpa nostra nihil detractum fuerit. Socordia non evenit profecto: Quæ autem per imperitiam turbata fuerint, ea ut humanitate tua excusare velis, lector benevole, oramus. Quod si illustrissimus Condomiensis episcopus ex assiduïs, quibus, in erudiendo principe, detinetur curis, ad hæc levia animum demittere potuisset; aut nobilissimo Huetio in earundem curarum partem ascito, quæ benevolentia laborantibus nobis nonnunquam subvenit, eadem totum opus ad examen suum revocare licuisset, aliquid certe promovendis studiis utilius excudere potuissemus. Quod nobis, qui priores in hanc arenam descendimus, quoniam fortuna melior invidit, si quid in hoc quasi præludio peccaverimus, aliorum, qui idem decurrent stadium, diligentia sarcietur. Multa dicenda superessent, ut quibusdam hominibus, quos nominare nihil attinet, non tam satisfacere-mus, quod nemo natus fecerit, quam responderemus: At, quietem nostram qui nihil turbaverunt, illis multo melius erit quietam mentem bona præce deprecari. Quomodocumque errata nostra patefecerint, nisi forte etiam illis, apud Superos semper commorantibus, indignum videbitur ad tam vilia sese demittere, lubentissimo animo corrigemus. Tu modo, nil quod res est, cogita, candide lector, nos maximo studio enisos esse, ut auctorem nostrum in perfacili cognitione poneremus. Hinc inde, indiscriminatim, quæcumque ad hunc scopum ducere credidimus, securi desumpsimus: Neque eo minimum cujusquam scriptoris laudi gloriæve voluimus, quod, utenda quæ illi in lucem ediderunt, ea nos ex illorum benignitate hauserimus. Ita vero agere satius fore visum est, quam, ut illi factitarunt, singula suis auctoribus attribuere. Nam, ut taceam quod prolixè est istud quando-

## AD LECTOREM.

disquisitionis, nullius, aut certe minimæ utilitatis; pronum est; ea diligentia, in eam, quam maxime vitaveris, incidere vituperationem: Quippe quem statim malevoli furem appellaverint, si quid, quod tute bene annotaveris, alii, quos quidem nunquam videris, ante te observaverint. Tentavimus si quidem ex proprio censu nonnulla tibi eruere, lector; exinde tamen laudem nullum aucupamur. Minima sunt, quæ, tu nisi, pro tua æquitate, ex bona nostra voluntate metitus fueris, vix tantilli esse pretii confitemur. Fructum vero, magnamque laboris nostri mercedem, qui nos stimulavit, aculeum, benefaciendi studium, nobis duximus: ut jam, si quid ad te perveniat compendii, voluptati nostræ accedat cumulus. Diu vero multumque vale.



# PETRUS CRINITUS.

DE

## HISTORICIS

AC

## ORATORIBUS LATINIS.

---

CRISPIS Sallustius Amiterni natus traditur, in agro Sabino, quo anno Atheniensium urbs à L. Sullâ devicta, atque vastata est, ut Romani annales referunt; ex nobili Sallustiorum familiâ ortus est, quæ diù in secundo ordine dignitatem servavit, idemque in urbe educatus creditur, et à teneris annis operam ac studium impendisse optimis disciplinis: sed cùm in ea tempora incidisset, quibus corrupti civium mores variis partibus atque factionibus forent, neque virtuti præmia, aut bonis ingeniis adessent, in tam depravatâ civitate, quod idem Sallustius fatetur, victum ejus ingenium voluptatibus, facillè succubuit. Itaque cùm ad remp. pro ætate foret delatus, propter civium improbitatem et factiones, multa adversa pertulit: nam tum præcipuè Surianis partibus infecta civitas æstuebat. Constat ex veterum commentariis, Sallustium ipsum ingenio fuisse acri, et in studiis literarum accurato, tum maximè in scribendâ historiâ. Præceptorem habuit inter alios Ateium Prætextatum, qui Philologum se appellavit, et ab eo edoctus est de ratione recte scribendi; ut à Suetonio Tranquillo traditur, qui et Asinium quoque Pollionem scribit ab eodem Prætextato eruditum, atque instructum; maximè autem M. Catonis studiosus fuit: ex cujus commentariis verba excerpit, et velut breviarium ad usum proprium habuit: quod Octavius quoque Aug. in epistola ad M. Antonium, refert; in quâ ipsum Antonium, ceu insanientem increpat, quòd ea scribere vellet, quæ mirentur potius homines, quam quæ intelligant. Sed interim ad Sallustii commentarios. Historiam composuit de L. Catilinæ conjuratione contra R. Senatam, et item de bello Jugurthæ, qui Numidiæ rex factus, diù contra Romanos strenue rem gessit. Historiam præterea de Romanorum gestis, ut de Mario et Sulla, necnon de Pompeio contra regem Mithridatem; quod opus libris aliquot à Sallustio absolutum traditur: et adhuc supersunt quædam, veluti absolutissimi operis reliquiæ, in quibus Sallustii diligentia in historia describenda, atque gravitas appareat. In parte operis de rebus Punicis, tanto animi studio incubuit, ut a quibusdam scriptum

*Vide Page 173,  
ad Notam c.*

sit, eum regionem adiisse, ac maxima solertia perlustrasse, quò majore fide atque officio veritatem exploraret. Avienus certe Rufus plurimum Sallustii diligentiam, atque studium commendavit: sed et Gellius, vir Romanus, qui veterum eruditionis Aristarchus habebatur, ita de Sallustii oratione disserit: *Elegantia, inquit, Sallustii, verborumque facundia, et novandi studium, cum multa prorsus invidia fuit; plures non mediocri ingensio viri comati sunt reprehendere pleraque, et obrectare, in quibus plura incite, aut maligne vellicant; quin et hunc proprietatis servantissimum vocat.* Titus autem Livius tam iniquus Sallustio fuit, sicuti ab Annæo Seneca scribitur, ut quædam ex historia Thucydidis translata, et eleganter assumpta, velut depravata, et corrupta illi objecerit, idque ipsum non in Thucydidis gratiam effecit, ut Aurelius Fuscus dicebat, verum putavit se facilius Sallustium vincere, si prius Thucydidem ipsum præferret. Asinius quoque Pollio librum scripsit, quò Sallustii scripta reprehenderet, quod in iis nimia quadam affectatione antiquitatem sequeretur. Fabius vero Quintilianus, vir maturo et gravi judicio, asseruit, oratione Sallustii, atque brevitate nihil fieri posse perfectius, præsertim apud vacuas et eruditas aures; neque veritus est idem Fabius, Thucydidis, in scribenda historia apud Græcos principi, Sallustium ipsum opponere, sicuti T. Livium Herodoto: que factum est, ut cum plures voluerint dicendi genus Sallustianum sequi, minime sint assecuti. Est enim ejus oratio tam absoluta, tam casta, tam innocens, ut merito ab eruditis divina brevisitas censeatur: nam et Arruntius, qui belli Punici historiam scripsit, Sallustio tantum concessit, ut ejus orationem maximo studio sequeretur; quod alibi diximus. Nec illud ignoratur, consuevisse Sallustium magno labore ac studio scribere, ut nihil non absolutum, atque perfectum videri posset; quod ex ipsa lectione facile colligitur. Amicos in primis doctrina, et ingenio nobiles habuit, ut Cornelium Nepotem, Messalam, et Nigidium Figulum, qui periisse in exilio tradiuntur; Julium præterea Cæsarem magno studio dilexit, a quo etiam, ut creditur, dignitate præfecturæ honestatus est. Illud item a Suetonio refertur, Lenæum grammaticum, Pompeii libertum, satyras contra Sallustium composuisse, eumque mordaci et virulento carmine lacerasse, ut qui lurconem illum, popinonemque, et nobulonem, ac lustronem appellavit, tum vita, scriptisque monstruosum, ac M. Catonis verborum furem ineruditissimum: quod ipsum non alia ratione a Lenæo factum creditur, quam ut studium suum, atque officium erga patronum Pompeium probaret: quem virum Sallustius ore improbo, animo autem inverecundo esse scripserat: itaque mirandum non est, si tam acerbe, atque satyricè libertus Lenæus contra Sallustium aciem styli exacuit. Quantum odii, atque inimicitiae, inter hunc et M. Cicronem extiterit, notissimum est: quod utriusque violentæ, atque acerrimæ orationes ita demonstrant: ut neuter videri possit satis sui rationem habuisse, dum alteri male diceret. Qua in re non sunt multa referenda, cum ex Hieronymi Fabii auctori-

tate constet, eos homines longe aberrasse, qui confictas magis orationes ab aliis, quam a Sallustio et Cicerone habitas crediderint. Et sane tam corruptis moribus Sallustius, ingenio tam proclivi ad luxum fuit, ut paternam domum, vivente adhuc patre, turpissimâ ratione venalem haberet, quod illi inter alia vitia a M. Cicerone exprobratur. Sed a Verone etiam et Gellio traditum est, eundem fuisse in adulterio deprehensum ab Annio Milone, lorisque cæsum, ac data pecunia dimissum; qua ratione factum est, ut M. Cicero appellare illum non dubitaverit, mensarum asseclam, cubiculorum pelicem et adulterum. Dignitates publicas gessit, et quæsturæ, et tribunatûs honorem assecutus est, sed nulla quidem laude, aut commendatione, adeo libidine magis, quam ratione et publice et privatim vixit: nam et ad iudicium subsellia abstractus, fortuna extrema (ut inquit Cicero) stetit. Scribunt autem grammatici eâ de causa senatu ejectum fuisse a censoribus, quod ingenti libidine matronas consecraretur. Illud quoque de Sallustio relatum est, patrocinio et favore C. Cæsaris consecutum fuisse præturam Africæ inferioris, ex qua dives factus, cum in urbem rediret, pretiosissimos hortos in regione ad Malum punicum comparavit, ac Tiburti villam, quæ a Cicerone itidem illi objiciuntur. Neque desunt qui scribunt Terentiam M. Ciceronis uxorem ab eo repudiata, Sallustio nupsisse: ac deinceps Messalæ Corvino, viro in eloquentia clarissimo: quod etiam suo loco scripsimus. Sciendum est fuisse plures Sallustios: nam et Cneus a M. Tulio celebratur, in Sallustiorum familia insignis, et M. Ciceroni, ac Cn. Pompeio maxime familiaris; quod ex iis epistolis colligitur, quas Cicero ad Pomponium Atticum scribit: qua in re imprudenter quidam decepti sunt, cum Sallustii Empedoclea ignorarent; ut alibi demonstravi. Sunt qui tradunt, ad annum secundum et LX. eum vixisse, et in patria annis aliquot post obiisse: quod ex veterum commentariis colligitur. Illud præterea de hoc ipso Crispo Romæ circumlatum est, ut multi testantur.

*Hic erit, ut præhibent doctorum corda virorum,  
Crispus Romana primus in historia.*

# GERARDUS JOHANNES VOSSIUS

DE

## HISTORICIS LATINIS.

C. SALLUSTIUS Crispus natus Olympiad. CLXXIII. an III. quem ad annum Anonymus εν Ολυμπιαδων αναγραφη hæc annotat: Συλλα τας Αθηνάς εξεπολιορκησε μενός Αθηεστρατός. Κρίσπος Σαλου'ςιος ιστορίω γραφος γενεθη *Sylla Athenas expugnat secundo mense hiberno. Crispus Sallustius historicus nascitur.* Is est annus Urbis conditæ ΙϞCLXVIII. Ubi videmus Græcos scribere Σαλου'ςιος. Et sanè itidem in Mss. meis, et antiquioribus editionibus, vocatur in aliis Mss. et lapidibus. Marmor effosum juxta rudera Sallustianæ domus :

M. AURELIUS PACORUS  
ET M. COCCEIUS STRATOCLES  
EDITUI VENERIS HORTORUM  
SALLUSTIANORUM BASEM CUM  
PANIMENTO MARMORATO

DIANÆ  
D. D.

Neque aliter lapis alius, cujus vide scis inscriptionem apud Aldum de Orthographiâ. Natus autem est Amiterni in Sabinis, anno uno post natum Veronæ Catullum, ut notat Eusebius ad annum MDCCCXXI: quadriennio autem ante bellum obiit Actiacum, ut idem scribit ad annum MDCCCCLXXX. doctissimus Hieronymus Wolfius putabat, nomen ejus simplici L. scribi oportere, quia vel à sale sit, vel salute. Sed *ετυμος* utrumque est incertum. Et cur non à sale geminato LL. æque esse possit, ac ab eodem venit *sallo*, unde *sallitus*, pro salso? Quare puto, non recedendum esse à libris antiquis, atque inscriptionibus, in quibus L. geminatur. Tribunus plebis erat, quo anno Clodius à Milone occisus fuit, puta anno ΙϞCCII, quo Cn Pompeius Magnus, compluribus mensibus consul sine collegâ fuit. Tribunatu eo, quem nullâ cum laude gessit, ut Ciceroni, ita et Miloni, infestus admodum erat: idque quia in Faustæ, L. Syllæ filiæ, adulterio deprehensus, virgis à Milone esset cæsus, nec nisi pecuniâ datâ dimissus. Nempe istud in causâ est cur Clodianis semper studuerit adversus Milonem. Vide Pedianum, Gellium, Servium Horatii interpretes; item orationem sub Ciceronis nomine jam Augustæo, vel Tiberii ævo, editam. Ex quibus etiam discimus, ob adulteria ac stupra senatu fuisse motum ab Applo Claudio Pulchro, et L. Calpurnio Pisone Cæsonio coss. nempe anno Urbis ΙϞCCIII. sive juxta alios ΙϞCCIV. quo consule erant, L. Æmilius Paulus et C. Claudius Marcellus. Ejus è Senatu ejectionis meminit et Dio lib. XL. Ac ne alium Sallustium signari putes, clarè ait

id contigisse; *Σαλευσία, τῷ τῇ ἱστορίᾳ συγγραψάντι*. Eo anno Milo exulabat: unde consequitur, quod à Milone Tribuno pl. virgis cæsum dicebamus, id antea contigisse; non eo ipso anno, ut vir eruditus putabat. Etiam discimus iisdem ex *Scriptiōibus*, à C. Julio Cæsare, rerum potito, dignitatem Senatoriam recuperasse, quæstoremque factum, et postea etiam præturam obtinuisse. Præturæ mentionem quoque invenio apud Hirtium penè initio libri de bello Africano: *Item C. Sallustium Crispum, prætorém, ad Circinam insulam versus, quam adversarii tenebant, cum pater navium ire jubet; quod ibi magnum numerum frumenti esse audiebat*. Item apud Dionem lib. XLII. de hoc ipso legas; *Στρατηγός γὰρ ἐτί τῶν τῇ βουλῇ ἀναλαβεῖν ἀποδείκνυτο*. Narrat ibidem ut cum in Campania Cæsaris milites, quos in Africam premittere statuerat, seditionem concitassent; ac Sallustius prætor Romam contenderet, quò Cæsarem hujus rei faceret certior: propemodum fuerit occisus à compluribus militum, qui eum insequabantur, nec cuiquam parcebant, imò duos etiam senatores occiderant. Apud eundem lib. XLIII. refertur, ut Cæsar Numidiæ præfecerit Sallustium; ille autem provinciam expilaverit: ac à Cæsare quidem fuerit absolutus; sed infamiam non effugerit; quòd qui in historiâ acerbus esset alienorum castigat, turpiter ipse in hoc munere se dedisset. Ex hac enim prædâ Numidicâ ita ditatus fuit, ut in Quirinali monte forum emeret quod Sallustii vocatur, ubi nunc ædes S. Susannæ; item hortos, qui hodièque Sallustiani nominantur. Hæc ostendunt, vitam ejus laudari à nemine posse. Nempè omnis ejus gloria à prætoris scriptis proficiscitur. Sed vix ejus quicquam integrè ad nos pervenit, præter bellum Jugurthinum et Catilinarium: ita vulgò inscribuntur. Sed posterior genuina inscriptio, **DE CONJURATIONE CATILINARIA**. Testis Sallustius ipse his verbis: *Igitur de Catilinæ conjuratione, quam verissime potero, paucis absolvam*. At ex nobili historiarum opere, quo imprimis historici principis nomen meruit, nihil habemus præter quatuor oratiunculas, epistolas duas, et lacera aliquot fragmenta, quæ ex grammaticis antiquis, atque aliis scriptoribus collecta sunt. Duæ verò ad Cæsarem orationes, ut vocant, de Rep. ordinandâ, utrum Sallustii sint, non convenit inter eruditos. Carrio Sallustio adjudicant; et pro illo est, quòd veterum nemo, qui tantopere gaudent Sallustium ad partes advocare, indè aliquid depromat. Dissentit autem Douza, cui favent libri vet. et dicta ipsa, quæ, quicquid dicat Carrio, planè Sallustium redolent. Sin genuinæ non sint, negari tamen non possit, valdè esse antiquas, et quidem Juliani, aut Augustæi ævi: saltem non infra Flavianum. Sed genuinas esse arbitror, non tamen ut orationes esse putem, sed epistolas duntaxat. Nam posterioris auctor bis ait, se illâ scribere, ac desertim literas appellat. Planèque verisimile est, missas esse ad Cæsarem, cùm in Hispanias contra Petreium et Afranium proficisceretur: quemadmodum jamdudum Ciacconius observavit. Illa verò in Ciceronem oratio, etsi à Fabio quoque tanquam Sallustii laudetur: tamen, quod res indicat,

omninò est alicujus declamatoris : credo Porcii Latronis, vel alterius alicujus, ex illis, quos nominat M. Seneca in Suasoriis, et Controversiis. Fidem ejus valde commendant antiqui. Nam *cértissimus auctor* dicitur Vibio Sequestri de Fluminibus. Item Hieronymo libro de locis Hebraicis, et exindè Isidoro lib. XIII. cap. xxi. Ad hæc *nobilitatè veritatis historicus* nuncupatur ab Augustino; lib. I. de Civitate Dei, cap. v : Avienus etiam in descriptione oræ maritimæ, dicit omnia illius dicta esse *prejudicata auctoritatis*, appellat quoque *expressorem efficacem styli et veritatis*. Objectant adversus ea aliqui, quod, pravo loliginis succo, pleraque ad Ciceronis laudem pertinentia, quæ apud alios legere sit, præterierit. Verùm ea potius neglexisse ego arbitror, vel ut falsa, vel ut incerta planè, vel ut exigua ac minuta. Quod ad dictionem Sallustii attinet, omnes antiqui judicant, brevem ac nervosam esse, et Thucydideæ æmulam. Sanè scriptor est planè Atticus, quâ laude Demostheni proprius est, quàm Cicero ipse ; ut benè censet Turnebus in adversariis suis. Sed ut Thucydidem non omnes probârunt, ita nec Sallustii dicta omnibus probabantur. Nam Asinius Pollio damnabat eam, tanquam obscuram, et in translationibus audacem : ut Tranquillus auctor est, lib. de claris grammaticis in Philologi vitâ. Imprimis verò reprehendi solet, quòd antiqua verba ex Catonis Originibus exciperet : cujus rei meminere Augustus apud Tranquillum in ejusce Cæsaris vitâ, idemquo Tranquillus, lib. de claris grammaticis in vitâ Lenæi, et Fabius ex antiquo epigrammate, lib. VIII. cap. iii. Sed hæc impedire non potuere quòd minùs à Tacito (at quanto viro ! *rerum Romanorum florentissimus auctor*, lib. III. Historiarum diceretur.) Imò Juxta Martialem lib. XIV. *Crispus Romana primus in historia* est. Augustino quoque lib. de vitâ beatâ, vocatur *electissimus pensator verborum*. Imò Græci ipsi ejus historias tanti fecere, ut eas verterit Zenobius, sophista is, qui Romæ docuit sub Adriano Cæsare ; quique epitomen proverbiorum Didymi, et Tarrhæi scripsit : ut testis est Suidas in *Ἑρμολογ.* Atque indè est, quòd Sallustii quoque meminit Stephanus in *Ῥητορικῇ.* Utinam verò extaret Asper Grammaticus, Sallustii interpres, teste Hieronymo. Quædam ex eo citat Sosipater. Johannes Baptista Pius annotationum posteriorum cap. LXXIV. citat antiquum auctorem, qui vitam Sallustii scripsit. Eum non vidi. Sed scito vitam Sallustii è veteribus reliquisse Asconium Pedianum ; ut cognoscere est ex Acrone, ad Horat. Sat. 2. lib. I. E junioribus idem conati Pomponius Lætus, et Petrus Crinitus. Sed his fides habenda, quatenùs veterum scrinia compilarunt. Cave autem cum Sallustio hoc confundas Crispum Sallustium, ad quem in odis scribit Horatius, historici hujus sororis filium, Augusti amicum, de quo Seneca, lib. I. de Clementiâ, et Tacitus, lib. II. et III. annal. A quo et metellam quoddam Sallustianum esse dictum, Plinius auctor est, lib. XXXIV. cap. ii.

# VETERUM SCRIPTORUM,

ET NONNULLORUM RECENTIORUM DE SALLUSTIO JUDICIA ET  
TESTIMONIA.

## AUGUSTUS CÆSAR.

*Suetonius, in vitâ Augusti.*

TUQUE dubitas Cimberne Annii, an Verrius Flaccus imitandi sint tibi? Ita ut verbis, quæ Crispus Sallustius excerptis ex Catonis Originibus, utaris, an potius Asiaticorum orationem inanibus sententiis, verborum volubilitas in nostram sermonem transferenda?

*Velleius Paterculus, Hist. lib. 2.*

Æmulus Thucydidis Sallustius.

Penè stulta est inherentium oculis ingeniorum enumeratio: inter quæ maxime nostri ævi eminent, princeps carminum Virgilius, Rabiriusque, et consecutus Sallustium Livius, Tibullusque et Naso, perfectissimi in formâ operis; nam virorum ut magna admiratio, ita censura difficilis est.

*Horatius, serm. lib. 1. sat. 2.*

*Libertinarum dico: Sallustius in quas*

*Non minùs incipit, quàm qui mœchatur.—*

*Asconius Pedianus.*

Fertur Sallustius tanto ardore insanivisse in libertinas, quanto mœchus in matronas: quod cum illi in senatu à censoribus objectum esset, respondet, se non matronarum, sectatorem esse: quare ex senatu ejectus est, quod ipse excusat, in Catalinæ bello.

*Hæc vetus interpres Horatii.*

*Seneca Rhetor. Decl. lib. 3.*

Orationes Sallustii in honorem historiarum legantur.

*Seneca Philosophus, Epist. 114.*

Sallustio vigente, amputatæ sententiæ, et verba ante expectatum cadentia et obscura brevitas fuere pro cultu. Arruntius vir raræ frugalitatis, qui historias belli Punici scripsit, fuit Sallustianus, et in illud genus nitens.

*Et ibidem.*

Quæ apud Sallustium rara fuerunt, apud Arruntium crebra sunt, et penè continua: nec sine causâ; ille enim in hæc incidebat, at hic illa quærebat;

*Et lib. 9. Deci 1. et Controvers. 25. lib. 5.*

Cum sit dræcipua in Thucyde virtus, brevitatis; hæc eum Sallustius vicit, et in suis illum castris cecidit. Nam in sententiâ Græcâ tam brevi, quam salvo sensu detrahas vocem aliquam, constabit sensus, etiamsi non æquè comtus, attamen integer: et ex Sallustii sententiâ nihil demi sensus detrimento potest. Titus autem Livius tamè iniquus Sallustio fuit, ut hanc ipsam sententiâ, et tamquam translatam, et tamquam corruptam, dum transferretur, objiceret Sallustio: nec amore Thucydidis facit, ut illum præferat; sed laudat, quem non timet: et facilius putat posse à se Sallustium vinci, si antè à Thucyde vincatur.

*Martialis lib. 14.*

*Hic erit, ut perhibent doctorum corda virorum,  
Crispus Romanâ primus in Historiâ*

*Quintilianus, lib. 2. cap. 5.*

Livius à pueris magis legendus, quàm Sallustius, et hic historiarum majoris est auctor; ad quem tamen intelligendum jam profectu opus sit.

*Et lib. 3. cap. 10.*

Crispus Sallustius in bello Jugurthino et Catilinario nihil ad historiam pertinentibus principiis ortus est.

*Et lib. 4. cap. 2.*

Vitanda illa Sallustiana, quamquam in ipso virtutis locum obtinet, brevitatis, et abruptum sermonis genus: quod otiosum fortasse lectorem minùs fallit, audientem transolvat, nec, dum, repetatur, expectat.

*Et lib. 8. cap. 3.*

Nec minùs noto Sallustius epigrammate incessitur;

*Et verba antiqui multùm furate Catonis,  
Crispe Jugurthinæ conditor historiarum.*

*Et lib. 9. cap. 3.*

Ex Græco translata Sallustii plurima.

*Et lib. 10. cap. 3.*

Neque, ille Sallustiana brevitatis, quâ nihil apud aures vacuas atque eruditae potest esse perfectius, apud occupatum variis cogitationibus judicem et sæpius ineruditum captanda nobis est: neque illa Livii lactea ubertas docebit satis eum, qui non speciem expositionis, sed fidem quaerit.

*Et ibidem.*

At non historiâ cesserit Græcis; nec Thucydidi opponere Sallustium verear: nec indignetur Herodotus æquari sibi T. Livium, cum in narrando miræ jucunditatis, clarissimique candoris; tum in concionibus, suprà quam narrari potest, eloquentem: ita dicuntur omnia tum rebus tum personis accommodata: sed affectus quidem, præcipuè eos qui sunt dulciores ut parcissimè dicam, nemo historicorum commendavit magis: idèoque immortalẽ illam Sallustii velocitatem diversis virtutibus consecutus est; nam mihi egregiè dixisse videtur Servilius Nonianus, parès eos magis quàm similes.

*Et ibidem.*

Atticis præcis conclusionibus obscuri, Sallustium atque Thucydidem superant: tristes ac jejuni Pollionem æmulantur: otiosi et supini, si quid modò longius circum dixerunt, jurant Ciceronem ita locuturum fuisse.

*Et lib. 11. cap. 3.*

Sanè manifestus est Sallustii ex ipso opere labor.

*Statius Papinius, lib. 4.*

*Sed tuas artes puer antè discat:  
Omne qui mundi senium remensus,  
Orsa Sallust brevis, et Timari  
Reddès alumnus.*

*Cornelius Tacitus, Hist. lib. 3.*

C. Sallustius rerum Romanorum florentissimus auctor.

*Justinus Hist. lib. 38.*

Pompeius Trogus in Livio et Sallustio reprehendit, quòd conciones directas, ac orationes operi suo inserendo historiarum modum excessarint.

*Au. Gellius lib. 1. cap. 15. Noct. Atticæ.*

Sallustius novator verborum.



*Et lib. 3. cap. 1.*

Sallustius vel subtilissimus brevitatis artifex.

*Et lib. 4. cap. 15.*

Elegantia orationis Sallustii, verborumque facundia et novandi studium cum multâ prorsus invidiâ fuit; multique non mediocri ingenio viri conati sunt reprehendere ple-  
raque et obtrectare, in quibus plura inscitè aut malignè vellicant: nonnulla tamen videre  
possunt non indigna reprehensione.

*Et lib. 10. cap. 20.*

Sallustius proprietatis in verbis retinentissimus consuetudini concessit.

*Et lib. eod. cap. 26.*

Asinio Pollioni in quâdam epistolâ, quam ad Planconem scripsit, et quibusdam aliis C.  
Sallustio iniquis, dignum notâ visum est, quòd, &c.

*Et lib. 17. cap. 18.*

M. Varro in literis atque vitâ, fide homo multâ, et gravis, in libro quem inscripsit,  
*Pius*, aut, *De Pace*, C. Sallustium scriptorem seriæ illius et severæ orationis, in cujus  
historiâ notiones censorias fieri atque exerceri videmus, in adultero deprehensum ab  
Annio Milone loris bene cæsum dicit, et, cum dedisset pecuniam, dimissum.

*Suetonius de Claris Grammaticis: de Philologo.*

Asinius Pollio librum scripsit, in quo Sallustii scripta reprehendit, ut nimîâ verbo-  
rum affectatione obita.

*Et ibidem.*

Philologus coluit familiarissimè C. Sallustium, et eo defuncto Asinium Pollionem,  
quos historiam componere aggressos, alterum breviario rerum Romanorum, ex quibus  
quas vellet eligeret, instruxit; alterum præceptis de ratione dicendi: quò magis miror  
Asinium Pollionem credidisse, antiqua eum verba et figurâ solitum esse colligere Sal-  
lustio, cum sciat eum sibi nihil aliud suadere, quàm ut noto, civilique, et proprio ser-  
mone utatur, viteturque maximè obscuritatem Sallustii, et audaciam in translationibus.

*Et de Lenzæ.*

Lenzæ tanto amore erga patroni (Pompeii) memoriam exstitit, ut Sallustium histo-  
ricum, quòd eum oris improbi, animo inverecundo, scripisset, acerbissimè satira  
laceraverit, lustrum, et lurconem, et nebulonem, popinonemque appellans, et vitâ  
scriptisque monstrosum, præterea priscorum Catonisque verborum ineruditissimum  
furem.

*Macrobius, Sat. 3. cap. 15.*

Sallustius gravissimus alienæ luxuriæ objurgator et censor.

*Et lib. 5. cap. 1.*

Quatuor sunt genera dicendi: copiosum; in quo Cicero dominatur: breve; in quo  
Sallustius regnat; siccum; quod Frontoni adscribitur: pingue et floridum; in quo Pli-  
nius Secundus quondam; et nunc, nullo veterum minor, noster Symmachus luxuriatur.

*Symmachus, lib. 1. Epist. 66.*

Interea recuso sententiam, quæ rem venaticam servile dicit officium. Statuerit hoc  
scriptor stilo tantum probandus; nam morem ejus datina non sinunt, ut ab illo agendæ  
vitæ petatur auctoritas.

*Ansonius, in Protreptico.*

*Jam facinus, Catilina, tuum, Lepidique tumultum.*

*Ab Lepido et Catulo jam res et tempora Romæ,*

*Orsus, bis senos seriem connecto per annos:*

*Jam lego civilis mistum Mavore duellum,*

*Movit quid socio Sertorius exsul Ibero.*

*Sidonius Apollinaris, in Panegyrii Athenii Augusti.*

*Quâ Crispus brevitate placet, quo pondere Varro,*

*Quo genio Plautus, quo flumine Quintilianus,*

*Quâ pompâ Tacitus, namquam sine laude loquendus.*

*Et in Panegyri Narbonensi :*  
*Et te multimodâ satis verendum*  
*Scriptorem numerositate, Varro :*  
*Et te quâ brevitâte, Crispe, polles :*  
*Et que pro ingenio fluente, nulli,*  
*Corneli Tacite, et tacendus ori.*

*Apuleius, in Apologiâ.*

Neque Cato gravitatem requirit, neque Lælius levitatem, neque Gracchus impetum, nec Cæsar calorem, nec Hortensius distributionem, nec Calvus argutias, nec parcimoniâ Sallustius, nec opulentiam Cicero.

*Festus Avienus, in Orâ Muritimâ.*

*Interrogasti, si teneas, Mæotici*  
*Situs quâ esset æquoris : Sallustium*  
*Nôram id dedisse, dicta et ejus omnibus*  
*Præjudicatæ auctoritatæ ducier*  
*Non abnuebam : ad ejus igitur inclytam*  
*Descriptionem (quâ locorum formulam*  
*Imaginemque, expressor efficax styli*  
*Et veritatis, penè in obtutus dedit*  
*Lepore lingue) multa rerum junximus.*

*Vibius Sequester : lib. de fluminibus.*

Sallustius auctor certissimus.

*Marius Victorinus, in librum Cic. de inventione.*

Historia et brevis esse debet in expositione, et aperta et probabilis, ut Sallustius sibi omnis in Catalinâ tribuit.

*Spartianus, in D. Hadriano.*

Amavit (*Hadrianus*) genus dicendi vetustum, controversias declamavit, Ciceroni Catonem, Virgilio Ennium, Sallustium, Cælio prætulit : eâdemque jactatione de Homero ac Platone judicavit.

*Vopiscus in Aureliano.*

Nemo scriptorum, quantum ad historiam pertinet non est aliquod mentitus, in quo Livius, in quo Sallustius, in quo Cornelius Tacitus, in quo denique Trogus, manifestis erroribus convincerentur.

*Et in Probo.*

Et mihi quidem id animi fuit, non ut Sallustius, Livios, Tacitos, Trogos, atque omnes disertissimos imitarer viros, sed Marium Maximum, Suetonium Tranquillum, &c.

*Et lib. 2. cap. 13.*

Quod quidem non fugit hominem nequam Sallustium, qui ait : Sed omnis nostra, vis in animo et corpore sita est ; animi imperio, corporis servitio majis utimur. Rectè, si ita vixisset, ut locutus est. Servivit enim fœdissimis voluptatibus, suamque ipse sententiam vitæ pravitate dissolvit.

*Hieronymus, in Epitaph. Nepotiani ad Heliodorum.*

Neque enim proposui historiam scribere, sed nostras breviter flere miseras. Alioquin merito ad hæc explicanda et Thucydides et Sallustius muti sint.

*Et lib. 1. adversus Jovianum.*

Cicero rogatus ab Hirtio, ut post repudium Terentiæ sororem ejus duceret, omnino hæc facere supersedit, dicens, non posse uxori se et Philosophiæ pariter operam dare. Illa interim conjux egregia, et quæ de fontibus Tullianus hauserat sapientiam, nupsit Sallustio inimico ejus, et tertio Messalæ Cornivo, et quasi per quosdam gradus eloquentiæ devoluta est.

*Idem de locis Hebraicis, et ex eo Isidorus Orig. lib. 13. cap. 21.*

Sallustius, auctor certissimus.

*Augustinus de Civitate Dei, lib. 1. cap. 5.*

Sallustius nobilitate veritatis historicus.

*Et Epist. 5 ad Marcellinum.*

Nobilissimus historicus.

*Johannes Sarisberienses, Polycritica 3. cap. 11.*

Unde et Crispo Historicorum inter Latinos potissimo, sed et ipsi Ciceroni placuit: in malis factionem esse, quod in viris bonis vera amicitia est.

*Volaterranus.*

Cajus Sallustius Crispus, Romanâ primus in historiâ, ut ait Martialis: Thucydidi ex Græcis opponitur à Quintiliano, elegantia dicendi, atticâ brevitate, sententiarum celebritate. Taxatur autem à Pollione, ut nimis antiquarius, et ex Catonis Originibus verba mutuatus. Trogo autem, quod orationibus nimis longis ac directis utatur: sicuti etiam Thucydides: Hic ille inimicus Ciceronis, divitiis præditus, cujus hortorum vestigia adhuc cernimus Romæ: quorum Plinius quoque meminit libro Naturalis historię septimo, capite decimo sexto. Hic etiam ille alienę luxurię gravissimus oburgator et censor, qui Metellum Plum in historiâ reprehendit, quod præter ejus et populi Romani dignitatem et modestiam, conviviis in Hispaniâ, omnique luxu uteretur. Postea verò ipse deprehensus in adulterio, ab Annio Milone, et loris bene cæsus, et postquam pœnas dedisset, dismissus est. Auctores Varro et Macrobius, Aulus Gellius.

*Petrarcha.*

Crispus Sallustius nobilis historicus veritatis (sic enim de illo apud auctores verissimos scriptum video) quò fidelius ars Africæ complecteretur, libros Punicos perquisivit, peregrinamque linguam, per interpretem, flagranti studio scrutatus est, quin et maria transgressus dicitur, ut oculis suis crederet de conditionibus locorum. Bellum Jugurthinum, conjurationemque Catilinæ, compendiosa ad unguem, ut dici solet, castigato stylo complexus est: sed nullo famosior quam Historiarum libro, qui ætati quoque nostræ, ne certum ejus sileam dedecus amissus est; veterum quidem testimonio illustris, apud nos solo jam nomine superstes.

*L. Vives.*

Sallustius rerum Romanorum florentissimus scriptor, ut inquit Tacitus, frequens est in manibus puerorum, sed mihi aptior videtur provectionibus. Inimitabilis est in illius scriptis gratia: quæ quotiescunque repetita, nunquam tædium sui, aut satietatem lectori afferat.

*Qu. Estaugius.*

Nemini dubium est Sallustium plures majoresque historiarum libros scripsisse: qui partim temporum injuriâ, partim invidiâ hominum jamdudum periëre. Neque absurdum est inde suspicari, si bellum Jugurthinum, quod ipse non vidit, et tamen Romanis suis ita diligenter notavit, ea quoque memoriæ mandasse, quæ suo tempore potissimum contingere: quemadmodum contentionem inter Marium Sullamque ortam, ob bellum Mithridaticum: Octavii, Mariique necem; Africam Pompeii Magni victoriam: Sullæ tyrannidem: Metelli Pompeique in Hispanias missionem: Sertorii, pugneque ejus finem: Gladiatoreum bellum: Tribunatum plebi restitutum: Pyrratarum exitium: Syriam victam: et cum his pleraque aliâ, quæ à Sallustii nativitate usque ad Catilinæ conspirationem gesta sunt, ubi interfuerant anni exacti viginti et quinque. Deinde, à Catilinæ conjuratione usque ad Sallustii obitus, etiam ardua haud pauca acciderunt: velut, Magni Pompeii triumphus: Ciceronis exsilium, et trucidatio: Gallicum bellum: Clodius interemptus: res publica oppressa: Africana expeditio; Julius Cæsar confossus: Octaviani Aug. imperium: L. Antonii seditio. Quare haud facillè creditu, tam diligentem historicum hæc Romana omisisse. Sed hanc, pro dolor! jacturam debemus aut Gothis et Vandalis orbis devastatoribus: aut Ciceronianis vel Livianis Sallustio infensissimis: nam iste Patavinus tunc viginti quatuor annorum natus erat, cum Sallustius ex humanis cessit: cujus tandem libri etiam à jacturâ, quatumvis mitiore, immunes non fuerunt. Sic ex Livio parum superest: ex Ennio ferè nihil: ex Sallustio pauca, uti res humanæ semper fuerunt. Præterea nos abs re, à quibusdam dicitur inimitabilis, veluti liquet vel ex auctoribus, qui post eum de Jugurthâ scripserunt: ut Livius, et

C

at abbreviatores ejus præsertim Florus, lib. iii. cap. et lib. lxii: Orosius, lib. v. cap. 15. Valerius Maximus, lib. iii. cap. 2. et lib. vi. cap. 11. Frontinus, lib. 1. cap. 8. et lib. ii. cap. 1. et 4. Eutropius, lib. iv. cap. 8. Plinius, et alii, qui ad tantam dicendi gratiam nunquam pervenerunt. Vir ille, clarissimus philosophus, orator magnus, verus historicus, adversarios habuit Ciceronem in primis, propter Terentiam: Asinium Pollionem propter Ciceronem: Titum Livium, propter scribendi famam; qui cum suis curarunt assidue, ut non omnino Sallustii vitium cum scriptis ejus oblivioni traderetur. Ità similitudo illa studii, raro benevolentiam, æmulationem potius affere solet.

*Julius Cæs. Scaliger, Oratione pro Cicerone:*

Id quod est Sallustius omnium scriptorum numerosissimos nusquam aspernatus est.

*Et ibidem.*

A Sallustio autem breviter illam peti debere, cum scribis; neque quid velis, intelligo, neque tam vulgi animo conceptam, adeo persuasam, adeo decantatam in illo viro breviter unquam comprehendo. Nam si, quoniam frequentibus asyndetis utitur, aut quod non longis periodis ambit argumenta rerum, properare tibi videtur, isto tibi quoque pacto brevibus atque interceptis saltibus centum miliariorum iter minus longum videbitur, quam unius modo stadii intervallum, quod uno spiritu confeceris. Aut contra videmus Sallustium ipsum, cum quid semel dicendum assumpsit, adeo perstare, ut sæpenumero egredi videatur, &c.

*ibidem:*

Neque verò Sallustium, politissimum auctorem, rejiciunt (Ciceroniani:) sed anxium illud atque insititium dicendi genus, sed multa superstitiosa verba.

*Idem, lib. 4. Poët. cap. 24.*

Quasi verò commentarium scripserit ille, non historiam pleniorē; qui sit historiarum pater appellatus.

*Et lib. 3. cap. 96. \**

Ambitiosè igitur fecisse videtur Sallustius quibusdam, quod poetarum more, cum dicere orsus esset de Catilinā, omissā eā narratione, repetit historiam ab ipsis ultimis Romæ rudimentis. Nos virum, in suo genere præstantem, cum rectè, tum necessariò, fecisse judicamus; ut ostenderet corruptam civitatem, cujus et pars esset Catilinā.

U. SALLUSTII CRISPI

# CATILINA,

SEU

## BELLUM CATILINARIUM.

---

<sup>a</sup> Omnia, homines qui <sup>1</sup> sese student præstare cæteris animalibus, summâ ope niti decet, vitam silentio ne transeant, veluti pecora, quæ natura prona, atque ventri obedientia, finxit. <sup>b</sup> Sed nostra omnis vis in animo et copore sita est. Animi imperio, corporis servitio, magis utimur. Alterum nobis cum dis, al-

### INTERPRETATIO.

<sup>1</sup> *DECET omnes homines, qui transeant vitam nihil agendo, sicut student, sese præstare cæteris animalibus, conari totis viribus ne pecora, quæ natura fecit in terram propensa, et ventri obedientia.*

### NOTÆ.

<sup>a</sup> *OMNIS.*] Accusativus pluralis. Solebant enim veteres nomina in *is* desinentia in singulari, eodem sono efferre in accusativo plurali; mutata tamen syllabâ *ois*, quâ terminabantur olim accusativi illi plurales.  
<sup>b</sup> *Sed.*] Hic non est adversativa: posita est vocula pro *verum*, antem, Gallicè *Or.*

terum cum belluis commune est. <sup>1</sup> Quo mihi rectius videtur, ingenii, quàm virium, opibus gloriam quærere; et quoniam vita ipsa, quâ fruimur, brevis est, memoriam nostri quàm maximè <sup>2</sup> longam efficere. Nam divitiarum et formæ gloria, fluxa and fragilis est: virtus clara, æternaque habetur. Sed diu magnum inter mortales certamen fuit, vi-ne corporis, an virtute animi, res militaris magis procederet. <sup>3</sup> Nam et prius, quàm <sup>b</sup> incipias, consulto, et, ubi consulueris, maturè facto, opus est. Ita utrumque per se indigens, alterum alterius auxilio eget. Igitur initio reges (nam in terris nomen imperii id <sup>c</sup> primum fuit) <sup>d</sup> diversi, pars ingenium, alii corpus, exercebant: etiam tum vita hominum sine cupiditate agitabatur; <sup>3</sup> sua cuique satis placebant. Postea verò quàm in Asiâ <sup>e</sup> Cyrus, in Græcia Lacedæmonii et Athenienses <sup>4</sup> cæpere urbes, atque nationes subigere: lubidinem dominandi causam belli habere: maximam gloriam in maximo imperio putare; tum demum periculo, atque negotiis compertum est, in bello plurimum ingenium posse. Quòd si regum, atque imperatorum animi virtus in pace ita, ut in bello, valeret, <sup>f</sup> æquabilius, atque constantius sese res humanæ haberent; <sup>5</sup> neque aliud alio ferri, neque mu-

## INTERPRETATIO.

<sup>1</sup> Quapropter videtur mihi rectius, quærere gloriam opibus et facultatibus ingenii, quam opibus virium, corporearum.

<sup>2</sup> Nam ex altera parte oportet deliberare, priusquam incipias; et ex altera oportet tempestive exequi, postquam consulueris.

<sup>3</sup> Unusquisque sic satis contentus erat iis quæ possidebat.

<sup>4</sup> Postquam verò Cyrus in Asiâ Lacedæmonii et Athenienses in

Græciâ, cæperunt in suam potestatem redigere urbes atque nationes; habere lubidinem dominandi pro causâ belli; putare maximam gloriam in maximo imperio sitam esse: tum denique compertum est experientiâ atque negotiis ingenium plurimum posse in bello.

<sup>5</sup> Neque videres opes et divitias ex hac aut illâ regione, in aliam deportari.

## NOTÆ.

<sup>a</sup> Longam.] Hoc vult Sallustius, ut unusquisque hominum recordationem, præclaris factis mereatur, itaque in ipsorum vivat memoriâ.

<sup>b</sup> Incipias.] Id est, quilibet incipiat. Hæ locutiones per secundam singularis numeri personam sunt frequentissimæ et elegantissimæ. Iis utimur etiam cum ad multitudinem præsentem sermo dirigitur.

<sup>c</sup> Primuni.] Id est, vocati sunt Reges qui primi dominium exercuerunt in gentes. Quod quidem auctoris sensu, intelligendum est, quatenus, cum aliis, initium rerum repetit ex profanis autoribus.

<sup>d</sup> Diversi.] Id est, diversas vias insistentes.

<sup>e</sup> Cyrus.] Cambysis et Mandanes filius, qui imperium Medorum ad Persas transtulit. Cur verò ejus meminerit Sallustius, cum ante Cyrum, Ninus Assyriorum Rex Asiam bello vastaverit, crediderim esse factum, quia ante Cyrum obscurata sit admodum rerum memoria; neque ante ipsum satis cognitum fuerit vi-ne corporis an virtute animi res militaris magis procederet.

<sup>f</sup> Equabilius.] Id est, magis suum et eundem statum obtinerens. Gall. *Auroient un cours bien plus réglé.*

tari, ac misceri omnia cerneret. Nam imperium facile his artibus retinetur, quibus initio partum est, Verùm, ubi pro <sup>a</sup> labore, desidia; pro <sup>b</sup> continentia et <sup>c</sup> æquitate <sup>d</sup> lubido atque <sup>e</sup> superbia invasere; fortuna simul cum moribus <sup>f</sup> immutatur. Ita imperium semper ad optimum quemque à minùs bono transfertur. Quæ homines <sup>g</sup> arant, navigant, ædificant, virtuti omnia <sup>h</sup> parent. Sed multi mortales, dediti ventri, atque somno, indocti, incultique, vitam sicuti <sup>i</sup> peregrinantes transigere. Quibus profectò, <sup>j</sup> contra naturam, corpus voluptati, anima oneri, fuit; eorum ego vitam, mortemque <sup>k</sup> juxta æstumo, quoniam de utraque siletur. Verùm enimvero is demum mihi vivere, et frui animam, videtur, qui aliquo negotio intentus, præclari fascinoris, aut artis bonæ, famam querit. <sup>l</sup> Sed in magnâ copiâ rerum, aliud alii natura iter ostendit. Pulchrum est bene facere reipublicæ, etiam bene dicere haud absurdum est. Vel pace, vel bello, clarum fieri licet; et qui fecere, et qui facta aliorum scripsere multi laudantur. <sup>m</sup> Ac mihi quidem, tametsi haudquaquam par gloria sequatur scriptorem, et actorem rerum; tamen in primis arduum videtur, res gestas scribere: primum quod facta

INTERPRETATIO.

<sup>1</sup> Omnia obediunt virtuti, et illi subjecta sunt.

<sup>2</sup> Ego tanti facio mortem illorum ac vitam.

<sup>3</sup> Atque quanquam scriptor rerum

gestarum nullo modo, nec mereatur, nec obtineat eandem gloriam quam consequitur ille, qui eos perficit; at tamen videtur mihi quidem, in primis, difficile scribere historiam.

NOTÆ.

<sup>a</sup> Laborem.] Labor hic positus est pro pensione ad Laborem; pro laboriositate, si ita loqui liceret: opponitur enim desidia.

<sup>b</sup> Continentia.] Apud politicos, addeoque et Historicos persæpe non idem dicit quod apud Philosophos. Hi per continentiam eam virtutem intelligunt, quæ moderatur appetitui circa cibum, potum, &c. Illis verò continentia est quæ homo qui sedet in gubernaculo reipublicæ, abstinet ab omni injustâ exactione.

<sup>c</sup> Equitate.] Plus est Equitas quam Justitia. Hæ suas habet formulas ita digestas, ut sæpe summum jus summa sit injuria: at verò Equitas illud unum respicit quod in se, et revera æquum et bonum est? judicat ex foro conscientiæ; quandoque leges transgreditur justitiæ; imò contra eas facit.

<sup>d</sup> Lubido.] Eâ est cum homo politicus, quomobrem aliquid injusti incipiat in-

terrogatus, is respondet, quia lubet. Alibi aliud lubido indigitat.

<sup>e</sup> Superbia.] Tyrannidis gradus est ultimus et supremus, cum scilicet rex aliquis cum fastu, et fastidio perinde injustitiam suam in subditos exercet, ac si bruta essent, aut villæ mancipia.

<sup>f</sup> Immitatur.] Id est, ex favente fit adversa.

<sup>g</sup> Arant.] Id est, quæcumque terræ cultura crescant. Navigant, id est, navigationibus comparantur. Sed insolentior est tropus.

<sup>h</sup> Peregrinantes.] Quasi essent à vita extranei, quosque minime tangat quicquid in eâ est.

<sup>i</sup> Contra naturam.] Omnino, nam secundum eam, qui minor est servit majori; animus verò corpori præstat.

<sup>k</sup> Sed in magnâ, &c.] Sensus est. Cum tam variæ sint artes, quibus gloria comparari possit, naturam diversè hunc aut illum ad quamlibet instituere.

dictis <sup>a</sup> exæquanda sunt; dehinc quia plerique, quæ delicta reprehenderis, malevolentia, et invidia, dicta putant. Ubi de magnâ virtute, atque gloria bonorum memores; <sup>1</sup> quæ sibi quisque facilia factu putat, æquo animo accipit; supra, ea veluti ficta pro falsis ducit. Sed ego adolescentulus, initio, sicuti plerique, <sup>2</sup> studio ad rempublicam <sup>b</sup> latus sum; <sup>c</sup> ibique mihi multa adversa fuere. Nam pro pudore, pro <sup>d</sup> abstinentiâ, pro <sup>e</sup> virtute, audacia, <sup>f</sup> largitio, avaritia, vigeant. Quæ tametsi animus aspernabatur, insolens malarum artium, tamen inter tanta vitia imbecilla ætas, ambitione corrupta, tenebatur. Ac me, cum ab reliquis malis moribus dissentirem, nihilominus honoris cupido eadem, quæ cæteros, <sup>g</sup> fama, atque <sup>h</sup> invidia vexabat. <sup>3</sup> Igitur, ubi animus ex multis

## INTERPRETATIO.

<sup>1</sup> Unusquisque legit et audit cum æquitate animi ea, quæ putat sibi factu facilia: ea verò quæ sunt supra, et sibi impossibilia, habet pro falsis, veluti ficta.

<sup>2</sup> Magno cum affectu conatus sum munus aliquod in republicâ suscipere.

<sup>3</sup> Igitur cum animus fuit mihi liber à multis curis et sollicitudinibus, atque periculis et discriminibus, et constitui vitam reliquam mihi transigendam esse procul à

republicâ, nolui perdere bonum otium, animi socordiam et ignaviâ aut corporis desidiam et segnitie; neque verò volui me intentum servilibus officiis transigere vitam colendo agrum, aut venando; sed postquam regressus sum ad institutum et studium, à quo ambitio mala avocaverat me, constitui perscribere res gestas Pop. R. carptim prout singula videbantur digna hominum recordatione.

## NOTE.

a *Exæquanda.*] Ea demum scriptoris laus est, cum ita ille orationem suam ex ipsis rebus effingit, ut in scripturâ et picturâ, quam fuerit in re, et exemplari, nec plûs, nec minùs conspiciatur.

b *Latus sum.*] Id est, eadem lubidine quâ ceteri ad magistratus anhelabant, quasi turbine correptus sum. At enim, vide mihi, quæso, quâ solertiâ errata sua excuset Sallustius: vult ille videri grassante pravitare, et quasi æstu quodam, sublatu.

c *Ibique.*] Id est, in muneribus adipiscendis et gerendis.

d *Abstinentiâ.*] Eadeni est atque innocentia et continentia.

e *Virtute.*] Propriè, hoc in loco, eam virtutem indicat, quâ quis animo est præstanti et elato. Gall. *La noblesse du courage.*

f *Largitio.*] Qui ad honores aspirabant, quandoque epulis et conviviis populi suffragia captabant, et illius auram venabantur; quandoque frumenta distribuebant, &c. Illud est largitio; atque

ut largirentur, opus erat omnino aliquos expilare.

g *Fama.*] Quo modo reponit Sallustius famam in malis moribus? Qui scilicet ille, sicut et reliqui, eam sibi malis artibus, quas excusat tamen, quantum potest, magnam facere studebat; ambiendo, &c.

h *Invidia.*] Mirè se hîc torquent interpretes: quidam textum corrigunt; alii invidiam exponunt, quasi Sallustius maligna invidorum iudicia expertus fuerit. At certò illud non agitur: autor enim loquitur de malis moribus, quibus et ipse corruptus fuerat; quod patet ex eò quòd se dicit à reliquis dissentire. Ergo, quam cunctanter à doctissimorum virorum sententiâ discedo, pace ipsorum discedo tamen. *Invidia*, uti quidem arbitrò, nihil est aliud quàm idem ille morbus, quo hodieq; laborant omnes qui nimio affectu, se præponi postulant sis, qui sibi grati præpollent apud principem aut populum.



miseriis, atque periculis requievit, et mihi reliquam ætatem <sup>a</sup> à republica procul habendam decrevi, non fuit consilium, socordia, atque desidia, bonum otium contere: neque verò, agrum colendo, aut venando, <sup>b</sup> servilibus officiis intentum, ætatem agere; sed à quo incepto, studioque me ambitio mala detinuerat, eodem regressus, statui res gestas populi Romani carptim, ut quæque memoriâ digna videbantur, præscribere: eò magis, quòd mihi à spe, metu, <sup>c</sup> partibus reipublicæ, animus liber erat. Igitur de Catilinæ conjuratione, quàm verissimè potero, paucis absolvam. Nam id facinus in primis ego memorabile existimo, sceleris atque periculi novitate, de cujus hominis moribus pauca priùs explananda sunt, quàm initium narrandi faciam.

L. Catilina <sup>d</sup> nobili genere natus, fuit magnâ vi et animi, et corporis, sed ingenio malo, pravoque. Huic ab adolescentiâ bella intestina, cædes, rapinæ, discordia civilis, grata fuere; <sup>e</sup> ibique juventutem suam exercuit: corpus <sup>e</sup> patiens inedia, alioris, vigiliæ, supra quàm cuiquam credibile est; animus audax, sobdolos, varius, cuiuslibet rei <sup>f</sup> simulator ac dissimulator: alieni appetens, sui profusus, ardens in cupiditatibus; satîs eloquentiæ, sapientiæ parum; vastus animus, immoderata, incredibilia, nimis alta semper cupiebat. Hunc post dominationem <sup>g</sup> L. Sullæ, ludido maxima invaserat reipublicæ <sup>h</sup> capiundæ: <sup>i</sup> neque, id quibus modis adsequeretur, dum sibi regnum pararet, quidquam <sup>j</sup> pensi habebat. Agitabatur magis,

INTERPRETATIO.

<sup>1</sup> Et exercuit juventutem suam in illis rebus.

<sup>2</sup> Hunc libido maxima invaserat reipublicæ invadendæ.

<sup>3</sup> Neque ullo modo curabat, quibus modis illud assequeretur, modò sibi summum imperium pararet.

NOTÆ.

<sup>a</sup> A republica procul.] Id est, Absque omni honorum ambitu.

<sup>b</sup> Servilibus.] Quamvis cā causa maxime vexatus fuit Sallustius, non tamen ideo credendum est, eum venationem inter servilia officia, quasi ea non sit libero homine digna, per contemptum rejecisse: minime: est enim belli quoddam tyrocinium, et exercitum utile, si quis modò sobriè utatur. Persequitur autor à primo institutam distinctionem inter ea, quæ virtute et imperio animi parantur, et ea quæ vi et servitio corporis acquiruntur; tantumque sibi illa placuisse magis testatur.

<sup>c</sup> Partibus.] Gall. Parti, Ang. faction.

<sup>d</sup> Nobili.] Patricius fuit, ut liquet ex Cicerone, et aliis, ex Sergiâ familiâ oriundus, cujus ultimus fuit.

<sup>e</sup> Patiens.] Nomen est: eum significat, qui potest incediam tolerare, quanquam re ipsa non patiat. Patiens verò participium, cum accusativo, ille est qui reverà patitur, quamvis agere toleret.

<sup>f</sup> Simulator.] Is dicitur, qui id esse ostendit, quod non est, dissimulator contra, qui id non esse, quod est.

<sup>g</sup> L. Sullæ.] Hic ille est felix et notissimus Sylla, qui Mario oppresso, dictataram et summum imperium nactus, patriam quoque et rempublicam usque adeò sibi fecit obnoxiam, ut invito illo, nec bona, nec vitam, retinere quisquam posset.

<sup>h</sup> Pensi.] Pensum fit à pendo, quod inter alia significat aestimo, curo, itaque, nihil pensi habere, est nihil curare.

magisque indiēs animus ferox inopiā rei familiaris, et conscientia scelerum, quæ utraque his artibus auxerat, quas supra momoravi: incitabant præterea corrupti civitatis mores, quos pessima, ac <sup>a</sup> diversa inter se mala, luxuria, atque avaritia vexabant. Res ipsa hortari videtur, quoniam de moribus civitatis <sup>1</sup> tempus admonuit, supra repetere, ac paucis instituta majorum domi, militiæque, quomodo rempublicam <sup>2</sup> habuerint, quantamque reliquerint, et ut paulatim immutata, ex pulcherrimā, pessima, ac flagitiosissima facta sit, disserere.

Urbem Romā, sicuti ego accepi, condidēre atque habuēre initio <sup>b</sup> Trojani; qui, Æneā duce, profugi, sedibus incertis vagabantur; cumque his <sup>c</sup> Aborigines, genus hominum agreste, sine legibus, <sup>d</sup> sine imperio, liberum, atque solutum. Hi postquam in una mœpia convenēre, dispari genere, dissimili linguā, alius alio more viventes, incredibile memoratu est quā facile coaluerint. Sed postquam res eorum civibus, moribus, agris aucta, satis prospera, satisque pollens videbatur; <sup>e</sup> sicuti pleraque mortalium habentur, invidia ex opulentia orta est. Igitur <sup>f</sup> reges, populique finitimi bello tentare; pauci ex amicis auxilio esse. Nam cæteri, metu percussi, à periculis aberant: at Romani, domi, militiæque intenti, festinare, parare, alius alium hortari; hostibus obviā ire; libertatem, patriam, parentesque armis tegere. Post, ubi pericula virtute propulerant, sociis atque amicis auxilia portabant: magisque dandis, quā accipiendis beneficiis amicitias parabant: imperium legitimum, nomen imperii <sup>g</sup> regium habebant: <sup>4</sup> delecti, quibus corpus annis infirmum, ingenium sapientiā validum erat, reipublicæ consultabant. Hi, vel ætate, vel curæ <sup>5</sup> similitudine, patres appellabantur. Post, ubi regium imperium, quod ini-

## INTERPRETATIO.

<sup>1</sup> Quandoquidem occasio nos admonuit de moribus civitatis.

<sup>2</sup> Quomodo rempublicam administraverint.

<sup>3</sup> Invidia orta est ex opulentia si-

cut id plerumque accidit inter homines.

<sup>4</sup> Quidam delecti, quibus corpus erat infirmum ex senectute, ingenium verò validum sapientiā, consulebant reipublicæ.

## NOTÆ.

a *Diversa.*] Id est, *opposita*. Sæpius ita sumendum in nostro auctore.

b *Trojani.*] Alii à Romulo conditam Romam asserunt. Is fortè, quod primò Trojani edificaverant, minùsque deinde coluerant, restituit, et auxit.

c *Aborigines.*] *Indigenæ*, antiquissimi Italix populi.

d *Sine Imperio.*] Mortuo, scilicet, Latino, suo rege.

e *Reges.*] Acron puta, rex Ceninsium, Tatius Sabinorum.

f *Regium.*] Id est, reges vocabantur qui primi imperium obtinuerunt apud Romanos; quod quidem verum est, àve eorum tempora à Romulo, sive à Latino vel Æneā repetas.

g *Similitudine.*] Id est, qui eam reipublicæ quam patres familiæ curam habebant, ideo Patres vocabantur. Centum verò à Romulo fuerunt primò instituti quorum progenies patricia dicta est: quanquam alii deinde id eum numerum adsciti fuerunt.

tio conservandæ libertatis, atque augendæ reipublicæ causa fuerat, in superbiam, \* dominationemque convertit; immutato more, annua imperia, binos imperatores sibi fecere. Eo modo minimè posse putabant per licentiam insolere animum humanum. Sed eâ tempestate cœpere se quisque magis, magisque extollere, ingeniumque <sup>b</sup> in promptu habere; nam <sup>c</sup> regibus boni, quàm mali, suspiciores sunt: semperque his aliena virtus formidolosa est. Sed civitas, incredibile memoratu est, adeptâ libertate, quantum brevi creverit, tanta cupido gloriæ incresserat. Jamprimum juvenus, simul laboris ac <sup>d</sup> belli patiens erat, in castris usu militiam discebat: magisque in decoris armis, et militaribus equis, quàm in scortis atque conviviis, <sup>e</sup> lubidinem habebant. Igitur talibus viris non labor insolitus, non locus ullus asper, aut arduus erat, non armatus hostis formidolosus: <sup>f</sup> virtus omnia domuerat. Sed gloriæ maximum certamen inter ipsos erat: quisque hostem <sup>g</sup> ferire, murum ascendere, conspici, dum tale facinus faceret, properabat: <sup>h</sup> eas divitias, eam bonam famam, magnamque nobilitatem putabant. Laudis avidi, pecuniæ liberales erant; gloriam ingentem, divitias <sup>i</sup> honestas, volebant. Memorare possem, quibus in locis maximas hostium copias populus Romanus <sup>i</sup> parvâ manu fuderit; quas urbes naturâ munitas pugnando ceperit; ni ea res longiùs nos ab incepto traheret. <sup>k</sup> Sed profectò fortuna in omni re dominatur. Ea res

INTERPRETATIO.

<sup>i</sup> Volebant divitias mediocres.

NOTÆ.

<sup>a</sup> *Dominationem.*] Hic pro tyrannide posita est *dominatio*, quam Tarquinius adeo invexit immoderatam, ut, eo dejecto, sibi binos imperatores, consules scilicet, Romani delegerint.

<sup>b</sup> *In promptu.*] Id est, Non jam illi vires ingenii occultabant, ne tyranno forent formidolosi; quin contrâ, virtutem suam quisque quàm maximè expromptam et manifestam habebat.

<sup>c</sup> *Regibus.*] Malis scilicet, de quibus nunc agitur; nisi fortè omnes pariter uno et eodem odio Sallustius, popularium opinioni serviens, persequitur.

<sup>d</sup> *Belli patiens.*] Anno ætatis circiter 17 quo pueri esse desinebant; protractâ deinde juventute ad annum usque, 46, à quo incipiebat senectus.

<sup>e</sup> *Lubidinem.*] Tametsi sæpius *lubido* in malam partem accipitur, pro desiderio pravo; attamen, ut vides, quandoque etiam in sumitur in bonam.

<sup>f</sup> *Virtus.*] Fortitudinem intellige.

<sup>g</sup> *Ferire.*] Nihil frequentius quàm loquendi formulas istiusmodi videbis, per in-

finitivum, pro indicativo: sunt autem, valde significantes et elegantes.

<sup>h</sup> *Eas divitias.*] Vulgò diceremus, In eas positas esse divitias, in eo positam esse bonam famam, &c. putabunt.

<sup>i</sup> *Parvâ manu.*] Frustrâ sunt, ni fallor, qui, ut Romanorum gloriam militarem magnam fuisse probeant, huc multa ex historiâ nobis pervulgata congerunt; intendit enim autor majorum fuisse eam, quam scriptis celebrata fuerit.

<sup>k</sup> *Sed.*] Adversativa est; ex eo verò difficultatem parit, quod sententiæ integræ non respondet. Superiori periodo dixit Sallustius se posse memorare quibus in locis populus Romanus fuderit copias, &c. Inde ille nihil excipit. Verùm in illâ propositione, hæc assertio includitur, Populus Romanus fuit copias parvâ manu, &c. Huic assertioni respondet particula *sed*. Quasi dicat, Bello maximi fuerunt patres nostri: sed fortunâ illis gloriam suam invidit; nam facta eorum Historiâ, uti digne erant, non fuere celebrata.

D

cunctas, ex lubricitate magis, quam ex vero, celebrat, obscuratque. Atheniensium res gestæ, sicuti ego existimo, satis amplæ, magnificæque fuere; verum aliquantò minores tamen, quam famâ feruntur: sed quia provenire ibi magna <sup>a</sup> scriptorum ingenia, per terrarum orbem Atheniensium facta pro maximis celebrantur; ita eorum qui fecere, virtus tanta habetur, quantum verbis ea potuere extollere præclara ingenia. At populo Romano nunquam ea copia fuit, quia prudentissimus quisque negotiosus maximè erat. Ingenium nemo sine corpore exercebat. Optimus quisque facere, quam dicere; sua ab aliis benefacta laudari, quam ipse aliorum narrare, malebat. Igitur domi, militiæque boni mores colebantur. Concordia maxima, minima avaritiâ erat. Jus, <sup>b</sup> bonumque apud eos non legibus magis, quam <sup>c</sup> natura, valebat. Jurgia, discordias, similitates cum hostibus exercebant; cives cum civibus de virtute certabant. In <sup>d</sup> suppliciis deorum magnifici, domi parci, in amicis fideles erant. Duabus his artibus, audaciâ in bello, ubi pax evenerat, æquitate, seque, remque publicam, curabant. Quarum rerum ego maxima documenta hæc habeo; quòd in bello sæpius vindictatum est in eos, qui <sup>e</sup> contra imperium in hostem pugnaverant, quique tardiùs, revocati prælio excesserant; quam qui signa relinquere, aut pulsî, loco cedere, ausi erant: in pace verò, beneficiis, magis quam metu, imperium agitabant; et acceptâ injuriâ ignoscere, quam persequi, malebant. Sed, ubi, <sup>f</sup> labore, atque justitiâ, respublica crevit; reges magni bello domiti; nationes feræ, et populi ingentes vi subacti; Carthago, æmula imperii Romani, ab stirpe interiit; cuncta maria, terræque patebant, fortuna sævire ac miscere omnia cœpit. <sup>1</sup> Qui labores, pericula, dubias atque asperas res facile toleraverant; iis otium, divitiæ optan-

## INTERPRETATIO.

<sup>1</sup> *Otium et divitiæ, quas Romani debeuissent optare aliis, fuerunt causa oneris et felicitatis iis, qui toleraverant, facile et cordatè passi erunt labores, pericula, res dubias atque asperas.*

## NOTÆ.

a *Scriptorum.*] In his fuere Herodotus, Thucydides, Xenophon.

b *Bonumque.*] Formulâ solenni bonum cum jure, aut æquo jungitur, *jus bonumque, æquum et bonum*: quia, scilicet, interdum summum jus cum sit summa injustitia, jus et lex scripta mitiganda est æquitatè quâdam et bonitate naturali.

c *Naturâ.*] Illam intellige quam bonam educatio ingeneraverat, quæ alter est natura. Hoc dicit Sallustius, *Non magis veteres Romanos ex præscripto legum, aut earum conminationibus probos*

*fuisset, quam quia probitas ipsis placebat, et quasi congenita erat.*

d *Suppliciis.*] Id est; *sacrificiis*; prisca enim paupertas, ex noxiorum bonis sacra diis fecisse fertur.

e *Contra imperium.*] In his fuit Manlius, quem Torquatus pater virgis cæsum capite multavit. Imò Posthumius à patre quoque eodem supplicio ultimo affectus, quod rei bene gerendæ occasione oblata, sine imperiò victoriam reporasset.

f *Labore.*] In bello præsertim; *justitiâ* in pace.

oneri, miseræque fuere. Igitur primò pecuniæ, dein imperi cupido crevit. Ea quasi materies omnium malorum fuere. Namque avaritia fidem, probitatem, cæterasque artes bonas subvertit: pro his superbiam, crudelitatem, deos negligere, omnia venalia habere, edocuit; ambitio multos mortales <sup>a</sup> falsos fieri subegit; aliud clausum in pectore, aliud promptum in linguâ, habere; amicitias, inimicitiasque <sup>a</sup> non ex re, sed ex commodo, æstimare; magisque vultum, quàm ingenium bonum, habere. Hæc primò paulatim crescere, interdum <sup>b</sup> vindicari. Post, ubi <sup>c</sup> contagio, quasi pestilentia, invasit; civitas immutata, imperium ex justissimo, atque optimo, crudele, intolerandumque factum. Sed primò magis ambitio, quàm avaritia, animos hominum exercebat; quod tamen vitium proprius virtutem erat; nam gloriam, honorem, imperium, <sup>d</sup> bonus, ignavus, æquè sibi exoptant. Sed ille <sup>e</sup> verâ viâ nititur; huic quia bonæ artes desunt, dolis, atque fallaciis contendit. Avaritia pecuniæ studium habet, quam nemo sapiens concupivit. Ea quasi venenis malis imbuta, corpus, animumque virilem effeminat: semper infinita, insatiabilis est: neque copiâ neque inopiâ minuitur. Sed, postquam L. Sulla, armis <sup>f</sup> receptâ republicâ <sup>g</sup> bonis initiis <sup>h</sup> malos eventus habuit; rapere omnes, trahere: domum alius, alius agros <sup>i</sup> cupere: neque modum, neque modestiam victores habere: fœda crudeliaque in cives facinora facere: huc accedebat, quòd L. Sulla exercitum, quem in Asiâ <sup>k</sup> ductaverat, quò sibi fidum faceret, contra morem majorum luxuriosè, nimisque <sup>l</sup> liberaliter, habuerat.

INTERPRETATIO.

<sup>a</sup> *Ambitio coegit multos homines fieri fallaces et fraudulentos.*

<sup>g</sup> *Exercitum tractaverat luxuriosè et nimis licenter.*

NOTE.

<sup>a</sup> *Non ex re.*] Id est, non ex pulchritudine et merito, aut contra; sed tantum pro ratione commodi et turpissimi questus.

<sup>b</sup> *Vindicari.*] Ideò latæ leges de ambitu et pecuniis repetundis; quæ (prout boni vil mali opibus et autoritate præpollabant vigeant, vel torpescabant.

<sup>c</sup> *Contagio.*] Morbus est quilibet, qui contactu contrahitur; hoc in loco morum notat fœdam, immutationem et contaminationem, quæ exemplo, et consuetudine malorum invehitur.

<sup>d</sup> *Bonus.*] Pro forti et cordato: sic sæpè.

<sup>e</sup> *Verâ.*] Legitima et bona: sæpè numero hoc sensu invenies.

<sup>f</sup> *Recepta.*] Recuperata, et liberata à tyrannide Marii præsertim, et Cinæ.

<sup>g</sup> *Bonis initiis.*] Primò enim videbatur Sylla omnia pro senatu, et reipublicæ bono, agere.

<sup>h</sup> *Malos.*] Ne ita intelligas, quasi Sylla perpetuò in republicâ felix non fuerit: mali eventus ad rempublicam spectant, quam ille oppressit.

<sup>i</sup> *Cupere.*] Non modò cupiebant, sed ut, quisque domum aut villam concupiverat, dabat operam ut in proscriptorum numero esset. Unde Q. Aurelius, cum in iis nomen suum legisset, *Væ mihi misero!* inquit. *Albanus me villa persequitur.*

<sup>k</sup> *Ductaverat.*] Id est, cui præfuerat; nam si aliter sumas, non in Asiâ, sed in Asiam, legendum foret.

Loca amœna, voluptaria, facile in otio feroces militum animos molli-  
verant: ibi primùm insuevit exercitus populi Romani amare, potare; <sup>a</sup> sig-  
na, tabulas pictas, vasa cœlata, <sup>b</sup> mirari; ea <sup>1</sup> privatim ac publicè rapere,  
delubra spoliare, sacra, profanaque omnia polluere. Igitur hi milites,  
postquam victoriam adepti sunt, nihil reliqui victis fecere. Quippe se-  
cundæ res sapientium animos <sup>c</sup> fatigant, <sup>2</sup> ne dum illi, corruptis moribus,  
victoriæ <sup>d</sup> temperarent. Postquam divitiæ honori esse cœperunt, et eas  
gloria, imperium, potentia sequebatur; <sup>e</sup> hebescere virtus, paupertas  
probro haberi, innocentia <sup>f</sup> pro malevolentia duci cœpit. Igitur ex divi-  
tiis juventutem luxuria, atque avaritia cum superbiâ invasere. Rapere,  
consumere; sua parvi pendere, aliena cupere; pudorem, pudicitiam,  
divina atque humana promiscua, nihil pensi, neque moderati habere.  
Operæ pretium est, cum domos atque villas congnoveris in urbium  
modum exædificatas, visere templa deorum, quæ nostri majores, reli-  
giosissimi mortales, fecere. <sup>3</sup> Verùm illi delubra deorum pietate, do-  
mos suas gloriâ, decorabant: neque victis quidquam, præter injuriæ <sup>3</sup>

## INTERPRETATIO.

<sup>1</sup> *Ea rapiebant ex privatis et publicis ædibus.* corruptis moribus, victoriæ modum fecissent.

<sup>2</sup> *Multo minus illi, qui erant* Neque eripiebant quicquam victis præter facultatem ledendi.

## NOTÆ.

a *Signa.*] Quaslibet intelligio, figuras, quavis materiâ effectas, eminentes modò fuerint et extantes. Gall. *Tout ouvrage de sculpture et de relief.*

b *Mirari.*] Eodem sensu Horatius hoc verbum pro affectuum commovendorum causâ proximâ usurpat: nisi potius credas in admiratione positam esse primam animi commotionem. Uno verbo, *Mirari* positum est pro *Amare, Cupere.*

c *Fatigant.*] Id est, vix possunt sapientes, fortunam ferre; diffiunt in rebus secundis, et quandoque insolescunt, nisi pectus bene præparatum fuerit; nam plures voluptas, quàm dolor vincit.

d *Temperarent.*] Id est, minus potestate suâ in illos uterentur; jus aliquod, servarent, quo, non omnibus modis victos vexarent et torquerent. Jus militum, *Quodlibet.*

e *Hebescere.*] Id est, minus stimulis ejus excitabantur.

f *Pro malevolentia.*] Quomodo isthuc? Eo planè quo et hodie illud fit. Cum aliquem vident inculpatis moribus, quique

non in unam et eandem ruit pravitatem *Quia ille invidet*, dicunt. Quando eò mores lapsi sunt, certè eorum admodum difficilis est curatio. Si verò per innocentiam intelligas tantum abstinentiam ab omni rapinâ, tunc malevolentia fuerit e- quidem invidia, at paulò aliter explicanda; quasi scilicet aliquis eo fine sit absti- nens, ut alios, si minus tales fuerint incre- pare et damnare possit.

g *Verùm.*] Respondet sensui intellecto, non expresso, quasi dicat, *Minus te moveat videre habitationes, quas tam humi- les diis posuerant prioci patres nostri, post- quam eas compræaveris cum magnificis villis nostrorum hominum: illi enim, contra quàm fit hodie, templa deorum pietate, domos suas gloria, decorabant.* Coleban- tur à veteribus religiones piè magis quàm magnificè, ut Livius loquitur: un- de in lege duodecim tabularum, *Ad di- vos adeunto crustè, pietetam adhibento; opes amovento.*

licentiam; eripiebant. At hi contrà, ignavissimi homines, per summum scelus, omnia ea sociis adimere, quæ fortissimi viri victores hostibus reliquerant: proinde quasi injuriam facere, id <sup>a</sup> demum esset imperio uti. <sup>2</sup> Nam quid ea memorem, quæ, nisi his, qui videre, nemini credibilia sunt; à privatis compluribus subversos montes, maria <sup>b</sup> constrata esse? Quibus mihi ludibrio videntur fuisse divitiæ. Quippe, quas honestè habere licebat, per turpitudinem abuti prope-  
rabant. Sed libido stupri, ganeæ, cæterique <sup>c</sup> cultûs non minor in-  
cesserat. Viri pati muliebria: mulieres pudicitiam in propatulo habe-  
re: vescendi causâ, terrâ marique omnia exquirere: dormire prius,  
quàm somni cupido esset: non famem, aut sitim, neque frigus, ne-  
que lassitudinem operiri: sed ea omnia luxu antè capere. <sup>d</sup> Hæc ju-  
ventutem, ubi familiares opes defecerant, ad facinora incendebant.  
Animus imbutus malis artibus, haud facile lubricinibus carebat: eò  
profusiùs omnibus modis quæstui, atque sumptui deditus erat.

<sup>2</sup> In tantâ, tamque corruptâ civitate, Catalina, id quod factu facilli-  
mum erat, omnium flagitiosorum atque facinorosorum circum se, tam-  
quam stipatorum, catervas habebat. Nam quicumque impudicus,  
adulter, ganeo, manu, ventre, pene, bona patria laceraverat: quique  
alienum æs grande conflaverat, quo <sup>3</sup> flagitium, aut facinus <sup>e</sup> redi-  
meret: præterea, omnes undique parricidæ, sacrilegi, convicti judi-  
ciis, aut pro factis judicium timentes: ad hoc, quos manus, atque  
lingua, perjurio, et sanguine civili alebat: postremò, omnes, quos  
flagitium, egestas, <sup>f</sup> conscius animus, exagitabat: hi Catalinæ proximi,

INTERPRETATIO.

<sup>1</sup> Nam quâ de causâ narrarem. *tervas et agmina omnium flagitio-  
rum atque facinorosorum, tan-  
quam stipatorum et custodum, id  
quod erat facillimum factu in civita-  
te tantè et tam corruptâ.*  
*ea, quæ nullus possit credere, nisi  
qui viderit? Montes scilicet sub-  
versos et sublato à privatis com-  
pluribus, maria constrata esse et æ-  
dificata.*

<sup>2</sup> Catilina habebat circum se ca- *ret.*

NOTÆ.

<sup>a</sup> Demum.] Id est, quasi imperium non ab-  
ter insigne esset, quàm hominibus male facien-  
do, aut in eo consisteret.

<sup>b</sup> Constrata.] Sive constructa, aut con-  
tracta legeris, eodem modo Romanorum  
luxus circa ædificia in mari extruenda car-  
petur; quâ de re Horatius quoque ita con-  
questus est:

*Contracta pisces æquora sentiunt.*

*Factis in altum molibus, &c.*

Ob ingentes sumptus, et profusam in  
ædificiis et convictibus luxuriam, Lucul-  
lus *Xerxes togatus* à Pompeio dictus est.

<sup>c</sup> Cultus.] Hic in malam partem accipi-  
tur pro nimia et lasciva corporis curatione,  
aut in cupis indulgentiâ, et blanditiis.

<sup>d</sup> Hæc.] Præpostera, scilicet, vivendi  
consuetudo, moresque propudiosi.

<sup>e</sup> Redimeret.] Id est, ut se liberaret, at-  
que delicti penam effugeret, vel pecuniâ ju-  
dices corrumpendo, vel cum iis qui litem  
intentabant transigendo.

<sup>f</sup> Conscius.] Scelerum scilet: Conscius  
enim quandoque in bonam partem sumi-  
tur.

familiaresque erant. Quod si quis etiam à culpâ vacuus in amicitiam ejus inciderat; quotidiano usu, atque illecebris, facile par, <sup>a</sup> similisque cæteris efficiebatur. Sed maximè adolescentium familiaritates appetebat. Eorum animi molles, et ætate fluxi, dolis haud difficulter capiebantur. <sup>1</sup> Nam, uti cujusque studium ex ætate flagrabat, aliis scorta præbere, aliis canes, atque equos mercari: postremò neque sumptui, neque <sup>b</sup> modestiæ suæ parcere, dum illos <sup>c</sup> obnoxios, fidosque sibi faceret. Scio fuisse nonnullos, qui ita existimarent, juventutem, quæ domum Catilinæ frequentabat, parum honestè pudicitiam habuisse. Sed ex <sup>d</sup> aliis rebus magis, quàm quod cuiquam id compertum foret, hæc fama valebat. <sup>e</sup> Jamprimum adolescens Catilina multa nefanda stupra fecerat, <sup>f</sup> cum virgine nobili, cum <sup>g</sup> sacerdote <sup>h</sup> Vestæ, et alia hujusmodi contra <sup>i</sup> jus, fasque: postremò, captus amore <sup>k</sup> Aureliæ Orestillæ, cujus, præter formam, nihil unquam bonus laudavit; <sup>2</sup> quod ea

## INTERPRETATIO.

<sup>1</sup> Nam præbebat aliis scorta, aliis emebat canes atque equos; prout unusquisque ardebat desiderio alienius rei, secundum suam ætatem.

<sup>2</sup> Creditur pro certo, Catilinam

fecisse domum suam vacuum nuptiis flagitiosis, filio suo necato, eò quod Aurelia Orestilla, timens eum futurum privignum, qui ætate adultus erat, dubitabat nubere ipsi Catilinæ.

## NOTE.

a Similisque.] Cum similis non tantum dicat quantum par, perinde est ac si dixisset Sallustius. Usu et consuetudine quicunque in Catilinæ amicitiam incederat, facile illi par, aut saltem similis efficiebatur. Nisi malis <sup>re</sup> Par gradus nequitie notare, similis vero genus ipsum, in quo illi pares fiebant.

b Modestie.] Hic Gallicè, veritas sans honneur, Alibi Aliter.

c Obnoxios.] Obstrictos. Gall. Attachez à sa personne.

d Aliis rebus.] Ubi manifestum fecerat Catilina, se nullo scelere aut flagitio vacare: sed profigate nequitie hominem esse.

e Jamprimum.] Instituit Sallustius enumerationem, ex quibus, eos juvenes qui Catilinam frequentabant, parum honestè pudicitiam habuisse, conjecturâ prospiciebatur.

f Cum virgine.] Forte de eo stupro loquitur, quod ei obtulit, quæ postea socrus fuit; se nullo illud quoque Cicero Catilinæ objecit; tacito tamen, ut hic, mulieris nomine, ne illi et familiæ nota niureretur.

g Sacerdote Vestæ.] Virgines erant Vestales, castitatis eximie, quibus nefas erat virum tangere, ad sacri et æterni ignis custodiam in pepetralibus Vestæ adhibitæ.

h Vestæ.] Ætha Chaldaeis ignem denotat, à quo Græcis <sup>æra</sup> factum, i.e. est, focus; unde Latinis Vestæ, id est, ignis. Vestæ verò nomine æthereum et divinum quendam ignem intellexerunt, seu mentem, quæ non oculis, sed animo tantum percipitur, ex quo factum ut nullum in Vestæ templo simulachrum conspiceretur. Atque notandum est, duas fuisse Vestas, alteram veterem Saturni matrem, quæ Cybele, et Pales, et Terra, imò Ops et Ceres dicitur; alteram, verò Saturni, ex illâ alterâ filiam, quæ hæc nostra est: quanquam hæc omnia non uno modo apud omnes mythologos reperias; imò sæpiissime confundantur.

i Jus.] Jus, ad homines; fas refertur ad Deos.

k Aureliæ.] Quæ fuerit non satis constat; eam formâ et divitiis inter primas claruisse certum est.



nubere illi dubitabat, timens privignum adulatâ ætate; pro certo creditur, <sup>a</sup> necato filio vacuum domum scelestis nuptiis fecisse. Quæ quidem res mihi in primis videtur causa fuisse <sup>b</sup> facinoris maturandi. Namque animus impurus, diis hominibusque infestus, neque vigiliis, neque quietibus sedari poterat: ita conscientia mentem <sup>c</sup> excitam vexabat. Igitur colos <sup>d</sup> exsanguis, <sup>e</sup> fædi oculi; citus modò, modò tardus incessus: prorsus in <sup>f</sup> facie, vultuque <sup>g</sup> vecordia inerat. Sed juventutem, quam, ut suprà diximus, illexerat, multis modis mala facinora edocebat. Ex illis testes signatoresque falsos <sup>h</sup> commodare; fidem, fortunas, pericula viliâ, habere. Post, ubi eorum famam, atque pudorem <sup>i</sup> attriverat, majora alia imperabat. Si causa peccandi in præsens minùs suppetebat, nihilominus <sup>j</sup> insontes, sicuti sontes, circumvenire, jugulare. Scilicet, ne per quid torpescerent manus, aut animus, <sup>k</sup> gratuito potius malus, atque crudelis, erat. <sup>l</sup> His amicis, sociisque, confisus Catilina; simul, quòd æs alienum per omnis <sup>m</sup> terras ingens erat; et, quod plerique Sullani milites largiùs suo usi, rapinarum et victoriæ <sup>n</sup> veteris memores, civile bellum exoptabant; opprimendæ reipublicæ consilium cepit. In Italiâ nullus exercitus: Cn. Pompeius in <sup>o</sup>

INTERPRETATIO.

<sup>1</sup> Quando minuerat famam atque pudorem eorum.

<sup>2</sup> Erat potius malus atque crudelis sine mercede.

<sup>3</sup> Catilina, confisus his amicis et sociis, cepit consilium reipublicæ

opprimendæ; simul quòd ille grandem pecuniam ubique debebat, et quòd plerique milites Syllani, qui prodigè usi erant bonis suis, optabant bellum civile, memores rapinarum et victoriæ veteris.

NOTE.

<sup>a</sup> Necato.] Veneno, ut refert Valer Max.  
<sup>b</sup> Facinoris.] De opprimendâ republ intelligit.

<sup>c</sup> Excitam.] Non enim usque quaque conscientia sopita est; mentem quandoque commovet, excitat, et turbat. Dixit verò autor mentem excitam vexabat, pro exciebat et vexabat.

<sup>d</sup> Exsanguis.] Perturbatio conscientie tristitiam et metum commites habet, quibus sanguis ad intimas corporis partes evocatur.

<sup>e</sup> Fædi.] Severitatem et immanitatem de clarantes. Aliàs Fædus deformem tantum, dicit.

<sup>f</sup> Facie.] Id est, Specie et omni exteriori aspectu. Nonnunquam facies os tantum, aut vultum significat. Gal. Le visage.

<sup>g</sup> Vecordia.] Insania, furor.

<sup>h</sup> Commodare.] Id est, In suum et amicorum commodum subministrare.

<sup>i</sup> Insontes.] Ne absolutè sontes, aut insontes intelligas, quasi se judicem et vindicem Catilina in republicâ gesserit. Per insontes eos indicat, qui ejus consiliis nihil officiebant, quique erga illum insontes erant.

<sup>j</sup> Omnis.] Accusativus pluralis, vide notam à paginâ primâ.

<sup>k</sup> Veteris.] Adversus Marium; ex qua omnes suos Sylla ditaverat.

<sup>l</sup> Extremis.] Per respectum ad Romanos, qui se orbis dominos jactabant, istud intelligendum; Pompeius enim in Asiâ erat, cum Mithridate bellum gerens

extremis terris bellum gerebat; ipsi consulatum petendi magna spes, senatus nihil sanè intentus; tutæ tranquillæque res omnes. Sed ea prorsus opportuna Catilinæ. Igitur circiter Kal. Jun.<sup>a</sup> L. Cæsare et C. Figulo Coss. primò singulos appellare: hortari alios, alios tentare: opes suas, imparatam rempublicam, magna præmia conjurationis docere. Ubi satis explorata sunt, quæ voluit; in unum omnes convocat, quibus maxima<sup>b</sup> necessitudo, et plurimum audaciæ, inerat. Eò convenère sonatorii ordinis P. Lentulus<sup>c</sup> Sura, P.<sup>d</sup> Autronius, L. Casius Longinus, C.<sup>e</sup> Cethegus, P. et Ser. Sullæ<sup>f</sup> Servii filii. L. Vargunteius, Q. Annius, M. Porcius Læca, L.<sup>g</sup> Bestia, Q.<sup>h</sup> Curius: præterea, ex equestri ordine, M. Fulvius Nobilior, L. Statilius, P. Gabinus Capito, C. Cornélius: ad hoc, multi ex<sup>i</sup> coloniis, et<sup>k</sup> municipiis,<sup>l</sup> domi nobiles. Erant præterea<sup>m</sup> complures paulò occultius consilii hujuce participes, quos magis dominationis spes hortabatur, quàm inopia, aut alia necessitudo. Cæterùm juvenus pleraque, sed maximè nobilium, Catilinæ incēptis favebat. <sup>1</sup> Quibus in otio, vel

## INTERPRETATIO.

<sup>1</sup> Illi qui poterant vivere vel quebantur incerta pro certis malebant bellum quàm pacem.  
magnificè, vel molliter in otio, se-

## NOTÆ.

a L. Cæsare.] Id est, anno mundi 3886. Ante Christum natum 62. A Româ conlità 689, vel secundum alios 690.

b Necessitudo.] Hic pro necessitate politur: aliàs pro familiaritate.

c Sura.] Ita vocatus fuit, quòd, pecuniâ publicâ assumptâ, cùm quæsturæ rationem reddere non posset, se dixit suram præbiturum, ut solebant pueri qui in ludo pilæ peccassent. Post consulatum, senatu ob malos mores ejectus fuit: quare iterum prætor est factus, ut pristinam dignitatem recuperaret; et in prætura conjuravit.

d Autronius.] Hic consul designatus, de ambitu interrogatus, lege damnatus est.

e Cethegus.] Is fuit ex gente Corneliâ: homo vehemens et furiosus.

f Servii.] Hic Servius Sylla, pater Publii et Servii Syllæ, frater fuit Syllæ Dictatoris, ut scribit Dio.

g Bestia.] Hic est, qui tribunus plebis di Cicerone conquestus est; ut infra vidimus.

h Curius.] Per hunc conjuratio, primò patefacta est.

i Colonis.] Colonia multitudo est hominum, qui publico consilio ad novas terras deducuntur, quæ in singulos divisæ ab iis coluntur. Romani per Triumviros, Quinqueviros, &c. colonias suas constituiebant. Vide plura apud Gellium, lib. 16. cap. 13.

k Municipiis.] Fuerant municipia civitates, quarum incolæ, cives Romani ex municipiis dicti sunt. Illorum quibusdam civitas Romana cum suffragio, aliis absque eo, datâ fuit. Priores jus petendi magistratus habebant, et Romanis legibus vivebant; posteriores, cum suis moribus relictis essent, etiam à magistratibus Romæ vacabant. Atque hæc omnia variè mutata sunt: sed adi Rosinum.

l Domi.] Quare Domi? Quare scilicet, quamvis eorum opes, et potentia in suâ civitate, maxima esset, non illi pariter Romæ valebant.

m Complures.] Romani scilicet, quales fortè Cæsar, Antonius, alii.

magnificè, vel molliter, vivere copia erat; incertà, pro certis, bellum, quàm pacem, malebant. Fuère item eà tempestate, qui crederent M. Licinium <sup>a</sup> Crassum non ignarum ejus consilii fuisse: quia Cn. Pompeius, invisus ipsi, magnum exercitum ductabat; cujusvis opes voluisse contra illius potentiam crescere; simul confisum, si conjuratio valuisset, facilè apud illos principem se fore.

<sup>b</sup> Sed antea item conjuravère pauci, contra rempublicam in quibus Catalina, <sup>c</sup> de quo, quàm vèrissimè potero, dicam. <sup>d</sup> L. Tullo, M. Lepido Coss. P. Autronius, et P. Sulla, <sup>e</sup> designati consules <sup>f</sup> legibus ambitus interrogati, <sup>g</sup> pœnas dederant. Pòst paulò Catilina, <sup>h</sup> pecuniarum repetundarum reus, <sup>i</sup> prohibitus erat petere consulatum; quod intra <sup>k</sup> legitimos dies <sup>l</sup> profiteri nequiverit. Erat eodem tempore Cn. Piso, adolescens <sup>m</sup> nobilis, summæ audaciæ, egens, factiosus; quem ad perturbandam rempublicam inopia, atque mali mores stimulabant. Cum <sup>n</sup> hoc Catilina, et Autronius circiter Nonas Decembr. consilio communicato, parabant in Capitolio Kal. Januâr. L. Cottam et L. Torquatum Coss. interficere; <sup>o</sup> ipsi, <sup>p</sup> fascibus correptis, Pisonem cum exercitu ad

NOTÆ.

<sup>a</sup> *Crassum.*] Hic fuit, quo non alius Romæ ditior extabat; quem tamen auri fames ad bellum contra Parthos impulit, ubi unâ cum exercitu trucidatus est:

<sup>b</sup> *Sed antea.*] Hic abruptitur narratio, ut aliquid de aliâ conjuratione dicatur, cujus volunt autorem fuisse Crassum, quam studio id dissimulat Sallustius. Igitur post aliquot periodos, hinc repetendum erit filum institutæ orationis.

<sup>c</sup> *De quo.*] Id est, de quâ re, de quâ conjuratione.

<sup>d</sup> *L. Tullo.*] Hoc est, tertio anno ante ultimam conjurationem.

<sup>e</sup> *Designati.*] Ita vocabantur qui in annum proximum electi fuerant.

<sup>f</sup> *Legibus.*] Paratæ fuerunt multæ contra ambitum, quas si voles, apud Alexandrum Neapolit. lib. 3. cap. 17. videbis. Ex earum legum autoritate interrogabantur, de ambitu qui accusati fuerant.

<sup>g</sup> *Pœnas.*] Magistratu movebantur, atque iis etiam multa pecuniaria irrogabatur.

<sup>h</sup> *Pecuniarum.*] Africam Catilina cum diripuisset, Legati Afri in Senatu de illo absente conquesti sunt, deinde ejus nomen à Clodio delatum est: unde prohibitus fuit petere consulatum, nam reo illud legibus interdictum erat.

<sup>i</sup> *Prohibitus.*] Quia, ut modò vidimus, Catilina reus erat; atque etiam Lucius Volcatius alter consul publicum consilium habuerat. An Catalinæ ratio habenda esset? Sciendum est enim non tantum debuisse eos qui candidati essent, publicè declarare se magistratum petere velle; sed insuper nomen apud eum qui comitia habiturus erat, profiteri adstrictos fuisse, à quo recipiebantur, si digni essent, sin minus, rejiciebantur.

<sup>k</sup> *Legitimos.*] *Lege institutos*: dies enim certos accusatori et defensori ad actionem instituendam præscribebant.

<sup>l</sup> *Proferri.*] Defensionem suam et expurgationem, scilicet.

<sup>m</sup> *Nobilis.*] Utpote à Calpo Numæ filio oriundus: Piones enim ex gente Calpurnia fuerunt, quam Ovidius à Calpo deducit.

<sup>n</sup> *Hoc.*] Pisonem scilicet.

<sup>o</sup> *Ipsi.*] Catilina et Autronius.

<sup>p</sup> *Fascibus.*] Notum est fasces virgas fuisse ex ulmo, aut betulâ cum securi colligatas, quas magistratibus lictores præferebant; cum verò insignia essent dignitatis, hinc factum, ut pro eâ fasces accipiantur, atque hîc pro consulatu positi sunt.

obtinendas <sup>a</sup> duas Hispanias mittere. Eâ re cognitâ, rursus in Nonas Februar. consilium cædis transtulerunt. Jam tum non consulibus modo, sed plerisque senatoribus, perniciem machinabantur. Quod ni Catilina maturâset <sup>b</sup> pro curiâ signum sociis dare; eo die post conditam urbem Romam, pessimum facinus patratum foret. Quia nondum frequentes armati convenerant, ea res consilium diremit. Postea Piso, in citeriorem Hispaniam quæstor, <sup>c</sup> pro prætore missus est, adnŕtente Crasso; <sup>d</sup> quòd eum infestum Cn. Pompeio cognoverat. Neque tamen senatus <sup>e</sup> provinciâ invitâ dederat. Quippe sædum hominem à republicâ procul abesse volebat: simul, quia boni complures <sup>f</sup> præsidium in eo putabant, et jam tum potentia Cn. Pompeii formidolosa erat. Sed is Piso, in provinciâ, ab equitibus Hispanis, quos in exercitu ductabat, iter faciens, occisus est. Sunt qui ita dicant, imperia ejus injusta, superba crudelia, barbaros nequivisse pati: alii autem, equites illos Cn. Pompeii veteres, fidosque clientes, <sup>g</sup> voluntate ejus Pisonem aggressos: nunquam Hispanos <sup>h</sup> præterea tale facinus fecisse, sed imperia sæva multa antea prepressos. Nos eam rem <sup>i</sup> in medio relinquimus. De superiori conjuratione satis dictum.

<sup>k</sup> Catilina, ubi eos, quos paulò antè memoravi, convenisse videt; tametsi cum singulis multa sæpe egerat, tamen <sup>l</sup> in rem fore credens universos appellare, et cohortari, in abditam partem ædium secessit; atque ibi, omnibus arbitris procul amotis, orationem hujusce modi habuit:

“Ni virtus, fidesque vestra satis spectata mihi foret, nequicquam

#### INTERPRETATIO.

<sup>a</sup> Cum crederet ad conjurationis utilitatem pertinere.

#### NOTÆ.

<sup>a</sup> *Diŕas.*] Ulteriorem scilicet et citeriorem; idque càm per vim, tum contra morem: nam Hispaniæ provinciæ erant prætoris, Piso quæstor, tantùm erat; deinde alterutra, non ambæ uni assignabantur.

<sup>b</sup> *Pro curiâ.*] Id est, *Ante locum ubi senatus congregatus erat*; non enim uno et eodem loco semper habebatur.

<sup>c</sup> *Pro Prætore.*] Id est, *Quamvis prætor non esset, missus est tamen in provinciâ prætoriam, cum prætoriâ potestate.*

<sup>d</sup> *Quod eum infestum.*] Sperabat enim Pompeii potentiam per Pisonem imminutam iri.

<sup>e</sup> *Pro provinciâ.*] Hispaniam scilicet. Nimirum populus Romanus, quandoque nationem aliquam bello domuerat, eam

plerumque magistratibus suis subŕiciebat.

<sup>f</sup> *Præsidium.*] *Auxilium reipublicæ adversus Pompeium, ille resistendo.*

<sup>g</sup> *Voluntate.*] *Pompeii hortatu.*

<sup>h</sup> *Præterea.*] Omnino hunc locum ita arbitror intelligendum, ut non sit excusatio, quod alii volunt, sed facti negatio. Quasi dicat. *Quidam dicunt, Hispanos interfecisse Pisonem, et inter eos nonnulli ejus crudelitatem causam mortis faciunt, alii jussum Pompeii; at verò alii negant ab Hispanis Pisonem interfectum esse.*

<sup>i</sup> *In mediò.*] Ita ut cuivis liberum sit, quod volet credere aut pro alterutrâ sententiâ argumenta proferre.

<sup>k</sup> *Catilina.*] Nunc ad postremam Catilinæ conjurationem autor revertitur;

"opportuna res cecidisset; spes magna dominatio, in manibus frustra fuissent: neque, ego per ignaviam, aut vana ingenia, incerta pro certis captarem. Sed, quia multis, et magnis <sup>1</sup> tempestatibus vos cognovi fortes, fidosque mihi; eò animus ausus, maximum, atque <sup>2</sup> pulcherrimum facinus <sup>3</sup> incipere: simul, quia vobis eadem, quæ mihi, bona, malaque esse intellexi. <sup>4</sup> Nam, idem velle, atque idem nolle, ea demum firma amicitia est. Sed ego, quæ mente agitavi, omnes jam antea <sup>5</sup> diversi audistis. Cæterum mihi indies magis animus accenditur, cum considero, quæ conditio vitæ futura sit, nisi nosmet ipsi vindicamus in libertatem. Nam postquam respublica in paucorum potentium jus, atque <sup>6</sup> ditionem, concessit; semper illis reges, <sup>7</sup> tetrarchæ vectigales esse; populi, nationes, <sup>8</sup> stipendia pendere: cæteri omnes strenui, boni, nobiles, atque ignobiles, <sup>9</sup> vulgus fuimus; sine <sup>10</sup> gratiâ, sine <sup>11</sup> auctoritate, his obnoxii, quibus, si respublica <sup>12</sup> valeret, formidini essemus: itaque omnis gratia, potentia, honos, divitiæ apud illos sunt, aut ubi illi vo-

INTERPRETATIO.

<sup>1</sup> Quia multis, et magnis periculis vos cognovi fortes.

<sup>2</sup> Omnes jam antea audivistis separatim, quæ ego cogitavi.

<sup>3</sup> Postquam respublica redacta

est sub imperium et dominationem paucorum.

<sup>4</sup> Pro face et collusionione habitum sumus.

NOTÆ.

<sup>a</sup> Pulcherrimum.] Ea vis est boni, ut illius specie etiam perditissimi parricidæ suas, adumbrent machinationes.

<sup>b</sup> Incipere.] Hic Gruterum, virum doctissimum pudet barbarici: attamen idem prorsus in Terentii Eunuchō, Act 5. sc. 9. legitur.

*an me, qui id ausus sim*

*Incipere; an, fortissimam collaudem? &c.* Unde satis constat, hinc incipere, ut ille voluit, non esse deturbandum.

<sup>c</sup> Nam.] Hæc partim conclusio firmisimis nititur fundamentis; verum eam obscuravit Catilina, dum honestis nominibus nefandum scelus obvelare studet. Ita verò resolvat ejus ratiocinationem. *Ausus sum pulcherrimum facinus, non tantum quia vos estis fortes; verum etiam quia sumus amici firmi; constat verò firmos nos esse, quia eadem volumus et nolumus: at volumus eadem, quia eadem sunt nobis bona et mala.* Atque hæc posterior probatio detruncata est: et aperta ut sit, addas oportet, quorum quidem bonorum aut malorum ea est natura, ut nos omnes, uno et

*eodem modo eodem cogant.* Falsum autem est quod dicit Catilina, eadem ville et eadem nolle, efficere amicitiam: honestas si adsit, tunc illud nomine cohonestabitur amicitia; quæ si Catilinæ non defuisset, nihil ferè pulchrius aut utilius ejus oratione extaret.

<sup>d</sup> Tetrarchæ.] Non sunt illi qui quatuor provinciis, sed qui unius provincie quartæ parti præsunt.

<sup>e</sup> Stipendia.] Hic fuit dolus quorundam populorum, et fraus Romanorum. Cum illis horum cognita esset avaritia, hi verò omnium ferè gentium metum perspectum haberent; concordabant inter se, ita ut Romani, qui saltem gratiâ et auctoritate pollerent, ab illis populis publicam injuriam averterent patronis verò suis illi stipendia, aut, quod magis ad nostrum sermonem accedit, pensiones solverent.

<sup>f</sup> Gratiâ.] Apud populū; *Sans faveur, g. Auctoritate.* In senatu, *Sans crédit.*

<sup>h</sup> Valeret.] Id est, *statum suum legiti-*  
*mum obtineret.*

“Iunt: nobis reliquerunt pericula, <sup>a</sup> repulsas, <sup>b</sup> iudicia, egestatem.  
 “Quæ quousque tandem patiemini, fortissimi viri? Nonne emori  
 “per virtutem præstat, quàm vitam miseram, atque inhonestam, ubi  
 “alienæ superbæ ludibrio fueris, per dedecus amittere? Verùm enim-  
 “vero, prò Deum atque hominum fidem, victoria in manu nobis est:  
 “viget ætas, animus valet. Contrà illis, annis, atque divitiis, omnia  
 “consenuerunt. Tantummodo incepto opus est: cætera <sup>d</sup> res expe-  
 “diet. Etenim quis mortalium, cui virile ingenium est, tolerare po-  
 “test, illis divitias superare, quas profundant, in <sup>e</sup> extruendo mari,  
 “et montibus cœquandis, nobis rem familiarem etiam ad necessaria  
 “deesse? Illos binas, aut ampliùs domos continuare; nobis <sup>f</sup> larem  
 “familiarē nusquam nullum esse? Cum tabulas; signa, <sup>g</sup> toreumata  
 “emunt, <sup>h</sup> nova diruunt, alia ædificant; postremò omnibus modis  
 “pecuniam trahunt, <sup>i</sup> vexant; tamen summâ lubricine divitias suas  
 “vivere nequeunt. Ad nobis est domi inopia, foris æs alienum: mala  
 “res, spes multò asperior. Denique quid reliqui habemus præter  
 “miseram animam? Quin igitur expergiscimini? En illa, illa, quam  
 “sæpè optastis, libertas, præterea divitiæ, decus, gloria <sup>j</sup> in oculis  
 “sita sunt; fortuna ea omnia victoribus præmia posuit. Res, tempus,  
 “pericula, egestas, belli spolia magnifica, magis quàm oratio mea,  
 “vos hortentur. Vel imperatore vel milite me utimini. Neque <sup>k</sup> ani-  
 “mus, neque corpus à vobis aberit. Hæc ipsa, ut spero, vobiscum  
 “consul agam: nisi fortè me animus fallit, et vos servire magis,  
 “quàm imperare, parati estis.”

Postquam accepere ea homines, quibus mala abundè omnia erant,  
 sed neque res, neque spes bona ulla: tametsi illis, quietam movere,

## INTERPRETATIO.

\* Tamen per suam summam libidinem et sumptus immensos non possunt exhaurire suas divitias.  
 † Decus, gloria, vobis se offerunt.

## NOTÆ.

<sup>a</sup> Repulsas.] Catilina bis consulatum petiit, bis repulsus fuit.

<sup>b</sup> Iudicia.] Quæ in nos exercentur scilices. Alii ambitus, alii repetundarum penas dederant.

<sup>c</sup> Consenuerunt. [Id est, imminuta sunt, aut prorsus interierunt.]

<sup>d</sup> Res expedit.] Id est, Reliqua sine nobis perficiuntur. Gall. Le reste se fera de soi même.

<sup>e</sup> Extruendo.] Extruere hic est, edificare, donec locus mari subtrahatur. Gall. Optime dicimus. Combler les mers.

<sup>f</sup> Larem.] Lares dii erant domestici, quibus focus sacer erat: unde ipsi pro foco et domo sæpè positi, ut hoc in loco.

<sup>g</sup> Toreumata.] Toreuma esse videtur quicquid cælo aut torno, elaboratum est. Gall. Tout ouvrage de relief, et fait en bois ouvrage, fait au tour.

<sup>h</sup> Nova.] Id est, quod nuper edificaverant, hodie diruunt, ut denuo extruant.

<sup>i</sup> Vexant.] Verbum istud prorsus referendum est ad pecunias, non, uti volunt nonnulli, ad homines. Hoc dicit, aliquos quanquam pecunias suas profunderent, non potuisse tamen exhaurire: sed verbum quo usus est autor magnam habet emphasisim.

<sup>k</sup> Animus.] Id est, vos consilio et manu juvero.

magna merces videbatur; tamen postulare plerique, uti proponeret, quæ conditio belli foret; quæ armis præmia peterent: quid ubique opis, aut spei haberent. Tum Catilina polliceri <sup>a</sup> tabulas novas, <sup>b</sup> proscriptionem locupletium, magistratus, <sup>c</sup> sacerdotia, rapinas, alia omnia, quæ bellum atque lubido victorum fert: præterea, esse in Hispaniâ, citeriore <sup>d</sup> Pisonem, in <sup>e</sup> Mauritaniâ cum exercitu P. Sittium <sup>f</sup> Nucerinum, consilii sui participes: petere consulatum <sup>g</sup> C. Antonium, quem sibi collegam fore speraret, hominem et familiarem, et omnibus necessitudinibus circumventum: cum eo consulem se initium agendi facturum. Adhuc, maledictis increpabat omnes bonos: suorum unumquemque nominans, laudare, admonebat alium egestatis, alium cupiditatis suæ, complures periculi, aut ignominæ, multos victoriæ Sullanæ, quibus ea prædæ, fuerat. Postquam omnium animos <sup>h</sup> alacres videt; cohortatus, ut <sup>i</sup> petitionem suam curæ haberent, conventum dimisit. Fuere eâ tempestate, qui dicerent Catilinam, oratione habitâ, cum ad jusjurandum <sup>j</sup> populares sceleris sui adigeret, humani corporis sanguinem vino permixtum in pateris <sup>k</sup> circumtulisse; inde, cum post execrationem omnes degustavissent, sicuti in <sup>l</sup> solemnibus sacris fieri consuevit, aperuisse consilium suum; asque eò dicitare fecisse, quò inter se magis fidi foreat, alius alii tanti facisoris conscii. Nonnulli ficta et hæc, et multa præterea, existimabant ab

INTERPRETATIO.

<sup>1</sup> *Postquam videt animos omnium oratione commotos et accensos.* | *illos qui sceleris sui conscii erant et fautores.*

<sup>2</sup> *Cum adigeret ad jusjurandum*

NOTE.

<sup>a</sup> *Tabulas.*] Tabulæ novæ appellantur, cum abolitis prioribus debitis, nemo, quod ante à creditoribus acceptum est, cogitur solvere: quæ quidem propositæ sunt aliquando tabulæ, cum ære alieno, et præsertim usuris plebs Romana oppressa erat. Gall. *Abolition des dettes.* Anglicæ, an Act of Grace.

<sup>b</sup> *Proscriptionem.*] Ex quo factionis locupletium bona veniebant. Illud verò malum in civitatem invexerant bella civilia. Nam qui per illa victoriam adepti fuerant, illi nomina eorum, qui diversarum partium fuisse putabantur, in tabulis descripta proponebant, constitutis præmiis, si quis eorum quenkumque occidisset: bonis etiam proscriptorum publicatis atque hastæ subiectis.

<sup>c</sup> *Sacerdotia.*] Non tam dignitatem ipsam sacerdotalem, cujus nebulones illi prope nullam curam habebant, quam ex

dignitate lucrum, aut, quod vocamus nos, *beneficium* aut *præbendam*.

<sup>d</sup> *Pisonem.*] Quem occisum fuisse Catilinam latebat, aut certè dissimulabat.

<sup>e</sup> *Mauritaniâ.*] Africæ regio est, versus Gaditanum fretum.

<sup>f</sup> *Nucerinum.*] *Nuceria ortum.* Quatuor autem Nuceriæ fuerunt in Italiâ.

<sup>g</sup> *C. Antonium.*] Hic fuit triumviri patruus.

<sup>h</sup> *Petitionem.*] Consulatus scilicet ut illi ambirent, &c.

<sup>i</sup> *Circumtulisse.*] Ut singuli biberent, seu potius libarent, et leviter attingerent.

<sup>k</sup> *Solemnibus.*] Id est, quæ certis anni temporibus fieri solebant. In iis autem mos erat sacerdoti, priusquam inter victimæ cornua vinum funderit, simpulo, id est vasculo ligneo aut fictili, propinare, atque de vino gustarent.

iis, qui <sup>a</sup> Ciceronis invidiam, quæ postea orta est, leniri credebant atrocitate sceleris eorum qui pœnas dederant. Nobis ea res pro magnitudine parum comperta est. Sed in eâ conjuratione fuit Q. Curius, natus haud obscuro loco, flagitiis atque facinoribus coopertus, quem censores senatu, <sup>1</sup> probri gratiâ, moverant. Huic homini non minor <sup>2</sup> vanitas inerat, quam audacia. Neque reticere, quæ audierat; neque suamet ipse scelera occultare: prorsus neque dicere, neque facere, quicquam pensi habebat. Erat ei cum Fulviâ, muliere nobili, stupri vetus consuetudo. Cui cum minus gratus esset, quod inopiâ minus largiri poterat, repentē glorians, maria, montesque polliceri cœpit, <sup>b</sup> minari interdum ferro, ni sibi obnoxia foret: postremò, ferociùs agitare, quàm solitus erat. At Fulvia, insolentiæ Curii Causâ cognitâ, tale periculum reipublicæ haud occultum habuit: <sup>3</sup> sed, sublato auctore, de Catilinæ conjuratione, quæ, quo modo audierat, compluribus narravit. Ea res in primis studia hominum accendit ad consulum mandandum M. Tullio Ciceroni. Namque antea pleraque nobilitas invidiâ æstuabat, et quasi pollui consulum credebat, si eum, quamvis egregius, homo <sup>c</sup> novus adeptus foret. Sed ubi periculum advenit, invidia, atque superbia <sup>d</sup> postfuere. Igitur, <sup>e</sup> comitiis habitis, consules declarantur M. Tullius, et C. Antonius. Quod factum primò populares conjurationis <sup>f</sup> concusserat. Neque tamen Catilinæ furor minuebatur; sed indies plura agitare; arma per Italiam locis opportunis parare; pecuniam, suâ, aut amicorum, fide sumptam, mutuat <sup>g</sup> Fæsulæ ad Manlium quendam portare; qui postea <sup>h</sup> princeps fuit belli faciundi. Eâ tempestate plurimos cujusque generis homines adscivisse sibi dicitur; mulieres etiam aliquot, quæ primo ingentes sumptus stupro corporis toleraverant: post, ubi ætas, tantummodo quæstui, neque luxuriæ modum fecerat, æs alienum grande <sup>i</sup> con-

## INTERPRETATIO.

<sup>1</sup> Quem censores ex senatu egerant, ut ipsum ignominia multarent.

<sup>2</sup> Non minor levitas et futilitas inerant huic, quàm audacia.

<sup>3</sup> Sed, tacito nomine auctoris, narravit compluribus ea quæ au-

diverat, de conjuratione Catilinæ, eo modo quo audierat.

<sup>4</sup> Invidia atque superbia postposita fuerunt.

<sup>5</sup> Quot factum turbaverat primò conjuratos.

<sup>6</sup> Qui postea primus bellum intulit.

## NOTE.

a Ciceronis.] Hoc est, quæ in eam exarsit.

b Minari.] Dicebat se eam gladio interfectorum.

c Novus.] Ille novus homo dicebatur cujus majores amplissimis usi non essent honoribus: qui primus virtute suâ majoribus prælucebat.

d Comitiis.] Comitia conventus erant populi ad creandos magistratus, leges ferendas, &c.

e Fæsulas.] Fæsulæ, urbs Tusciæ versus Appenninum, juxta florentiam.

f Conflaverant.] Id est, quæ se alieno ære obstrinxerant. Gall. Qui s'étoient endettés.



flaverant. Per eas se Catilina credebatur posse <sup>1</sup> servitia urbana sollicitare, urbem <sup>2</sup> incendere, viros earum, vel adungere sibi, vel interficere. Sed in his erat Sempronia, quæ multa sæpè virilis audaciæ facinora commiserat. Hæc mulier genere atque formâ, præterea viro atque liberis, satis fortunata fuit: literis Græcis et Latinis docta: psallere, saltare elegantius, quàm necesse est probæ: multa alia quæ instrumenta luxuriæ sunt: sed ei cariora semper omnia, quàm decus, atque pudicitia fuit. Pecuniæ, an famæ minùs parceret, haud facile discerneres; lubidine sic accensa, ut sæpiùs peteret viros, quàm peteretur. Sed ea sæpè antehac <sup>b</sup> fidem prodiderat, <sup>2</sup> creditum abjuraverat, cædis conscia fuerat, luxuriâ atque inopiâ præceps abierat. Verùm ingenium ejus haud absurdum: posse versus facere: <sup>c</sup> jocum movere: sermone uti, vel <sup>d</sup> modesto, vel <sup>e</sup> molli, vel <sup>f</sup> procaci. Prorsus multæ <sup>g</sup> facietæ, multusque lepos inerat. His rebus comparatis, Catilina nihilominus in proximum annum consulatum petebat: sperans, si designatus foret, facile se ex voluntate Antonio usurum. Neque interea quietus erat, sed omnibus modis insidias parabat Ciceroni. Neque illi tamen ad cavendum dolus, aut astutiæ deerant. Namque à principio consulatûs sui multa per Fulviam pollicendo, effecerat, ut Q. Curius, de quo paulò antè memoravi, consilia Catilinæ sibi proderet. Ad hoc, collegam suum Antonium <sup>h</sup> pactiōne provinciæ perpulcrat, ne contra rempublicam sentiret: circum se præsidia amicorum, atque clientium occultè habebat. Postquam dies comitiorum venit, et Catilinæ neque petitiō, neque insidiæ, quas consuli fecerat, prosperè cessere; constituit bellum facere, et extrema omnia experiri; quoniam, quæ occultè tentaverat, aspera fœdaque evenerant. Igitur C. Manlium Fæstulas, atque in eam partem i Etruriæ, Septimium quemdam <sup>k</sup> Camertem in

INTERPRETATIO.

<sup>1</sup> Credebat se posse per eas multitudinem servorum urbanorum ad defectionem impellere.

<sup>2</sup> Pejerando, rem creditam negaverat.

NOTÆ.

<sup>a</sup> Incendere.] Ut scilicet, per tumultum facilis esset, quos vellent interficere.

<sup>b</sup> Fidem prodiderat.] Id est, promissis cum sacramento non steterat; perfidiam se præbuerat.

<sup>c</sup> Jocum.] Gall. Elle entendait la raillerie.

<sup>d</sup> Modesto.] Gall. Le sérieux.

<sup>e</sup> Molli.] Le Gallant.

<sup>f</sup> Procaci.] Le langage qui est trop libre; n'est bon que à des effrontes.

<sup>g</sup> Facietia.] Id est, urbanitas, et gratia,

decus et exculta elegantia. Fortè non malè veritas Gallice Enjouement.

<sup>h</sup> Pactiōne.] Ciceroni Macedonia cum obtingeret quæ optima erat provincia ex commercio et mercibus orientis, eam ille Antonio concessit, ut obsequio ipsum mitigaret, atque impediret, ne contra rempublicam machinaretur.

<sup>i</sup> Etruria.] Italiæ regio non longe à Latia ad occasum. Hodie Toscane.

<sup>k</sup> Camertem.] Ex oppido Umbria Camertâ, aut Camerino oriundum.

<sup>a</sup> agrum Picenum, C. Julium in <sup>b</sup> Apuliam dimisit, præterea alium aliò, quem ubique opportunum sibi fore credebat. Interea Romæ multa simul moliri: consuli insidias tendere: parare incendia: opportuna loca armatis hominibus obsidere: ipse cum <sup>1</sup> telo esse, item alios jubere, hortari, uti semper intenti, paratique essent: dies, noctesque festinare: vigilare: neque <sup>c</sup> insomniis, neque labore fatigari. Postremò, ubi multa agitantibus nihil procedit, rursus <sup>d</sup> intempestà nocte conjurationis principes convocat per M. Porcium Læcam, ibique multa de ignaviâ eorum questus, docet se præmisisse Manlium ad eam multitudinem, quam ad capiendâ arma paraverat; item alios in alia loca opportuna, qui initium belli facerent; seque ad exercitum proficisci cupere, si priùs Ciceronem oppressisset; eum suis consiliis multum officere. Igitur, perterritis ac dubitantibus cæteris, C. Cornelius, eques Romanus, operam suam pollicitus, et cum eo L. Vargunteius Senator constituere <sup>2</sup> eâ nocte paulò post, cum armatis hominibus, sicuti salutatum, introire ad Ciceronem, et de improvviso domi suæ imparatum confodere. Curius, ubi intellegit, quantum periculum consuli impendeat, properè per Fulviam Ciceroni dolum qui parabatur enunciat. Ita illi <sup>e</sup> januâ prohibiti, tantum facinus frustra susceperant. Interea Manlius in Etruriâ plebem sollicitare, egestate simul, ac <sup>f</sup> dolore injuriæ novarum rerum cupidam, quòd Sullæ dominatione, agros, bonaque omnia amiserat; præterea, latrones cujusque generis quorum in ea regione magna copia erat: nonnullos ex Sullanis <sup>g</sup> coloniis, quibus libido atque luxuria ex magnis rapinis nihil reliqui fecerant. Ea cum Ciceroni nunciarentur, <sup>h</sup> ancipiti malo permotus, quòd neque urbem ab insidiis privato consilio longiùs tueri poterat: neque exercitus Manlii quantus, aut quo consilio foret, <sup>i</sup> satis com-

## INTERPRETATIO.

<sup>1</sup> Ipse cum gladio in publicum prodibat. | ceronem eâ nocte, paulò post, sicuti salutatum ivissent.

<sup>2</sup> Constituerunt introire ad Ci-

## NOTÆ.

<sup>a</sup> Agrum Picenum.] In mediâ propemodum Italiâ, ad mare Adriaticum: hodie, *La marche d'Ancone*.

<sup>b</sup> Apuliam.] Ad mare Adriaticum jacet, in Italiæ orâ extremâ ferè, quæ vergit ad orientem.

<sup>c</sup> Insomniis.] Insomnia est cum quis dormire non potest.

<sup>d</sup> Intempestâ.] Circa mediâ noctem, cum tempus non est amplius operandi. *Conticinio, concubio.*

<sup>e</sup> Januâ.] Ciceronis scilicet.

<sup>f</sup> Dolore.] Quòd sibi à Syllâ bona erepta fuissent.

<sup>g</sup> Coloniis.] Syllæ milites erant, quibus Hetruscorum agros diviserat, quòd ii Marii partes secuti essent.

<sup>h</sup> Ancipiti.] Id est, quòd ex utràque parte imminerebat.

<sup>i</sup> Satis. Ex toto hoc negotio maximum certe erat periculum. Cum enim in senatu ipso plurimi essent, iique maxime potentes, qui conjurationi faverent; invidiosum erat homines accusare tanto favore subnixos, nisi pariter coarguerentur: deinde ipsis reipublicæ consilia manifestabantur.

pertum habebat: rem ad senatum <sup>a</sup> refert, jam antea vulgi rumoribus exagitata. Itaque, quod plerumque in atroci negotio solet, senatus decrevit, <sup>b</sup> darent operam consules, ne quid respublica detrimenti caperet. Ea potestas per senatum, more Romano, magistratui maxima permittitur, exercitum parare, bellum gerere, coercere omnibus modis socios, atque cives: domi, militiæque imperium, atque iudicium summum habere. Aliter sine populi jussu, nulli earum rerum consuli jus est. Post paucos dies, L. Senius Senator in senatu literas recitavit, quas Fæsulis allatas sibi dicebat; in quibus scriptum erat, C. Manlius arma cepisse cum magnâ multitudine ante diem vi. Kâl. Nov. Simul, <sup>c</sup> id quod in tali re solet, alii portenta atque prodigia nuntiabant; alii, conventus fieri, arma portari, <sup>d</sup> Capuæ atque in Apuliâ <sup>e</sup> servile bellum moveri. Igitur <sup>f</sup> senati decreto, Q. <sup>g</sup> Marcius Rex Fæsulis; Q. <sup>h</sup> Metellus Creticus in Apuliam, circumque ea loca missi. Hi utrique <sup>i</sup> ad urbem imperatores erant impediti, ne triumpharent, calumnia paucorum, quibus omnia honesta, atque inhonesta vendere mos erat. Sed prætores Q. Pompeius Rufus Capuam, Q. <sup>k</sup> Metellus Celer in agrum Picenum: hisque <sup>l</sup> permissum, uti pro tempore, atque periculo exercitum compararent. Ad hoc, si quis indicasset de conjuratione, quæ contra remp. facta erat, præmium, serva libertatem et <sup>m</sup> H. S. C. libero impunitatem ejus rei, H. S. CC.

## NOTÆ.

<sup>a</sup> Refert.] Referre, est rem agendam in senatu proponere.

<sup>b</sup> Darent operam.] His verbis solemnibus, summum imperium, et quasi dictatorium consulis deferebatur.

<sup>c</sup> Id quod.] Parenthesis est. Gall. Comme c'est la coutume en de pareilles rencontres.

<sup>d</sup> Capua.] Urbs fuit Campaniæ nobilissima mari Tyrrheno adjacens: cujus illecebris et amenitate usque adeo caput Annibal, ut ipsius domitrix dicta fuerit.

<sup>e</sup> Servile.] Id est, quod per servos gerebatur. Gall. Qu' en tâchoit d'y faire soulever les esclaves.

<sup>f</sup> Senatus.] Pro Senatûs; ita olim.

<sup>g</sup> Marcius.] Marciorum familia ab Anco Marcio quarto Romanorum rege deducitur. Hic consul fuit cum L. Metello, quo mortuo, et eo qui in ejus locum suffectus erat, solus Marcius consulatum gessit.

<sup>h</sup> Metellus.] Cognomen habuit à devictâ Cretâ post consulatum.

<sup>i</sup> Ad urbem.] Quia ante triumphum urbem intrare non erat licitum.

<sup>k</sup> Metellus Celer.] Hic beneficio Cice-

ronis, Galliam ipsi destinata, sed in concione deposita, administravit; consul fuit postea cum Afranio.

<sup>l</sup> Permissum.] Imò et imperatum.

<sup>m</sup> H. S.] Sestertium denotat hæc figura, cujus si accusationem cognitionem habere voles, opus erit adire eos qui de ære tractarunt, Budæum, puta, Hottomannum, aliosque: neque enim, quæcunque ab aliis bene scripta sunt, opus est huc transcribere. Interim, ne omnino vacuus discedas, quantum satis erat, dicemus ad hujus loci intelligentiam. Sestertius, ut quidem plurimis ex locis collibere videor, nummus fuit primò æreus, valore duorum assium cum semisse, qui postea ex argento conflatus quinque, æstimatus fuit: atque utrumque, si ad moneta nostræ Galliæ rationem exigas, prior decem Turonensibus denariolis, paulò pluris, vel secundum alios quatuordecim; posterior duplò valebat. Verùm difficultas in eo non est, cum ubique prostant Tabulæ pro monetarum æstimatione. Numerandi ratio hæc in parte obscuritatem attulit, quam tamen ex pauculis sequentibus lineis intelliges. Quando nu-

itemque decrevêre, uti <sup>a</sup> familiæ gladiatoria Capuam, et in cætera municipia distribuerentur pro cujusque <sup>b</sup> opibus, Romæ per totam urbem vigiliæ haberentur, eisque <sup>c</sup> minores magistratus præessent. Quibus rebus permota civitas, atque immutata facies urbis erat; ex summâ lætitiâ, atque <sup>d</sup> lasciviâ, quæ diuturna neques pepererat, repente omnis tristitia invasit. Festinare, trepidare, neque loco, neque hominî cuiquàm satis credere: neque bellum gerere, neque pacem habere: suo quisque metu pericula metiri. Ad hoc, mulieres, quibus <sup>1</sup> pro reip. magnitudine belli timor insolitus incesserat, afflictare sese; manus supplices ad cælum tendere; misereri parvos liberos; rogare; omnia pavere; superbiâ atque deliciis amissis, sibi patriæque, diffidere. At Catilinæ crudelis animus eadem illa movebat, ta-

## INTERPRETATIO.

<sup>1</sup> Propter reipublicæ magnitudinem.

## NOTÆ.

merus intra mille continetur, nulla est propterea difficultas: rotundè et absque ullâ precisione Romani, sicut et alii, numerant: sed numerus quando mille numeros seu sestertios excedit, sæpe detruncatus est; ita ut mille pro singulis sint intelligendi. Cùm summa eo quo dixi modo ampliùs quàm mille complectebatur, tum per Genetivum pluralem *sestertium* illam exprimebant; adeò ut *Sestertiâ*, et mille sestertii sint res una et eadem: Unde factum, ut poëtæ ex genetivo illo plurali, nomen genere neutro effecerint, quo tamen nisi in numero plurali non utuntur; atque ita illis singula sestertia pro mille veniunt sestertiis illis parvis à masculino sestertius, quo solo oratores utuntur. Si verò summa esset minimùm decies centinorum millium, tum adverbis decies, centies, viciès, &c. utebantur, quæ adverbia centena millia faciiebant, quamvis ea non exprimerentur. Jam res satis clara est, interim nodus unus restat explanandus; sciendum enim, an hoc Sallustii loco centum sestertia, an centum sestertium seu sestertiorum intelligantur. Hic verò opus est conjecturâ et iudicio. Dico itaque, primò, ab aliis prolixè probatum esse hanc figuram H. S. pro minoribus sestertiis, in masculino genere positam esse, quatenus nullus

numerus, nisi qui expressus est intelligitur; deinde venire etiam eandem figuram, pro *sestertium*, vel *sestertia* poetarum. Hoc posito, nihil facilius est quàm videre inceptum fore, si senatus, in re quæ salutem publicam respiciebat, centum sestertios, vilissimam pecuniam, decrevisset. Ergo figura hæc H. S. C. *centum*, hoc in loco, facit *sestertium*, vel si cum poetis loqui ames centum *sestertia*, id est *centena millia nummorum seu sestertiorum*: quæ ad nostram monetam, si per summam integram et solidam referas; quingentos efficiunt aureos dupliones; *Cinque cens pistoles*.

<sup>a</sup> *Familiæ*.] Qui gladiatores apud unum lanistam sese exercebant, discabant, aut serviebant, ii familia dicebantur.

<sup>b</sup> *Opibus*.] Sæpe gladiatores à privatis empti ad tumultum et cædem; ipsi aliquando bella et quidem gravia excitaverunt; adeoque minimè mirum si suspecti essent, ex urbe deducerentur; atque pro ratione virium, in municipia distribuerentur.

<sup>c</sup> *Minores*.] Quæstores, puta, ædiles minores, triumviri capitales, &c.

<sup>d</sup> *Lasciviâ*.] Non hic prositâ pro incontinentiâ, seu obscenâ libidine; sed tantum pro ludibundâ, exultante, et profusâ lætitiâ.

metſi præſidia parabantur, et ipſe lege <sup>a</sup> Plautiâ interrogatus erat ab L. <sup>b</sup> Paulo : poſtremò, diſſimulandi cauſâ et quaſi ſui expurgandi, ſicuti <sup>c</sup> jurgio lacceſſitus foret, in ſenatum venit. Tum M. Tullius conſul, live <sup>d</sup> præſentia ejus tenens ſive irâ commotus, orationem habuit luvulentam atque utilem reipublicâ quâ poſtea ſcriptam edidit. Sed ubi ille aſſedit, Catilina, ut erat paratus ad diſſimulanda omnia, demisso vultu, voce ſupplici, poſtulare à patribus, ne quid de ſe temerè crederent : <sup>e</sup> eâ familiâ ortum, ita ab adoleſcentiâ vitam inſtituiſſe, ut omnia <sup>f</sup> bona in ſpe haberet : ne exiſtumarent, ſibi patricio homini, cujus ipſius, atque majorum plurima beneficia in plebem Romanam eſſent, perditâ republicâ opus eſſe : cùm eam <sup>g</sup> ſervaret M. Tullius, <sup>h</sup> inquilinus civis urbis Romæ. Ad hoc, maledicta alia cùm adderet ; obſtrepere omnes ; hoſtem, atque parricidam vocare. Tum ille furibundus : *Quoniam quidem circumventus, inquit, ab inimicis præceps agor, incendium <sup>i</sup> meum ruinâ extinguiam.* Dein ſe ex curiâ domum proripuit. Ibi multa ſecum ipſe volvens, quòd neque inſidiæ conſuli procedebant, et ab incendio intelligebat urbem vigiliis munitam, optimum factu credens exercitum augere ; ac priùs, quàm legiones ſcriberentur, multa antè capere, quæ bello uſui forent ; nocte intempeſtâ, cum paucis, in Manliana caſtra profectus eſt. Sed Cethego, atque Lentulo, cæterisque, quorum cognoverat promptam audaciam, mandata, quibus rebus poſſent, opes factionis confirment,

INTERPRETATIO.

<sup>1</sup> Pergit dicere, ſe eſſe ortum ab adoleſcentiâ, ut non, niſi bonam eâ familiâ, ita inſtituiſſe vitam ſpem, de ſe præberet.

NOTE.

a *Plautiâ.*] Eam tulit Plautius tribunus plebis, adjuvantibus Catulo et Lepido, anno ante conjurationem Catillinæ 15. ut quæreretur in eos qui quovis modo ſenatui, magiſtratibus, imò et privatis hominibus, inſidias, aut vim feciſſent.

b *Paulo.*] Is poſtea Conſul fuit.

c *Jurgio.*] Comme ſi on lui eut fait une querelle mal à propos.

d *Præſentiam.*] Timebat ne fortè, cum Catilina auſus eſſet in ſenatum venire, minùs crederent ſenatores quæ ipſe de conjuratione indicaverat.

e *Bona in ſpe.*] Qu' on ne pouvoit avoir que des eſperances avantageuſes de lui.

f *Servaret.*] Id eſt, ſervare ſtuderet, aut ſervandam ſtitularet. Neque verò Catilina

linæ mens eſt dicere, ſervatâ òpus eſſe reipublicâ, aut ſe ejus ruinam quæſiſſe.

g *Inquilinus.*] Peregrinus, Arpino oriundus.

h *Meum.*] Id eſt, quod in me accitatum eſt. Metaphora ſumpta ab incendiis, quæ ut ne in diſſita ædificia graſſentur, ruinâ intermediorum impediri ſolent. Intendit Catilina ſe peſtem reipublicæ, aut ſaltem inimicis importaturum, potius quàm periturum. Cæterùm auctoritatè Ciceronis contendunt, non iſtud in ſenatu Catilinâ dictum fuiſſe, ſed eum Catoni ante comitia conſularia judicium minitanti, reſpondiſſe volunt, ſi quòd eſſet in fortunas ſuas incendium excitatum, id ſe non aquâ, ſed ruinâ extincturum.

insidias consuli maturent; cædem, incendia, aliaque bellâ facinora parent: sese propediem cum magno exercitu ad urbem accessurum. Dum hæc Romæ geruntur, C. Manlius ex suo <sup>1</sup> numero legatos ad Q. Marcium Regem mittit, cum mandatis hujusmodi:

“ DE OS, hominesque testamur, imperator, nos arma neque contra patriam cepisse, neque <sup>2</sup> quò periculum aliis faceremus; sed uti cor-  
 “ pora nostra ab injuriâ tuta forent: qui miseri, egentes, violentiâ at-  
 “ que crudelitate fœneratorum, plerique patriâ, sed omnes famâ, at-  
 “ que fortunis expertes sumus: neque cuiquam nostrum licuit, more  
 “ majorum, <sup>3</sup> lege uti, ne que, amisso patrimonio, <sup>4</sup> corpus liberum ha-  
 “ bere: tanta sævitia fœneratorum, atque prætoris fuit. Sæpe majores  
 “ res vestrum miseriti plebis Romanæ decretis suis inopiæ ejus <sup>5</sup> opit-  
 “ tulati sunt: ac novissimè, memoriâ vestrâ, propter magnitudinem  
 “ æris alieni, volentibus omnibus bonis, argentum <sup>6</sup> ære solutum est.

## INTERPRETATIO.

<sup>1</sup> Manlius mittit quosdam ex suis militibus legatos ad Q. Marcium Regem.

<sup>2</sup> Neque ut alios in discrimen adduceremus.

## NOTÆ.

a *Lege.*] Papiriâ, aut quamvis aliâ, quæ civibus adversus fœneratores consuleret; ne illi in debitores sævirent, eos ligarent, aut alio modo vexarent.

b *Corpus liberum.*] Lex fuit duodecim tabularum atrocissima contra perfidiam debitorum, quâ, non tantum illi vinciri, sed etiam in partes secari, ab iis quibus adjudicati essent, licitum erat. Illam eo fine paraverant, ut ne, perfidiâ debitorum, subsidium pecuniæ mutuatitiæ, quo communis hominum vita indiget inopiæ temporariæ adimeretur. Quoniam verò sævitia ista pœnæ non quita est contemni, quenquam dissectum esse antiquitus, Gellius testatur, se nec legisse, nec audivisse: hinc factum ut situ et senio, tum etiam legibus subsequentibus, de istâ acerbitate detractum fuerit. Ligari corpus debitorum non pariter in desuetudinem abiit; nam pro moribus et temporibus reipublicæ, plebem hæc de re conquestam esse, cum ex aliis locis, tum ex hac Manlii epistolâ omnino conspicimus.

c *Opitulati sunt.*] Fœnus cum pro libitu non semel auctum fuisset, aliquando etiam tribunitiâ rogatione diminutum est

adeò ut non tantum ex uncario, quod tantum fuerat duodecim tabulis, semunciarium, in singulos menses, factum sit, sed omnino lege L. Genutii tribuni plebis sublatum.

d *Ære.*] Hic per æs nonnulli æs commune, seu ærarium, intelligunt; atque arbitrantur ex publicis pecuniis expedita fuisse nomina hominum privatorum; quod ut firment, aliquid simile ex Livio, multo antè tamen actum, proferunt. At certè, cum de ista nostrâ solutione nullum vestigium, quod quidem sciam, aut ab illis indicetur, uspiam appareat; non modò de re ipsâ dubius hæreo, sed ut maximè vera esset, eam Manlii verbis significari non equidem arbitratus fuero. Potius est ut credam, hoc in loco, quamvis obscure, illud indicari tamen quod præstitit Valerius Flaccus in Martii locum suffectus, qui, ut refert Paterculus lib. 2. turpissimæ legis autor fuit, quâ creditoribus quadrantem solvi jussit. Si enim verum est, uti quidem libentissimè credò, quod alicubi testatur Lambinus in commentariis ad Horatium, se sestertium vidisse argenteum V. signatum, id est, ut ille exponit, valere

"Sæpe ipsa plebs, aut dominandi studio permota, aut superbiâ magistatuum armata, à patribus secessit. At nos non imperium, neque divitas petimus, quarum rerum causâ, bella, atque certamina omnia inter mortales sunt; sed libertatem, quam nemo bonus, nisi cum animâ simul, amittit. Te, atque senatum obtestamur, consulatis miseris civibus, legis præsidium, quod iniquitas prætoris eripuit, restituatis; neve nobis eam necessitudinem imponatis, ut quæramus, quoniam modo, maxime ulti sanguinem, nostrum, percamus.

Ad hæc, Q. Marcius respondit, si quid ab senatu petere vellent, ab armis discendant, Romam supplices profiscantur: eâ misericordiâ atque mansuetudine senatum, populumque Romanum semper fuisse, ut nemo unquam ab eo frustrâ auxilium petiverit. At Catilina ex itinere plerisque consularibus, præterea optimo cuique literas mittit: se falsis criminibus circumventum, quoniam factioni inimicorum resistere nequiverit, fortunæ cedere Massiliam in exilium proficisci; non quod sibi tanti sceleris conscius esset, sed uti respublica quieta foret, neve ex suâ contentione seditio oriretur. Ab his longè diversas literas Q. Catulus in senatu recitavit: quas sibi nomine Catilinæ redditas dicebat. Earum exemplum infra scriptum est.

INTERPRETATIO.

<sup>1</sup> Dicit, senatui et populo Romano talem misericordiam atque mansuetudinem semper fuisse, ut, &c.

criminibus et accusationibus, cedere fortunæ.

<sup>3</sup> Non ideo quod sibi conscius esset tanti sceleris.

<sup>2</sup> Dicit, se circumventum falsis

NOTE.

quinque assuum; nullus dubitat quin ad illud respexerit Manlius, cum as qui æreus est, ne quidem quartam partem faciat sestertii, qui argenteus fuit, idque tam egregie ad ejus scopum pertineat. Atque ita tempora optime convenient, et verè dixerit Manlius memoria vestra, cum antea viderimus superstites Syllanos milites, Valerium in Marii locum subrogatum, nec quemquam lateat Syllam et Marium coævos fuisse.

a A patribus.] A senatu et potentioribus; quod quidem ter aut quater factum fuisse legimus, seu libertatem, seu pudicitiam, seu natalium dignitatem, seu honorem decora et insignia populus vindicaverit, ut loquitur Florus.

b Bonus.] Id est cordatus.

c Consulatis.] Id est, eorum rationem habeatis, ipsis prospiciatis, et ruinam avertatis.

d Ex itinere.] Postquam Româ discesserat; ex locis ubi commorabatur.

e Consularibus.] Illis, qui consulatum gesserant, ideo scripsit Catilina, quod major eorum in senatu auctoritas esset, primique sententiam suam dicerent.

f Massiliam.] Urbs est Galliæ Narbonensis maritima, quæ et antiquissima; à profugis ex Ioniâ Phocensibus condita. Hodie Marseilles.

g Nomine.] Gall. De la part.

h Exemplum.] Gall. La copie. Atque ipsius Catilinæ propria esse verba arbitrator, cujus ut mens, ita stylus perplexus est.

"L. Catilina Q. Catulo S. <sup>a</sup> Egregia tua fides, re cognita, <sup>b</sup> grata  
 "mihi, <sup>c</sup> magnis in meis periculis, <sup>d</sup> fiduciam commendationi <sup>e</sup> mea  
 "tribuit. <sup>f</sup> Quamobrem defensionem in <sup>g</sup> consilio novo <sup>h</sup> non statui  
 "parare: satisfactionem ex nullâ conscientia de culpa; proponere de-  
 "crevi: <sup>i</sup> quæ me diùs <sup>k</sup> fidiùs licet vera tecum recognoscas. Inju-  
 "riis, contumeliisque concitatus, quòd, fructû laboris industriæque  
 "meæ privatus, <sup>l</sup> statum dignitatis; non obtinebam, publicam mise-

## NOTE.

a *Egregia.*] Id est, excellens, cuique  
 via similis reperitur.

b *Grata.*] Id est, jucunda; sed istud  
 ita intelligendum est, ut grati animi  
 testificationem involvat. Gall. Dicere-  
 mus, *Dont je vous suis obligé.*

c *Magnis.*] Catuli enim gratia fultus  
 maximè, cum incesti cum Fabia virgine  
 Vestali accusatus esset, iudicium effugit.

d *Fiduciam.*] Id est, facti ut confidam,  
 tibi commendans meas fortunas.

e *Meæ.*] Id est, quæ ego fortunas meas  
 tibi committo.

f *Quamobrem.*] Locum maximè diffi-  
 lem nobis fecit mens Catilinæ scelerata  
 & perturbata, cui insuper tenebras offu-  
 derunt varæ eodè congestæ commen-  
 tationes. Quidem istud *quamobrem* ad  
 præcedentia, alii ad sequentia, referunt,  
 idque totum diversè connectunt: prolixus  
 essem, si omnia conarer, excutere,  
 ideoque id tantum proferam, quod magis  
 probatum fuerit. Castilioneus ita expo-  
 nit. *Decrevi proponere satisfactionem ex*

*nullâ conscientia de culpa, quamobrem non*  
*statui parare defensionem in novo consilio.*  
*Id est, decrevi purgare me apud te, cum*  
*nullius mihi delicti conscius sim, cur Ro-*  
*me causam non dixerim; neque defenderim*  
*ab inimicorum calumniis. Agnasco equi-*  
*dem hanc expositionem non multum ab*  
*ipsis auctoris verbis recedere; at certè*  
*verèor ejus ut mentem satia assequatur.*  
*Itaque pauculis rem, ut videtur, expe-*  
*ditio: Ob eam rem, et quæ tibi confidendam*  
*esse experientia didici, ego discessi, nec*  
*statui me defendere in senatu denus convo-*  
*cato. Non enim decrevi me expurgare, aut*  
*satisfactionem proponere, cum nullius culpa*  
*sim mihi conscius; atque ita esse facile*  
*cognosces, si tecum statum et rationes*  
*meas velis perlustrare. Pergit. porro Ca-*

*tilina, atque sigillatim ostendere cona-*  
*tur, illud sibi minimè vitio vertendum*  
*esse, quod a senatu maxime reprehende-*  
*batur. Dicet fortè aliquis, me particulam*  
*negantem ex longinquo in meam expli-*  
*cationem retraxisse: aliquid etiam addi-*  
*disse; quivis quidlibet objiciet. Unum*  
*omnibus respondeo, quorsum iret, aut*  
*quid ageret quem conscientia et fectores*  
*insectarentur Catilinam nescivisse;*  
*ideoque opus esse gradus ipsius firmare,*  
*quodque minus exposuit apertius de-*  
*clarare.*

g *Consilio.*] Nonnulli per *consilium* no-  
 tum ipsam *conjunctionem* intelligunt,  
 quam vocaverit novum consilium, cum  
 antea omnia alia simulasset. Malim ac-  
 cipi de senatu.

h *Non statui.*] Imò contra libere fateri,  
 quod et acriter persequar, quamquam id  
 mihi crimini vertant, me scilicet, causam  
 miserorum suscepisse.

i *Quæ.*] Me scilicet, nullius culpæ esse  
 conscium.

k *Fidius.*] Arbitrator ex Festo doctis-  
 simus Vossius *Me-di-us-fidius* juramen-  
 tum esse per Herculem Jovis filium; ita  
 ut *dius* positum sit pro Græco *dius*, quod  
*Jovis* significat; et *fidius* pro *filius* muta-  
 to L in D, more antiquo; *Me* vero pro  
 Græco *µε*, quod est adverbium, jurandi.  
 Confirmat eam sententiam ex Varrone  
 et Tertulliano, qui *Dium fidium*, Græcia  
 Herculem esse dicunt. Alii alia, quibus  
 non assentior.

l *Statum.*] Id est, ex eo gradu dignita-  
 tis, ad quem meâ virtute assurrexeram,  
 dejiciebar. Equidem, cum ille tantâ  
 familiâ, et tantis animis esset, post pro-  
 curam, non abs re, si bonus fuisset, ad  
 consulatum aspirasset.



"rorum causam pro meâ consuetudine suscepi: non quin <sup>a</sup> æs alienum <sup>b</sup> meis nominibus ex possessionibus solvere possem: cum et <sup>c</sup> aliis nominibus liberalitas Aureliæ Orestillæ, suis, filiæque copiis persolveret: sed, quod non dignos homines honore honestatos videbam, neque falsâ suspitione <sup>d</sup> alienatum esse sentiebam: <sup>e</sup> hoc nomine satis honestas <sup>f</sup> pro meo casu spes reliquæ dignitatis conservandas secutus. Plura cum scribere vellem, nunciatum est <sup>g</sup> mihi vim parari, nunc Orestillam tibi commendo, tuæque fidei tradō. Eam ab injuriâ defendas, per liberos tuos rogatus. Aveto."

Sed ipse, paucos dies commoratus apud C. Flaminium in agro Reatino, dum viciniam antea sollicitam armis exornat, cum fascibus, atque aliis imperii insignibus in castra ad Manlium contendit. Hæc ubi Romæ comperta sunt, senatus Catilinam, et Manlium hostes judicat; cæteræ multitudinē diem statuit, antequam liceret sine fraude ab armis discedere, <sup>h</sup> præter rerum <sup>i</sup> capitalium condemnatis: præterea, decernit, uti consules <sup>k</sup> delectum habeant, Antonius cum exercitu Catilinam persequi maturet, Cicero urbi præsidio sit. Eâ tempestate mihi imperium populi Romani multo maximè <sup>l</sup> miserabile visum est: cui cum ad occasum ob ortu solis <sup>m</sup> omnia domita armis parerent, domotium, atque divitiæ, quæ <sup>n</sup> prima mortales putant, affluerent; fuere tamen cives, qui seque, remque publicam obstinatis animis perditum

INTERPRETATIO.

<sup>1</sup> Prescribit diem cæteræ multitudinē, ante quam liceret impune discedere ab armis.

NOTÆ.

<sup>a</sup> *Æs alienum.*] Pecuniam mutuò sumptam. Hinc verò satis constat, arma movendi unum & eundem, conjuratis fuisse prætextum, violentiam nempe feneratorum.

<sup>b</sup> *Meis nominibus.*] En non nom; sous mon propre sign.

<sup>c</sup> *Aliis nominibus.*] Intelligo de pecuniâ sumptâ à Catilinâ, pradiis & sponsoribus amicis; illud enim ab ipso factum fuisse suprâ vidimus; atque ita sumendum esse non difficile esse ostendere, si tanti haberetur.

<sup>d</sup> *Alienatum.*] Rejectionem. Gall. Disgrâce, rendu suspect.

<sup>e</sup> *Hoc nomine.*] Id est, Eâ causâ; præsertim vero quod me suspitione falsâ alienatum sentio, postquam Cicero atroci criminatione innocentiam meam ad senatum direxavit.

<sup>f</sup> *Pro meo casu.*] Id est, pro eo statu in quo ego sum. Gall. Vâ l'état où je me trouve.

<sup>g</sup> *Reatino.*] Reate urbs fuit in Sabinis, Româ prorsus ad septentrionem. *Rieti* vocatur in novis tabulis geographicis.

<sup>h</sup> *Præter.*] Adverbium est. Gall. Exceptè.

<sup>i</sup> *Capitalium.*] Id est, rerum aut criminum, quæ capitibus penam arcescunt, vel morte malcantur.

<sup>k</sup> *Delectum.*] Id est, milites diligenter, & ad militiam conscriberent. Gall. Qu'ils levassent des troupes.

<sup>l</sup> *Miserabile.*] Id est, miseratione dignum. Gall. Non dicas, miserable, sed digne de compassion.

<sup>m</sup> *Omnia.*] Hyperbole est, eo, quo volunt autores, sensu intelligenda: ut scilicet, quascumque terras Romani cognoscerent, ea ipsorum subirent aut venerarentur imperium.

<sup>n</sup> *Prima.*] Id est, præcipua & excellentissima.

irent. Namque, <sup>a</sup> duobus senati decretis, ex tantâ multitudine, neque præmio inductus conjurationem patefecerat, neque ex castris Catilinæ quisquam omnium discesserat. Tanta vis morbi, atque uti tabes plerosque civium animos invaserat. Neque solum illis <sup>b</sup> aliena mens erat, qui conscii conjurationis fuerant, res omnino cuncta plebes, novarum rerum studio, Catilinæ incepta probabat. Id adeo more <sup>c</sup> videbatur facere. Nam semper in civitate, quibus opes nullæ sunt, <sup>c</sup> bonis invident, malos extollunt; vetera odere, nova exoptant; odio suarum rerum mutari omnia student; <sup>d</sup> turbâ atque seditionibus <sup>d</sup> sine curâ aluntur: quoniam egestas facile habetur sine damno. Sed urbana plebes ea verò <sup>e</sup> præceps ierat multis de causis. Primum omnium, qui ubique probrò, atque petulantia maximè præstabant; item alii, <sup>f</sup> per dedecora, patrimonii amissis; postremo omnes, quos flagitium, aut facinus domo expulerat; hi Romam, sicuti in <sup>g</sup> sentinam, confluxerant. Dem multi, memores Sullanæ victoriæ, quòd ex <sup>h</sup> gregariis militibus, alios senatores videbant; alios ita divites, ut regio victu, atque cultu etatem agerent; sibi quisque, si in armis foret, ex victoria tanta sperabat. Præterea juvenus, quæ in agris <sup>i</sup> manuum mercede inopiam toleraverat, <sup>i</sup> privatis atque <sup>k</sup> publicis largitionibus excita, urbanum otium <sup>i</sup> ingrato labori prætulerat. Eos atque alios <sup>m</sup> omnes malum publicum alevat. Quò minus mirandum est, homines egentes, malis moribus, maximâ spe,

## INTERPRETATIO.

<sup>1</sup> Aluntur sine curâ inter turbas { <sup>2</sup> Quæ toleraverat inopiam fructu laboris sui.

## NOTÆ.

<sup>a</sup> Duobus.] Prius vidimus, ubi agitur de sestertiis, posterius verò, ubi dies statuitur ante quam sine fraude liceret ab armis discedere.

<sup>b</sup> Aliena.] Aversa à bono reipublicæ; alienata.

<sup>c</sup> Bonis.] Eis qui in republicâ potentes sunt et florentes.

<sup>d</sup> Sine curâ.] Rerum suarum scilicet, quia nihil possident: deinde etiam de iis minis solliciti, quæ in usum quotidianum requiruntur; cum hinc inde quælibet, per turbam rapiant.

<sup>e</sup> Præceps.] Cævo impetu ad Catilinam defecerat & ipsius inceptis favebat.

<sup>f</sup> Per dedecora.] Id est, flagitiosè. Jam sæpius vidimus Sallustiam adverbis non ita libenter uti, sed ea per præpositionem & substantivum exprimere solitam esse.

<sup>g</sup> Sentinam.] Propriè est sentina pars navis infima, in quam sordes arnes defluunt. Hic metaphoricè sumitur pro improborum receptaculo.

<sup>h</sup> Gregariis.] Id est, infimis, quorum laus nulla est.

<sup>i</sup> Privatis.] Quæ à privatis hominibus fiebant, ut, populi gratiam aucuparentur, & ejus suffragia demererentur.

<sup>k</sup> Publicis.] Frumenta enim in populum publicè distribuebantur; deinde, donationes publicè in ludis à quibusdam magistratibus fiebant.

<sup>l</sup> Ingrato.] Id est, ex quò quantum illi vellent non capiebant.

<sup>m</sup> Omnes.] Ejusdem generis; supple, quos appellare nihil attinet.

reipublicæ juxta ac sibi <sup>a</sup> consuluisse. Præterea quorum, victoriâ Syllæ, parentes proscripti, bona erepta, jus libertatis <sup>b</sup> imminutum erat, haud sane <sup>c</sup> alio animo belli eventum expectabant. Ad hoc, quicumque aliarum, atque senatûs partium erant, conturbari rempublicam <sup>d</sup> quàm minus valere ipsi, malebant; id adeò <sup>e</sup> malum <sup>f</sup> multos post annos in civitatem reverterat. Nam postquam Cn. Pompeio & M. Crasso Coss. tribunitia potestas <sup>g</sup> restituta est; homines adolescentes, <sup>h</sup> summam potestatem nacti, quibus ætas, animusque ferox erat, cœpère, senatum criminando, plebem exagitare, dein largiendo, atque pollicitando magis incendere; ita ipsi clari, potentesque fieri. Contra eos summâ ope nitebatur pleraque nobilitas: <sup>i</sup> senatus, sub specie, pro suâ magnitudine. Namque uti paucis verum absolvam, per <sup>l</sup> illa tempora quicumque rempublicam agitavêre, honestis <sup>k</sup> nominibus, alii, sicuti jura populi defenderent; pars, quò senatus auctoritas, maxima foret, bonum publicum simulantes, pro suâ quisque potentia certabant: neque illis modestia, neque modus contentionis erat: utrique victoriam crudeliter exercebant. Sed, postquam Cn. Pompeius ad bellum <sup>l</sup> maritimum, atque <sup>m</sup> Mithridaticum missus est; plebis opes imminutæ, paucorum potentia crevit. Hi magistratus, provincias, aliaque omnia tenere: ipsi <sup>n</sup> innoxii, florentes,

INTERPRETATIO.

<sup>1</sup> *Quicumque turbaverunt rempublicam illis temporibus, eam turbaverunt honesto prætextu.*

NOTÆ.

<sup>a</sup> *Consuluisse.*] Id est, non majorem reipublicæ, quàm suarum rerum curam habuisse: vel, reipublicæ commodum suumque idem fecisse. Gall. *Ne prenoient pas d'autres mesures pour la république que pour eux. Confondoient l'intérêt du public avec le leur.*

<sup>b</sup> *Imminutum.*] Sylla enim proscriptorum liberis jus petendorum honorum eripuit.

<sup>c</sup> *Alio.*] Id est, adeptâ victoriâ se quoque quosvis spoliaturus sperabant.

<sup>d</sup> *Quàm minus.*] *Que le perdre la moindre chose de leur crédi.*

<sup>e</sup> *Malum.*] Dissensiones intellige, quæ senatui cum populo intercedebant.

<sup>f</sup> *Multos.*] Tribunitiam potestatem Sylla antè aliquot annos ita disjecerat, ut tribunis solum & nudum jus intercedendi reliquisset.

<sup>g</sup> *Restituta.*] Ab ipso Pompeio, ut populi gratiam promeretur: cujus facti mox ipsum penituit.

<sup>h</sup> *Summam.*] A primâ institutione summa non fuit, quamvis sacro sancta dicta potestas tribunitia: verum eò usque progressa, et limites transgressa est, ut convocare senatum, dimittere ab aliis convocatum, tribuni aliquando ausi sint.

<sup>i</sup> *Senatus.*] Id est, cum pro senatûs dignitate se certare simularent, pro suâ quisque gloriâ nitebantur.

<sup>k</sup> *Nominibus.*] Sic solent homines; vel, quod mali faciunt, occultum habent; vel, palam si audent, virtutis specie et nomine obtrudunt: ideoque per fraudem pleraque conantur et exequentur.

<sup>l</sup> *Maritimum.*] Adversus Cilices, qui etiam à Mithridate sustentabantur. Hoc bellum, *piraticum* vocatur in Flori titulis.

<sup>m</sup> *Mithridaticum.*] Mithridates rex fuit Ponti, in Asiâ, qui longum et grave bellum adversus Romanos sustentavit.

<sup>n</sup> *Innoxii.*] Passivè, quibus nemo nocere audebat: nam *innoxius*, activè etiam dicitur pro eo, qui nemini nocet.

sine metu ætatem agere, cæterosque <sup>a</sup> judiciis terrere, <sup>b</sup> quò plebem in magistratu placidus tractarent. Sed ubi primùm <sup>c</sup> dubiis rebus novandis spes oblata est, vetus <sup>d</sup> certamen animos eorum arrexerit, quòd si <sup>e</sup> primo prælio Catilina superior, aut æquâ manu, discessisset, profectò magna clades, atque calamitas rempublicam oppressisset; neque illis, qui victoriam adepti forent, diutius eâ uti licuisset; quin defessis & exsanguibus, <sup>f</sup> qui plùs posset, imperium atque libertatem extorqueret. Fuere <sup>g</sup> tamen extra conjurationem complures, qui ad Catilinam initio profecti sunt. In his erat Fulvius, senatoris filius, quem retractum ex itinere parens necari <sup>h</sup> jussit. Iisdem temporibus Romæ Lentulus, sicuti Catilina præceperat, quoscumque moribus, aut <sup>i</sup> fortunâ, novis rebus idoneos credebat, aut per se, aut per alios, sollicitabat; neque solum cives, sed cujuscumque modi genus hominum, quod modo usui bello foret. Igitur P. Umbreno cuidam negotium dat, uti legatos <sup>k</sup> Allobrogum <sup>l</sup> requirat; eosque, si possit, impellat ad societatem belli: existimans <sup>m</sup> publicè, privatimque ære alieno oppressos, præterea quòd naturâ gens Gallica bellicosa esset, facile ad tale consilium adduci posse. Umbrenus, quòd in Galliâ negotiatus erat, plerisque principibus civitatum notus erat, atque eos noverat: itaque sine morâ, ubi primùm legatos in foro conspexit, percunctatus pauca de statu civitatis, et quasi dolens ejus <sup>n</sup> casum, requirere cœpit, quem exitum tantis malis sperarent. Postquam

## NOTE.

<sup>a</sup> *Judiciis.*] *Condamnationibus aut certæ eorum periculo.*

<sup>b</sup> *Quò plebem.*] Locus obscurus. Sic intelligo. Pauci, qui omnia ad libitum inflectebant, tribunos præsertim, judiciis et condemnationibus terrebant, ut ne illi plebem exagitarent, sed eam placidam et obsequentem efficerent.

<sup>c</sup> *Dubia.*] *Seditionibus*, quibus respublica in dubio et discrimine ponitur, quibusque pro imperio ita certatur, ut penes quos futurum sit, lateat.

<sup>d</sup> *Certamen.*] Quos patricios inter et plebem per tribunos intercedebat.

<sup>e</sup> *Primo.*] Cave hinc concludas sæpius cum Catilinâ prælium commissum esse: semel enim et in perpetuum armis cum ipso certatum est. Dicit tantum, maximum futurum periculum, si superior, aut æquâ manu discessisset; quia scilicet plurima ad ipsam confugerent.

<sup>f</sup> *Qui plùs posset.*] Tertius aliquis ex republicâ, Crassus fortè, Pompeius, Cassius: nimis insuper tantam fuisse pestem Sallustius arbitratus est, ut etiam per

hanc conjurationem, exhausta republica, nudum regibus et exteris hostibus latus porrigeret.

<sup>g</sup> *Tamen.*] *Transitio est.*

<sup>h</sup> *Jussit.*] Patriâ potestate, quæ antiquis temporibus maxima erat in filios, ut major esset quàm in servos: tametsi postea de rigore tanto eò usque detractum est, ut patres filios contumaces judicii, qui ferè ex eorum præscripto poenas infligeret, offerrent.

<sup>i</sup> *Fortunâ.*] Adversâ scilicet et duriore.

<sup>k</sup> *Allobrogum.*] Populi erant lacus Lemani accolæ et Rhodani. *Les Savoyards, les Dauphinois, et les Bressans.*

<sup>l</sup> *Requirat.*] Id est, *querat sedulo, et ad bellî societatem adducat.* Gall. *Qu' il les cherchât soigneusement, et qu' il tâchât de les gagner.*

<sup>m</sup> *Publicè.*] Propter tributa et vectigalia quæ Romanis victoribus persolvebant.

<sup>n</sup> *Casum.*] Quòd ita scilicet, magistratum avaritiâ opprimerentur. Gall. *Plaignant leur malheur.*

illos videt queri de avaritiâ magistratuum, accusare senatum quòd in eo auxilii nihil esset; miseriis suis remedium mortem expectare: *At ego, inquit, vobis, si modò viri esse vultis, rationem ostendam, quâ tanta mala ista effugiat.* Hæc ubi dixit, Allobroges, in spem maximam adducti, Umbrenum orare, uti sui miseretur: nihil tam asperum neque tam difficile esse, quod non cupidissimè facturi essent, dum ea res civitatem ære alieno liberaret. Ille eos in domum D. Bruti perducit, quod foro propinqua erat, neque aliena consilii, propter Semproniam. Nam tum Brutus ab Româ aberat. Præterea Gabinium arcessit, quò major auctoritas sermoni inesset. Eo præsentè conjurationem aperit, nominat socios, præterea multos cujusque generis <sup>a</sup> innoxios: quò legatis animus amplior esset: dein eos, pollicitus operam suam, domum dimitit. Sed Allobroges diu in incertum habuere, quidnam consilii caperent. In <sup>b</sup> alterâ parte erat æs alienum, studium belli, magna merces in spe victoriæ: at in <sup>c</sup> alterâ <sup>d</sup> majores opes, tutâ consilia, pro incertâ spe certa præmia. Hæc illis <sup>e</sup> volventibus tandem vicit <sup>f</sup> fortuna reip. Itaque Q. Fabio Sangæ, cujus <sup>g</sup> patrocínio civitas plurimùm utebatur, rem omnem, uti cognoverant, aperiunt. Cicero per Sangam, consilio cognito, legatis præcipit, ut studium <sup>h</sup> conjurationis vehementer simulent; <sup>i</sup> cæteros adeant: bene polliceantur, dentque operam, ut eos quàm maximè manifestos habeant. Iisdem ferè temporibus, in Galliâ <sup>j</sup> citiore, atque ulteriore, item in agro Piceno, <sup>k</sup> Bruttio, Apuliâ, <sup>l</sup> motus erat. Namque illi, quos ante Catilina <sup>m</sup> dimiserat, inconsultè, ac veluti per dementiam cuncta <sup>n</sup> simul agere: nocturnis consiliis, armorum, atque telorum portationibus,

INTERPRETATIO.

- <sup>1</sup> *Cùm hæc illi animo reputarent.* | *mulent se ad conjurationem propen-*  
<sup>2</sup> *Legatis præcipit ut maximè si-* | *sos esse.*

NOTÆ.

<sup>a</sup> *Innoxios.*] Vires bonos, qui conjurationis consocii non erant. Atque. ideo eos nominabant conjurati, ut in validissimas partes confugere se Allobroges crederent.

<sup>b</sup> *Alterâ.*] Si nimirum, à conjuratorum partibus starent, credere enim erat se ære alieno, per eos victores, liberatum iri, &c.

<sup>c</sup> *Alterâ.*] Si Romanis fidem servarent.

<sup>d</sup> *Majores opes.*] In fide permanendum esse hæ rationes suadebant; potentia maxima reipublicæ, (neque enim plurimos videbant inter conjuratos, qui multum valent.) Tutâ consilia, &c.

<sup>e</sup> *Fortuna.*] Urbis genius, qui Romæ publicè colebatur.

<sup>f</sup> *Patrocínio.*] Romæ habebant singula civitates suos patronos, in quorum clientela essent; per quos etiam negotia sua curarent.

<sup>g</sup> *Cæteros.*] Conjuratos, scil.

<sup>h</sup> *Citiora.*] Ea est que Italiæ proxima, ulteriore que trans Alpes.

<sup>i</sup> *Bruttio.*] Calabria est inferior, in Italiæ extremo angulo orientali, ad meridiem.

<sup>k</sup> *Motus.*] Bellieus, scil. *Des soulèvements.*

<sup>l</sup> *Dimiserat.*] In diversas partes miserat, qui sibi socios adjungerent.

<sup>m</sup> *Simul.*] Prudentibus, contra, omnia divisa sunt temporibus.

festinando, agitando omnia, plus timoris, quàm periculi effecerant. Ex eo numero complures Q. Metellus Celer prætor, ex <sup>a</sup> S. C. causâ cognitâ, in vincula conjicerat; item in citeriore Galliâ C. Muræna, qui ei provinciæ legatus præerat. At Romæ Lentulus cum cæteris, qui principes conjurationis erant, paratis, uti videbantur, magnis copiis, constituerant, uti cum Catilina in agrum Fæsulanum cum exercitu venisset, L. Bestia tribunus plebis, conscione habitâ, quereretur de <sup>b</sup> actionibus Ciceronis, bellicque gravissimi <sup>c</sup> invidiam optimo consuli imponeret: eo signo, proximâ nocte cætera multitudo conjurationis suum quisque negotium exsequeretur. Sed ea <sup>d</sup> divisa hoc modo dicebantur; Statilius, et Gabinius uti, cum magnâ manu, duodecim simul opportuna loca urbis incenderent; <sup>e</sup> quò, tumultu, facilius aditus ad consulem, cæterosque, quibus insidiæ parabantur, fieret: Cethegus Ciceronis januam obsideret, eumque vi aggrediretur; alius autem alium: sed filii familiarum, quorum ex nobilitate maxima pars erat, parentes interficerent: simul, cæde, & incendio percussis omnibus, ad Catilinam erumperent. Inter hæc parata, atque decreta, Cethegus semper querebatur de ignaviâ sociorum: illos dubitando, & dies <sup>e</sup> prolatando, magnas opportunitates corrumpere; facto, non consulto, in tali periculo opus esse, sequi, si pauci adjuvarent, languentibus aliis, impetum in curiam facturum. Naturâ ferox, vehemens, manu promptus <sup>f</sup> erat: maximum bonum in celebritate putabat. <sup>g</sup> Sed Allobroges, ex præcepto Ciceronis <sup>h</sup> per Gabinium, cæteros conveniunt: ab Lentulo, Cethego, Statilio, item Cassio postulant jusjurandum, quod <sup>i</sup> signatum ad cives præferant: aliter haud faciliè eos ad tantum negotium impelli posse. Cæteri nihil suspicantes <sup>k</sup> dant: Cassius semet <sup>l</sup> eò brevi venturum pollicetur, ac paulò ante legatos ex urbe proficiscitur. Lentulus cum

## INTERPRETATIO.

<sup>1</sup> *Ut per tumultum aditus esset facilius ad consulem & reliquos quibus insidiæ parabantur.*

## NOTÆ.

<sup>a</sup> S. C.] *Senatus Consulto*; ita enim maxime legere, quàm, ut habent alii, *ex sociis* quod invectionem ex compendiarîâ scribendi ratione. Si tamen retineas *ex sociis*, intellige quosdam ex illis nebulonibus, festinatione sua deprehensos, conjurationem & socios manifestos fecisse.

<sup>b</sup> Actionibus.] *De querelis adversus conjuratos in Senatu habitis.* Gall. *Des procédures.*

<sup>c</sup> Invidiam.] Ita ut ille, querimoniis suis, belli auctor videretur.

<sup>d</sup> Divisa.] Id est, *Unusquisque sibi hoc aut illud exequendum receperat.*

<sup>e</sup> Prolatando.] *En tirant de longue; en différant.*

<sup>f</sup> Erat.] *Mallem hoc verbum abesset.*

<sup>g</sup> Sed.] *Transitio est.*

<sup>h</sup> Per Gabinium.] *Legatos ille ad conjuratos introducebat.*

<sup>i</sup> Signatum.] *Signum seu sigillum apposuerunt. Signatum; Cacheté.*

<sup>k</sup> Dant.] *Jusjurandum, scilicet signo confirmatum.*

<sup>l</sup> Eò.] *Ad Allobroges. Cantus hæc in parte fuit.*

his T. Volturtium quemdam <sup>a</sup> Crotoniensem mittit, ut Allobroges, prius quam domum pergerent, cum Catilinâ, datâ atque acceptâ fide, <sup>b</sup> societatem confirmarent. Ipse Volturtio literas ad Catilinam dat, quarum <sup>c</sup> exemplum infra scriptum est:

“ Quis sim, ex eo, quem ad te misi, cognosces. Fac cogites, in “ quantâ calamitate sis, & memineris, te virum esse: consideres, “ quid tuæ <sup>d</sup> rationes postulent; auxilium petas ab omnibus, etiam ab “ <sup>e</sup> infimis.

Ad hoc, <sup>f</sup> mandata verbis dat: cum ab senatu hostis judicatus sit, quo concilio <sup>g</sup> servitia repudiet: in urbe parata esse, quæ jusserit: ne cunctetur ipse propius accedere. His rebus ita actis, constitutâ nocte, quâ proficiscerentur, Cicerô, per legatos cuncta edoctus, L. Valerio Flacco, & C. Pomptino prætoribus imperat, ut in ponte <sup>h</sup> Mulvio, per insidias, Allobrogum <sup>i</sup> comitatus deprehendant: rem omnem aperit, cujus gratiâ mittebantur: cætera, uti facto opus sit, <sup>j</sup> ita agant. Homines, <sup>k</sup> militares sine tumultu <sup>l</sup> præsiidiis collocatis, sicuti præceptum erat, occultè pontem obsident. Postquam ad id loci legati cum Volturtio veni-  
re, simul <sup>m</sup> utrimque clamor exortus est: Galli, citò cognito consilio, sine morâ prætoribus se tradunt. Volturtius primò, cohortatus cæteros, gladio se à multitudine defendit: dein, ubi à legatis desertus est, multa prius de salute sua Pomptinum obtestatus, quòd ei notus erat; postremò timidus, ac <sup>n</sup> vitæ diffidens, velut hostibus, sese prætoribus dedit. Quibus rebus confectis, omnia properè per nun-

INTERPRÆTATIO.

<sup>i</sup> Præterea verbis, imperat ut di- | jiciat; cùm hostis à Senatu judica-  
cat Catilinæ, quâ causâ servos re- | tus sit.

NOTÆ.

<sup>a</sup> Crotoniensem.] Duæ fuerunt urbes in Italiâ, Croton, aut Crotona, nominatæ, altera in extremâ Calabriâ ad ortum, altera in Umbriâ.

<sup>b</sup> Societatem.] Fœdus conjurationis.

<sup>c</sup> Exemplum.] Fortè verba non sunt eadem, sed sensus. Ansam præbet dubitandi quodd paulò aliter hæc & similia à Cicerone referuntur in Catilinam: Illumque adeò, si penitus de hæc conjuratione tibi compertum esse cupis, adibis.

<sup>d</sup> Rationes.] Ex Cicerone vim vocis istius cognosces: Ita verò illam reddit, *Cogita quem in locum sis progressus, & vide quid jam tibi sit necesse.* Gallicè, *Les mesures que vous avez prises, l'état de vos affaires.*

<sup>e</sup> Infimis.] Servis.

<sup>f</sup> Mandata.] Quæ preferret ad Catili-

nam. Gall. *Il lui recommande de lui dire de bouche.*

<sup>g</sup> Mulvio.] Vocatur hodie *Ponte-mulles*. Distat ab urbe duobus millibus passuum, plus minùs.

<sup>h</sup> Comitatus.] Omnes eos qui Allobroges comitarentur.

<sup>i</sup> Ita agant.] Imperat ut pro re natâ consilium capiant. *Qu' ils prennent leurs mesures selon qu' ille le jugeraient à propos.*

<sup>k</sup> Militares.] Ejusmodi expeditionibus assueti.

<sup>l</sup> Præsiidiis.] In villas proximas bipartiti sunt, referente Cicerone, qui Volturtio insidias fecerunt; ut Tiberis inter eos, & pons interesset.

<sup>m</sup> Utrunque.] Scilicet statim cognovit Volturtius, dolos & insidias subesse.

<sup>n</sup> Vitæ diffidens.] Timens ne in loco interficeretur.

cios consuli declarantur. At illum ingens cura atque lætitia simul occupavere. Lætabatur intelligens, conjuratione patefactâ, civitatem periculis ereptam esse. Porro autem anxius erat in maximo scelere tantis civibus deprehensis, quid facto opus esset: <sup>1</sup> pœnam illorum sibi <sup>a</sup> oneri, impunitatem perdendæ reipublicæ fore. Igitur <sup>b</sup> confirmato animo, vocari ab sese jubet Lentulum, Cethegum, Staltilium, Gabinium, itemque Ceparium <sup>c</sup> Tarracinensem, qui in Apuliam ad concitanda servitia proficisci parabat. Cæteri sine morâ veniunt. Ceparius, paulò antè domo egressus, cognito <sup>d</sup> indicio, ex urbe profugerat. Consul Lentulum, quod prætor erat, <sup>2</sup> ipse manu tenens, in senatum perducit: reliquos cum custodibus in ædem Concordiæ venire jubet. Eò senatum advocat, magnæque frequentia ejus <sup>e</sup> ordinis Volturtium <sup>f</sup> cum legatis introducit: Flaccum prætorem scrinium cum literis, quas a legatis acceperat, eodem adferre jubet. Volturtius interrogatus <sup>g</sup> de itinere, de literis postremò quid, <sup>3</sup> aut quâ de <sup>h</sup> causâ, consilii habuisset; primò fingere alia omnia, dissimulare de conjuratione; post, ubi <sup>i</sup> fide publicâ dicere jussus est, omnia, uti gesta erant, aperit: se paucis antè diebus à Gabinio, & Cepario socium adscitum: nihil ampliùs scire, quàm legatos: tantummodo audire solitum ex Gabinio P. Autronium, Ser. Sullam, L. Vargunteum, multos præterea in eâ conjuratione esse. Eadem Galli fatentur: at Lentulum dissimulantem <sup>4</sup> coarguunt, præter literas, sermonibus, quos ille habere solitus erat, ex libris <sup>k</sup> Sibyllinis, regnum Romæ tribus

## INTERPRETATIO.

<sup>1</sup> Cogitabat supplicium illorum futurum sibi oneri, impunitatem perdendæ reipublicæ.

<sup>2</sup> Consul ipse tenens Lentulum manu, quia prætor erat, cum ducit in senatum.

<sup>3</sup> Volturtius interrogatus de iti-

nere, de literis, postremò quid consilii habuisset, aut quâ de causa illud cepisset, primò cepit fingere alia omnia.

<sup>4</sup> At convincunt Lentulum dissimulantem, præter literas, sermonibus, quos ille habere solitus erat.

## NOTE.

a Oneri.] Quemadmodum fuit, nam ideo postea in exilium actus est.

b Confirmato.] Ad id corroborato, ut conjurati punirentur.

c Tarracinensem.] Tarracina urbs est Volscorum maritima, ab urbe Româ ad ortum.

d Indicio.] Ayant decouvert la trame: Ayant eu le vent de ce que l'on faisoit.

e Ordinis.] Senatorii, scilicet. Gall. L'assemblée étant forte complète.

f Cum legatis.] Allobrogum, scilicet, Cicero dicit non introductos fuisse eos unâ cum Volturtio.

g De itinere.] Quod iret, cur noctu:

monet enim Cicero sub vespere missos fuisse, qui cum cæteris deprehenderunt.

h Causâ.] Quamobrem nefaria consilia contra rempublicam cepisset.

i Fide publicâ.] Id est, impunitate promissâ, si verum diceret.

k Sibyllinis.] Fuerunt Sibyllæ virginis fatidicæ, quarum una, quæ Erythrea dicta est, ab origine, urbe scilicet Erythræ, in Ioniâ, & Cumanâ, ab habitatione urbis in Campaniâ, quæ dicitur Cumæ, libros tres Tarquinio obtulit, quorum auctoritas tantam divinitas missorum oraculorum apud Romanos sacrosancta fuit.



\*Corneliis portendi : Cinnam, atque Sullam antea ; sé tertium esse, cui <sup>b</sup> fatum foret urbis potiri : præterea, ab <sup>c</sup> incenso, Capitolio illum esse vigesimum annum, quem sæpè ex prodigiis <sup>d</sup> haruspices respondissent bello civili cruentum fore. Igitur, perlectis literis, cùm prius omnes signa sua cognovissent, senatus decernit, ut, <sup>e</sup> abdicato magistratu, Lentulus, itemque cæteri, in <sup>f</sup> liberis custodiis haberentur. Itaque Lentulus P. Lentulo Spintheri, qui tum <sup>g</sup> ædilis erat, Cethegus Q. Cornificio, Statilius C. Cæsari, Gabinius M. Crasso, Ceparius (nam is paulò antè ex fugâ retractus erat) Cn. Terentio senatori traduntur. Interea plebes, conjuratione patefacta, quæ primò cupida rerum novarum nimis bello favebat, mutata mente, Catilinæ consilia execrari, Ciceronem ad cælum tollere ; veluti ex servitute erepta, gaudium atque <sup>h</sup> lætitiā agitabat. Namque alia belli facinora <sup>i</sup> prædæ magis, quam detrimento fore ; incendium verò crudelè, immoderatum, ac sibi maximè calamitosum putabat ; quippè cui omnes copiæ in <sup>j</sup> usu quotidiano, et cultu corporis erant. Post eum diem quidam L. Tarquinius ad senatum adductus erat, quem, ad Catilinam proficiscentem, ex itinere retractum aiebant. Is, cùm se diceret de conjuratione indicaturum, si fides publica data esset, jussus à consule, quæ sciret, edicere, eadem ferè, quæ Volturtius, de paratis incendiis, de cæde bonorum, de itinere hostium, senatum edocet : præterea, se missum à M. Crasso, <sup>k</sup> qui Catilinæ nunciaret, ne eum Lentulus, et Cethegus, alique ex conjuratione deprehensi terrent ; eoque magis properaret ad urbem accedere, quo et <sup>l</sup> cæterorum animos reficeret, et illi facilius è periculo eriperentur. Sed, ubi Tarquinius Crassum nominavit, hominem nobilem, maximis divitiis, summâ potentiâ ; alii rem incredibilem rati ; pars, tametsi verum existimabant, ta-

INTERPRETATIO.

<sup>1</sup> Namque plebes putabat alia belli facinora fore magis prædæ quam detrimento.

NOTÆ.

a *Corneliis.*] Id est, tribus hominibus quæ ex clarissimâ Corneliorum gente essent oriundi.

b *Fatum.*] A qui la destinæ promittit l' Empire. Fati verò nomine indeclinabilis intelligitur series, et rerum concatenatio.

c *Incenso.*] Primò : nam ter templum illud incendio eversum est.

d *Haruspices.*] Illi erant, qui ex inspectis harugis, sive hostiis, futura prædicebant.

e *Abdicato.*] Antè tempus deposito.

f *Liberis.*] Liberis custodiis detinetur qui non in publicum carcerem detru-

tur, sed etiam asservandus reus committitur.

g *Ædilis.*] Magistratus erant Ædiles, qui ædificia curabant, et ludos solennes itemque annonam, ut fiquet ex Cicerone.

h *Lætitiā.*] Addit ad gaudium, quod corporis gestu demonstratur.

i *Usu.*] Id est, in iis rebus, quarum usus erat quotidianus ; quibusque carere non poterant. Idco plebi incendium crudele visum est.

k *Qui.*] Pro ut. Optimè.

l *Cæterorum.*] Ut conjuratis, is, scilicet, qui deprehensi non erant, animum relevaret.

men, quia in tali tempore tanta vis hominis magis lenienda, quam <sup>1</sup>exagitanda, videbatur, plerique Crasso ex negotiis privatis obnoxii, conclamant, indicem falsum esse; deque eâ re postulant uti <sup>2</sup>referatur. Itaque, Cicerone <sup>3</sup>consulente, <sup>4</sup>frequens senatus decernit, Tarquinii indicium falsum videri, eumque in vinculis retinendum; neque amplius potestatem <sup>5</sup>faciendam, nisi de eo<sup>6</sup> indicaret, cujus consilio tantam rem esset mentitus. Erant eo tempore, qui existimarent, indicium illud à P. Autronio machinatum, quo facilius, <sup>7</sup>appellato Crasso, <sup>8</sup>per societatem periculi reliquos illius potentiam tegeret. Alii Tarquinium à Cicerone <sup>9</sup>immissum aiebant, ne Crassus, more suo, suscepto malorum patrocinio, reimp. conturbaret. Ipsum Crassum ego postea prædicantem audivi, tantam illam contumeliam sibi ab Cicerone impositam. Sed iisdem temporibus. Q. <sup>10</sup>Catulus, et C. <sup>11</sup>Piso neque gratiâ, neque precibus, neque pretio Ciceronem impellere quivêre, uti per Allobroges, aut alium indicem C. <sup>12</sup>Cæsar falso nominaretur. Nam uterque cum illo graves inimicitias exercebant: Piso, <sup>13</sup>oppugnatus in iudicio repetundarum, propter cuiusdam <sup>14</sup>Transpadani supplicium injustum; Catulus ex petitione <sup>15</sup>pontificatus odio incensus, quod, extremâ ætate, maximis honoribus usus, ab <sup>16</sup>adolescuntulo Cæsare <sup>17</sup>victus discesserat.

## INTERPRETATIO.

<sup>1</sup> Quia tanta potentia illius hominis videbatur magis mulcenda, quam irritanda.

<sup>2</sup> Postulant, ut de eo sermo habeatur denum in Senatu.

<sup>3</sup> Ut Crasso inter conjuratos recensito, potentia illius tegeret reliquos, cum ipse in idem periculum adductus esset.

## NOTÆ.

a Consulente.] *President et recueillant les voix.*

b Frequens.] Illud est, quod supra dixit magna frequentia ejus ordinis.

c Faciendam.] Ulterius, scilicet, loquendi in senatu, aut, quicquam de conjuratione dicendi.

d Per societatem.] Ut cum ille, eodem supplicio multandus potentia suâ evaderet, ceteri, qui in eodem essent reatu, damnari non possent.

e Immissum.] Delegatum, Gall. *Attiré, Aposté.*

f Catulus.] Hic illè fuit, omnium confessione princeps Senatûs: cui, cum bellum maritimum Pompeio committendum, dehortaretur, addidissetque, *Si quid huic acciderit, quem in ejus locum substituetis?* Succlamavit universa conventio *Te, Quinte Catule.*

g Piso.] Hic est quem Cicero, defendit: Consul fuit cum Glabione, deinde

Galliam administravit, ubi Transpadanum, de quo nunc agitur, morte affecit.

h Cæsar.] Julius est, primus Imperatorum.

i Oppugnatus.] Accusationem intentaverat Cæsar contra ipsum.

k Transpadina.] Padus fluvius est in Italiæ parte supremâ, quem Galliæ veteres accensebant. Transpadanus est qui trans Padum habitat, Romæ habitâ ratione.

l Pontifictus.] In maximo fuit honore apud Romanos Pontificum dignitas, præsertim verò Pontificis maximi, de qua nunc agitur.

m Adolescentulo.] Nato tamen 35 aut 36 annos circiter. Ut verò te minùs moveat hæc appellatio, à te velim observari, isthuc dictum esse cum comparatione ad ætatem Catuli, & quodammodo ex ipsius personâ.

n Victus.] A Pontificatu exclusus.

Res autem <sup>a</sup> opportuna videbatur, quòd is, <sup>b</sup> privatim, egregia liberalitate; publicè, maximis muneribus, grandem pecuniam debebat. Sed ubi consulem ad tantum facinus impellere nequeunt, ipsi <sup>c</sup> singillatim circumeundo, atque ementiendo quæ se ex Vulturtio, aut Allobrogibus audisse dicerent, magnam illi invidiam conflaverant: usque adeò, uti nonnulli equites R. qui, præsidii causâ, cum telis erant circum ædem Concordiæ, seu periculi magnitudine, seu animi <sup>d</sup> mobilitate impulsì, quo studium suum in remp. clarius esset, egredienti ex senatu Cæsari gladio minitarentur. Dum hæc in Senatu aguntur, & dum legatis Allobrogum, & T. Volturtio, <sup>e</sup> comprobato eorum indicio, præmia decernuntur: liberti, & pauci ex clientibus Lentuli, diversis <sup>f</sup> itineribus, opifices, atque servitia in vicis ad eum eripiendum sollicitabant: partim exquirebant <sup>g</sup> duces multitudinum, qui pretio rempub. vexare soliti erant. Cethegus autem per nuncios <sup>h</sup> familiam, atque liberos suos, lectos, & exercitatos in audaciam, orabat, uti grege factò, cum telis ad sese irrumperent. Consul, ubi ea parari cognovit, dispositis præsidii, uti res atque tempus monebat, convocato senatu refert, quid de his fieri placeat, qui in custodiam traditi erant. Sed eos paulò antè frequens senatus judicaverat contra remp. fecisse. Tum D. Junius Silanus, primus sententiam rogatus, quod eo tempore consul designatus erat, de his, qui in custodiis tenebantur, & præterea de L. Cassio, P. Furio, P. Umbreno, Q. Annio, si deprehensi forent, supplicium sumendum decreverat: isque postea permotus oratione C. Cæsaris, <sup>i</sup> pedibus in sententiam Ti. Neronis iturum se dixerat; quòd de eà re <sup>j</sup> præsidii additis, referendum censuerat. Sed Cæsar, ubi ad eum ventum est, rogatus sententiam à consule, <sup>k</sup> hujuscemodi verba locutus est.

INTERPRETATIO.

<sup>a</sup> *Indicio eorum pro vero recognito.*

NOTÆ.

<sup>a</sup> *Opportuna.]* Id est, conjurasse Cæsarem facile erat credita. Gall. *La chose paroissoit plausible, vraisemblable.*

<sup>b</sup> *Privatim.]* Par une dépense magnifi- que dans sa maison.

<sup>c</sup> *Singillatim.]* Les uns d'un côté, les autres d'un autre.

<sup>d</sup> *Mobilitate.]* Legereté de jeunes gens. Hos alicubi Cicero insigniter, et propè tanquam Catilinæ socios notat.

<sup>e</sup> *Itineribus.]* Id est, hic et illic omnibus modis conabantur quorsus ad patrum eripiendum incitare.

<sup>f</sup> *Duces multitudinum.]* Illi sunt qui otiosis nebulonibus, quales plurimi sunt in magnis urbibus, imperant, quia ipsi

ad omnem nequitiam maximè sunt exercitati.

<sup>g</sup> *Familiam.]* Id est, omnes suos servos.

<sup>h</sup> *Pedibus.]* Quandoque hoc modo sententiam suam aperiebant: Cùm ex Senatoribus aliquis suam dixisset, quibus ea probabatur illi in eundem locum cum ipso discedebant: atque ea ratio vocabatur, *Per discessionem.*

<sup>i</sup> *Præsidii.]* Custodum numero circa eorum domos adaucto, quibus Lentulus et reliqui commissi fuerant. Itemque urbe vigiliis bene firmata.

<sup>k</sup> *Hujuscemodi.]* Neque enim iisdem omnino verbis Cæsar usus est; sed in hunc sensum orationem habuit.

H

"Omnes homines, P. C. qui de rebus <sup>a</sup> dubiis consultant, ab odio, "amicitiâ, irâ, atque misericordiâ vacuos esse decet. Haud faciliè "animus verum providet, ubi illa officiunt: neque quisquam om- "nium lubrici simuli et <sup>1</sup> usui paruit. Ubi intenderis ingenium, "valet: Si lubrici possidet, <sup>b</sup> ea dominatur, animus nihil valet: Mag- "na mihi copia est memorandi P. C. qui reges, aut qui populi, irâ, "aut misericordiâ impulsî, malè consuluerint: sed ea malo dicere, "quæ majores nostri contra lubricitatem animi sui, rectè atque ordine "fecèrunt. Bello Macedonico, quod cum rege <sup>c</sup> Perse gessimus, "<sup>d</sup> Rhodiorum civitas, magna, atque magnifica, quæ populi R. opi- "bus <sup>e</sup> creverat, infida, atque adversa nobis fuit: sed postquam, bel- "lo <sup>f</sup> confecto, de Rhodiis consultum est, majores nostri, ne quis "<sup>g</sup> divitiarum magis, quàm injuriæ bellum inceptum diceret, impu- "nito seos dimisère. Item bellis <sup>h</sup> Punicis omnibus, cum sæpè "Carthaginenses et in pace, et per inducias multa <sup>i</sup> nefanda facinora "fecissent; nunquam ipsi per occasionem talia fecèrunt; magis, quod "se dignum foret, quàm quod in illos jure fieri posset, quærebant. "Hoc item vobis providendum est, P. C. ne <sup>k</sup> plus valeat apud vos "P. Lentuli, et cæterorum scelus quàm vestra dignitas; neu magis "iræ vestræ, quam famæ, consulatis. Nam si digna pœna pro factis "eorum reperitur, <sup>l</sup> novum consilium approbo; sin magnitudo sce- "leris omnium <sup>m</sup> ingenia exsuperat, <sup>n</sup> iis utendum censeo, quæ legi- "bus comparata sunt. Plerique eorum, qui ante me sententias "dixerunt, <sup>o</sup> compositè atque magnificè, casum reipublicæ miserati

## INTERPRETATIO.

<sup>1</sup> Nequè quisquam omnium simul fecit ea quæ lubrici, et ea quæ uti-  
litas suasit

## NOTÆ.

<sup>a</sup> *Dubiis.*] Delicatas et difficiles.  
<sup>b</sup> *Ea dominatur.*] Istud opus esset ocu-  
lis semper observari.

<sup>c</sup> *Perse.*] Macedonum rex fuit ultimus  
Perses, seu Perseus, filius Philippi, à P.  
Æmilio in triumphum ductus.

<sup>d</sup> *Rhodiorum.*] Rhodus insula est maris  
Mediterranei, Soli olim sacra, ubi et ejus  
fuit Colossus. Sita est ad angulum mino-  
ris Asiæ Occidentalem.

<sup>e</sup> *Creverat.*] Rhodii Romanis auxilio  
bello Syriaco adversus Antiochum fue-  
rant; quo devicto, illis quasdam civitates  
de ejus regno Pop. Romanus concessit.

<sup>f</sup> *Confecto.*] Rege Perse debellato.

<sup>g</sup> *Divitiarum.*] Causa supple, *Ne quis  
crederet magis inceptam bellum desiderio  
divitiarum, quàm ulciscendâ injuriæ.*

<sup>h</sup> *Punicis.*] Adversus Carthaginenses,  
qui et *Peni* dicti sunt.

<sup>i</sup> *Nefanda.*] Cum verbi gratiâ, Cornelio  
Asinæ consuli et legato, catenas injecerunt.

<sup>k</sup> *Plus valeat.*] Id est, *prospiciendum  
est ne dum plus æquo in pœna conjuratis pro  
merito infligenda, attentis eritis, minus quid  
vobis dignum sit videatis.*

<sup>l</sup> *Novum.*] Ut, scilicet, conjurati, con-  
tra morem et leges, eâ causâ paratas, morte  
multentur.

<sup>m</sup> *Ingenia.*] Ita ut pœna non possit sa-  
tis gravis excogitari.

<sup>n</sup> *Iis.*] *Exilio* aut *Carcere.*

<sup>o</sup> *Compositè.*] Istud invidiosè dictum.  
Gall. diceremus, *Ils ont fait paraître leur bel  
esprit à, &c. Ils nous ont fait de beaux dis-  
cours touchant, &c.*

"sunt: quæ belli sævitia esset, quæ victis acciderent, enumeravère: "rapi virgines, pueros; divelli liberos à parentium complexu; ma- "tres familiarum pati, quæ victoribus collibuissent; fana, atque do- "mos expoliari: cædem, incendia fieri; postremò armis, cadaveri- "bus, cruore, atque luctu, omnia compleri. Sed, per Deos immor- "tales, quò illa oratio pertinuit? An, uti vos infestos conjurationi "faceret? <sup>a</sup> Scilicet, quem res tanta, atque tam atrox, non permovit; "eum oratio accendit! Non <sup>b</sup> ita est: neque cuiquam mortalium "injuris suæ parvæ videntur: multi eas <sup>c</sup> gravius æquo habuère. "Sed <sup>d</sup> alia aliis licentia est, P. C. Qui <sup>e</sup> demissi in obscuro vitam "agunt, si quid iracundiâ deliquère, pauci sciunt; fama, atque for- "tuna eorum pares sunt; qui, magno imperio præditi in excelso "ætatem agunt, eorum facta cuncti mortales novere. Ita <sup>f</sup> in maxi- "mâ fortunâ minima licentia est. Neque <sup>g</sup> studere, neque odisse, sed "minimè irasci decet. Quæ apud alios iracundia dicitur, ea, in im- "perio, superbia, atque crudelitas appellatur. Equidem ego sic ex- "istimo, P. C. omnes cruciatus minores, quàm facinora illorum, es- "se. Sed plerique mortales <sup>h</sup> postrema meminere; et <sup>i</sup> in hominibus "impiis, sceleris eorum obliti, de pœnâ <sup>k</sup> disserunt, si ea paulò seve- "rior fuerit. D. <sup>l</sup> Silanum, virum fortem atque strenuum, certè scio,

NOTE.

<sup>a</sup> *Scilicet.*] Responsio est obliqua et amara, ut ostendat, non modò Senatores opus non esse conjuratis infestos facere; sed insuper inutilia esse quæcumque alii eâ gratiâ dixissent.

<sup>b</sup> *Ita est.*] Interrogationi expressæ non respondet, *An uti vos infestos conjurationi faceret?* Sed intellectæ, *An qui non estis infesti conjurationi?* Operoso est hæc oratio, quia Cæsar, apertè, quæ sentiebat et optabat, proloqui minùs audebat.

<sup>c</sup> *Gravius.*] Gall. *Ont portè leurs ressentimens plus loin qu'il ne falloir.*

<sup>d</sup> *Alia.*] Id est, non omnes, uno et eodem modo ulcisci decet injurias.

<sup>e</sup> *Demissi.*] Homines ignobiles qui in turba latent.

<sup>f</sup> *In maximâ.*] Nihil magis verum et æquum est; interim secus planè inter homines evenit: Nam ut quisque in sublimi positus est, ita plerumque se ille putat male faciendi licentiam adeptam esse.

<sup>g</sup> *Studere.*] Nota, pro favere.

<sup>h</sup> *Postrema.*] Pœnam scilicet, quæ impiis infligitur.

<sup>i</sup> *In hominibus.*] Hoc est, cum de iis agitur.

<sup>k</sup> *Disserunt.*] In malam partem, scili-

cet, adversus eos qui nocentes pœnâ addixerunt.

<sup>l</sup> *Silanum.*] Nominis proximitas in memoriam revocat quæ ego vidi, imò et expertus sum, de istorum, quos nos *bonos homines* vocamus, molliâ, et animi imbecillitate. Non possis pejores alios rerum publicarum administrationi præficere, quippe qui obvio cuique affectatæ suæ plerumque sanctitatis admiratori, non omnes modò verè bonos et strenuos spoliandos et lacerandos obijciunt; sed et seipsos tandem, cum suâ ineptâ lenitate, perversis insidiatoribus deridendos propinant. Bonitas ista pravitas est semper et sæpe nequitia, atque satius esset ab uno malo regi, quàm à bono, mille latronibus tradi. Hunc vide, quæso, Silanum, quò abducant Cæsaris laudes flagitiosæ. Primo optimè censuerat capite multandos parricidas, qui Patriæ interitum moliti fuerant: Non prius accedit callidus assentator, qui quatuor verbis gratiam init, quam ille transversus ridiculè sententiam mutat, atque liberandos sinit, qui postea urbem ferro et igne devastent. Optimè ineptam et pravam, de quâ diximus, levitatem, in Adelphis, pingit, et illud Terentij.

"quæ dixerit, <sup>a</sup> studio reipublicæ dixisse; neque illum in tantâ re gratiam, aut inimicitias exercere. <sup>1</sup> Eos mores, eamque modestiam viri cognovi. Verùm sententia ejus mihi non crudelis, (quid enim in tales homines crudele fieri potest?) sed <sup>b</sup> aliena à republicâ nostrâ videtur. Nam profectò aut metus, aut injuria te subegit, Silane, consulem designatum, genus penæ novum decernere. De timore, supervacaneum est disserere, cùm, præsentì diligentia clarissimi viri consulis, tanta præsidia sint <sup>c</sup> in armis. <sup>d</sup> De penâ, possum equidem dicere id quod res habet; in luctu, atque miseriis mortem ærumnarum requiem, non cruciatum, esse; eam cuncta mortalium mala dissolvere; <sup>e</sup> ultra neque curæ, neque gaudio locum esse. Sed, per Deos immortales, quamobrem in sententiam non addidisti, uti prius verberibus in eos animadverteretur? An, quia lex Porcia vetat? At aliæ leges item condemnatis civibus, non animam eripi, sed exsilium permitti jubent. An quia gravius est verberari, quàm necari? Quid autem acerbum, aut nimis grave est in homines tanti facinoris convictos? Sin, quia levius est: quì convenit in minore negotio legem observare, cùm eam in majore neglexeris? <sup>f</sup> At enim quis reprehendet, quod in parricidas reipublicæ decretum erit? <sup>g</sup> Tempus, dies, <sup>h</sup> fortuna, cujus lubido gentibus moderatur. Illis meritò accidet, quicquid evenierit; cæterum vos P. C. quid in alios statuatis, considerate. Omnia mala exempla ex bonis initiis orta sunt: sed, ubi imperium ad ignaros, aut minùs bonos pervenit, novum illud exemplum ab dignis, et idoneis, ad indignos, et non idoneos <sup>i</sup> transfertur. Lacedæmonii, devictis

## INTERPRETATIO.

<sup>1</sup> *Novi ita se habere mores et modestiam Silani.*

## NOTÆ.

<sup>a</sup> *Studio.*] Id est, *singulari in rempublicam benevolentia.*

<sup>b</sup> *Aliena.*] Id est, *extra usum, unde etiam detrimentum et damnum inferatur.*

<sup>c</sup> *In armis.*] Præsidium, sæpius ex se illud indicat quod armis paratur: Attamen, cùm Amici, Muri, Latebræ præsidio nobis esse possint, non malè hic additum *in armis*, ad distinctionem.

<sup>d</sup> *Dep penâ.*] Hic aliquid deesse putant nonnulli, quia non resumit Cæsar quod proposuerat, cùm dixit *aut metus, aut injuria*, &c. atque illi membrum posterius omissum esse aiunt. Non ita mihi videtur, nam injuria et penâ sunt, in hoc negotio, termini relativi et æquivalentes, quod patebit attendenti ad scopum Cæsaris. Hoc enim tantum voluit, Silanum

motum fuisse in ferendâ sententiâ, aut rationibus quas metus suggessisset, aut iis, quæ ex sceleris naturâ politicè nascerentur.

<sup>e</sup> *Ultra.*] *Post mortem.*

<sup>f</sup> *At enim.*] Objection ex parte eorum quos sibi Cæsar facit adversarios.

<sup>g</sup> *Tempus.*] Responsio Cæsaris ad objectionem adversariorum. Per tempus autem, intelligit homines, qui post longum tempus de conjuratorum penâ dissertarent.

<sup>h</sup> *Fortuna.*] Innuit conjuratorum supplicium, pravo exemplo, in reipublicâ malum posse converti.

<sup>i</sup> *Transfertur.*] Non tantum intelligit exemplum ad indignos transferri, sed eos, præsertim, exemplo perversè uti.

“ Atheniensibus, triginta viros imposuere, qui rempublicam eorum  
 “ tractarent. Hi primò capere pessimum quemque et omnibus invi-  
 “ sum <sup>a</sup> indemnatum necare. Eò populus lætari, et meritò dicere fieri.  
 “ Pòst, ubi paulatim <sup>b</sup> licentia crevit, juxta bonos et malos lubricinosè  
 “ interficere, cæteros metu terrere. Ita civitas, servitute oppressa,  
 “ <sup>c</sup> stultæ lætitiæ graves pœnas dedit. Nostrâ memoriâ victor Sulla,  
 “ cùm <sup>d</sup> Damasippum, et alios hujusmodi, qui malo reipublicæ cre-  
 “ verant, jugulari jussit, quis non factum ejus laudabat? Homines  
 “ scelestos, et factiosos, qui seditionibus rempublicam exagitaverant,  
 “ meritò necatos aiebant. Sed ea res magnæ initium cladis fuit.  
 “ Namque, uti quisque domum, aut villam, postremò aut vas, aut  
 “ vestimentum alicujus concupiverat, dabat operam, ut is in <sup>e</sup> pro-  
 “ scriptorum numero esset. Ita illi, quibus Damasippi mors lætitiæ  
 “ fuerat, paulò pòst ipsi <sup>1</sup> trahebantur: neque priùs finis jugulandì  
 “ fuit, quam Sulla omnes suos divitiis explevit. Atque ego hæc non  
 “ in M. Tullio, neque his temporibus vereor. Sed in magnâ civitate  
 “ multa et varia ingenia sunt. Potest alio tempore, alio consule, cui  
 “ item exercitus in manu sit, falsum aliquid pro vero credi. Ubi  
 “ hoc exemplo, per senatûs <sup>f</sup> decretum, consul gladium eduxerit,  
 “ <sup>g</sup> quis illi finem statuet, aut quis moderabitur? Majores nostri, P.  
 “ C. neque consilii, neque audaciæ unquam eguere: neque superbia  
 “ obstabat, quò minùs instituta aliena, si modò proba erant, imita-  
 “ rentur. Arma atque tela militaria ab <sup>h</sup> Samnitibus, insigniâ ma-  
 “ gistratum ab <sup>i</sup> Tuscis pleraque sumserunt: pòstremò, quod ubi-  
 “ què apud socios, aut hostes idoneum videbatur, cum summo stu-  
 “ dio domi exsequèbantur: imitari, quàm invidere, bonis, malebant.  
 “ Sed eodem illo tempore Græciæ morem imitati, verberibus ani-  
 “ madvertebant in cives, de condemnatis summum supplicium sume-

INTERPRETATIO.

<sup>1</sup> *Ipsi paulò pòst indigenè trucidabantur.*

NOTÆ.

<sup>a</sup> *Indemnatum.*] Hoc est, *Causâ indictâ* Gall. *Sans aucune forme de procès.*

<sup>b</sup> *Licentia.*] Triginta tyrannorum, scil. qui passim optimum quemque, per avaritiam, aut ambitionem, usu confirmatâ tyrannide, necabant.

<sup>c</sup> *Stultæ.*] Quia non providerant illi bonos perinde ac malos tolli posse, si quibus causam dicendi potestas adimeretur.

<sup>d</sup> *Damasippum.*] Homo fuit nullius nominis nisi quòd Mari partes sequutus, quosvis ad ipsius nutum interfecit.

<sup>e</sup> *Proscriptorum.*] Bonis enim suis spoliabantur.

<sup>f</sup> *Decretum.*] Illud intellige, quo summa potestas consulibus, verbis solennibus permittitur, *Dent illi operam ne quid respublica detrimenti capiat.*

<sup>g</sup> *Quis illi.*] Maximè cavendum est, ne bonis regnantibus, eæ in malos sanciantur leges, per quas mali postea bonos oppressum eant.

<sup>h</sup> *Samnitibus.*] Samnites, seu Sabelli, Italiæ populi supra Campaniam, ad septentrionem.

<sup>i</sup> *Tuscis.*] Populi Italiæ, mari eorum nomine adjacentes, non longè à Româ, ad occasum.

"bant. Postquam respublica adolevit, et multitudine civium factiones valere; <sup>a</sup> circumveniri innocentes, alia hujusmodi fieri capere: tunc lex Porcia, aliæque leges paratæ sunt; quibus legibus exsilium damnatis permissum est. Hanc ego causam, P. C. quod minus, consilium novum capiamus, in primis magnam puto. Profecto virtus, atque sapientia major in illis fuit, qui ex parvis opibus tantum imperium fecere; quam in nobis, qui ea bene parta vix retinemus. <sup>b</sup> Placet igitur eos dimitti, et augeri exercitum Catilinæ? Minime: sed ita censeo: publicandas eorum <sup>c</sup> pecunias: ipsos in vinculis habendos <sup>d</sup> per municipia, quæ maximè opibus valent: ne quis de his postea ad senatum referat, neve <sup>e</sup> cum populo agat: qui aliter fecerit, senatum existimare, eum contra rempublicam et salutem omnium facturum."

Postquam Cæsar dicendi finem fecit, cæteri <sup>f</sup> verbo alius alii, variè assentiebantur: at M. Porcius <sup>g</sup> Cato rogatus sententiam, hujusmodi orationem habuit:

"Longè mihi alia mens est, P. C. cum res, atque pericula nostra considero, et cum sententias nonnullorum mecum ipse reputo. Illi mihi disseverisse videntur de penâ eorum, qui patriæ, parentibus, <sup>h</sup> aris, atque focis suis bellum paravere. Res autem monet, cavere ab illis magis, quam quid in illos statuamus, consultare. Nam cætera maleficia tum: persequare, ubi facta sunt: hoc, nisi provi-

## NOTÆ.

a *Circumveniri.*] Id est, per fraudem in vitæ periculum adduci. Tacite autem indicare voluit Cæsar, conflatum fuisse crimen conjurationis, aut saltem ab inimicis auctum; ut eo facilius ad eas leges descenderet, quibus vitæ civium, ut noxiorum, consulebantur.

b *Placet.*] Occurrit objectioni.

c *Pecunias.*] Eo nomine omnia bona veniunt. *Qu'il faut confisquer tout leur bien.*

d *Per municipia.*] Quos in carcerem conjicere volebant, eos vel militibus, vel fidejussoribus, vel magistratibus custodiendos tradebant, vel eos per oppida Italiæ dividebant; Atque his periculum maximum erat si rei evaderent, ita ut oppidani pro hostibus et perduellibus haberentur, sicuti a Dione observatum est.

e *Cum populo.*] Provocatio erat ad populum; adeoque potuissent conjurati, gratiâ et amicorum potentiâ, liberari, rogando atque supplicando.

f *Verbo.*] Elliptica oratio: sic intellege. *Hic et alius in sententiam hujus aut illius senatoris veniebat, seu pedibus eundo, seu verbo et voce.* Atque ita variè assentie-

bantur, seu modum ferendi suffragium, seu ipsum suffragium spectes.

g *Cato.*] Hic fuit minor, Uticensis dictus, quod Uticæ se suâ cæde cruentaverit, Pronepos illius Catonis Censoris dicti.

h *Aris.*] Per aras, templa; per focos, domos privatas intelligit. Cæterum isthac enumeratione Cato tacite, sed prorsus reos damnat, iisque qui ante se sententiam suam dixerant, invidiam creat. Vehemens est hæc oratio, et prope modum dixerim, divina. Figuras habet et aculeos summâ cum dignitate conjunctos. Cum videas, censeas, sed memineris. Silanum consulem designatum, oratione Cæsaris permotum, sententiam, quod turpissimum fuit, mutasse; senatum ad misericordiam delapsum esse; denique Catonem admodum adolescentem inter postremos sententiam rogatum fuisse: ut, scilicet, tam gravis ejus censura, qui eâ digni essent, senatum ipsum universum haberet.

i *Persequare.*] Id est, Quilibet magistratus ulcisci possit.



"deris, ne accidat, ubi evenit, frustrà judicia implores. Captà urbe, nihil fit reliqui victis. Sed, per Deos immortales; vos ego appello, qui semper domos, villas, signa, <sup>a</sup> tabulas vestras pluris, quam rempublicam fecistis; si ista, <sup>b</sup> cujuscumque modi sint, quæ <sup>c</sup> amplexamini, retinere; si voluptatibus vestris otium præbere vultis; expergiscimini aliquando, et <sup>d</sup> capessite rempublicam. Non agitur de vectigalibus, non de <sup>e</sup> sociorum injuriis: libertas, et anima nostra in dubio est. Sæpe numerò, P. C. multa verba in hoc <sup>f</sup> ordine feci: sæpè de luxurià, atque avaritià nostrorum civium questus sum: multosque mortales eà causà adversos habeo: qui mihi, atque <sup>g</sup> animo meo nullius unquam delicti gratiam fecissem, haud <sup>h</sup> facilè alterius <sup>i</sup> libidini malè facta condonabam. Sed, <sup>j</sup> ea tametsi vos parvi pendebatis, tamen respublica firma erat: <sup>k</sup> opulentia negligentià tolerabat. Nunc verò non id agitur, bonisne, an malis moribus vivamus; neque, quantum, aut quàm magnificum imperium populi Romani sit; sed, <sup>l</sup> hæc cujuscumque modi videntur, nostra, an, nobiscum una, hostium futura sint. Hic mihi <sup>m</sup> quisquam mansuetudinem, et misericordiam nominat? Jam pridem equidem nos vera rerum vocabula <sup>n</sup> amisimus. <sup>o</sup> Quia, bona aliena largiri, liberalitas; malarum rerum audacia, fortitudo vocatur;

INTERPRETATIO.

<sup>1</sup> Quia largiri bona aliena vocatur liberalitas; audacia malarum rerum vocatur fortitudo, eo res- publica ad ultimas angustias reducta est.

NOTÆ.

<sup>a</sup> Tabulas.] Pictas intellige. Des tableaux.

<sup>b</sup> Cujuscumque.] Cato Stoicus fuit; adeoque fortunæ bona, quæ vocant, revera bona esse aut mala dicere noluit. Verùm hic insuper quædam latet exprobatio, quâ nimis divitiarum cupiditatis Romanos arguit.

<sup>c</sup> Amplexamini.] Id est, Assiduè et maxime cum studio amplectimini.

<sup>d</sup> Capessite.] Id est, ejus curam suscipite.

<sup>e</sup> Sociorum.] Id est, quæ ab ipsis acceptæ fuerint.

<sup>f</sup> Ordine.] Senatorio. Fuit alter equestris, tertius plebeius.

<sup>g</sup> Animo.] Per animum, appetitus intelligit, qui in Catone, quia temperati erant, bene animi nomine honesto appellantur.

<sup>h</sup> Libidini.] Jam notantur appetitus, prout effræni in omne ruunt flagitium.

<sup>i</sup> Ea.] Quæ ego verba feci, intellige, in senatu, contra eorum pravitatem.

<sup>k</sup> Opulentia.] Id est, immensa auctoritas et potentia, itemque divitiæ P. Romani patiebantur nos aliquantò negligentius imperium agitare. Verissimè Cato: nam neque uno momento occidant, neque uno momento quietem nanciscuntur corpora quibus motus impressus est, præsertim si illis moles non desit.

<sup>l</sup> Hæc.] Eadem quæ suprâ memoravit, cum his ipsis terminis usus est.

<sup>m</sup> Quisquam.] Invidiosè.

<sup>n</sup> Amisimus.] Verècundè et ingeniosè admodum mores carpit corruptos: sensus est enim, Romanos; (in quorum numero, ut invidiam declinet, seipse involvit,) virtutis sub specie vitia sectari.

"eo respublica in extremo sita est. <sup>a</sup> Sint sanè, quoniam ita se mo-  
 "res habent, liberales ex sociorum fortunis: sint misericordes in  
 "furibus ærarii: ne illi sanguinem nostrum largiantur, et, dum pau-  
 "cis sceleratis parcunt, bonos omnes perditum eant. <sup>b</sup> Bene, et com-  
 "positè C. Cæsar paulò antè in hoc ordine de vitâ, et morte disse-  
 "ruit; credo falsa existimans ea, quæ de inferis memorantur, <sup>c</sup> di-  
 "verso itinere malos à bonis loca tetra, inculta, fœda, atque <sup>d</sup> formi-  
 "dolosa habere. Itaque censuit, pecunias eorum publicandas, ipsos  
 "per municipia in custodiis habendos; <sup>e</sup> videlicet, ne si Romæ sint,  
 "aut à popularibus conjurationis, aut à multitudine conductâ, per  
 "vim eripiantur. Quasi vero mali, atque scelesti tantummodo in  
 "urbe, et non per totam Italiam sint; aut non ibi plûs possit auda-  
 "cia, ubi ad defendendum opes minores sunt. Quare vanum equi-  
 "dem hoc consilium est, si periculum ex illis metuit. Sin in tanto  
 "omnium metu solus non timet; eò magis refert, me mihi, atque  
 "vobis timere. Quare cùm de P. Lentulo, cæterisque statuatis,  
 "pro certo habetote, vos simul de exercitu Catilinæ et de omnibus  
 "conjuratis <sup>f</sup> decernere. Quantò vos <sup>g</sup> attentius ea agetis, tantò  
 "illis animus infirmior erit; si paululum modò vos languere vide-  
 "rint, jam omnes feroces aderunt. Nolite existimare, majores no-  
 "stros <sup>h</sup> armis rempublicam ex parvâ magnam fecisse. Si ita res  
 "esset, multò pulcherrimam eam nos haberemus. Quippe socio-  
 "rum, atque civium, præterea armorum, atque equorum major co-  
 "pia nobis, quàm illis, est. Sed alia fuère, quæ illos magnos fecère,  
 "quæ nobis nulla sunt: domi industria; foris justum imperium;  
 "animus in consulendo liber; neque <sup>i</sup> delicto, neque lubrici obnoxio-  
 "sus. Pro his nos habemus luxuriam, atque avaritiam: publicè  
 "egestatem, privatim opulentiam: <sup>k</sup> laudamus divitiâs, sequimur  
 "inertiam: inter bonos et malos <sup>l</sup> discrimen nullum: omnia virtutis

## NOTE.

a *Sint sanè.*] Vehementem habet repre-  
 hensionem hæc ellipsis. Neminem nominat  
 Cato, sed eò gravius conjuratorum fautores  
 exagitat.

b *Bene et composité.*] Iisdem propemo-  
 dum verbis aliorum Cæsar reprehende-  
 rat orationem: atque ita in eo, quod gra-  
 vissimum est, idem illud peccatum Cato  
 castigat, quod ille in aliis animadvertisse  
 credebatur.

c *Diverso.*] Quæ de inferis in Elysis  
 campis fabulati sunt poetæ, nemo non  
 movit.

d *Formidolosa.*] Hoc est, quæ formi-  
 dem incutiunt, et metum. Gall. *Où regne la*  
*frayeur.*

e *Videlicet.*] Irrisio est Cæsaris, quem  
 Cato per totam hanc orationem acerbè  
 vellicat et insectatur.

f *Decernere.*] Gall. *Que vous faites le*  
*procès à Catilina, &c.*

g *Attentius.*] Hic ferè significat, majori  
 cum rigore. Gall. *Plus vous porterez de*  
*rigueur dans cette affaire.*

h *Armis.*] *Tantum*, supple, aut præser-  
 tim.

i *Delicto.*] Tacitè quosdam carpit qui  
 conjurationis conscii esse credebantur, qua-  
 si illi, cùm in culpâ essent, ideo perduelli-  
 bus faverent, quòd aliter sibi consulere non  
 possent.

k *Laudamus.*] Pro *amamus*. Ita enim  
 comparata est hominum natura, ut, quæ  
 laudamus, ea pariter amemus. Atque hinc  
 oritur, et huc recurrit omnis politico-  
 rum scientia.

l *Discrimen.*] Id est, nulla bonorum ratio  
 habetur.

"præmia <sup>a</sup> ambitio possidet. Neque mirum : <sup>1</sup> ubi vos separatim, <sup>b</sup> sibi quisque consilium capitis ; ubi domi voluptatibus, hic pecuniæ, aut gratiæ <sup>c</sup> servitis ; eò fit, ut impetus fiat in vacuam remp. "Sed ego hæc omitto. Conjuravere cives nobilissimi patriam incendere ; Gallorum gentem, infestissimam nomini Romano, ad bellum arcessunt ; dux hostium cum exercitu <sup>2</sup> supra caput est : Vos cuncta-  
mini etiam nunc et <sup>d</sup> dubitatis, quid intra mœnia, deprehensis hostibus, faciatis ? <sup>e</sup> Misereamini, censeo ; <sup>f</sup> Deliquere homines adolescentuli per ambitionem : atque utiam armatos dimittatis. <sup>g</sup> Næ ista vobis mansuetudo, et misericordia, si illi arma ceperint, in miseriam vertet. Scilicet res ipsa aspera est, <sup>h</sup> sed vos non timetis eam. <sup>i</sup> Immo verò maxime ; sed inertia et mollitia animi, alius alium <sup>k</sup> expectantes cunctamini, <sup>1</sup> videlicet diis immortalibus confisi, qui hanc rempublicam in maximis sæpe periculis, servavere. <sup>m</sup> Non votis, neque <sup>n</sup> suppliciis muliebribus auxilia deorum parantur ; vigilando, agendo, bene consulendo, prosperè omnia cedunt. "Ubi socordiæ tete, atque ignaviæ tradideris, nequicquam Deos implores. Irati, infestique sunt. Apud majores nostros, A. Man-

INTERPRETATIO.

<sup>1</sup> Quandoquidem vos capitis consilium, quisque pro se seorsim.

<sup>2</sup> Dux hostium fauces urget cum exercitu, et nos premit.

NOTÆ.

<sup>a</sup> Ambitio.] Cato ideo ad consulatum non fuit promotus, quia ambire, et, ut mos erat aliis, populo supplicare noluit, virtute suâ confusus scilicet, quæ tamen illi, hæc in parte, ut sæpè aliis inutilis fuit.

<sup>b</sup> Sibi.] Actum est de eo corpore, cuius vinculum solvitur, bonorum, communio.

<sup>c</sup> Servitis.] Hoc est, non pro bono reipublicæ, sed pro pecuniâ, aut gratiâ à privatis consequendâ, suffragia fertis.

<sup>d</sup> Dubitatis.] Cunctari retardationem actionis, Dubitare ejus anxietatem notat. cum, quid agamus, ancipites hæremus.

<sup>e</sup> Misereamini.] Ironia est, tametsi res ipsa seriò ex eorum personâ qui conjuratis favebant, proponitur.

<sup>f</sup> Deliquere.] Ratio pro misericordiâ quæ ex personâ quoque subjicitur Cæsaris et aliorum, cum amarâ ironiâ.

<sup>g</sup> Ne ista.] Jam pro se loquitur Cato.

<sup>h</sup> Sed vos.] Iterum adversarios, eos sci-

licet, qui ad misericordiam inclinabat, excitat.

<sup>i</sup> Immo.] Ad ea respondet Cato quæ cum irrisione concesserat. Quasi dicat. Ne quis vestrum, non timere se simulet, nam vos maxime timere res ipsa indicat.

<sup>k</sup> Expectantes.] Gall. diceremus, En vous regardant l'un, les autres, pour savoir à qui ouvrir la pas.

<sup>1</sup> Videlicet.] Ineptam senatorum consilio ineptam subjicit rationem, illudque ad modum eâ ratione intortum, ut non jam senatus, regum, sed puerorum consensus esse videatur. Certè minime mirandum est, Cicero si alicubi testatur, Catonem vitam suam in discrimen obtulisse, atque sententiæ invidiam sibi capitis periculo præstandam vidisse.

<sup>m</sup> Non votis.] Ineptam arguit senatorum rationem.

<sup>n</sup> Suppliciis.] Id est precibus inutilem muliercularum, quæ stultè à diis petunt, quæ non aliter ipsi quàm per homines exequuntur.

"lius Torquatus bello Gallico filium suum, quod is <sup>a</sup> contrā imperium in hostem pugnaverāt, necari iussit. Atque ille egregius "adolescens immoderatæ fortitudinis morte pœnas dedit. Vos, de "crudelissimis parricidis quid statuatis, cunctamini? Videlicet vita "cætera eorum huic sceleri <sup>b</sup> obstat. Verum parcite dignitati Lentuli, si ipse pudicitiae, si famæ suæ, si diis, aut hominibus unquam "ullis pepercit. Ignoscite Cethegi adolescentiæ, nisi iterum jam "patriæ bellum fecit. Nam quid ego de Gabinio, Statilio, Cepario "loquar? Quibus si quidquam pensi unquam fuisset, <sup>c</sup> non ea consilia de rep. habuissent. Postremò, P. C. si mehercule peccato <sup>d</sup> locus esset, faciliè paterer vos ipsâ <sup>e</sup> re corrigi, quoniam verba contempnis. Sed undique circumventi sumus: Catilina cum exercitu "faucibus urget: alii intra mœnia, atque in sinu urbis sunt hostes. "Nequè parari, neque consuli quidquam occultè potest: quod magis "properandum est. Quare ita ego censeo: cum nefario consilio "sceleratorum civium resp. in maxima pericula venerit; hique indicio T. Volturcii, et legatorum Allobrogum convicti, confessique "sint, cædem, incendia, aliaque fœda atque crudelia facinora in "cives, patriamque paravisse; de confessis, sicuti de <sup>f</sup> manifestis rerum capitalium, <sup>g</sup> more majorum, supplicium sumendum."

Postquam Cato assedit, consulares omnes, itemque senatûs magna pars, sententiam ejus laudant; virtutem animi ad cælum ferunt: alii alios increpantes timidos vocant: Cato clarus atque magnus habetur; senati decretum fit, sicut ille censuerat. Sed mihi, multa legenti, multa audienti, quæ populus Romanus domi, militiæque, mari atque terrâ præclara facinora fecit, fortè lubuit attendere, quæ res maximè tanta negotia sustinuisset. Sciebam, sæpenumero, <sup>1</sup> parvâ manu cum magnis legionibus hostium contendisse: cognoveram parvis copiis bella gesta cum opulentis regibus: ad hoc, sæpe fortunæ <sup>h</sup> violentiam

## INTERPRETATIO.

<sup>1</sup> Sciebam P. Romanum sæpe certasse parvo exercitu cum magnis legionibus hostium.

## NOTÆ.

a *Contra.*] Non equidem contra, sed sine imperio; nisi quod in bello, is contra imperium facit, qui absque eo aliquid audet.

b *Obstat.*] Prout id factum in illo Horatio cujus crimen intra gloriam fuit, ut loquitur Florus, Gall. diceremus: *Contrebalance.*

c *Non ea.*] Hoc est, tam nefuria. Verisimè dictum: nam per gradus ad extremam nequitiam descenditur; quod adolescentibus maximè notandum est.

d *Locus esset.*] Id est, si postquam pa-

tratum fuisset facinus conjuratorum, res posset ad salutem converti.

e *Re corrigi.*] Hoc est, damno et incommodis, quæ ex conjuratorum facinore in vos redundarent.

f *Manifestis.*] Illi sunt, quos crimen admisisse constat.

g *More.*] Priusquam leges paratæ essent pro tergo et capite civium.

h *Violentiam.*] Cum, verbi gratia, adversus Samnites, Gallos, Pyrrhum, Annibalem, bellum gesserunt.

tolerâsse : faciendâ Græcos, gloriâ belli Gallos, ante Romanos fuisse. Ac mihi, multa <sup>1</sup> agitant, constabat, paucorum civium egregiam virtutem cuncta patrâsse; eoque factum, uti divitias paupertas, multitudinem paucitas, superaret. Sed, postquam luxu, atque desidiâ, civitas corrupta est, <sup>2</sup> rursus resp. magnitudine suâ, imperatorum atque magistratuum vitia <sup>3</sup> sustentabat; <sup>4</sup> ac, sicuti effeta parente, multis tempestatibus haud sanè quisquam Romæ virtute magnus fuit. Sed, memoriâ meâ, ingenti virtute, diversis moribus fuere viri duo, M. Cato. et C. Cæsar; quos, quoniam res obtulerat, silentio præterire non fuit consilium, quin utriusque naturam, et mores, quantum ingenio possem, aperirem. Igitur his <sup>5</sup> genus, ætas, eloquentia propè æqualia fuere: magnitudo animi par, item gloria; sed alia alii. Cæsar beneficiis, ac munificentia, magnus habebatur; integritate vitæ Cato. Ille mansuetudine, et misericordia clarus factus: huic severitas dignitatem addiderat. Cæsar, <sup>6</sup> dando, sublevando, ignoscendo; Cato, nihil <sup>7</sup> largiendo, gloriam adeptus est. In altero <sup>8</sup> miseriis perfigium; in altero malis perniciēs. Illius facilitas, hujus constantia laudabatur. Postremò, Cæsar in animum induxerat, laborare, vigilare; negotiis amicorum intentus, sua negligere: nihil denegare, quod dono dignum esset; sibi magnum imperium, exercitum, bellum novum, exoptabat, ubi virtus enitescere posset. At Catoni studium <sup>9</sup> modestiæ, decoris, sed maximè severitatis, erat. Non divitiis cum

INTERPRETATIO.

<sup>1</sup> Et constabat mihi multa sedulo cogitanti, paucorum civium egregiam virtutem cuncta patrâsse.

<sup>2</sup> Ex adverso respublica sustentabat magnitudine suâ vitia imperatorum.

<sup>3</sup> Et, sicuti Roma mater effeta, et lassata fuisset, non fuit sanè quisquam Romæ magnus virtute, per multas tempestates.

NOTÆ.

a *Sustentabat.*] Id est, Tanta erat respublica opulentiâ, ut magistratuum negligentia et inertia, ea non intercideret; sed eorum vitia magnitudine suâ quodammodo absorberet.

b *Genus.*] Catonis genus principium dignitatis et gloria à proavo Catone Censorio sumpsit: Cæsar verò ab Iulo Æneæ filio, Æneas à Venere, quæ ipsum ex Anchisæ genuit natales repetebat. Sed, ut vides, quæ adulatio ex fabulis invexerat, gravis auctor à rei veritate segregavit.

c *Dando.*] Noluit dicere largiendo, quod in vitium verteretur, verum usus est Gerundio quod vim habet frequentativam. Quo ad rem idem dicit; sed sermo honestus est.

d *Largiendo.*] Non dixit, dando, ne videretur Cato tenax et avarus, sed largiendo; ut quibus largitionibus alii populi gratiam, et suffragia emendicabant, ab his ille integer cognosceretur.

e *Miseris.*] Imò et malis, nam utrisque Cæsar favebat: sed illud dissimulat Salustius, qui et ipse, in his, à Julio sustentatus fuerat. Nonne modò largitionum Cæsaris invidiam honesto nomine declinavit? Egregius artifex, quem nemo non virum sanctissimum credat, nisi aliundè notus sit.

f *Modestiæ.*] Vide quid sit modestia ex opposito Cæsaris ingenio agitato, elato, ambitioso.

divite, neque factione cum factioso; sed cum strenuo, virtute; cum modesto, pudore; cum innocente, <sup>a</sup> abstinentiâ certabat: esse, quàm videri, bonus malebat; ita, quò minùs gloriam petebat, eò magis adsequebatur. Postquam, uti dixi, senatus in Catonis sententiam discessit; consul optimum factum ratus, <sup>b</sup> noctem, quæ instabat, antè capere, nequid eo spatio novaretur; <sup>c</sup> triumviros, quæ ad supplicium postulabat, parare jubet: ipse, præsiidiis dispositis, Lentulum in carcerem deducit: idem fit cæteris per prætores. Est in carcere locus, quod Tullianum appellatur, ubi paululùm ascenderis ad lævam, circiter xii. pedes humi depressus. Eum muniunt undique parietes, atque insuper <sup>d</sup> camera lapidies <sup>e</sup> fornicibus vincta: sed <sup>f</sup> incultu; tenebris, odore fæda, atque terribilis ejus facies. In eum locum postquam demissus Lentulus, vindices rerum capitalium, quibus præceptum erat, laqueo gulam fregere. Ita ille patricius, ex gente clarissimâ Corneliorum, qui consulare imperium Romæ habuerat, dignum moribus, factisque suis, exitum vitæ invenit. De Cethego, Statio, Gabinio, Cepario, eodem modo supplicium sumptum est.

Dum ea Romæ geruntur, Catilina ex omni <sup>1</sup> copiâ, quàm ipse adduxerat, et Manlius habuerat duas legiones <sup>g</sup> instituit; cohortes pro numero militum <sup>h</sup> complet; dein, uti quisque voluntarius, aut ex sociis in castra venit, <sup>i</sup> æqualiter distribuerat: ac brevi spatio legiones <sup>k</sup> numero hominum expleverat; cùm initio non ampliùs duobus millibus habuisset. Sed ex omni copiâ circiter pars quarta erat militibus armis instructa; cæteri, uti quemque casus armaverat, <sup>l</sup> spa-

## INTERPRETATIO.

<sup>1</sup> *Catilina instituit duas legiones ex omnibus militibus quos ipse adduxerat, et Manlius habuerat.*

## NOTÆ.

<sup>a</sup> *Abstinentiâ.]* Ita ut, neque alteri quicquam detraheret, neque verò dona accipere vellet.

<sup>b</sup> *Noctem.]* Id est, antè omnia exequi quæ in senatu de conjuratis decreta essent, quàm nox ingrueret.

<sup>c</sup> *Triumviros.]* Capitales scilicet, quibus carceris et supplicii, imò et aliquando inquisitionis cura demandata erat, *C'étoit une espèce de Lieutenans criminels.*

<sup>d</sup> *Camera.]* Une voûte.

<sup>e</sup> *Fornicibus.]* Quid sint hoc in loco fornice nescio, nisi arcuatos lapides intelligamus, ex quibus ipsa camera constat: vel circulos illos in cameris ad speciem etiam extantes, quales visuntur in ædificiis, præsertim Gothico more constructis, quibus tota cameræ et ædificii moles innititur.

<sup>f</sup> *Incultu.]* Hoc est, ex eo quòd locus ab hominibus non erat frequentatus.

<sup>g</sup> *Instituit.]* Gall. *Il ordonna.*

<sup>h</sup> *Complet.]* Numerum non habebat militum, qui pro duabus legionibus requirebatur; ideoque, quos habuit, in singulas cohortes, quibus suus numerus non constitit partitus est.

<sup>i</sup> *Æqualiter.]* Ita ut singulæ cohortes de advenientibus eundem numerum acciperent.

<sup>k</sup> *Número.]* Instituta fuit legio à Romulo hominum 3000, quæ postea crevit usque ad 6000, qualis fuit tempore Catilinae.

<sup>l</sup> *Sparos.]* *Sparus*, aut *sparum*, rusticum est telum, in modum pedis recurvum.

ros, aut lanceas, alli præcutas, <sup>a</sup> sudes, portabant. Sed postquam Antonius cum exercitu adventabat, Catilina per montes iter facere; modò ad urbem, modò in Galliam <sup>b</sup> verses castra movere; hostibus occasionem pugnandi non dare. Sperabat propediem magnas copias se habiturum, si Romæ socii incepta patravissent. Interea servitia repudiabat, <sup>c</sup> cujus initio ad eum magnæ copię concurrebant, opibus conjurationis fretus; simul <sup>d</sup> alienum suis rationibus videri, existimans causam civium cum servis fugitivis communicasse. Sed, postquam in castra nuncius pervenit, Romæ conjurationem patefactam; de Lentulo, et Cethego, cæterisque quos suprâ memoravi, supplicium sumptum; plerique, quos ad bellum spes rapinarum, aut novarum rerum studium illexerat, dilabuntur: reliquos Catilina per montes asperos, magnis itineribus, in agrum <sup>e</sup> Pistoriensem abducit, eo consilio, uti per tramites occultè profugeret in Galliam. At Q. Metellus Celer cum tribus legionibus in agro Piceno præsidebat. Ex <sup>f</sup> difficultate rerum eadem illa existimans, <sup>g</sup> quæ suprâ diximus Catilinam agitare. Igitur, ubi iter ejus ex perfugis cognovit, castra properè movet; ac sub ipsis radicibus montium consedit, quâ illi descensus erat in Galliam properanti. Neque tamen Antonius longè aberat, <sup>h</sup> utpote qui, magno exercitu, locis <sup>i</sup> æquioribus <sup>j</sup> expeditos in fugam sequeretur. Sed Catilina, postquam vidit, montibus atque copiis hostium sese clausum, in urbe res adversas, neque fugæ, neque <sup>k</sup> præsidii ullam spem; optimum factu ratus in tali re fortunam belli tentare, statuit cum Antonio quàm primùm configere. Itaque concione advocatâ, hujuscemodi orationem habuit.

“ Compertum ego habeo, milites, verba viris virtutem non addere; neque ex <sup>k</sup> ignavo strenuum, neque fortem ex <sup>l</sup> timido exercitum,

INTERPRETATIO.

<sup>1</sup> *Utpote qui sequerentur locis planioribus in fugam promptos.* *que fugæ, neque tutelæ ullam spem remanere.*

<sup>2</sup> *Postquam Catilina videt ne-*

NOTÆ.

<sup>a</sup> *Sudes.*] Perticæ sunt acutæ, præstæ.

<sup>b</sup> *Versus.*] Adverbium est.

<sup>c</sup> *Cujus.*] In neutro genere. Eadem ratione Gallicè dicimus. *Dont; Dequo.*

<sup>d</sup> *Alienum.*] Nimirum, istud eos deteruisset, qui Romæ occultius conjurationis erant participes: Dicerent enim, *Quid nos isti colluvioni immiscebimus?* Deinde minus Catilinæ causam defendere potuissent; nec locus ullus excusationi relictus fuisset.

<sup>e</sup> *Pistoriensem.*] In Etruriæ parte Occidentali, ad Appennini montis radices.

<sup>f</sup> *Difficultate rerum.*] Quibus, scilicet,

Catilina circumventus erat.

<sup>g</sup> *Quæ suprâ diximus.*] Hæc verba, in textum, ex marginali notâ irrepiisse videntur.

<sup>h</sup> *Utpote qui.*] Non refertur ad integram sententiam, sed tantum ad verbum *aberat*, Quasi dixisset, *Neque tamen Antonius longè aberat, quamquam aberat tamen, utpote qui, &c.* Non placet hæc scribendi ratio.

<sup>i</sup> *Expeditos.*] Qui neque sarcinis, neque armaturâ graves onusti erant.

<sup>k</sup> *Ignavo.*] Quod ad corpus.

<sup>l</sup> *Timido.*] Quod ad animum refertur.

“oratione imperatoris fieri. Quanta cujusque animo audacia, natura, aut <sup>a</sup> moribus inest, tanta in bello patere solet. Quem neque gloria, neque pericula excitant, nequicquam hortere. Timor animi auribus officit. Sed ego vos, quò pauca monerem, advocavi; simul uti causam <sup>b</sup> consilii mei aperirem. Scitis equidem, milites, socordia, atque ignavia Lentuli, quantum ipsi, nobisque cladem attulerit; quoque modo, dum ex urbe praesidia opperior, in Galliam proficisci nequiverim. Nunc verò, quo in loco res nostrae sint, juxta mecum omnes intelligitis. Exercitus hostium duo, unus ab urbe, alter à Gallia obstant: diutius in his locis esse, si <sup>1</sup> maximè animus ferat, frumenti atque aliarum rerum egestas prohibet. Quocunque ire placet, ferro iter aperiendum est. Quapropter vos moneo, uti forti, atque parato animo sitis; et, cum praelium inhibitis, memineritis, vos divitias, decus, gloriam, praeterea libertatem, atque patriam in dextris vestris portare. Si vincimus, omnia nobis tuta erunt; <sup>c</sup> commeatùs abunde, municipia, atque coloniae <sup>d</sup> patebunt. Sin metu cesserimus, eadem illa adversa fient: <sup>e</sup> neque locus neque amicus quisquam teget, quem arma non texerint. Praeterea, milites non eadem nobis, et illis necessitudo impendet. Nos pro patriâ, pro libertate, pro vitâ certamus; illis <sup>f</sup> supervacaneum est pro potentiâ paucorum pugnare. Quò audaciùs aggredimini, memores pristinae virtutis. Licuit vobis cum summâ turpitudine in exsilio aetatem agere, potuistis nonnulli Romae, amissis bonis, alienas <sup>g</sup> opes expectare; quia illa fœda, atque intoleranda <sup>h</sup> viris videbantur, <sup>i</sup> hæc sequi decrevistis. Si <sup>k</sup> hæc relinquere vultis, <sup>l</sup> audaciâ opus est. Nemo, nisi victor, pace bellum mutavit. Nam in fugâ salutem sperare, <sup>2</sup> cum arma, quis corpus tegitur, ab hostibus <sup>m</sup> avertere, ea verò dementia est. Semper in praelio iis maxi-

## INTERPRETATIO.

- <sup>1</sup> Quamvis maximè vellemus. | tere ab hostibus arma, quibus corpus tegitur.  
<sup>2</sup> Nam dementia est, sperare salutem in fugâ, atque insuper avert-

## NOTÆ.

a *Moribus.*] Exercitio et assuetudine.  
 b *Consiliâ.*] Intelligit de consilio, manus cum Antonio conferendi,

c *Commeatûs.*] Ita vocantur ea omnia, quæ ad exercitus alimoniam spectant.

d *Patebunt.*] Id est, iis utemur faventibus.

e *Neque locus.*] Minimè mirum si desperati omnes, qui cum Catilinâ perstiterunt, adversis vulneribus conciderint: vel ipsis lapidibus animos hæc ejus oratio dedisset.

f *Supervacaneum.*] Superfluum et inutile, quosque adeò facilius est vincere:

cum ferocior fit in libertate suâ vindicandâ dolor, quàm in injustâ dominatione defendenda cupiditas.

g *Opes.*] Largitiones puta, Captatas hæreditates.

h *Viris.*] Id est, hominibus strenuis et cordatis.

i *Hæc sequi.*] Bellum patriæ indicere.

k *Hæc relinquere.*] Bellum; ut illi otium succedat.

l *Audaciâ.*] Omnino: nec aliter unquam victoriâ quisquam potitus est.

m *Avertere.*] Prout fit illud in fugâ.



“mum est periculum, qui maximè timent: audacia pro muro <sup>a</sup> habetur. Cum vos considero, milites, et cum facta vestra <sup>b</sup> aestimo, magna me spes victoriæ tenet. Animus, ætas virtus vestra me <sup>c</sup> hortantur: præterea necessitudo, quæ etiam timidos fortes facit. <sup>d</sup> Nam, multitudo hostium ne circumvenire queat, prohibent angustiae loci. Quod si virtuti vestrae fortuna <sup>e</sup> inviderit, cavete, ne inulti animam amittatis; <sup>f</sup> neu capti potius sicuti pecora, trucidemini, quam virorum more pugnantes, cruentam atque luctuosam victoriam hostibus relinquatis.”

Hæc ubi dixit, paululum commoratus, <sup>f</sup> signa canere jubet, atque <sup>g</sup> instructos <sup>h</sup> ordines in locum æquum deducit; dein, remotis omnium equis, quod militibus, exæquato periculo, animus amplior esset, ipse pedes exercitum pro loco, atque copiis <sup>i</sup> instruit. Nam uti planities erat inter sinistros montes et ab dexterâ rupes aspera; octo cohortes in fronte constituit: reliqua <sup>j</sup> signa, in <sup>k</sup> subsidiis <sup>l</sup> arctius collocat. Ab his centuriones omnes lectos et <sup>m</sup> evocatos, præterea ex gregariis militibus optimum quemque armatum, in primam aciem subducit: C. Manlium in dextrâ, Pæsulanum quemdam in sinistrâ

INTERPRETATIO.

<sup>1</sup> Nam angustiae loci impediunt ne multitudo hostium possit nos circumcludere.

<sup>2</sup> Cavete ne inulti moriamini, neve capti potius trucidemini, sicuti brutâ, quam relinquatis hos-

tibus victoriam cruentam ac luctuosam, cum certaveritis more virorum.

<sup>3</sup> Jubet signa canere; atque deducit ordines ad prælium compositos, in locum planum.

NOTÆ.

<sup>a</sup> Habetur.] Pro est: Jam sapiens eo sensu vidimus.

<sup>b</sup> Aestimo.] Id est, singulis suam laudem tribuo; ideoque quam præclara fuerint reputo.

<sup>c</sup> Hortantur.] Mihi addunt alacritatem.

<sup>d</sup> Nam.] Rationem reddit, cur de fortitudine suorum, quantumvis paucorum, bene speret: quia scilicet, per loci angustias, eos non liceat hostibus circumvenire.

<sup>e</sup> Inviderit.] Id est, si vobis pereundum sit. Ille verò vocibus abstinet ominosis.

<sup>f</sup> Signa.] Quibus prælium indicebatur. Tubis autem, buccinis, et cornibus utebantur, non tympanis, ut solent nostrates, alique, quando milites ad prælium, vel ad aliquod opus erant evocandi: vel etiam cum signa et aquilæ erant movendæ. Sed

apud alios ista plenius videbis.

<sup>g</sup> Ordines.] Id est, milites, prout singuli erant sub suis signis; atque hæc, aut illi centurioni parebant.

<sup>h</sup> Instruat.] Ordines erant instructi, at exercitus non erat: illud est munus Imperatoris.

<sup>i</sup> Signa.] Id est, reliquum exercitum.

<sup>k</sup> Subsidiis.] Pars erat aciei postrema, ubi plerumque triarii, et fortissimi erant milites.

<sup>l</sup> Arctius.] Il les fit serrer d'avantage.

<sup>m</sup> Evocatos.] Illi erant qui militia functi, ad bellum, nisi in tumultu, cogi non poterant; sed precibus illecti, in gratiam dum militabant. Cum itaque longo, usu bellandi artem didicissent, meritò eos Salustius *lectos* appellat.

parte curare jubet: ipse cum libertis, et <sup>a</sup> colonis propter Aquilam adstitit, quam bello <sup>b</sup> Cimbrico C. Marius in exercitu habuisse dicebatur. At ex alterâ parte C. Antonius, <sup>c</sup> pedibus æger, quod prælio adesse nequibat, M. <sup>d</sup> Petreio legato exercitum permittit. <sup>e</sup> Ille cohortes veteranas, quas <sup>f</sup> tumulti causâ conscripserat, in fronte, post eas cæterum exercitum in subsidiis locat. <sup>g</sup> Ipse equo circumiens, unumquemque nominans, appellat, hortatur, rogat, uti meminerint, se contra latrones, inermes, pro patriâ, pro liberis, pro aris atque focus suis certare. Homo militaris, quod amplius annos triginta <sup>h</sup> tribunus, aut <sup>i</sup> præfectus, aut legatus, aut prætor cum magnâ gloriâ in exercitu fuerat; plerosque ipsos, factaque eorum fortia noverat: ea commemorando, militum animos accendebat. Sed, ubi, omnibus rebus exploratis, Petreius tubâ <sup>k</sup> signum dat, cohortes paulatim incedere jubet. Idem facit hostium exercitus. Postquam eò ventum est, unde à <sup>l</sup> ferentariis prælium committi posset, maximo clamore, infestis signis concurrunt; pila omittunt; gladiis res geritur. Veterani, pristinæ virtutis memores, cominus acriter instare; illi haud timidi resistunt; maximâ vi certatur. Interea Catilina cum

## NOTÆ.

<sup>a</sup> *Colonis.*] Syllæ fuerunt milites, quibuscum Etruriam colendam divisisse antea videmus; quos, cum suo largiis usi essent, et rebus novis studerent, facili in suas partes Catilina illexerat.

<sup>b</sup> *Cimbrico.*] Cimbri Germaniæ populi fuerunt, maximè ad Septentrionem qui cum terras eorum inundasset oceanus, quærentes sedes novas, cum Theutonibus, atque Tigurinibus, adversus Romanos bellum gesserunt.

<sup>c</sup> *Pedibus.*] Mente potiùs; nam morbum finxisse scribit Dio: Veritus scilicet, ne si bi palam aliquid à Catilinâ objiceretur, quod conjunctionis participem fuisse eum declararet.

<sup>d</sup> *Petreio.*] Is postea legatus fuit Pompeii in Hispaniâ, uti quidem videtur, qui se rerum desperatione interemit in Africâ: vel, ut alii volunt, cum Jubâ mutuo vulnere concidit.

<sup>e</sup> *Ille.*] Petreius.

<sup>f</sup> *Tumulti.*] Pro tumultûs. Ita olim indifferenter.

<sup>g</sup> *Ipse.*] Mirum quàm hîc hæsitent commentatores, ac contraria et sentiant, et exponant in re non admodum difficili: Ego,

inquit Glareanus, per Ille, Petreium intelligo; per Ipse, Antonium: quod Lector ipse, simul atque priora cum sequentibus confereat, facili intelliget. At verò Zanchius: Non satis mirari possem Glareanum qui asserit hîc Commentatores hæsitare, ac contraria exponere, cum ipse potiùs in re facillimâ contraria exponat: Ego, ut à Glareano dissentiam, per Ille Antonium accipio, per Ipse, Petreium; quod unusquisque mediocriter eruditus animadvertet. Quartus accedat, si volet, cui ipse ridiculo fuerim, certè tertius Zanchium, et ejus confidentiam multis de causis demor, atque in Glareani partes unice concedo.

<sup>h</sup> *Tribunus.*] Dux mille hominum, *A colonel.*

<sup>i</sup> *Præfectus.*] Qui neque est Imperator, neque legatus; sed pro tempore vicem præstat Imperatoris aut Prætoris.

<sup>k</sup> *Signum.*] Bellicum seu classicum; signum cum hoste congregiendi. *Fit sonner la charge.*

<sup>l</sup> *Ferentariis.*] Illi erant, quibus levis armatura; quique primi, quibusvis telis eminens missis, prælium committebant.

<sup>a</sup> expeditis in primâ acie versari, laborantibus succurrere, <sup>b</sup> integros pro sauciis accersere, omnia providere, multum ipse pugnare, sæpe hostem ferire; strenui militis, et boni imperatoris officia simul exsequabatur. Petreius, ubi videt Catilinam <sup>c</sup> contrâ, ac ratus erat, magnâ vi tendere; cohortem <sup>d</sup> prætoriam in medios hostes inducit; eosque perturbatos, atque alios <sup>e</sup> alibi resistentes, interficit: deinde utrimque ex lateribus cæteros aggreditur. Manlius, et Fæsulanus in primis pugnantes cadunt. Postquam fusas copias, seque cum paucis relictum videt Catilina; memor <sup>f</sup> generis, atque pristinæ dignitatis suæ, in confertissimos hostes incurrit, ibique pugnans confoditur. Sed, confecto prælio, tum verò <sup>g</sup> cerneret quanta audacia, quantaque animi vis fuisset in exercitu Catilinæ. Nam ferè, quem quisque vivus pugnando locum ceperat, eum, amissâ animâ, corpore tegebat. Pauci autem, quos medios cohors prætoria disjecerat, paulò diversiùs, sed omnes tamen <sup>h</sup> adversis vulneribus, conciderant. Catilina verò longè à suis inter hostium cadavera repertus est, paululum etiâ spirans; ferociamque animi, quam habuerat vivus, in vultu retinens. Postremò, ex omni <sup>i</sup> copiâ, neque in prælio, neque in fugâ quisquam civis ingenuus captus est. Ita cuncti suæ, hostiumque vitæ <sup>i</sup> juxtâ perpercerant. Neque tamen exercitus populi Romani lætam, aut incruentam victoriam adeptus erat. Nam strenuissimus quisque aut occiderat in prælio, aut graviter vulneratus

INTERPRETATIO.

<sup>i</sup> Postremo, ex omni Catilinæ exercitu, neque in prælio, neque in fugâ, quisquam civis ingenuus captus est.

NOTÆ.

<sup>a</sup> *Expeditis.*] Non jam intelliguntur levis armaturæ milites, ut suprâ; (quid enim faceret Catilina cum inermibus nebulonibus?) sed ii qui ad pugnandum alacres videbantur. *Les plus lestes; Les plus braves.*

<sup>b</sup> *Integros.*] Qui neque vulnerati, neque lassi erant. *Des gens frais.*

<sup>c</sup> *Contra.*] Adverbium. *Contra ac, optimè. Contre l'opinion qu'il avoit eü.*

*Prætoriam.*] Ea erat quæ à Prætore non discedebat, in quam amici, voluntarii, fortissimi, omnes optimè armati adscribebantur.

<sup>e</sup> *Alibi.*] Id est, *adversus alios, quàm à quibus interficiebantur.*

<sup>f</sup> *Generis.*] In primis nobilem fuisse suprâ vidimus.

<sup>g</sup> *Cerneret.*] Pro, *quâvis cernere posset.* Sic sæpè et elegantissimè loquuntur.

<sup>h</sup> *Adversis.*] Id est, *quæ corpore adverso, et hosti opposito acceperant.*

<sup>i</sup> *Juxtâ.*] Jam vidimus hanc vocem pro pariter positam. Intelligè, Hos Catilinæ milites, modò ut hostes interficerent, sibi minimum cavisse.

discesserat. Multi autem, qui è castris visendi, aut spoliandi gratiâ processerant, volventes hostilia cadavera, amicū alii, pars hospitem, aut cognatum reperiēbant. Fūere item, qui inimicos suos cognoscerent. Ita variē per omnem exercitum lætitiā, mœror, luctus, atque gaudia agitabantur.

**FINIS BELLI CATILINARIA.**

C. SALLUSTII CRISPI

# JUGURTHA

SEU

## BELLUM JUGURTHINUM.

FALSO <sup>1</sup> queritur de naturâ suâ genus humanum, quòd imbecilla, atque ævi brevis, sorte potiùs quàm virtute, regatur. Nam <sup>2</sup> contrà reputando, neque majus aliud, neque præstabiliùs invenias; magisque <sup>3</sup> naturæ <sup>a</sup> industriam hominum, quam <sup>b</sup> vim aut tempus deesse. Sed dux atque imperator vitæ mortalium, animus est: qui ubi ad gloriam virtutis viâ grassatur, abundè pollens, potensque, et clarus est, neque <sup>c</sup> fortunâ eget; quippe quæ probitatem, industriam, aliasque artes bonas neque dare neque eripere cuiquam potest. Sin captus pravis cupidinibus, ad inertiam, et voluptates corporis pessumdatus est, perniciosâ lubricine <sup>d</sup> paulisper usus: ubi <sup>e</sup> per

### INTERPRETATIO.

<sup>1</sup> *HOMINES* queruntur iniquè et absque ratione de naturâ suâ quando dicunt, quòd, cum sint debiles atque vitæ brevis, regantur potiùs cæco fato, aut fortunâ, quàm virtute.

<sup>2</sup> *Inquirendo in contrariam opinionem.*

<sup>3</sup> *Et potiùs invenies industriam hominum deesse naturæ.*

### NOTÆ.

<sup>a</sup> *INDUSTRIAM.*] Quid potissimum per industriam significetur, ex hoc loco intelligis, animi scilicet cura et diligentia cum solertiâ conjuncta.

<sup>b</sup> *Vim.*] Pro vires: rarò ita invenias.

<sup>c</sup> *Fortuna.*] Istud auctoris sensu, qui hoc in loco cum stoicis facit, est accipiendum: Si enim gloriam in hominum opinione reponas, omnino et fortunâ, et ejus bonis

opus erit, quæ plerumque factis infidet.

<sup>d</sup> *Paulisper.*] Verissimè et optimè: Sensibus enim cum finita et debilis admodum sit natura, per eos homo, nisi brevem, non potest capere voluptatem, quâ brevi quoque exsaturabitur.

<sup>e</sup> *Per socordiam.*] Causam indicat nostrorum omnium malorum, animi negligentiam. Ea est omnino.

socordiam vires, tempus, ingenium defluxêre, naturæ infirmitas accusatur: <sup>1</sup> suam quique culpam <sup>2</sup> actores ad negotia transferunt. Quòd si hominibus <sup>b</sup> bonarum rerum tanta cura esset, quanto studio aliena, ac nihil profutura, multum etiam periculosa petunt; neque <sup>c</sup> regerentur magis, quam regerent casus; et <sup>2</sup> eò magnitudinis procederent, ubi <sup>d</sup> pro mortalibus, gloriâ æterni fierent. Nam uti genus hominum compositum ex corpore, et animâ, est: ita res cunctæ, studiaque omnia nostra, corporis alia, alia animi, naturam sequuntur. Igitur <sup>e</sup> præclara facies, magnæ divitiæ, <sup>3</sup> ad hoc vis corporis, et alia omnia hujuscemodî brevi dilabuntur; at ingenii egregia facinora, sicuti anima, <sup>f</sup> immortalia sunt. Postremò, corporis et fortunæ bonorum, uti initium, sic finis est; omniaque orta occidunt, et aucta senescunt; animus incorruptus, <sup>g</sup> æternus, rector humani generis, <sup>4</sup> agit, atque habet cuncta, neque ipse habetur. Quò magis pravitas eorum admiranda est, qui, dediti corporis gaudiis, per luxum atque ignaviam ætatem agunt: cæterum ingenium, quo neque melius, neque <sup>h</sup> amplius aliud in naturâ mortalium

## INTERPRETATIO.

<sup>1</sup> Quique et singuli. Actores, et ii qui res exequi deberent, rejiciunt in negotia culpam suam.

<sup>2</sup> Et pervenirent ad eum gradum magnitudinis, in quo (cùm mortales sint) gloriâ æterni evaderent.

<sup>3</sup> Præterea vis corporis, et alia omnia istius generis, exiguo tempore dissolvuntur et dissipantur.

<sup>4</sup> Animus versat et regit, tenet, et intelligit omnia, neque ipse includitur, cogitur, aut continetur.

<sup>5</sup> Cæterum sinunt languere et stupere incultu atque socordiâ ingenium, quo nihil est melius, neque majus, aut dignius in naturâ mortalium.

## NOTE.

a Actoris.] Melius credo, quam auctores, prout habent alii. Hoc dicit, Homines rerum difficultatem, quasi illæ supra suas vires essent, causari; cùm ideo tantum tales sint, quòd viribus à naturâ concessis, in tempore et loco usi non fuerint.

b Bonarum.] Earum scilicet, quæ mentem excolunt, et nobis prosunt.

c Regerentur.] Nunc dicit Sallustius, sapientem adversus fortunam posse plurimam, etiam in iis quæ sunt ejus juris, id est, quoad ea bona quæ non sunt in nostrâ potestate, ut loquuntur stoici, putam, famam, gloriam, divitias, &c. Atque hoc quoque verum est, nosque maxime ad virtutem incendere debet. Nam sapiens quidem, pol, ipse fingit fortunam sibi, ut ait Plautus.

d Pro mortalibus.] Vis istius præpositionis eo sensu, quo in interpretatione in-

dicavimus, diligenter notanda est; nam aliquoties recurret in nostro autore.

e Præclara.] La bonne mine, la belle posture.

f Immortalia.] Rhetoricè istud dictum, tametsi historiæ beneficio præclara facta in memoria hominum reviviscunt.

g Æternus.] Hæc fuit opinio quorundam Philosophorum, quam ab Orpheo dimanasse volunt. Imò stoici rotundè animas divinæ mentis particulas esse prædicaverunt: A quo errore nos retrahit doctrina Christiana, cùm animæ nostræ à deo creatæ sint ex nihilo, ideoque initium habuerint; quamvis sint æternæ à parte post, ut loquuntur, atque in æternum esse debeant.

h Amplius.] Ingenii humani tangit magnitudinem, et, ut ita dicam, vastitatem, quæ cuncta complectitur.

est, incultu atque socordiâ torpescere sinut; cùm præsertim tam multæ, variæque sint artes animi, quibus summa claritudo paratur. Verùm ex <sup>1</sup> his magistratus, et imperia, postremò omnis cura rerum publicarum minimè mihi hâc tempestate cupienda videntur: quoniam neque virtuti honos datur; nequè illi, quibus per fraudem <sup>2</sup> jus fuit, <sup>3</sup> tuti, aut eò magis <sup>4</sup> honesti sunt. Nam, <sup>5</sup> vi quidem regere patriam, aut <sup>6</sup> parentes, quamquam et possis, et delicta. <sup>7</sup> corrigas; tamen importunum est: cùm præsertim omnes rerum mutationes cædem, fugam, aliaque hostilia <sup>8</sup> portendant. Frustra autem niti, neque aliud, se fatigando, nisi odium <sup>9</sup> quærere, extremæ dementiæ est: nisi fortè quem inhonesta et perniciosa lubido tenet, potentiæ paucorum decus atque libertatem suam <sup>10</sup> gratificari. Cæterùm ex aliis negotiis, quæ ingenio exercentur, in primis magno usui est memoria rerum gestarum: <sup>11</sup> hujus de virtute quia multi dixerè, prætereundum puto; simul, ne <sup>12</sup> per insolentiam quis existimet memet studium meum laudando extollere. Atque ego credo fore, qui, quia decrevi procul à republicâ ætatem agere, tanto tamque utili labori meo nomen inertiae imponant; <sup>13</sup> certè, quibus

INTERPRETATIO.

<sup>1</sup> *Ex his artibus.*

<sup>2</sup> *Neque illi quibus, per fraudem, jus et potestas fuit, gerendi magistratus et imperia, sunt eò re magis tuti aut honesti.*

<sup>3</sup> *Extremæ dementiæ est, frus-*

*trâ conari, neque aliud persequi et consequi se fatigando, nisi odium.*

<sup>4</sup> *Ne aliquis existimet memet extollere insolenter studium meum id landando.*

NOTÆ.

<sup>a</sup> *Tuti.]* Illud respicit bona fortunæ.

<sup>b</sup> *Honesti.]* Refertur hoc ad bona animi: ideoque iis de quibus loquitur, prorsus inutile fuisse dicit, muneribus frui reipublicæ. Gall. diceret, *Ils n' en sont ni plus à leur aise, ni plus honnêtes gens.*

<sup>c</sup> *Vi.]* Plato, quod et Cicero refert, tantum contendere in republicâ jubet, quantum probare tuis civibus possis; vim neque parenti, neque patriæ afferri oportere.

<sup>d</sup> *Parentes.]* Innuit tam turpe esse patriam quàm parentes vi regere velle.

<sup>e</sup> *Corrigas.]* Hoc est, aliquatenus corruptam civitatem emendes, aut id certè coneris.

<sup>f</sup> *Portendant.]* Significant, et propemodum importent, cum iis qui castigantur, tum præsertim illis qui alios castigant.

<sup>g</sup> *Gratificari.]* Gall. diceret, *Abandonner, et faire lâtière.*

<sup>h</sup> *Cujus de virtute.]* Historiam Cicero dicit, Testem temporum, Lucem veritatis, Magistrum vitæ, Nuncium vetustatis. Historiæ virtus certè maxima est, cum ex aliorum erratis in melius vitam nostram instituere, et quid expetendum quidve fugiendum sit, sine nostro periculo, possimus cognoscere. Proinde haud immeritò Demetrius Phalereus Ptolemæum regem subinde admonebat, ut, libros legeret, quoniam, quæ amici non audent principibus demonstrare, ea omnia in libris scripta reperiuntur.

<sup>i</sup> *Certè.]* Vim habet occultam hæc vocula, et conjunctam habet ironiam. Auctor enim dum videtur rationem reddere velle, cur ab aliis reprehendatur, graviter illos vellicat. Gall. diceremus eodem characterè, *Assurement, Ces Messieurs qui savent si bien courir après le petit peuple, &c.*

maximā industria videtur, <sup>a</sup> salutare plebem, et conviviis <sup>b</sup> gratiam querere. Qui si reputaverint, et <sup>c</sup> quibus ego temporibus magistratus adeptus sum; et <sup>d</sup> quales viri idem assequi nequiverint; et postea, quæ <sup>e</sup> genera hominum in senatum pervenerint, profectō existimabunt, me magis <sup>f</sup> merito, quā ignaviā, iudicium animi mei <sup>g</sup> mutavisse; majusque commodum ex <sup>h</sup> otio meo, quā ex aliorum negotiis, reipublicæ venturum. <sup>i</sup> Nam sæpè audivi, Q. <sup>k</sup> Maximum, P. <sup>l</sup> Scipionem, præterea civitatis nostræ præclaros viros, solitos ita dicere, cū majorum <sup>m</sup> imagines intuerentur, vehementissimè sibi animum ad virtutem accendi. Scilicet non <sup>n</sup> ceram illam, neque figuram tantam vim in sese habere; sed memoriā rerum gestarum eam flammam egregiis viris in pectore crescere, neque prius sedari, quā virtus eorum famam atque gloriam adæquaverit. At contrā quis est omnium <sup>o</sup> his moribus, quin divitiis, et sumptibus, non probitate, neque industriā, cum majoribus suis

## INTERPRETATIO.

<sup>1</sup> *Quis omnium ita vivit.*

## NOTÆ.

<sup>a</sup> *Salutare.*] Romæ mos erat, quosvis prænsando, nomine proprio, quasi intimè noti, et chari essent, appellando, manum porrigendo, &c. plebis gratiam aucupari.

<sup>b</sup> *Gratiam.*] Benevolentiam et populi favorem solebant etiam epulis et conviviis demereri.

<sup>c</sup> *Quibus.*] Turbulentis scilicet, singulis ad imperia properantibus: unde ea et obtinere erat difficile.

<sup>d</sup> *Quales.*] Catonem fortè inter alios designavit, qui præturam petens repulsum tulit. Cæterum totus iste locus rhetoricam, habet exornationem, non permissionem: neque verò cuiquam Sallustium virtute Catoni prælatum fuisse, Sallustius probaverit.

<sup>e</sup> *Genera.*] Per contemptum loquitur. Gall. *Quelle sorte de gens,*

<sup>f</sup> *Merito.*] *Legitimè de causâ:* Quasi scilicet eo indignum fuisse, cum turbam hominum levissimorum, in senatum venire.

<sup>g</sup> *Mutavisse.*] Id est, *Non jam, ut antea, ad magistratus ferri.*

<sup>h</sup> *Otio.*] Honesto scilicet, quod in scribendâ historiâ collocavit: nam aliud est otium turpe, eorum qui se non tantum à rebus publicis, sed ab omni omnino labore subtrahunt.

<sup>i</sup> *Nam sæpè.*] Ostendit auctor quomodo hominibus prosit rerum memoria, atque adeo quâ ratione respublica ex suo otio emolumentum possit capere.

<sup>k</sup> *Maximum.*] Is ex Fabiorum fuit familia, qui dictator adversus Annibalem creatus, cunctando vim fregit illius imperatoris, atque res Romanas paululum restituit.

<sup>l</sup> *Scipionem.*] Plures eo nomine fuerunt viri celeberrimi, præcipuè verò Africani illi duo, major à victâ Africâ, Minor ab Africâ quoque, sed postquam ab illo victa fuisset, ita adictus; antea in Scipionum familiam ab Africani illius magni filio, et in decus gentis assumptus, cum Paulo Macedonico procreatus esset. De isto minore hîc agi non sine ratione crediderim.

<sup>m</sup> *Imagines.*] Habebant Roma qui illustri loco nati essent, quique in majoribus aliquem sellâ curuli decoratum habuissent, imagines, vultus eorum et posterorum ex cerâ referentes, quas ligneo armario in atrio, seu primâ parte ædium, includebant: festis diebus, apertis armariis, ornabant; in funeribus, cū quis ex eâ domo mortuus esset, honoris causâ efferebant.

<sup>n</sup> *Ceram.*] Ex quâ fiebant imagines.



contendat? Etiam homines <sup>a</sup> novi, qui antea per virtutem soliti erant nobilitatem antevenire, <sup>b</sup> furtim, et per <sup>c</sup> latrocinia potius, quam bonis artibus, ad imperia et honores nituntur. Proinde quasi prætura, et consulatus, atque alia omnia hujuscemodi per se ipsa clara, et magnifica sint, ac non <sup>1</sup> perinde habeantur, ut eorum, qui ea sustinent, virtus est. Verum ego liberiùs, altiùsque processì, dum me civitatis morum piget, tædetque. Nunc ad inceptum redeo.

Bellum scripturus sum, quod populus Rom. cum Jugurthâ, rege <sup>d</sup> Numidarum gessit: primùm, quia magnum et atrox, <sup>2</sup> variaque victoria fuit; dein, quia tum primùm superbiam nobilitatis, <sup>3</sup> obviam itum est. Quæ <sup>e</sup> contentio divina et humana cuncta permiscuit, eoque discordiæ processit, uti studiis civilibus <sup>f</sup> bellum, atque <sup>4</sup> vastitas Italiæ finem facerent. Sed priùs quàm hujuscemodi rei initium expedio, pauca suprâ repetam; quo ad cognoscendum, omnia illustria, magis magisque in aperto sint. Bello Punico <sup>5</sup> secundo, quo dux Carthaginensium Hannibal, <sup>h</sup> post magnitudinem nominis Romani, Italiæ opes maximè attriverat; Masinissa rex Numidarum, in amicitiam receptus à P. <sup>i</sup> Scipione, cui postea Africano cognomen ex virtute fuit, multa et præclara rei militaris facinora fecerat; ob quæ, victis Carthaginensibus, et capto <sup>k</sup> Syphace, cujus in Africâ magnum, atque latè imperium valuit, populus Rom. quascunque urbes, et agros manu ceperat, <sup>l</sup> regi dono dedit. Igitur amicitia Masinissæ bona

INTERPRETATIO.

<sup>1</sup> Et non sint sicuti virtus eorum, qui ea gerunt.

<sup>2</sup> Quia victoria in hanc et illam partem inclinavit.

<sup>3</sup> Quia tum primùm Plebs Ro-

mana restitit superbiam nobilitatis.

<sup>4</sup> Ut discordiis civilibus bellum atque amplitudo Italiæ finem facerent.

NOTÆ.

a Novi.] Id est, qui primi ex sua gente claruerunt.

b Furtim.] Non virtutem ostentando, sed legationibus suffragia corrumpendo, aut aliter cuniculis irrendo.

c Latrocinia.] Hoc nomine omnes damnat vias distortas, per quas sibi potestatem querebant, et magistratus, si cum vi aliqua conjuncta essent.

d Numidarum.] Numidia Africæ regio, est pars ejus tractus, quem hodie Barbariam vocant, cum eo qui Bithulgerid dicitur. Verum ex ipso Sallustio postea cognoscetur.

e Contentio.] Inter plebem et nobilitatem.

f Bellum.] Quod Marius inter et Syllam intercessit, huic favente nobilitate, illi plebe.

g Secundo.] Ter Romani cum Carthaginensibus bellum gesserunt. Hoc secundo, Pœnorum dace Annibale, profligata, et propemodum perditâ fuit res Romana.

h Post magnitudinem.] Id est, non contentus Romanorum gloriam proculcasse.

i Scipione.] Hic est major.

k Syphace.] Fuit Syphax rex Massælorum opulentissimus, Masinissæ ab Oriente vicinus.

l Regi.] Masinissæ.

atque honesta nobis permansit: sed <sup>a</sup> imperii, vitæque ejus, finis idem fuit. Dein Micipsa filius regnum solus obtinuit, Manastabale, et Gulussâ fratribus morbo absumptis. <sup>1</sup> Is Adherbalam, et Hiempsalem ex sese genuit; Jugurthamque filium Manastabilis fratris, quem Masinissa, quod ortus ex concubinâ erat, <sup>b</sup> privatum reliquerat, eodem cultu, quo liberos suos, domi habuit. Qui ubi primum adolevit, pollens viribus, decorâ facie, sed multò maximè ingenio validus, non se <sup>c</sup> luxu, neque inertiae corrumpendum dedit. Sed, uti mos gentis illius est, equitare, jaculari, cursu cum æqualibus certare: et, cum <sup>2</sup> omnes gloriâ anteiret, omnibus tamen carus esse: ad hoc, pleraque tempora in venando agere; leonem atque alias feras primus, aut in primis ferire: plurimum facere, <sup>d</sup> et minimum ipse de se loqui. Quibus rebus Micipsa tametsi initio lætus fuerat existimans virtutem Jugurthæ regno suo gloriæ fore: tamen postquam hominem adolescentem, <sup>3</sup> exactâ ætate suâ, et parvis liberis, magis magisque crescere intelligit, vehementer eo negotio <sup>e</sup> permotus, multa cum animo suo volvebat. Terrebat eum <sup>f</sup> natura mortaliū avida imperii, et <sup>g</sup> præceps ad explendam animi cupidinem; præterea, <sup>h</sup> opportunitas suæ, liberorumque ætatis, <sup>i</sup> quæ etiam medicres viros spe prædæ transversos agit; ad hoc, <sup>k</sup> studia Numidarum in Jugurtham accensa, <sup>l</sup> ex quibus, si talem virum dolis interfecisset, ne quâ seditio, aut bellum oriretur, anxius erat. His difficultatibus circumventus, ubi videt, neque per vim, neque insidiis opprimi

## INTERPRETATIO.

<sup>1</sup> Is Micipsa genuit ex sese Adherbalem et Hiempsalem.

<sup>2</sup> Cum omnes gloriâ superaret.

<sup>3</sup> Cum videt hominem adolescentem crescere magis, ac magis, vitâ suâ elapsâ.

<sup>4</sup> Quæ opportunitas etiam homi-

nes aliquâ virtute præditos, spe prædæ à rectâ viâ abducit.

<sup>5</sup> Præterea maximus Numidarum favor in Jugurtham, Micipsam terrebat.

<sup>6</sup> Anxius erat ne qua seditio aut bellum oriretur ex Numidis, si talem virum fraude interfecisset.

## NOTÆ.

a Imperii.] Illud est quod Gallicè dicimus: *Il perdit l' Empire avec la vie*. Sed Latine phrasis ambigua est, ideoque minus probanda.

b Privatum.] Scilicet nec regio cultu, nec in spem regni, educebatur.

c Luxu.] Antiquè. Jam supra eosdem notavit fontes omnium malorum: Verisimè; atque hæc præcipue cavendum.

d Et minimum.] Facile his artibus sine invidia laudem invenias, et amicos pares.

e Permotus.] Timens videlicet, ne Ju-

gurtha gratiâ et viribus ad invadendum imperium uteretur.

f Natura.] Illud est quod modò dixi; Metuebat Micipsa, ne, sicuti omnes à naturâ proni sumus ad explendam animi cupidinem, Jugurtha, aliquid contra se, tum maximè contra liberos moliretur.

g Præceps.] Hinc prima mali nostri labes: ideoque hæc in parte diffidendum, præcavendum, et maximè ex longinquo principiis obstandum; nisi forte per prærupta frangi lubet.

h Opportunitas.] Senes enim et pueri ad bellum sunt inepti.

posse hominem tam acceptum popularibus; <sup>1</sup> quod erat Jugurtha manu promptus, et appetens gloriæ militaris, statuit eum obiectare periculis, et eo modo fortunam tentare. Igitur bello <sup>2</sup> Numantino Micipsa, cum populo R. equitum atque peditum auxilia mitteret, sperans vel <sup>3</sup> ostentando virtutem, vel hostium sævitiâ, faciliè eum occasurum, præfecit Numidis, quos in Hispaniam mittebat; sed ea res longè aliter, ac ratus erat, evenit. Nam Jugurtha, ut erat impigro atque acri ingenio, ubi naturam P. Scipionis, qui tum Romanis imperator erat, et <sup>4</sup> morem hostium cognovit; multo labore, multâque curâ, præterea modestissimè parendo; et sæpè <sup>5</sup> obviâ eundo periculis, in tantam claritudinem brevî pervenerat, uti nostris vehementer carus, Numantinis maximo terrori esset. Ac sanè, quod difficillimum in primis est, et prælio strenuus erat, et bonus consilio: quorum <sup>6</sup> alterum ex providentiâ timorem, alterum ex audaciâ temeritatem, adferre plerumque solet. Igitur <sup>7</sup> imperator omnes ferè res asperas per Jugurtham agere, in amicis habere, magis magisque eum indies amplecti, quippe cujus neque consilium, neque inceptum ullum frustrâ erat. <sup>8</sup> Huc accedebat munificentia animi, et ingenii solertia: quibus rebus sibi multos ex Romanis familiari amicitia conjunxerat. Eâ tempestate in exercitu nostro fuere complures novi, atque nobiles, quibus divitiæ bono honestoque <sup>9</sup> potiores erant, factiosi, domi potentes, apud socios clari magis, quàm honesti; qui Jugurthæ non <sup>10</sup> mediocrem animum pollicitando accendebant, si Micipsa rex occidisset, fore uti solus imperii Numidiæ potiretur: <sup>11</sup> in ipso

INTERPRETATIO.

- |  |  |
|--|--|
| <p><sup>1</sup> Quia Jugurtha erat manu promptus, et cupidus gloriæ militaris, Micipsa decrevit, eum obijcere periculis.</p> <p><sup>2</sup> Micipsa opinans eum interfectum iri, vel dum virtutem os-</p> | <p>tentaret, vel hostium sævitiâ, eum præfecit Numidis.</p> <p><sup>3</sup> Postquam Jugurtha cognovit hostium pugnandi rationem.</p> <p><sup>4</sup> Obiectando se periculis.</p> <p><sup>5</sup> Præterea in ipso erat magnificientia animi.</p> |
|--|--|

NOTÆ.

a Numantino.] Numantia urbs fuit Hispaniæ Tarraconensis, non longè ab ortu fluminis Durii, si viros æstimes, par omnibus urbibus bello, quod olim adversus Romanos fortissimè gesserunt.

b Morem.] Hic in perditissimo homine, pro tempore spectare licet ornatissimi juvenis speciem, et virtutis exemplum.

c Alterum.] Esse scilicet, bonum consilio, generat timorem: enimvero aliquis ut bene det consilium, ille debet prævidere pericula; quod si fuèrit, ea profectò re-

formidabit, deinde, quod pronum, est, ni virtus adsit, eadem quoque fugitabit.

d Imperator.] Scipio.

e Potiores.] Id est, Apud quos major divitiarum, quàm virtutis, ratio et estimatio erat.

f Mediocrem.] Id est, Cum jam suâ sponte Jugurtha dominationem affectaret, cupiditatem inflammabant insuper exitiales illi consilarii.

g In ipso.] Jugurthâ scilicet. Hæc et similia ingerebant nefarii illi adulatores.

maximam virtutem, Romæ omnia venalia esse. Sed postquam, Numantiā deletā, P. Scipio dimittere auxilia, et ipse reverti domum decrevit; <sup>1</sup> donatum atque laudatum magnificè pro concione, Jugurtham in <sup>a</sup> prætorium adduxit; ibique secretò monuit, uti potius <sup>b</sup> publicè, quàm privatim, amicitiam populi Rom. coleret; neu <sup>c</sup> quibus largiri insuesceret: periculosè a paucis emi, <sup>d</sup> quod multorum esset. Si permanere vellet in suis <sup>e</sup> artibus, <sup>f</sup> ultrò illi et gloriam, et regnum venturum: sin <sup>g</sup> properantiùs pergeret, suamet ipsum pecuniā præcipitem casurum. Sic locutus, cum literis eum, quas Micipsæ redderet, dimisit. Earum <sup>2</sup> sententia hæc erat. *Jugurthæ tui bello Numantino longè maxima virtus fuit; quam rem tibi certè scio gaudio esse; nobis ob merita sua carus est: ut idem <sup>3</sup> S. P. Q. R. sit, summā ope nitemur. Tibi quidem <sup>4</sup> pro nostrā amicitia gratulor. En habes virum dignum te, atque avo suo Masinissā.* Igitur <sup>h</sup> rex, ubi ea, quæ famā acceperat, ex literis imperatoris ita esse cognovit; cū virtute, tum <sup>i</sup> gratiā viri permotus, <sup>k</sup> flexit animum suum; et Jugurtham beneficiis vincere aggressus est, statimque eum adoptavit, et testamento pariter cū filiis hæredem instituit. Sed ipse paucos post annos, morbo, atque ætate confectus, cū sibi finem vitæ adesse intelligeret, coram amicis, et cognatis itemque Adherbale, et Hiempsale filiis, dicitur hujuscemodi verba cum Jugurthā habuisse.

## INTERPRETATIO.

<sup>1</sup> Adduxit Jugurtham in tentorium suum, postquam ipsi munera contulisset, atque eum laudasset magnificè coram exercitu.

<sup>2</sup> Earum sensus hic erat.

<sup>3</sup> Senatus, Populusque Romanus.

<sup>4</sup> Gratulor equidem tibi, secundum nostram amicitiam.

## NOTÆ.

a Prætorium.] Tabernaculum erat, seu tentorium vel domus Imperatoris, sive Prætor, sive Consul fuisset.

b Publicè.] Hoc est, Ne huic aut ille se ille privatim addiceret, sed virtute suā universum Populum Romanum sibi demereretur.

c Quibus.] Non dixit quibusvis: quomodo Jugurthæ levitatem exprobrasset; neque, factum ipsum in totum damnasset; verum quibus dixit, ut ille intelligat, neminem largionibus devinciendum, eo modo, et fine, quo procul dubio, summus Imperator cœpisse cū intellexerat.

d Quod multorum.] Loquitur de amicitia et favore P. Romani. Cæterum ex singulis propemodum Scipionis verbis maxima documenta sumere possunt viri principes: quæ quia Jugurtha spreverat, de summo fastigio excussus est.

e Artibus.] Bonis scilicet. Reprehensionem habet hæc Imperatoris admonitio tametsi occulta est.

f Ultrò.] Ipso nec cogitante. Gall. Sans qu'il s'en mit en peine.

g Properantiùs.] Hoc est, vim faceret rebus, quæ cum tempore fiunt, sensim et sine sensu, quæque aliter franguntur. Gall. Que s'il se hâtoit trop; Que s'il violentoit les choses.

h Rex.] Micipsa.

i Gratiā.] Cū Jugurtham, gratum et acceptum esse sciret, tum popularibus, tum Romanis.

k Flexit.] Hoc est, Cū antea Jugurtham perdere quævisset, mutato consilio, beneficiis ipsum cumulavit.

“ Parvum ego te, Jugurtha, <sup>a</sup> amisso patre, sine spe, sine opibus,  
<sup>b</sup> in meum regnum accepi, existimans non minùs me tibi, quàm si  
<sup>c</sup> genuissem, ob beneficia carum fore; neque ea res <sup>d</sup> falsum me  
 habuit. Nam ut alia magna et egregia <sup>e</sup> tua omittam, novissimè  
 rediens Numantià, meque, regnumque meum, glorià honoravisti;  
 tuàque virtute nobis Romanos ex amicis amicissimos fecisti; in  
 Hispanià nomen familiæ <sup>f</sup> renovatum est: postremò, quod <sup>g</sup> diffi-  
 cillimum inter mortales est, glorià invidiam vicisti. Nunc, quo-  
 niam mihi natura finem vitæ facit, per <sup>h</sup> hanc dextram, per <sup>i</sup> regni  
 fidem moneo, obtestorque, uti hos, qui tibi genere propinqui, <sup>i</sup> be-  
 neficio meo fratres sunt, caros habeas; neu malis alienos adjun-  
 gere, quàm sanguine conjunctos retinere. Non exercitus, neque  
 thesauri, præsidia regni sunt, verùm amici: quos neque armis co-  
 gere, neque auro parare queas, officio et fide pariuntur. Quis au-  
 tem amicior, quàm frater fratri? Aut quem alienum fidem inve-  
 nies, si tuis hostis fueris? Equidem ego regnum vobis trado  
 firmum, si boni eritis; si mali, imbecillum. Nam <sup>k</sup> concordia res  
 parvæ crescunt, discordià maximæ <sup>l</sup> dilabuntur. Cæterùm ante  
 hos <sup>3</sup> te, Jugurtha, quia ætate, et sapientià prior es, ne aliter quid

INTERPRETATIO.

<sup>1</sup> Nam ut silentio præteream  
 alia tua magna, et egregia faci-  
 nora.

<sup>2</sup> Moneo per fidem quæ regno  
 debetur.

<sup>3</sup> Cæterùm te decet, plùs quàm  
 hos.

NOTÆ.

a Amissio.] Manastable, scilicet.

b In meum.] Id est, Non modò in regiam  
 induci, sed cultu et spe cum filiis meis eadem  
 educi.

c Genuissem.] Te supple.

d Falsum.] Id est, Tu mihi reuera ea om-  
 nia præstisti, quæ à filio possunt repeti.

e Tua.] Nota phrases ejusmodi ellipti-  
 cas: Vim habent maximam. Ita cùm apud  
 Terentium, pater filium vocat omnium, plùs  
 est quàm si sceleratissimum, aut quopiam  
 atroci alio nomine appellasset, cùm quod-  
 libet intelligi posset.

f Renovatum.] Hoc dicit, quia Masinissa  
 multa præclare gesserat in Hispanià ad-  
 versus Romanos, priusquam cum Scipione,  
 societatem iniret.

g Difficillimum.] Omnino: nam ut habet  
 Horatius,

Heu! nefas!

Virtutem incolumem odimus,

Sublatum ex oculis querimus, invidi.

h Hanc.] Intelligendum est Micipsam

Jugurthæ manum tenuisse, dum hæc di-  
 ceret.

i Beneficio.] Quia, videlicet, in partem  
 et regni hæreditatem Jugurtham Micipsa  
 assumpserat; atque pro filio habuerat.

k Concordià.] Scitum est quod quidam  
 fecit, ut concordiam filios, quos magno nu-  
 mero habuit, edoceret: Sagittas, pro eo-  
 rum numero sumpsit, quas in faciculum  
 colligatas cuique rumpendas porrexit;  
 quod illi cùm nequissent, ipse singulas  
 seorsim nullo negotio perfregit. Itaque  
 omne quod est: tam diu manet atque sub-  
 sistit, quàm unum est: interit quando sol-  
 vitur, aut unum esse desinit.

l Dilabuntur.] Pereunt, sed acutè ex-  
 pressit, cùm dilabi præcisè notat in partes  
 varias abire, quod ex se et immediatè po-  
 nit totius destructionem. Tanti est certè  
 unio in universà naturà ut vel ipsum nomen  
 nescio quid blandi et jucundi sapiat; divi-  
 sio contra lacerare, et omne malum porten-  
 dere videatur.

“eveniat, providere decet: Nam in omni certamine, qui <sup>1</sup> opulentior est, etiam si accipit injuriā, tamen, quia plūs potest, facere videtur. Vos autem, Atherbal, et Hiempsal, colite, observate <sup>2</sup> talem hunc virum; imitamini virtutem, et enitimini, ne ego meliores liberos <sup>3</sup> sumpsisse videar, quā genuisse.”

Ad ea Jugurtha, tametsi regem <sup>a</sup> ficta locutum intelligebat, et <sup>b</sup> ipse longē aliter animo agitabat; tamen pro tempore benignē respondit. Micipsa paucis post diebus moritur. Postquam illi more regio <sup>4</sup> justa magnificē fecerant, <sup>c</sup> reguli in unum convenerunt, ut inter se de negotiis cunctis disceptarent. Sed Hiempsal, qui minimus ex illis erat, naturā ferox, etiam antea ignobilitatem Jugurthæ, quia <sup>d</sup> materno genere impar erat, despiciens, <sup>e</sup> dextrā Atherbalem adsedit; ne medius ex tribus, quod <sup>f</sup> et apud Numidas honori ducitur, Jugurthæ foret. Decet tamen, ut <sup>g</sup> ætati concederet, <sup>h</sup> fatigatus à fratre, vix in partem alteram transductus est. Ibi cū multa de administrando imperio dissererent, Jugurtha inter alias res jact, oportere quinquennii consulta, et <sup>i</sup> decreta omnia rescindi: <sup>k</sup> nam per ea tempora confectum annis Micipsam parum animo valuisse. Tum <sup>l</sup> idem Hiempsal placere sibi respondit: nam <sup>m</sup> ipsum illum tribus his proximis annis adoptione in regnum pervenisse. Quod verbum in

## INTERPRETATIO.

<sup>1</sup> Qui fortior est videtur facere injuriam, quamvis eam accipiat, quia plūs potest.

<sup>2</sup> Reveremini hunc virum tantā virtute ornatum.

<sup>3</sup> Ne ego videar adoptasse meliores liberos, quā genuisse.

<sup>4</sup> Postquam illum, more regio, magnificē sepeliissent.

## NOTÆ.

<sup>a</sup> Ficta.] Res profectō fictæ non erant, vera dicebat Micipsa; sed animus fictus erat: non ex benevolentia, sed ex metu loquebatur.

<sup>b</sup> Ipse.] Jugurtha.

<sup>c</sup> Reguli.] Jugurtha, Atherbal, et Hiempsal, qui, diviso regno, parvi erant reges.

<sup>d</sup> Materno.] Antea natum cū ex concubinā vidimus.

<sup>e</sup> Dextera.] Verisimile est Jugurtham cum Atherbale, jam tum sine omni prolixiore cerimonia, assedisse. Occasio inter illos duos non fuit, de loco aulicā urbanitate disceptandi; nam sive Jugurtha superiorem, sive inferiorem obtinere voluit, utrobique ab Atherbalis sinistrā sedere debuit. Hiempsalis fuit hanc litem dirimere. Cujus enim ille vacuum latus elausisset, ei medium et honoratum locum dedisset; cūque dextrā Atherba-

lem assedit, Jugurtham in loco infimo collocavit.

<sup>f</sup> Et.] Hinc concludas, moris fuisse apud Romanos, ut sedentibus locus medius esset honoratissimus.

<sup>g</sup> Ætati.] Jugurthæ scilicet.

<sup>h</sup> Fatigatus.] Eum premebat Atherbal, ut in Jugurthæ sinistram transiret; eoque pacto Jugurtha medius foret.

<sup>i</sup> Decreta.] Micipsæ scilicet. Plus verò dicit decreta quā consulta: Hæc vocamus, des Declarations, illa verò, des Arrêts.

<sup>k</sup> Nam.] Ratio est Jugurthæ pro rescindendis Micipsæ decretis.

<sup>l</sup> Idem.] In neutro genere. Dicit Hiempsal acri in Jugurtham cum aculeo, sibi placere, ut patris postrema decreta rescinderentur.

<sup>m</sup> Ipsum.] Jugurtham.

pectus Jugurthæ <sup>a</sup> altius, quàm quisquam ratus, descendit. Itaque ex eo tempore irâ et metu anxius, moliri, parare, atque ea modò in animò habere, quibus Hiempsal per dolum caperetur. Quæ ubi tardiùs procedunt, neque lenitur animus <sup>b</sup> ferox, statuit quovis modò inceptum perficere. Primo conventu, quem ab regulis factum suprâ memoravi, propter dissensionem placuerat dividi thesauros, <sup>c</sup> finesque imperii singulis constitui. Itaque ad utramque rem tempus decernitur, sed maturius ad pecuniam distribuendam. Reguli interea in loca propinqua thesauris alius aliò concessere. Sed Hiempsal in oppido Thimidâ fortè ejus utebatur domo, qui proximus <sup>e</sup> licitor Jugurthæ, carus acceptusque ei semper fuerat: quem <sup>d</sup> ille casu ministrum oblatum promissis onerat, impellitque, uti tanquam suam domum visens eat: portarum claves <sup>e</sup> adulterinas paret, nam verè ad Hiempsalem referebantur: cæterum, ubi res postularet, <sup>f</sup> seipsum cum magnâ venturum manu. Numidæ mandata brevi conficit: atque, uti doctus erat, noctu Jugurthæ milites introducit. Qui postquam in ædes irrupere; <sup>g</sup> diversi regem quærere; dormientes alios, alios occursantes interficere: scrutari loca abdita; clausa effringere: strepitu et tumultu omnia miscere: cùm interim Hiempsal reperitur, occultans se tugurio mulieris ancillæ, quò initio pavidus, et ignarus loci, profugerat. Numidæ caput ejus, uti jussi erant, ad Jugurtham referunt. Cæterum fatna tanti facinoris per omnem Africam brevè divulgatur: Atherbalem, omnesque, qui sub Micipsæ imperio fuerant, metus invadit. In duas partes descendunt Numidæ: plures Atherbalem sequuntur, sed illum alterum bello meliores. Igitur Jugurtha, quàm maximas potest copias armat; urbes partim vi, alias voluntate, imperio suo adjungit: omni Numidiæ imperare parat. Atherbal, tametsi Romam legatos miserat, qui senatum docerent de cæde fratris, et fortunis suis; tamen fretus multitudine militum, parabat armis contendere. Sed ubi res ad certamen venit, victus ex prælio profugit in <sup>h</sup> provinciam, ac dehinc Romam contendit. Tum Jugurtha <sup>i</sup> patris <sup>j</sup> consiliis, postquam omni Numidiâ potiebatur,

INTERPRETATIO.

<sup>1</sup> Placuit terminos imperii singulis assignari.

<sup>2</sup> Alii alio regem quæsiverunt.

<sup>3</sup> Tum Jugurtha consiliis ad finem perductis, &c.

NOTÆ.

<sup>a</sup> Altius.] Id est, Eo gravissimè vulneratus fuit: tantòque altius telum infixum, quantò acutius fuit.

<sup>b</sup> Ferox.] Jugurthæ.

<sup>c</sup> Licitor.] Lictores erant qui proximè Magistratum, vel regem præcedebant. Hujus domum Hiempsal in hospitium assumpsit.

<sup>d</sup> Ille.] Jugurtha.

<sup>e</sup> Adulterinas.] Des fausses clefs.

<sup>f</sup> Seipsum.] Jugurtham.

<sup>g</sup> Provinciam.] Hoc est, in eam Africæ partem quæ per Romanos Magistratus gubernabatur.

<sup>h</sup> Consiliis.] Quæ, scilicet, de opprimendis fratribus, et eorum regno invadendo iniverat.

in otio facinus suum cum animo reputans, timere populum R. neque adversus iram ejus usquam, nisi in avaritiâ <sup>a</sup> nobilitatis, et pecuniâ suâ, spem habere. Itaque paucis diebus, cum auro, argentoque multo legatos Romam mittit: quis præcipit uti primùm veteres amicos muneribus expleant, dein novos <sup>1</sup> acquirant: postremò, quemcumque possint largiundo parare, ne cunctentur. Sed ubi Romam legati venêre, et ex præcepto regis, <sup>b</sup> hospitibus, aliisque, quorum eâ tempestate in senatu auctoritas pollebat, magna munera misêre: tanta <sup>c</sup> commutatio incessit, ut ex maximâ invidiâ in gratiam et favorem nobilitatis Jugurthæ veniret. <sup>d</sup> Quorum pars spe, alii præmio inducti, singulos ex senatu <sup>e</sup> ambiendo, nitebantur, ne <sup>f</sup> gravius in eum consuleretur. Igitur, ubi legati satîs confidunt, die constituto senatus utrisque <sup>g</sup> datur. Tum Atherbalem hoc modo locutum accepimus.

“ Patres conscripti, Micipsa pater meus moriens mihi præcepit, ”  
 “ uti regni Numidiæ tantummodo <sup>h</sup> procurationem existimarem ”  
 “ meum; cæterum <sup>i</sup> jus, et <sup>k</sup> imperium penès vos esse: simul enite- ”  
 “ rer domi, militiæque quàm maximo usui esse populo Romano: ”  
 “ vos mihi <sup>2</sup> cognatorum, vos in locum affinium ducerem: si ea fecis-

## INTERPRETATIO.

<sup>1</sup> *Postea novos requirant.*

<sup>2</sup> *Præcepit ut vos pro consanguineis et affinibus haberem.*

## NOTÆ.

<sup>a</sup> *Nobilitatis.]* Romanæ, scilicet.

<sup>b</sup> *Hospitibus.]* Eos intellige quibuscum bello Numantino Jugurthæ aretam amicitiam, et hospitii necessitudinem conjunxerat; ita ut ipse apud illos, si in Italia esset; illi apud ipsum, si in Numidiam venirent; diversarentur. Hospitii verò sanctissima jura fuerunt,

<sup>c</sup> *Commutatio.]* Nimirum Jugurthæ facinus cunctis atrocissimum visum est, sed postquam pecuniâ quidem corrupti sunt, mentem et animum mutaverunt, atque Jugurthæ crimen minuerunt.

<sup>d</sup> *Quorum.]* Nobilium, scilicet, qui sub voce nobilitas comprehenduntur: quod notandum; nam relativum *quorum* non cum nomine expresso, sed cum re intellectâ, consentit.

<sup>e</sup> *Ambiendo.]* Prout sit, inter alios sermones, illi Jugurthæ crimen verbis mitigabant, senatorumque favorem ipsi conciliabant.

<sup>f</sup> *Gravius.]* Ne bellum adversus ipsum decernerent, aut hostem judicarent.

<sup>g</sup> *Datur.]* Id est, dies constituitur ad quem in senatum admitterentur Atherbal et Jugurthæ legati.

<sup>h</sup> *Procurationem.]* Administrationem: *La Lieutenance.*

<sup>i</sup> *Jus.]* Fundamentum notat hoc vocabulum, aut domandi rationem.

<sup>k</sup> *Imperium.]* Totum istud rhetoricè et blandâ comitate dicitur: nam aliqui Micipsa, fuerat et Masinissa P. Romani socius. Additæ fuerant equidem Romanorum beneficio multæ urbes utriusque imperio, sed uterque meruerat: imò fatebitur post ea ipse Atherbal, non admodum Romanorum fortunam expetendam fuisse, quo tempore fœdus initum cum ipsis. At ne ego, quod absque blandimento verum est, taceam, plerumque certò evenit, ut paulatim sub fœderis titulo, ille in minùs potentem dominium usurpet, qui opibus præcellit; libertatis inane nomen ut maneat, fœdus pangitur, quod precariam servitutem inducit.



“sem, in vestra amicitia exercitum, divitias, munimenta regni, me  
 “habiturum. Quæ præcepta patris mei cum agitare, Jugurtha,  
 “homo omnium, quos terra sustinet, sceleratissimus, contempto  
 “imperio vestro, Masinissæ me nepotem, utique ab stirpe socium  
 “atque amicum populi R. regno fortunisque omnibus expulit. At-  
 “que ego P. C. quoniam eò miseriarum venturus eram, vellem, po-  
 “tius ob mea, quam ob majorum meorum, beneficia posse me à  
 “vobis auxilium petere; ac maxime <sup>a</sup> deberi mihi beneficia à populo  
 “R. quibus non egerem: <sup>b</sup> secundum ea, si desideranda erant, uti  
 “<sup>c</sup> debitis uter. Sed quoniam parum tuta per se ipsa probitas est,  
 “neque mihi <sup>d</sup> in manu fuit, Jugurtha qualis foret; ad vos confugi  
 “P. C. quibus, quod mihi miserrimum est, cogor prius oneri, quam  
 “usui esse. Cæteri reges, aut bello victi in amicitiam à vobis recepti  
 “sunt, aut in suis dubiis <sup>e</sup> rebus societatem vestram appetiverunt.  
 “Familia nostra cum populo R. bello Carthaginiensi amicitiam in-  
 “stituit, quo tempore magis fides ejus quam <sup>f</sup> fortuna petenda erat.  
 “<sup>g</sup> Quorum progeniem vos P. C. nolite pati me nepotem Masinissæ  
 “frustra à vobis auxilium petere. Si ad <sup>h</sup> impetrandum nihil causæ  
 “haberem, præter miserandam fortunam; quod paulò antè rex, ge-  
 “nere, famâ atque copiis potens, nunc deformatus ærumnis, inops,  
 “alienas opes exspecto: tamen erat majestatis populi Romani <sup>i</sup> pro-  
 “hibere injuriâ, neque pati, cujusquam regnum per scelus cres-  
 “cere. <sup>j</sup> Verum ego iis finibus ejectus sum, quos majoribus meis  
 “populus Rom. dedit: unde pater, et avus meus unâ vobiscum ex-  
 “pulere Syphacem, et Carthaginienses. Vestra beneficia mihi erepta

INTERPRETATIO.

<sup>1</sup> *Neque penes me fuit.*

<sup>2</sup> *Aut in vacillantibus suis rebus fœdus vobiscum inire quæsierunt.*

<sup>3</sup> *Magis fides ejus erat quærenda, quam ejus fortuna.*

<sup>4</sup> *Nolite pati, me progeniem eo-*

*rum, et nepotem Masinissæ, pe-  
 tere frustrâ auxilium à vobis.*

<sup>5</sup> *Tamen erat majestatis Pop.  
 Romani impedire ne ego injuriâ  
 afficerer.*

NOTÆ.

<sup>a</sup> *Deberi.*] Sunt equidem in hac oratio-  
 ne plurimæ bonæ rationes; at vero accu-  
 ratâ methodo non sunt dispositæ. De in-  
 dustriâ et bene factum ab autore, qui ho-  
 minem elegantia Romanâ minùs excul-  
 tum, suo more loquentem inducit. Ita  
 planè præcipit summus magister Hora-  
 tius.

<sup>b</sup> *Secundum.*] Id est, *Ex eo, Deinde,*  
*Gall. Et qu' en conséquence de cela.*

<sup>c</sup> *Debitis.*] Repetit quod ita dictum nun-  
 quam oportuit.

<sup>d</sup> *In manu.*] Id est, *Non potui facere*

*ut Jugurtha quam fuit alias asset. Hoc  
 dicit ut importunitatem, necessitate, quâ  
 compulsus fuit, excuset.*

<sup>e</sup> *Impetrandum.*] Auxilium, scilicet à  
 vobis contra Jugurtham. Videtur Ather-  
 bal præscire quod futurum est: adde-  
 que à Romanis, diffidens, et quasi à re-  
 cusantibus auxilium petit. Ominosa est  
 ista petendi ratio, et contumeliosa, quæ-  
 que ergo, ita institui minimè debet.

<sup>f</sup> *Verum.*] Jam rationes optimas opti-  
 mè proponit Atherbal, sed in eo diù non  
 manebit.

"sunt, P. C. vos in mea injuriâ despecti estis. Eheu me miserum!  
 "huccine, Micipsa pater, beneficia<sup>a</sup> tua evasere, uti, quem tu parem  
 "cum liberis tuis, regnique participem fecisti, is potissimum stirpis  
 "tuæ extincor sit? Numquamne ergo familia nostra quieta erit?  
 "b Semperne in sanguine, ferro, fugâ versabimur? Dum Carthagi-  
 "nienses incolumes fuere, c jure omnia sæva patiebamur. Hostis ab  
 "latere: vos amici procul: spes omnis in armis erat. Postquam  
 "illa<sup>d</sup> pestis ex Africâ ejecta est, læti pacem agitabamus; quippe  
 "quis hostis nullus erat, nisi fortè quem vos jussissetis. Ecce au-  
 "tem ex improvviso Jugurtha, intolerandâ audaciâ, scelere, atque  
 "superbiâ sese efferens, fratre meo, atque eodem propinquo suo in-  
 "terfecto, primum regnum<sup>e</sup> ejus, sceleris sui prædam fecit: post,  
 "ubi me iisdem dolis nequit capere, nihil minùs, quàm vim aut bel-  
 "lum<sup>f</sup> expectantem, in imperio vestro, sicut videtis, extorrem pa-  
 "triâ, domo, inopem, et coopertum miseriis effecit, g ut ubivis tutiùs,  
 "quam in meo regno essem. Ego sic existimabam, P. C. uti præ-  
 "dicantem audiveram patrem meum, qui vestram amicitiam dili-  
 "genter colerent, eos multum laborem suscipere, cæterum ex om-  
 "nibus maximè tutos esse. h Quod in familiâ nostrâ fuit, præstitit,  
 "ut in omnibus bellis adesset vobis: nos uti per otium tuti simus,  
 "i in manu vestrâ est, P. C. Pater nos duos fratres reliquit: tertium  
 "Jugurtham<sup>j</sup> beneficiis suis ratus est nobis conjunctum fore. Alter  
 "eorum necatus: alter ipse ego manus<sup>k</sup> impias vix effugi. Quid  
 "agam? Aut quò potissimum infelix accedam? l Generis præsidia  
 "omnia extincta sunt; pater, uti necesse erat, m naturæ concessit:

## INTERPRETATIO.

<sup>a</sup> Ita ut essem tutiùs ubivis, quàm  
 in meo regno.

<sup>g</sup> Quantum fuit in potestate fa-  
 milie nostræ, effecit, ut auxilio vo-  
 bis esset in omnibus bellis.

<sup>3</sup> Micipsa pater meus credidit  
 Jugurtham, tertium nostrum fra-  
 trem, beneficiis suis fore nobis con-  
 junctum et amicum.

<sup>4</sup> Pater mortuus est.

## NOTÆ.

a Tua.] In perditum Jugurtham.

b Semperne.] Masinissa à Carthagini-  
 ensibus regno pulsus fuerat; Micipsa  
 Romanis auxilio adversus illos venerat;  
 frater Hiempsal à Jugurthâ jugulatus;  
 ipse ab eodem ad ultimas angustias re-  
 ductus sum.

c Jure.] Quia inter se illi, maximè prop-  
 ter Romanos, hostes erant.

d Pestis.] Loquitur de Carthaginien-  
 sibus.

e Ejus.] Credo pateretur Sallustius, ut  
 pro ejus, ipsius reponeretur, ad vitandum  
 ambiguitatem, si quis fortè ejus cum

sceleris construeret: ideoque virgulam  
 apposui.

f Expectantem.] Qui ne m' attendois à  
 rien moins qu' à faire la guerre.

g In manu.] Quia potentes estis, qui-  
 que faciliè Jugurtham in officio retinue-  
 ritis. Cæterum in Jugurthâ fuit quod  
 post Hannibalem timeretur, ut habet  
 Florus.

h Impias.] Jugurthæ, scilicet. Synec-  
 doche est, quæ vim augeat orationis; ut  
 hinc pateat Jugurtham impietate factum  
 celebrem.

i Generis.] Cognatorum patris fratris,  
 &c.

“fratri, <sup>a</sup> quem minimè decuit, propinquus per scelus vitam eripuit: affines, amicos, propinquos, cæteros meos, <sup>b</sup> alium alia clades oppressit: <sup>1</sup> capti ab Jugurthâ, pars in crucem acti, pars bestiis objecti sunt: pauci, quibus relicta est anima, clausi in <sup>2</sup> tenebris cum mærore et luctu, morte graviolem vitam exigunt. Si omnia, quæ aut amisi, aut ex <sup>3</sup> necessariis adversa facta sunt, incolumia manerent: tamen, si quid ex improvise mali accidisset, vos implorarem, P. C. quibus <sup>c</sup> pro magnitudine imperii, <sup>d</sup> jus, et injurias omnes, curæ esse decet. Nunc verò exul patriâ, domo, solus, atque omnium <sup>e</sup> honestarum rerum egeus, quos accedam, aut quos appellem? Nationesne, an reges, qui omnes familiæ nostræ ob <sup>f</sup> vestram amicitiam infesti sunt? An quoquàm mihi adire, licet, ubi non majorum meorum hostilia monumenta, plurima sint? An quisquàm nostri misereri potest, qui aliquando vobis hostis fuit? <sup>g</sup> Postremò, <sup>h</sup> Masinissa nos ita instituit. P. C. ne quem coleremus, nisi pop. R. ne societates, ne fædera nova acciperemus: abundè magna præsidia nobis in vestrà amicitia fore: <sup>i</sup> si huic imperio <sup>j</sup> fortuna mutaretur, unâ occidendum nobis esse. <sup>k</sup> Virtute, ac diis volentibus, magni estis et opulenti: omnia <sup>l</sup> secunda, et obediencia sunt, quo faciliùs sociorum injurias curare, licet.

INTERPRETATIO.

<sup>1</sup> *Qui capti sunt à Jugurthâ partim cruci affixi sunt.*

<sup>2</sup> *In carceris obscuritate detenti agunt vitam duriolem morte, cum mærore et luctu.*

<sup>3</sup> *Ex amicis et faventibus adversa facta sunt.*

<sup>4</sup> *Masinissa nos ita instituit, si imperium Romanum fortuna deficeret, nobis unâ pereundum esse.*

<sup>5</sup> *Virtute vestrà, et deorum beneficio magni estis.*

<sup>6</sup> *Omnia sunt vobis faventia.*

NOTÆ.

<sup>a</sup> *Quem.]* Jugurtham dicit, qui propinquos et fratres suos ab ipsorum patre beneficiis cumulatus, tueri, non interficere, debuit.

<sup>b</sup> *Alium.]* Hoc est, *Diversè perierunt.*

<sup>c</sup> *Pro magnitudine.]* Id est, cum tam latè pateat Imperium Romanum, et ejus auctoritas. Elegans est hæc locutio, at videndum ne pariat obscuritatem.

<sup>d</sup> *Jus.]* Quandoquidem ipse Sallustius lib. 3. historiarum more antiquo vis ponit in accusativo plurali pro vires, fortè hic vis pro jus legendum esset; hic enim agitur de ope implorandâ, non contra jus, sed contra vim et injustitiam. Nolim tamen circa jus novas litas movere.

<sup>e</sup> *Honestarum.]* Id est, quæ regem comitari et cohonestare debent.

<sup>f</sup> *Vestram.]* Id est, quam vobiscum inivimus.

<sup>g</sup> *Postremò.]* Denique: *Ut nè vos diutius morer.*

<sup>h</sup> *Masinissa.]* Benè et cum, artificio Masinissæ, cujus tamen vix ullum memoriam habebat, potiùs quàm Micipsæ, sermonem injicit Atherbal; quia nimirum ejus gratam sciebat P. Romano recordationem.

<sup>i</sup> *Fortuna.]* Honesta oratio, quæ rei invidiam minuit. Id est, *Si respublica Romana ante tempus periret.*

"Tantum illud vereor, ne <sup>1</sup> quos privata amicitia Jugurthæ <sup>2</sup> parum cognita, transversos agat: quos ego audio maximâ ope niti, ambire, fatigare vos singulos, <sup>b</sup> ne quid de <sup>c</sup> absente, incognitâ causâ, statuatis: <sup>d</sup> fingere me verba, et fugam simulare, cui licuerit in regno manere. <sup>e</sup> Quod utinam illum cujus impio facinore in has miseras projectus sum, eadêm hæc <sup>f</sup> simulantem videam: et aliquando aut apud vos, aut apud Deos immortales rerum humanarum cura oriatur; ut ille, qui nunc sceleribus suis ferox atque præclarus est, omnibus malis <sup>g</sup> excruciat, impietatis in parentem nostrum, fratris mei necis, mearumque miseriarum graves pœnas reddat. <sup>2</sup> Jam jam, frater animo meo carissime, quamquam tibi immaturo, et unde minimè decuit, vita erepta est, tamen lætandum magis, quàm dolendum puto casum tuum. Non enim <sup>h</sup> regnum, sed fugam, exilium, egestatem, et has omnes, quæ me premunt, ærumnas, cum animâ simul amisisti: at ego infelix in tanta mala præcipitatus, pulsus ex patrio regno, rerum humanarum <sup>i</sup> spectaculum præbeo: <sup>3</sup> incertus quid agam, tuasne injurias per-

## INTERPRETATIO.

<sup>1</sup> *Ne amicitia privata Jugurthæ parum cognita aliquos à justitiæ viâ abducat.*

<sup>2</sup> *Jam jam, ô Hiempsal, frater carissimè animo meo, puto casum tuum et mortem lætandam magis quam dolendam, quamquam vita erepta est tibi immaturo, et primâ*

*juventæ face, et ab eo, à quo minimè decuit eam tibi eripi.*

<sup>3</sup> *Ego sum incertus quid agere debeam, an quæram ulcisci mortem tuam, dum ipse egeo ope alterius. An ego cujus potestas vitæ et necis pendet ex potentiâ alienâ, consulam regno meo.*

## NOTÆ.

a *Parum cognita.*] Innuit Jugurtham amicitia, virtutumque quibus ea conciliatur simulatione, quibusdam Romanis, qui illi, quasi verè amicus fuisset et honestus, favebant, perfidiosè imposuisse. Exterùm ipsorum avaritiâ potiùs quàm amicitia cum Jugurthâ conjunctos eos Atherbalem haudquaquam latebat; sed dissimulatum isthuc oportuit, quod quidem non imperitè fecit.

b *Ne quid.*] Maximus fuit hæc in parte Jugurthæ dolus: neque aliud possit vi eriri iniquius, quàm postulare, ut de absente, atque indictâ causâ statuatur, prout Atherbalem facere legati supposebant. At verò perverse illi, cum Atherbalis petitionibus illud subdolè admiscerent; quod non perversas modò sed, et ineptas eas efficit. Is profectò ridiculè nimis requisivisset, ut de Jugurthâ senatus in indictâ causâ decerneret, cum ad eam dicendam illi adessent; verùm tyrannum oportuit suis technis tempus redimere, jamque non nimirum detinuit.

c *Absente.*] Jugurthâ scil.

d *Fingere.*] Non potest verbum hoc, eo modo quo præcedentia, immediatè construi cum verbo *audio*; verùm in eo laudem meruit noster autor, qui quasi inordinatè ea congerit quæ contemnunt.

e *Quod.*] Illud est quod Gallicè, ornâtus causâ, vel ex majoris affectus consuetudine, dicimus, *Que plût à Dieu que, &c.*

f *Simulantem.*] Nota hanc respondendi rationem, acris est; cùmque multas habet figuras, cùm plures tangit affectus. Simpliciter negasset Atherbal se simulare infortunium suum, sed revera miserum esse.

g *Excruciat.*] Supple, sicut ego sum.

h *Regnum.*] Id est, non tam regnum. Lætandum magis quodd, regno spoliatus sis quàm dolendum; cùm à te, unâ et eadêm operâ, fuga, egestas, exilium depulsum sit.

i *Spectaculum.*] Id est, *De me fragilitatis humane exemplum fortuna exhibuit.*

“sequar, ipse auxilii egens; an regno consulam, cujus vitæ, necis-  
 “que potestas ex opibus alienis pendet. Utinam, <sup>1</sup>emori, fortunis  
 “meis honestus exitus esset, ne vivere contemptus viderer, si defes-  
 “sus malis injuriâ <sup>a</sup> concessissem. Nunc quoniam neque vivere  
 “<sup>2</sup> lubet, neque mori licet sine dedecore; P. C. per vos, der liberos,  
 “atque parentes vestros; per majestatem populi R. subvenite mise-  
 “ro mihi: ite obviâ injuriæ: nolite pati regnum Numidiæ, <sup>b</sup> quod  
 “vestrum est, per scelus, et sanguinem familiæ nostræ tabescere.”

Postquam rex finem loquendi fecit, legati Jugurthæ <sup>c</sup> largitione  
 magis, quàm causâ freti, paucis respondent: Hiempsalem, ob sævi-  
 tiam suam, ab Numidis interfectum: Atherbalem ultrò bellum infe-  
 rentem, postquam superatus sit, queri, quòd injuriam facere nequis-  
 set: Jugurtham ab senatu petere, ne se alium putarent, ac Numantiæ  
 cognitus esset; neu verba inimici ante facta sua ponerent. Deinde  
 utrique curiâ egrediuntur. <sup>3</sup> Senatus statim consulitur: fautores  
 legatorum, præterea magna pars <sup>d</sup> gratiâ depravata, Atherbalis dicta  
 contemnere: Jugurthæ virtutem laudibus extollere: gratiâ, voce, de-  
 nique omnibus modis pro alieno scelere, et flagitio, suâ quasi pro  
 gloriâ, <sup>e</sup> nitebantur. At contrâ pauci quibus bonum et æquum divi-  
 tiis carius erat, subveniendum Atherbali et Hiempsalis mortem se-  
 verè vindicandam censebant. Sed ex omnibus maximè Æmilius  
<sup>f</sup> Scaurus, homo nobilis, impiger, factiosus, avidus potentiæ, honoris,

INTERPRETATIO.

<sup>1</sup> *Utinam morte finem honestum  
 facere possem infortunio meo, ne  
 homines viderent me abjectum et  
 spretum inter vivos, si defatigatus  
 malis, propter injuriam cecissem.*

<sup>2</sup> *Quoniam neque vita mihi pla-  
 cet.*

<sup>3</sup> *Extemplo senatorum sententia-  
 gâ de re exquiritur.*

NOTÆ.

<sup>a</sup> *Concessissem.*] Hic locus aliquam ha-  
 bet obscuritatem, adeoque videndum quid  
 intelligamus per *eo concedere*. Hic est  
 ut videtur, *Deponere studium regnandi, et  
 fratris mortem ulciscendi, vel Omnia Jugur-  
 thæ libidini permittere*. Gall. in hunc sen-  
 sum diceremus, *Plût à Dieu que la mort  
 fût un parti homnête, que je pûsse prendre  
 dans mes infortunes; de peur de paroître  
 dans le monde comme un misérable, si me  
 trouvant epuisé par les maux que j' ai souf-  
 ferts, j' étois contraint de tout céder au tort  
 que l' on m' a fait.*

<sup>b</sup> *Quod vestrum.*] Optima et ratio et  
 conclusio.

<sup>c</sup> *Largitione.*] Antea vidimus legatis  
 suis præcepisse Jugurtham, ut quosvis Ro-  
 mæ pecuniâ corrumperent; id sedulò præ-

stiterunt, adeoque fore confidebant ut ab  
 illis causa sua defenderetur.

<sup>d</sup> *Gratiâ.*] Fit istud sæpius in judiciis:  
 Quando sententiam suam dixerunt qui in  
 concilio sunt auctoritate præcipui, reli-  
 qui non tam justitiâ, quàm gratiâ et fa-  
 vore inducti, suffragium suam ferunt, vel  
 ut potentioribus assentiantur, vel ut illi  
 de quo judicium fertur favcant: Quod  
 quidem pessimè se habet, et æquum sub-  
 vertit.

<sup>e</sup> *Nitebantur.*] Id est, *Non illi minore  
 cum studio Jugurthæ scelus excusabant et  
 tegebant quàm si de suâ gloriâ questio in-  
 cidisset.*

<sup>f</sup> *Scaurus.*] Hunc ut prudentem et gra-  
 vem virum laudant Cicero, et Val. Max.

divitiarum; cæterum vitia sua callidè occultans. <sup>1</sup> Is postquam videt regis largitionem famosam, <sup>2</sup> impudentemque, veritus quod in tali re solet, ne <sup>b</sup> polluta licentia invidiam <sup>c</sup> accenderet, animum à consuetâ lubricine <sup>d</sup> continuit. Vicit tamen in senatu pars illa, qui <sup>2</sup> vero pretium ant gratiam anteferebat. Decretum fit, uti decem legati regnum, quod Micipsa obtinuerat, inter Jugurtham, et Atherbalem, <sup>e</sup> dividerent. Cujus legationis princeps fuit L. Opimius, homo clarus, et tum in senatu potens, quia consul C. <sup>f</sup> Graccho et M. <sup>g</sup> Fulvio interfectis, <sup>b</sup> accerrimè <sup>i</sup> vindictam nobilitatis in plebem exercuerat. Eum Jugurtha, tametsi Romæ in amicis habuerat, tamen <sup>k</sup> curatissimè receipt: dando, et pollicendo multa perfecit, uti fumæ, <sup>l</sup> fide, postremò omnibus suis rebus commodum regis anteferebat. Reliquos legatos eadem viâ aggressus, plerosque capit: paucis carior fides, quam pecunia fuit. In divisione, quæ pars Numidiæ Mauritaniâ attingit, <sup>3</sup> agro, virisque opulentior, Jugurthæ traditur: illam alteram, <sup>4</sup> specie quàm usu potiore,

## INTERPRETATIO.

<sup>1</sup> Cum Scaurus videt largitionem Jugurthæ infamem esse.

<sup>2</sup> Tamen pars potior fuit, in senatu, eorum, qui anteponebant gratiam et favorem vero et honesto.

<sup>3</sup> Ea pars traditur Jugurthæ, quæ soli sæcunditate et incolarum frequentia prævalebat.

<sup>4</sup> Atherbal obtinuit illam alteram partem potiore pulchritudine quàm utilitate.

## NOTÆ.

a *Impudentemque.*] Tanta Romam exercuit avaritia, ut palam legati pecuniâ suffragia emerent. *Is informoient les senateurs, le sac, ou l'argent à la main.*

b *Polluta.*] Idem est propemodum quod famosa. Res erat nimium cognita.

c *Accenderet.*] Callidè Scaurus; nam periculum est maximum ne plebs tumultuetur, ubi magistratum apertè videt jus fasque pecuniæ postponere.

d *Continuit.*] Qui ita pro tempore et commodo virtuti favent, illi omnium sunt pessimi, et de quibus, si fortè fortunâ cognoscantur, maximè diffidendum.

e *Dividerent.*] Itaque regni Hiempsalis dimidia pars in perfidiæ præmium Jugurthæ, idque decreto senatûs, obvenit. Quantum nefas!

f *Graccho.*] Hic mortis, et legum Tiberii fratris acerrimus vindex, cum plebem in avitos agros arcesceret, ab Opimio consule oppressus est.

g *Fulvio.*] Is collega Gracchii et eandem legum assertor, unâ cum illo ab eodem

Opimio, in Aventino monte oppressus est. Vir fuit consularis.

h *Accerrimè.*] Ex plebe enim tria hominum millia interfecit, eorumque corpora in Tyberim projecit.

i *Vindictam.*] Pro hac voce, quam contrâ auctoris mentem dicit esse Gruterus, victoriâ reponit, ex fide librorum Pergameneorum. Quamobrem verò contra auctoris mentem esse dicat, non video: mihi quidem sensus est idem; nam vindicta in animo sedet ante victoriâ, post victoriâ exercetur.

k *Curatissimè.*] Scilicet amicitia jure à quibusdam ceremoniis, et qui exteris et ignotis exhibetur, supervacaneo cultu, solutus erat: attamen quò magis Opimium suum faceret, atque (etiam ut decuit erga legatum) nullum prætermisit honorem.

l *Fide.*] Est dativo casu, more veterum. Fortè hujus rei ignorance ab aliquo sciolò famâ pro fame positum est, quod absque hæsitatione correxi.

quæ portuosior, et ædificiis magis exornata erat, Atherbal possedit. Res postulare videtur Africæ situm paucis exponere, et eas gentes, quibuscum nobis bellum aut amicitia fuit, attingere. Sed quæ loca, et nationes, ob<sup>a</sup> calorem, aut asperitatem, item solitudines, minus frequentata sunt; de iis haud facile compertum narraverim: cætera quàm paucissimis absolvam.

In divisione orbis terræ plerique<sup>b</sup> in parte tertiâ Africam posuere: pauci tantummodo Asiam, et Europam<sup>c</sup> esse, sed Africam in Europâ. Ea finis habet ab occidente<sup>d</sup> fretum<sup>e</sup> nostri maris et Oceani, ab ortu solis declivem<sup>f</sup> latitudinem: quem locum<sup>g</sup> Catabathmon incolæ appellant. <sup>h</sup> Mare sævum, importuosum. Ager frugum fertilis, bonus pecori, arbori infecundus: <sup>i</sup> cælo, terræque penuria aquarum: genus hominum salubri corpore, velox, patiens laborum: plerosque senectus dissolvit, nisi qui ferro, aut à bestiis interiëre. Nam morbus haud sæpè quemquam superat. Ad hoc, <sup>k</sup> malefici generis plurima animalia. Sed qui mortales initio Africam<sup>l</sup> habuerint; quique postea accesserint, aut quo modo inter se permixti sint; quamquam ab eâ famâ, quæ plerosque obtinet, diversum est; tamen, ut ex libris Punicis, qui regis Hiempsalis dicebantur, interpretatum nobis est; utique rem sese habere, cultores ejus terræ

INTERPRETATIO.

<sup>1</sup> *Dicam quàm paucissimis verbis qui homines initio coluerint et habitaverint Africam.*

NOTÆ.

<sup>a</sup> *Calorem.*] Solis scilicet. Nemo nescit Africæ maximam partem sub Zonâ esse torridâ, atque adeo ardoribus infestari.

<sup>b</sup> *In parte.*] Id est, *Africam tertiam mundi partem fecerunt.* Nunc verò aliter divisum orbem reperies apud Geographos, postquam veteribus incognitæ terræ à nautis perlustratæ sunt.

<sup>c</sup> *Esse.*] Id est, *Quidam duas tantum orbis terrarum partes esse voluerunt, et Africam sub Europâ comprehendendam.* Ambiguae istiusmodi phrasen non sunt imitandæ.

<sup>d</sup> *Fretum.*] Maluit dicere Sallustius *fretum maris* quàm *mare simpliciter*, ut æstus notaret et violentiam, quæ in illis angustiis conspicitur, in quæ duo maria concurrent et commiscentur.

<sup>e</sup> *Nostri.*] Mediterranei, scilicet, quod Italiam aluit. At certè vix ab occasu dicitur Mediterraneum Africam finire: sed auctori nostro adeo mirabilis visus est maris æstus, ut eo abreptus fretum late

ad occasum porrexerit. Videndum est interim ne nobis imponent tabulæ nostræ Geographicæ, in quibus nulla quandoque terræ curvitatæ ratio habetur, cujus tamen, cùm in plano exprimitur, nisi cogitatio subierit, pronum est in gravissimos errores incidere.

<sup>f</sup> *Latitudinem.*] Id est, *campum vastum.*  
<sup>g</sup> *Catabathmon.*] Vox Græca est à *καταβασις* descendere; adeoque Catabathmon latine descensum dixeris. Vallis erat in Egyptum devexa, si Melæ credimus. Unde videas non eosdem, qui nobis, veteribus fuisse Africæ limites; nam ea hodie, idque melius, usque ad mare rubrum protenditur.

<sup>h</sup> *Mare.*] Libycum seu Africum, quod pars est Mediterranei.

<sup>i</sup> *Cælo.*] Id est, *Neque in Africâ multum pluit: neque ibi copia est fontium, aut fluviorum.*

<sup>k</sup> *Malefici.*] Puta serpentes, leones, &c.

putant, quàm paucissimis dicam. Cæterum <sup>a</sup> fides ejus rei penès auctores erit. Africam initio habuere <sup>b</sup> Gætuli, et <sup>c</sup> Libyes, asperi, incultique; quis cibus erat caro ferina, atque humi pabulum, uti pecoribus. Hi neque moribus, neque lege, aut imperio cujusquam regerantur: vagi, palantes, <sup>1</sup> quas nox coegerat sedes habebant. Sed postquam in Hispaniâ Hercules, <sup>d</sup> sicut Afri putant, interiit: exercitus ejus compositus ex gentibus variis, amisso duce, ac passim multis sibi quisque imperium petentibus, brevi dilabitur. Ex eo numero <sup>e</sup> Medi, <sup>f</sup> Persæ, et <sup>g</sup> Armenii, navibus in Africam transvecti, proximos nostro mari locos occupavere. Sed Persæ <sup>h</sup> intra Oceanum magis: hique <sup>i</sup> alveos navium inversos pro tuguriis habuere; quia neque materia in agris, neque ab Hispanis emendi, aut mutandi copia erat. Mare <sup>j</sup> magnum, et ignara lingua commercia prohibebant. Hi paulatim, per connubia, Gætulos secum miscuere; et quia sæpe <sup>k</sup> tentantes agros, alia, deinde alia loca petiverant, semet ipsi <sup>l</sup> Numidas appellavere. Cæterum adhuc ædificia Numidarum agrestium,

## INTERPRÆTATIO.

<sup>1</sup> *Ibi manebant, ubi nox coegerat eos manere.*

<sup>2</sup> *Maris vastitas et linguæ ignorantia prohibebant commercium.*

## NOTE.

a <sup>a</sup> *Fides.*] Id est, *Verum sit, necne, non-affirmo, id præstiterint qui ejus rei auctores fuerunt.*

b <sup>b</sup> *Gætuli.*] Lybiæ interioris populi, qui ideo à diversis scriptoribus, diversis in locis collocantur, quòd gens vaga sæpius habitationem suam mutaverit. Ut certè parum consultè videantur facere viri alioquin doctissimi, qui quæ ad loca spectant negligenter Sallustium scripsisse dicunt. Quasi verò ille, quia in Africâ prætor fuerit, ideo vastissimam et infestissimam regionem pervagari debuerit. Satis fuerit, ea retulisse quæ dedit, quorumque injuriam crediderim, vindicem cum reposcere.

c <sup>c</sup> *Libyes.*] Hi populi à quibus etiam nomen sortita est Africa, ejus propriè dictæ partem occidentalem incoluerunt, ad mare Mediterraneum, inter Mauritaniam et Cyrenaicam regionem, ut volunt; nisi Alexandriam usque ab ortu, et, prout videor ex Sallustio colligere, longius ab occasu aliquando erraverint: nam quis cum istis erroribus non erret?

d <sup>d</sup> *Sicut Afri.*] Ex Livio et Virgilio creditum est Herculem incolumen ex Hispaniâ in Italiam venisse, quibuscum Sal-

lustius, quasi falsum fuerit, quod Afri de Herculis morte prædicabant, facere videtur. Verum plures eo nomine fuisse dubitare non sinit Cicero lib. 3. *De naturâ deorum*; unde facile est variantes eâ de re opiniones conciliare, si modò meminimus unum suo Herculi, Jovis et Alcmæ filio, quæcumque ab omnibus facta sunt, Græcos poëtas attribuisse.

e <sup>e</sup> *Medi.*] Media, Asiæ regio notissima, ad mare Hyrcanum, seu Caspium, quò etiam penetrâsse Herculem omnes norunt.

f <sup>f</sup> *Persæ.*] Juxta Medos, ad meridiem.

g <sup>g</sup> *Armenii.*] Post Medos, ad occasum.

h <sup>h</sup> *Intra Oceanum.*] Id est, *Ad mare Atlanticum.*

i <sup>i</sup> *Alveos.*] Illud est quod postea *catinas* vocat. Navis est concavitas.

k <sup>k</sup> *Tentantes.*] Ut, scilicet, pingue solum, et pectori, quo delectabantur, aptum, invenirent.

l <sup>l</sup> *Numidas.*] A Græca *νημυς*, ut volunt, quod est *pascere*. Quamobrem verò ex linguâ Græcâ nomen sibi Nomades seu Numidæ assumpsissent planè non video; adeòque de hac etymologiâ multum dubito.



quæ mapalia illi vocant, oblonga, incurvis lateribus tecta, quasi navium carinæ sunt. Medis autem, et Armeniis <sup>a</sup> accessere Libyes. Nam hi propius mare Africum agitabant: (Gætuli sub <sup>b</sup> sole magis; haud procul ab ardoribus: ) <sup>c</sup> hique maturè oppida habuere. Nam, <sup>d</sup> freto divisi ab Hispaniâ, <sup>e</sup> mutare res inter se instituerant. Nomen eorum paulatim Libyes corrupere, barbarâ linguâ Mauros pro Medis appellantes. Sed res Persarum brevi <sup>f</sup> adolevit: ac postea, Numidæ nomine, propter multitudinem, à parentibus digressi, possidere ea loca, quæ proxima Carthaginem Numidia appellatur. Deinde, <sup>1</sup> utrique alteris freti, finitimos armis, aut metu sub imperium suum coegere; <sup>h</sup> nomen gloriamque sibi addidere: magis hi, qui ad nostrum mare processerant, <sup>i</sup> quia Libyes, quàm Gætuli, minùs bellicosi: denique Africæ pars <sup>k</sup> inferior pleraque ab Numidis possessa est: victi omnes in gentem, nomenque, imperantium <sup>2</sup> concessero. Postea <sup>l</sup> Phœnices, alij multitudinis domi minuendæ gratiâ, pars imperij cupidine sollicitatâ plebe; et aliis novarum rerum avidis,

INTERPRETATIO.

<sup>1</sup> Deinde utrique Numidæ in mutuâ operâ, et auxilio præsidium collocantes; coegerunt finitimos, armis, aut metu, sub imperium suum.

<sup>2</sup> Quicumque à Numidis victi sunt, eorum nomen sumpserunt, et una gens cum ipsis facti sunt.

NOTÆ.

<sup>a</sup> Accessere.] Quomodo isthuc, cum priores Libyes Africam obtinuerunt? facile certè, ut nihil necesse sit à vulgata lectione discedere, prout nonnullis placuit. Libyes bellicosi fuerunt, ut ipse dicit Salustius: cum itaque credibiliter à Medis et Armeniis pulsati essent illis necesse fuit horum gratiam paulatim sibi conciliare, quod quidem accedere est.

<sup>b</sup> Sub sole.] Id est, Sub circulo Equinoctiali, ubi solis ardor est gravissimus.

<sup>c</sup> Hique.] Libyes scilicet, non Gætuli: atque hos parenthesi, ne sententiam turbarent, includendos curavi.

<sup>d</sup> Freto.] Tantum adde, ne sensus videatur contrarius.

<sup>e</sup> Mutare.] Quamdiù nummus apud omnes in pretio non fuit, omnino oportuit non pecuniâ emere, sed mercium compensatione et permutatione.

<sup>f</sup> Adolevit.] Id est, Brevi potentes et fortes facti sunt.

<sup>g</sup> Numidæ nomine.] Id est, Persæ Numidæ dicti. In quibusdam libris legitur

Nomo Numidæ; quod minùs placet.

<sup>h</sup> Nomen.] Illud est quod Gallicè, dicimus. Renom, Reputation; aliter existimationem, aut famam appellaveris.

<sup>i</sup> Quia.] Hic est sensus: dicit majorem gloriam brevi quævisisse Numidas, qui parentibus relictis ad mare Mediterraneum condescenderant, quod sibi vicinos, et minùs bellicosos Libyas, quàm aliis Numidis bello meliores Gætulos, superare facilius fuerit.

<sup>k</sup> Inferior.] Patet ex textu, eam inferiorem dici Africæ partem, quæ juxta Mediterraneum mare porrigitur: benè sanè, cum eo plerique decurrant amnes Libyci.

<sup>l</sup> Phœnices.] Incolebant illi eas terras quæ ad Mediterraneam orientalem oram sitæ sunt. Pulsos à Josuâ fuisse notum est ex sacris literis; in Africâ verò condescisse, ejusque oram maritimam occupasse passim legimus, atque ab iis Afri, præsertim Carthaginienses, Pœni dicti sunt.

Hipponem, Adrimetum, Leptim, aliasque urbes in orâ maritimâ condidère: æque brevi multum auctæ, pars <sup>a</sup> originibus suis præsidio, aliæ decori fuere. Nam de Carthagine silere melius puto, quam parum dicere: quoniam aliò properare tempus monet. Igitur ad Catabathmon, <sup>b</sup> qui locus Ægyptum ab Africa dividit, <sup>c</sup> secundo mari prima Cyrene est, colonia <sup>d</sup> Theræon: ac deinceps duæ <sup>e</sup> Syrtes, interque eas <sup>f</sup> Leptis: <sup>g</sup> deinde <sup>h</sup> Philenon aræ, quem locum, Ægyptum versus, finem imperii habuere Carthaginenses: post, aliæ Punicæ urbes. <sup>i</sup> Cætera loca usque ad Mauritaniam Numidæ tenent. <sup>k</sup> Proximè Hispaniam Mauri sunt. <sup>l</sup> Super Numidiam Gætulos accepimus, partim in tuguriis, alios incultius vagos agitare. Post eos <sup>m</sup> Æthiopus esse. <sup>n</sup> Dein loca exusta solis ardoribus. Igitur bello Jugurthino pleraque ex Punicis oppida, et finis Carthaginensium, quos

## NOTÆ.

<sup>a</sup> *Originibus.*] Urbibus, unde exierant.

<sup>b</sup> *Qui locus.*] Fortè ideo locum describit, quia duo memorantur Catabathmi.

<sup>c</sup> *Secundo.*] Id est, ut videtur, *Proxi-mò. En suivant la mer.* Phrasis insolens, attamen quæ etiam reperitur apud Orosium, lib. 1. cap. 2.

<sup>d</sup> *Theræon.*] Plures insulas meminerunt auctores, nomine Thera. Ab eâ quæ sita est supra Cretam prodissiæ dicunt eos qui Cyrenem condiderunt.

<sup>e</sup> *Syrtes.*] Loca sunt vadosa maris Mediterranei, circa medium littus Africanum: major ad ortum, minor ad occasum magis inclinat.

<sup>f</sup> *Leptis.*] Duas hujus nominis auctores plurimi in Africâ propriâ collocant. Cluverius magnam habet omnino inter duas Syrtes; parvam verò magis ad occasum inter Syrtem minorem et Carthaginem.

<sup>g</sup> *Hæc nostra, ut patet, magna est.*

<sup>h</sup> *Deinde.*] Hic reprehenderunt quidam Sallustum, quod Philenorum aras post duas Syrtes posuerit; verum erraverunt ipsi, non Sallustius; nam vocula *deinde* ad *Leptis*, non ad *Syrtes* referri debet; ita ut Philenon aras post Leptim, inter Syrtes, non post eas, collocaverit.

<sup>i</sup> *Philenon aræ.*] Rem ipsam enarrabit postea Sallustius.

<sup>j</sup> *Cætera.*] A finibus Carthaginensium, scilicet, versus occasum. Atque hinc Numidæ fines satis clarè intelligimus; nisi quod Mulucha flumen eos ad occa-

sum incertos facit. Si enim verum est, quod ex auctoribus colligitur, Mulucham in Mauritanîâ Tingitanâ esse, cum flumen Jugurthæ imperii terminus à Sallustio postea constituitur: certè Numidia ulterius quàm solet ad occasum erit promovenda; ita ut Mauritanîa Cæsariensis, ubi antea Syphax Masæsyliis imperitaverat, sub Numidiâ comprehenderetur; ex quo concludas per Mauritaniam. Sallustium ferè Tingitanam intellexisse: Maurosque Cæsariensis in nomen et gentem victorum Numidarum concessisse. Sed quamvis satis certum sit bonam Cæsariensis Mauritanîæ partem sub Jugurthâ fuisse; non tamen totam attribueris, quia vix Muluchæ fluminis situs cognosci possit.

<sup>k</sup> *Proximè.*] Mari tamen interjecto.

<sup>l</sup> *Super.*] Ad meridiem.

<sup>m</sup> *Æthiopus.*] A parte orientali ad occidentalem, in mediâ Africâ, fuisse eos, voluerunt veteres, Homerum secuti.

<sup>n</sup> *Dein loca.*] Hic iterum auctorem arguit vir sanè doctus, quasi ille, quia loca solis ardoribus exusta post Æthiopus ponit, ipsos in Zonâ torridâ esse negaverit. Ipse verò, ni fallor, malè concludit: nam Sallustius Æthiopus sub sole esse nequaquam inficiatur; sed tantum post eos, loca essa exusta et inhabitata sese ab aliis accepisse dicit. Quanquam à veteribus, ita ut à nobis, cognitum fuisse situm terrarum, nullus ausit affirmare.

<sup>a</sup> novissimè habuerant, populus Rom. per magistratus administrabat: Gætulorum magna pars, et Numidia ad flumen usque <sup>b</sup> Mulucham sub Jugurthâ erant: Maurius omnibus rex Bocchus imperitabat, præter nomen, <sup>c</sup> cætera ignarus populi Rom. itemque nobis neque bello, neque pace antea cognitus; de Africâ, et ejus incolis, ad necessitudinem rei satis dictum.

Postquam diviso regno, legati Africâ decessere; et Jugurthâ, contra timorem animi, <sup>d</sup> præmia sceleris adeptum sese videt; certum ratus, quod ex amicis apud Numantiam acceperat, omnia Romæ venalia esse; simul et illorum <sup>e</sup> pollicitationibus accensus, quos paulò antè muneribus expleverat; in regnum Atherbalis animum intendit. Ipse acer, bellicopsus: at is, quem petebat, quietus, imbellis, placido ingenio, <sup>f</sup> opportunus injuriæ, metuens magis, quàm metuendus. Igitur ex improvviso fines ejus cum magnâ manu invadit: multos mortales cum pecore, atque aliâ prædâ capit; ædificia incendit: pleraque hostiliter loca cum equitatu accedit. Deinde cum omni multitudine in regnum suum convertit, existimans dolore permotum Atherbalem injurias suas manu vindicaturum, eamque rem belli causam fore. At ille, quod neque se <sup>g</sup> parem armis existimabat; et amicitia populi Rom. magis quàm Numidis, fretus erat; legatos ad Jugurtham de injuriis questum misit: qui tametsi contumeliosa dicta retulerant, prius tamen omnia pati decrevit, quàm bellum sumere: quia tentatum antea secus cesserat. Neque eò magis cupido Jugurthæ minuebatur, quippe qui totum ejus regnum animo jam invaserat. Itaque non, ut antea, cum <sup>h</sup> prædatoriâ manu, sed, magno exercitu comparato, bellum gerere cœpit; et apertè totius Numidiæ imperium petere. Cæterum, quâ pergebat, urbes, agros vastare, prædas agere; suis animum, hostibus terrorem augere. Atherbal ubi intelligit eò processum, uti regnum aut relinquendum esset, aut armis retinendum, <sup>i</sup> necessariò copias parat, et Jugurthæ obvius procedit.

INTERPRETATIO.

<sup>1</sup> *Necessitate impulsus copias parat.*

NOTÆ.

<sup>a</sup> *Novissimè.*] Non enim à longo tempore Carthago à Scipione deleta fuerat.

<sup>b</sup> *Mulucham.*] Alio nomine dicitur *Molochath*. Fuit et oppidum Mulucha dictum, ut liquet ex Floro.

<sup>c</sup> *Cætera.*] Adverbium: nisi mavis præpositionem supplere. Aliter dicas, *His exceptis*.

<sup>d</sup> *Præmia.*] Omnino, siquidem dimidiam Hiempsalis regni partem obtinuerat.

<sup>e</sup> *Pollicitationibus.*] Nimirum illi se Romæ, gratiâ et favore, omnia ad ejus commodum conversuros, polliciti erant.

<sup>f</sup> *Opportunus injuriæ.*] Accipiendæ scilicet. Injuria hæc passivè sumitur.

<sup>g</sup> *Parem.*] Jugurthæ, scilicet.

<sup>h</sup> *Prædatoriâ.*] Prædatorius exercitus dicitur, qui militibus constat leviter armatis, et in fugam expeditis.

Interim haud longè à mari, prope <sup>a</sup> Cirtam oppidum, utriusque con-sedit exercitus; et quia diei extremum erat, praelium non inceptum; sed ubi plerumque noctis processit; <sup>b</sup> obscuro etiam tum lumine, milites Jugurthini, signo dato, castra hostium invadunt; semisomnos partim, alios arma sumentes fugant, funduntque; Atherbal cum paucis equitibus Cirtam profugit; et, ni multitudo <sup>c</sup> togatorum fuisset, quæ Numidas insequentes mœnibus prohibuit, uno die inter duos re-ges cœptum, atque patratum foret bellum. Igitur Jugurtha oppidum circumscedit: <sup>d</sup> vineis, turribusque et machinis omnium generum expugnare aggreditur; maximè festinans <sup>e</sup> tempus legatorum antecapere, quos ante praelium factum Romam ab Atherbale missos audiverat. Sed postquam senatus de bello eorum accepit, tres adolescentes in Africam legantur, qui ambòs reges adeant; S. P. Q. R. verbis nuncient, velle, et <sup>f</sup> censere, eos ab armis discedere; de controversiis suis jure potius quam bello disceptare; ita seque, illisque dig-num fore. Legati in Africam maturantes veniunt; eò magis quòd Romæ, dum proficisci parant, de praelio facto, et oppugnatione Cirtæ audiebatur. Sed is rumor <sup>g</sup> clemens erat. Quorum Jugurtha ac-ceptà oratione respondit, sibi neque majus quidquam, neque carius auctoritate senatùs esse; ab adolescentiâ suâ ita se ensium, ut ab op-timo quoque probaretur; virtute non malitiâ, P. Scipioni, summo viro placuisse: ob easdem artes a Micipsâ, non penuriâ liberorum, in regnum adoptatum esse: cæterùm, quò plura bene, atque strenuè fe-cisset, eò enim suum injuriam minùs tolerare; Atherbalem dolis vitæ suæ insidiatum: quod ubi comperisset, sceleri obviàm isse: populum R. neque rectè, neque pro bono facturum, si ab <sup>h</sup> jure gen-tium, sese prohibuerint: postremò, de omnibus rebus legatos Romam brevè missurum. Ita <sup>i</sup> utrique digrediuntur. Atherbalis <sup>k</sup> appellandì

## NOTE.

a *Cirtam.*] Regia quondam fuit Sypha-cis, ut Livio placet: Masinissæ alii tradunt: fortè utriusque fuit, nam huic eam Scipio tradidit. Non longè distat à mari, et hodie, *Constantina* dicitur.

b *Obscure.*] Id est, *die primum redeunte*: fortè circa tertiam horam matu-tinam.

c *Togatorum.*] Id est, *Romanorum*, qui-bus toga vestis propria. Commerciù causâ in urbe commorabantur.

d *Vineis.*] Machinæ fuerunt quibus præ-cipue in diutinis obsidionibus utebantur, ex leviori ligno, et cratibus contextæ, sub quibus plures milites, ab hostium missili-bus tuti subsidebant.

e *Tempus.*] Id est, *Ante Atherbalem extingere, quàm ipsi Româ opem et auxili-um legati sui attulissent.*

f *Censere.*] De senatu dicitur; *Velle et Jubere* de toto P. Romano, cùm legem aut aliquid aliud suffragiis approbat.

g *Clemens.*] Id est, *Neque multàm res ipsa per hominùm ora jactabatur, neque tam atrox dicebatur.*

h *Jure gentium.*] Quo, cuique illatam injuriam repellere licet. Cæterùm vide mihi quæso, quousque, et quanta arte ne-quitiam suam promoveat perditissimus latro.

i *Utrique.*] Legati et Jugurtha.

k *Appellandì.*] Dolis Jugurthæ factum est, ne Atherbalem legati alloquerentur, ex quo rem, uti acta erat, cognovissent: ut scilicet, post eorum dicessum, quod et fecit, eum interficeret; deinde causam mortis quilibet Romæ, per nefarios ami-cos, prætexeret.

copia non fuit. Jugurtha, ubi eos Africâ decesisse ratus est, neque propter loci naturam Cirtam armis expugnare potest, <sup>a</sup> vallo, atque fossâ mœnia circumdat: turres extruit, easque <sup>1</sup> præsidiis firmat: præterea dies noctesque aut per vim, aut dolis tentare: defensoribus mœnium præmia modò, modò formidinem ostentare: suos hortando ad virtutem erigere, prorsus intentus cuncta parare. Atherbal ubi intelligit omnes fortunas suas in extremo sitas, hostem infestum, auxilii spem nullam, penuriâ rerum <sup>b</sup> necessariûm bellum trahi non posse; ex iis qui unâ Cirtam profugerant, duos maximè impigros delegit: eos, multa pollicendo, ac miserando casum suum, confirmat, uti per hostium <sup>2</sup> munitiones noctu ad proximum mare, dein Romam pergerent. Numidæ paucis diebus jussa efficiunt, literæ Atherbalis in senatu recitatæ, quarum sententia hæc fuit.

“ Non mea culpa sæpè ad vos oratum mitto, P. C. sed vis Jugurthæ subigit, quem tanta lubido me exstinguendi invasit, uti neque vos, neque deos immortales in animo habeat; sanguinem meum, quàm omnia, malit. Itaque, quintum jam mensem, socius et amicus populi Rom. armis obsessus teneor; neque mihi Micipsæ patris mei beneficia, neque vestra <sup>c</sup> decreta auxiliantur: ferro, an fame acriùs urgear, incertus sum. Plura de Jugurthâ scribere <sup>d</sup> dehortatur fortuna mea: etiam antea expertus sum, parum <sup>e</sup> fidei miseris esse. <sup>e</sup> Nisi tamen intelligo illum, suprâ quàm ego sum, petere, neque simul amicitiam vestram, et regnum meum sperare. <sup>f</sup> Utrum graviùs existimet nemini occultum est. Nam initio occidit Hiempsalem fratrem meum: dein patrio regno me expulit. Quæ sanè fuerint nostræ injuriæ, nihil ad vos. Verùm nunc regnum vestrum armis tenet: me, quem vos Imperatorem

INTERPRETATIO.

<sup>1</sup> *Extruit turres, easque ab hostium irruptione militibus præsidiariis tutas facit.* *nimenta, ad proximum mare eant deinde Romam pergant.*

<sup>2</sup> *Multa pollicendo, ac deplorando fortunam suam, eos confirmat, ut noctu per hostium opera et mun-* *diçi miserorum testimonio parum fidei tribui.*

NOTÆ.

<sup>a</sup> *Vallo.*] Vallus, palus est, aut sudes, à quo vallum, hoc est, terræ aggestus; in castrorum munitionibus dictum est: quia vallis illis terra retinetur.

<sup>b</sup> *Necessariûm.*] Pro *Necessariarum*, quod in aliis reperitur codicibus.

<sup>c</sup> *Decreta.*] Quibus, (Legatis etiam ad id missis) ne alter alteri vim aut arma inferret, cautum fuisse vidimus.

<sup>d</sup> *Dehortatur.*] Quia scilicet, neque tempus est, cum quis opprimitur de aliis

rebus agere; neque omnia opus est de hoste dicere; quæ neque à multis audiuntur. Cauta est hæc oratio, et epistola integra acutè, et cum judicio, scripta.

<sup>e</sup> *Nisi.*] Correctio est; quasi dicat, *Interim ego vos moneo, &c.*

<sup>f</sup> *Utrum.*] Id est, *An gratiâ vestrà, &c. dō regno meo possatur, excidere malis; quàm mihi datâ pace vestrà benevolentis frui.* Innuat Jugurtham Romanorum amicitiam temnere.

“ Numidis posuistis, clausum tenet atque obsidet: legatorum verba  
 “ quanti fecerit, pericula mea declarant. Quid est reliquum, nisi  
 “ vis vestra, quo moveri possit? Nam ego quidem vellem, et hæc  
 “ quæ scribo, et illa quæ antea in senatu questus sum, vana forent  
 “ potius, quam miseria mea fidem verbis faceret. Sed quoniam eò  
 “ natus sum, ut Jugurthæ scelerum <sup>1</sup> ostentui essem, non jam mor-  
 “ tem, neque ærumnas, tantummodo inimici imperium, et cruciatus  
 “ corporis, <sup>2</sup> deprecor. Regno Numidiæ, quod vestrum est, uti lubet,  
 “ consulite: me ex manibus impiis eripite, per majestatem imperii,  
 “ per amicitia <sup>3</sup> fidem, si ulla apud vos memoria remanet avi mei  
 “ à Masinissæ.”

His literis recitatis, fuere qui exercitum in Africam mittendum  
 censerent, et quàm primùm Atherbali subveniendum: de Jugurthâ  
 interim uti consuleretur, quoniam legatis non paruisset. Sed ab iis-  
 dem illis regis fautoribus summâ ope <sup>b</sup> enisum, ne tale decretum fie-  
 ret. Ita bonum publicum, ut in plerisque negotiis solet, privatâ gratiâ  
 devictum. Legantur tamen in Africam <sup>c</sup> majores natu nobiles, am-  
 plis honoribus usi: in quibus fuit M. Scaurus, de quo suprâ memora-  
 vimus, consularis, et tum senatûs <sup>d</sup> princeps. Hi, quod in invidiâ res-  
 erat, simul et à <sup>e</sup> Numidis obsecrati, triduo navim ascendere:  
 dein brevî <sup>f</sup> Uticam adpulsi, literas ad Jugurtham mittunt, quàm  
 ocissimè ad provinciam accedat; se ad eum ab senatu missos. Ille,  
 ubi accepit homines claros, quorum auctoritatem Romæ pollere  
 audiverat, contra inceptum suum venisse: primò commotus metu,  
 atque lubidine, <sup>4</sup> diversus agitabatur. Timebat iram senatûs, ni  
 paruisset legatis: porrò animus cupidine cæcus ad inceptum scelus  
 rapiebat. Vicit tamen in <sup>g</sup> avido ingenio pravum consilium. Igitur,  
 exercitu <sup>5</sup> circumdato, summâ vi Cirtam irrumpere nititur, maximè

## INTERPRETATIO.

<sup>1</sup> Quandoquidem eo fine natus  
 sum, ut in me ostenderentur, et in  
 aperto ponerentur scelera Jugur-  
 thæ.

<sup>2</sup> Tantum oro ne ego inimici im-  
 perio subjiçiar, neve ab eo corpus  
 meum torqueatur.

<sup>3</sup> Vos oro per fidem, quæ debetur  
 amicitia.

<sup>4</sup> In diversas partes trahebatur.

<sup>5</sup> Igitur exercitu circum mania  
 diducto summâ vi Cirtam conatur  
 irrumpere.

## NOTE.

a Masinissæ.] Optime clausula; quia,  
 ut antea vidimus, Romanis bona et firma  
 semper Masinissæ amicitia fuerat.

b Enisum.] Passivè quod facilè non est  
 imitandum.

c Majores.] Antè adolescentes missos  
 fuisse vidimus.

d Princeps.] Is erat qui primus in re-  
 cognoscendo senatu, à censoribus augus-  
 to titulo, recitabatur.

e Numidis.] Atherbalis legatis.

f Uticam.] Urbs fuit antiquissima, Ty-  
 riorum colonia, non longè à Carthagine, ad  
 occasum.

g Avido.] Imperii scilicet. Vix possit  
 quisquam sibi consulere, dum ita flagrat  
 cupiditas: adeoque tunc maximè quies-  
 cendum.

sperans, <sup>2</sup> diductâ manu hostium, aut vi aut dolis sese <sup>1</sup> casum victoriæ inventurum; quod ubi secus procedit, neque, quod intenderat, efficere potest, uti, priûs quàm legatos conveniret, Atherbalis potiretur; ne ampliùs morando Scaurum, quem plurimum metuebat, incenderet, cum paucis equitibus in provinciam venit. At tametsi senatus <sup>2</sup> verbis minæ graves nunciabantur, quòd ab oppugnatione non desisteret: multa tamen oratione consumptâ, legati frustra discessere. Ea postquam Cirtæ audita sunt, Italici, quorum virtute mœniâ defensabantur, confisi, deditione factâ, propter magnitudinem populi R. in-violatos sese fore, Atherbali, suadent, uti seque, et oppidum Jugurthæ tradat, tantum ab eo vitam paciscatur; de cæteris senatui curæ fore. At ille, tametsi omnia potiora fide Jugurthæ rebatur; tamen, quia penēs <sup>b</sup> eosdem, si adversaretur, cogendi potestas erat; ita, uti censuerant Italici, deditionem fecit. Igitur Jugurtha in primis Atherbalem <sup>3</sup> excruciatum necat; dein omnes puberes Numidias, atque <sup>c</sup> negotiatores promiscuè, uti quisque armatis obviu fuerat, interfecit: Quod postquam Romæ cognitum est, et res in senatu agitari cæpta; iidem illi <sup>d</sup> ministri regis <sup>e</sup> interpellando, ac sæpe gratiâ, interdum jurgiis <sup>f</sup> trahendo tempus, atrocitatem facti leniebant. Ac ni C. <sup>g</sup> Memmius, tribunus pleb. designatus, vir acer, et infestus potentiæ nobilitatis, populum R. edocuisset id agi, uti per paucos factiosos Jugurthæ scelus condonaretur, profectò omnis invidia, <sup>4</sup> prolatandis consultationibus dilapsa foret. Tanta vis gratiæ, atque pecuniæ regis erat. Sed ubi senatus delicti conscientia populum timet, lege

INTERPRETATIO.

<sup>1</sup> *Sperans sese inventurum occasionem victoriæ reportandæ.*

<sup>2</sup> *At, quamvis minæ graves à legatis nomine senatûs nunciabantur, quòd ab oppugnatione Cirtæ non desisteret, tamen, multis sermonibus absumptis, legati, re infectâ, discesserunt.*

<sup>3</sup> *Jugurtha primò occidit Atherbalem, postquam eum cruciatibus afflixisset.*

<sup>4</sup> *Profectò omne odium, quod contra Jugurthæ scelera accensum erat, extinctum foret differendo de liberationes.*

NOTÆ.

<sup>a</sup> *Diductâ.]* Facilius est enim hostem in diversa tractum et alibi resistantem superare.

<sup>b</sup> *Eosdem.]* Italicos negotiatores scilicet, quos Atherbal ad id cogere non poterat, ut diutius vim Jugurthæ sustinerent.

<sup>c</sup> *Negotiatores.]* Quos suprâ togatos appellavit.

<sup>d</sup> *Ministri.]* Romanos intelligit Jugurthæ pecuniâ corruptos.

<sup>e</sup> *Interpellando.]* Non modò sermones de alijs rebus jaciebant, aut casus alios

ingerebant: sed etiam eorum orationem, quos minùs Jugurthæ favere crederent, inturbabant. Plurimæ sunt trixæ, et nequitix quibus judicia solent differre cavillatores.

<sup>f</sup> *Trahendo.]* In eo præsertim posita est astutia caudicorum: assuetis enim minimùm movemur, atque omnibus rebus, cum tempore assuescimus.

<sup>g</sup> *Memmius.]* Hunc Saturninus, cùm consulatim peteret, interficiendum jussit.

\* Sempronîa provinciæ futuris consulibus Numidia atque Italiâ decretæ: consules declarati P. Scipio <sup>b</sup> Nasica, L. Bestia Calpurnius: Calpurnio Numidia, Scipioni Italia <sup>c</sup> obvenit, dein exercitus, qui in Africam portaretur, scribitur: stipendium, alia, quæ bello usui forent, decernuntur. At Jugurtha, contra spem nuncio accepto, quippe cui, Romæ omnia <sup>1</sup> venum ire, in animo hæserat: filium, et cum eo duos familiares ad senatum legatos mittit; iisque, ut illis quos Hiempsale interfecto miserat, præcipit, omnes mortales pecuniâ aggre-  
diantur: qui postquam Romam adventabant, senatus à Bestiâ consultus est, placeretne legatos Jugurthæ recipi mœnibus; iique decrevêre, ni regnum, ipsumque deditum venissent, ut in diebus proximis decem Italiâ decederent. Consul Numidis ex senatûs decreto nunciari jubet. Ita infectis rebus illi domum discedunt. Interim Calpurnius, parato exercitu, <sup>3</sup> <sup>d</sup> legat sibi homines nobiles, factiosos, quorum auctoritate, quæ deliquisset, munita fore sperabat, in quis fuit Scaurus, cujus de naturâ et habitu suprâ memoravimus. Nam in consule nostro multæ bonæque artes animi, et corporis erant, quas omnis avaritia præpediebat. Patiens laborum, acri ingenio, satis providens, belli haud ignarus, firmissimus contra pericula et insidias. Sed legiones per Italiam <sup>e</sup> Rhegium, atque inde <sup>f</sup> Siciliam, porro ex Siciliâ in Africam transvectæ. Igitur Calpurnius initio paratis commeatibus, acriter Numidiam ingressus est; multosque mortales, et urbes aliquot pugnando capit. Sed ubi Jugurtha per legatos pecuniâ tentare, bellicque quod administrabat, <sup>g</sup> asperitatem ostendere cœpit; animus æger avaritiâ facile <sup>h</sup> conversus

## INTERPRETATIO.

<sup>1</sup> Quippe qui prorsus credebat omnia Romæ esse venalia.

<sup>2</sup> Is præcipit ut quosvis, Romæ, conentur pecuniâ ad partes suas adducere.

<sup>3</sup> Calpurnius assumit sibi legatos homines nobiles, factiosos, quorum auctoritate sperabat tecta et impunita fore quæ deliquisset.

## NOTÆ.

a Sempronîa.] Sempronius Gracchus legem tulerat, ut singulis annis senatus provincias duas consulares, ante comitia consularia, quas deinde ipsi designati consules inter se sortirentur, decerneret.

b Nasica.] Hic inter clarissimos oratores à Cicerone recensetur, qui cum in consulata mortuum esse dicit.

c Obvenit.] Sorte scilicet; quamvis consules quandoque inter se de provinciis conveniebant.

d Legat.] Legati imperatoribus adjuncti erant, ut eos consilio, et operâ adjuverent, Plerumque singuli singulis attributi legionibus, et summo duci obnoxii. Sed,

de istis omnibus, adi, si placet, doctissimum Lipsium.

e Rhegium.] Urbs est in litore Calabriae, è regione Messanæ in Sicilia.

f Siciliam.] Sicilia Mediterranei insula est celeberrima, Triquetra et Trinacria olim, à formâ, dicta.

g Asperitatem.] Enimvero difficillimum fuit, in locis remotissimis et asperimis, hostem militiæ peritissimum, et atrocissimum superare.

h Conversus.] Ita ut, postquam ab eo bellum acriter inceptum esset, idem ille deinceps segniter persequeretur.



est. Cæterum socius, et administer omnium consiliorum assumitur Scaurus; qui tametsi <sup>a</sup> à principio, plerisque ex factione ejus corruptis, acerrimè regem <sup>1</sup> impugnaverat; tamen magnitudine pecuniæ à bono honestoque in pravam abstractus est. Sed Jugurtha primum tantummodo belli moram <sup>b</sup> redimebat, existimans sese aliquid interrim Romæ pretio, aut gratiâ effecturum: postea verò, quàm participem <sup>c</sup> negotii Scaurum acceperat, in maximam spem adductus recuperandæ pacis, statuit cum eis de omnibus pactionibus præsens<sup>d</sup> agere. Cæterum interea, <sup>d</sup> fidei causâ, mittitur à consule Sextius quæstor in oppidum Jugurthæ <sup>e</sup> Vaccam: <sup>f</sup> cujus rei species erat acceptio frumenti, quod Calpurnius <sup>g</sup> palam legatis imperaverat: <sup>h</sup> quoniam deditionis morâ induciæ agitabantur. Igitur rex, uti constituerat, in castra venit; ac pauca præsentis consilio locutus <sup>i</sup> de invidiâ facti sui, atque <sup>k</sup> ut in deditionem acciperetur: reliqua cum Bestiâ, et Scauro secreta transigit: dein postero die, quasi <sup>1</sup> per saturam sententiis exquisitis, in deditionem accipitur. Sed uti <sup>2</sup> pro consilio imperatum

INTERPRETATIO.

<sup>1</sup> *Acerrimè contra Jugurtham regem enixus erat.*

<sup>2</sup> *Prout imperatum erat coram consilio.*

NOTÆ.

<sup>a</sup> *A principio.*] Quando à Jugurthâ Romam legati missi sunt.

<sup>b</sup> *Redimebat.*] Hoc est, *Id tantum quærebat, quomodo bellum in longinquum traheret.*

<sup>c</sup> *Negotii.*] Flagitii scilicet, quo, pecuniâ acceptâ, consul cum hoste clanculum paciscebatur.

<sup>d</sup> *Fidei.*] Ne deditionis specie dubitaret Jugurtha ad consulem venire, Sextius quæstor in oppidum Jugurthæ quasi obses, mittitur, ut, nisi inter eos de pacis arcanis conditionibus conveniret, Jugurtha inviolatus reverteretur.

<sup>e</sup> *Vaccam.*] Urbs fuit insignis, forum rerum venalium totius regni.

<sup>f</sup> *Cujus rei.*] Prætextum mittendi Sextii, Calpurnius exhibuit frumentum, quod palam legatis imperaverat.

<sup>g</sup> *Palam.*] Ut, scilicet, omnes nosset quamobrem quæstor dimitteretur, neque dolum subolerent.

<sup>h</sup> *Quoniam deditionis.*] Quandoquidem moræ et induciarum Jugurtha causa fuit, omnino belli sumptus ferre, adeoque frumentum suppeditare debuit.

<sup>i</sup> *De invidiâ.*] Ut, scilicet, injustè con-

flatam eam ostenderet, seseque expurgaret.

<sup>k</sup> *Ut in deditionem.*] Id est, *Ne cum se ipso, tanquam cum hoste, senatus populusque Romanus ageret; quinimo in fidem et deditionem suam acciperet.*

<sup>1</sup> *Per Saturam.*] Saturam, lanx erat variis frugum, pomorum et similium generibus plena: unde farcimen quoddam multis rebus refertum, et id genus alii cibi, saturæ nomine appellati sunt: deinde ad sermones, habitâ ratione, vel rerum varietatis et mixturæ, vel metrorum confusionis transit significatio. His positis, difficile non est scire quid sit *exquirere sententias per saturam*. Nimirum consul in Jugurthæ negotio, quasi in re facili et confectâ versatus est: (neque verò aliter opus fuisset, si ille deditionem veram fecisset:) sententiam suam pro rerum numero et ratione non divisit, sed multas res simul complexus, confusè aliorum sententias rogavit. Eo modo, nisi cum callidis, et iisdem cordatis, viris negotium expediendum sit, facile est quemvis irretire et decipere. Nostrates istud vocant, *faire un pot pourri d'une affaire*.

erat, elephanti xxx, pecus, atque equi multi, cum non parvo argenti pondere, quæstori traduntur. Calpurnius Romam ad magistratus<sup>a</sup> rogandos proficiscitur. In Numidiâ et exercitu nostro pax agitata. Postquam res in Africâ gestas, quoque modo actæ forent, fama divulgavit; Romæ per omnes locos, et conventus de facto consulis agitari. Apud plebem gravis invidia: patres solliciti erant; probarentne tantum flagitium, an<sup>b</sup> decretum consulis subverterent, parum constabat. Ac maximè eos potentia Scauri, <sup>1</sup> quòd is auctor et socius Bestiæ ferebatur, à vero bonoque impediēbat. At C. Memmius, cujus de libertate ingenii, et odio potentiæ nobilitatis, suprâ diximus; inter dubitationem et moras senatûs, concionibus populum ad vindicandum hortari: monere, ne remp. ne libertatem suam desererent; multa superba, crudelia facinora nobilitatis ostendere; prorsus intentus omni modo plebis animum accendebat. Sed quoniam eâ tempestate Romæ Memmii facundia clara pollensque fuit, decere existimavi unam, ex tam multis, orationem prescribere; ac potissimùm ea dicam, quæ in concione, post reditum Bestiæ, hujuscemodi verbis disseruit.

“ Multa me dehortantur à vobis, Quirites, ne studium reipub. “ omnia superet: opes factionis, vestra patientia, jus nullum; ac “ maximè, quod<sup>2</sup> innocentiae plus periculi, quàm honoris est. Nam “ illa quidem piget dicere, <sup>c</sup> his annis xv. quàm ludibrio fueritis su- “ perbiæ paucorum; quàm fædè, quamque inulti perierint vestri, “<sup>d</sup> defensores; uti vobis animus ab ignaviâ, atque socordiâ corrup-

## INTERPRETATIO.

<sup>1</sup> Quia is discebatur esse auctor flagitii et socius Bestiæ, in eo admittendo.

<sup>2</sup> Multa me deterrent à vobis defendendis, Quirites, nisi affectus meus in rempublicam omni im-

pedimento major esset: opes factionis, vestra patientia, justitiæ contemptus me deterreret, ac præsertim quòd plus periculi redundat in bonos et honestos, quàm honoris.

## NOTÆ.

a Rogandos.] Quicquid alii dicant, omnino arbitror ita intelligendum esse hunc locum, ut Calpurnius Romam concesserit ad rogandum populum de consulibus et aliis magistratibus, in annum proximum creandis; Mortuo enim Scipione collegâ, nisi ipse adfuisset, interregem eâ gratiâ creari oportuisset; cum neque prætor, neque alius magistratus jus illud haberet. Fateor equidem, ut invidiam minueret, si quâ in se concitata esset, Calpurnium maturè in urbem concessisse; et enim animam meum inducere nequeo, per rogare magistratus intelligendum esse,

Rogar an satis illis placeret quòd cum Jugurthâ esset factum.

b Decretum.] Quo in deditionem Jugurtham, certis conditionibus, acceperat.

c Hic.] Quibus, post Gracchorum mortem, nobilitas in plebem sævierat. Cæterum à Tiberii Gracchi obitu ad Calpurnii consulatum vicesimus tertius annus decurrebat: unde concludas, vel locum corruptum, vel annorum supputationem subtilem, et accuratam non esse.

d Defensores.] Quales Gracchi, Fulvius.

"tus sit: qui ne nunc quidem, \*obnoxiiis inimicis, exsurgitis, atque  
 "etiam nunc timetis eos, quibus vos decet terrori esse. Sed quam-  
 "quam hæc talia sunt, tamen obviam ire <sup>1</sup>factionis potentia, ani-  
 "mus subigit. Certè ego libertatem, quæ mihi à parente meo tra-  
 "dita est, <sup>2</sup>experiar: verum id frustrà, an <sup>3</sup>ob rem faciam, in ves-  
 "trà manu situm est, Quirites. Neque ego vos hortor, quod sæpe  
 "maiores vestri fecère, uti contra injurias armati, eatis. Nihil vi,  
 "nihil <sup>b</sup>secessionis opus: necesse est, <sup>c</sup>suomet <sup>d</sup>ipsi more præci-  
 "pites eant. Occiso Ti. Graccho, quem <sup>e</sup>regnum parare aiebant,  
 "in plebem Romanam <sup>f</sup>quæstiones graves habitæ sunt. Post C.  
 "Gracchi, et M. Fulvii cædem, item <sup>g</sup>ordinis vestri, multi mortales  
 "in carcere necati sunt. Utriusque cladis non <sup>h</sup>lex, verum <sup>i</sup>libido  
 "eorum, finem fecit. <sup>k</sup>Sed sanè fuerit regni reparatio, plebi jura  
 "sua restituere. <sup>l</sup>Quidquid sine sanguine civium <sup>m</sup>ulcisci <sup>n</sup>nequi-  
 "tur, jure factum sit. Superioribus annis taciti indignabimini a ra-  
 "rium expilari, reges et populos <sup>o</sup>liberos paucis nobilibus vectigal

INTERPRETATIO.

<sup>1</sup> Tamen animus, me cogit resi-  
 "stere potentia factionis.

<sup>2</sup> Certè ego libertate uti, quæ  
 mihi à parente meo tradita est,  
 non desistam.

<sup>3</sup> Verum, in vestrà potestate si-  
 tum est, idne frustrà experiar, an  
 in vestrum commodum.

NOTÆ.

<sup>a</sup> Obnoxiiis.] Id est, In flagitio depre-  
 hensis et sub potestate redactis. Gall. Sur  
 qu' vous avez si belle prise.

<sup>b</sup> Secessione.] In Catalinâ vidimus ter-  
 quaterve plebem à patribus secessisse.

<sup>c</sup> Suomet.] Quæstionibus scilicet, quæ  
 in eos habebantur, quomodo eas in plebem  
 exercebant.

<sup>d</sup> Ipsi.] Nobiles, qui in culpâ sunt de-  
 prehensi.

<sup>e</sup> Regnum.] Memorat Plutarchus Pom-  
 peium, priusquam T. Gracchus interficeretur,  
 se scire dixisse, huic diadema  
 et purpureas vestes, tanquam Romæ  
 regnatura, allatas esse. Florus verò,  
 eum refert, dum, manu caput tangens,  
 plebem ad defensionem salutis suæ hor-  
 taretur, regnum sibi et diadema poscentis  
 speciem præbuisse.

<sup>f</sup> Quæstiones.] Des informations et pro-  
 cédures criminelles.

<sup>g</sup> Ordinis.] Plebei scilicet: tres enim  
 fuisse antea vidimus.

<sup>h</sup> Lex.] Non Porcium modò aliasve  
 intelligit leges, quæ pro civium tergo  
 sancitæ essent; sed jus omne et æquita-  
 tem quam inter cives servare decet.  
 Sensus est, usque in plebem nobiles se-

visse, dum sanguine ejus libidinem suam  
 satiassent.

<sup>i</sup> Libido.] Leur caprice.

<sup>k</sup> Sed.] Sensus paulò remotior est:  
 Concedit adversariis, quod acerrimè  
 contra ipsos retorqueat, idque cum ama-  
 rà ironiâ, quasi dicat, verum jam tempus  
 non est de istis oltercari; esto, quandoquæ-  
 dem ita placet nobilitati, illis concedo male  
 fecisse Gracchos, eosque regiam autorita-  
 tem in civitatem reduxisse, quando plebi,  
 quod suum est, restitutum voluerunt.

<sup>l</sup> Quidquid.] Conclusio est, quam Mem-  
 mus ex iis quæ adversariis concessit  
 pro causâ suâ deducit: vult nimirum  
 bene fecisse nobiles, qui commentitios  
 regni reparatores interfecerint, ut potio-  
 ri jure, plebi in flagitiosissimos nobiles liceat  
 inquirere.

<sup>m</sup> Ulcisci.] Passive: quod facilè non  
 est imitandum.

<sup>n</sup> Nequitur.] Antique.

<sup>o</sup> Liberos.] Cum publicè sub imperio  
 Romani ditione esse deberent, atque  
 reipublica tributa pendere; aut si socii  
 fuissent et liberi, ab ejusmodi paucorum  
 tyrannide tuti agitare.

“pendere, penès eosdem et summam gloriam, et maximas divitias  
 “esse: tamen hæc talia facinora impunè suscepisse. <sup>a</sup> parum habu-  
 “ere: itaque postremò leges, majestas vestra, divina et humana om-  
 “nia <sup>b</sup> hostibus tradita sunt. Neque eos, qui ea fecere, pudet, aut  
 “pænitet; sed incedunt <sup>c</sup> per ora vestra magnificè, sacerdotia, et  
 “consulatus, pars triumphos suos, ostentantes; perinde quasi ea  
 “<sup>c</sup> honori, non prædæ habeant. <sup>d</sup> Servi æri parati injusta imperia  
 “dominorum non perferunt; vos, Quirites, imperio nati æquo ani-  
 “mo servitutem toleratis? At, qui sunt hi, qui remp. occupavere?  
 “Homines sceleratissimi, cruentis manibus immani avaritiâ, nocen-  
 “tissimi, iidemque superbissimi, quibus fides, decus, pietas, postre-  
 “mò honesta, atque inhonesta omnia quæstui sunt. <sup>e</sup> Pars eorum,  
 “<sup>d</sup> occidisse tribunos pl. alii quæstiones injustas, plerique eadem in  
 “vos fecisse, pro munimento habent; ita, quàm quisque pessimè  
 “fecit, tam maximè tutus est: <sup>e</sup> metum à scelere suo ad ignaviam  
 “vestram transtulere: quos omnes, eadem cupere, eadem odisse,  
 “<sup>f</sup> eadem metuere in unum <sup>g</sup> coëgit. Sed hæc inter bonos amicitia,  
 “inter malos factio est. Quod si vos tam libertatis curam habere-  
 “tis, quàm illi ad dominationem accensi sunt; profectò neque resp.  
 “<sup>h</sup> sicuti nunc, vastaretur; et beneficia vestra penès optimos, non

## INTERPRETATIO.

- <sup>1</sup> *Ambulant magnificè in medi o* | *interfecisse tribunos plebis, aliis*  
*vestrum.* | *vos quæstionibus injustis vexasse,*  
<sup>2</sup> *Servi argento acquisiti non to-* | *plerisque eadem in vos fecisse.*  
*lerant injusta imperia dominorum.* | <sup>4</sup> *Neque respublica vastaretur,*  
<sup>3</sup> *Eorum nonnullis præsidio est* | *sicuti vastatur nunc.*

## NOTÆ.

a *Parum.*] Id est, non contenti fuerunt.  
 b *Hostibus.*] De Jugurthâ etiam intel-  
 ligit, cui certè P. Romani majestas pecu-  
 niâ prodita fuerat.

c *Honori.*] Id est, Quasi honestè partas  
 dignitates propter honorem retinissent,  
 non propter prædâ. Gall. Tout de même  
 que s'ils regardoient les charges et les dig-  
 nités de la république comme des recompen-  
 ses honorables de la vertu, et non comme des  
 moyens d'exercer leur brigandage.

d *Occidisse.*] Hi infinitivi vicem præ-  
 stant accusativi casus.

e *Metum.*] Ratio est superioris com-  
 matis ingeniosissima. Ideo, inquit, pes-  
 simus quisque tutissimus est, quia max-  
 imè metuitur, postquam à se scelesto  
 metum ad ignaviam transtulit.

f *Eadem.*] Ne scilicet, aliquando jus

sum populus repetat, eoque adversus  
 nocentes utatur.

g *Coëgit.*] Potest his locus ita exponi,  
 ut coëgit neutro passivi verbi vim habeat;  
 sensusque idem fuerit ac si pro coëgit  
 convenit posuisset, nisi quod illud signi-  
 ficantius et expressius est. Sed simpli-  
 cius intelligi malim, voloque ut infinitivi  
 isti pro nominativis sumantur verbi coë-  
 git. Atque sententia istorum verborum  
 ea ipsa erit quam in bello Catilinario Ca-  
 tilina ipse expressit, cum dixit, eadem  
 velle et eadem nolle, firmam demum effi-  
 cere amicitiam. Nimirum intendit Mem-  
 mius eâ causâ tam egregiè inter se con-  
 gruere nobiles, et tam enixè uno conatu  
 plebem opprimere, quòd omnes uno et  
 eodem crimine teneantur, atque adeò ea-  
 dem timeant, et odio persequantur.

"audacissimos, forent. Majores vestri <sup>a</sup> parandi juris, et majestatis constituendæ, gratiâ? bis per secessionem armati <sup>b</sup> Aventinum occupavere: vos pro libertate, quam ab illis accepistis, nonne summa ope nitemini? Atque eò vehementius, quo majus dedecus est, parta amittere, quàm omnino non paravisse! Dicit aliquis, quid igitur censes? Vindicandum in eos qui hosti prodidere remp. non manu, neque vi: quod magis vos fecisse, quàm illis accidisse, indignum est: verùm questionibus, et indicio ipsius Jugurthæ, qui <sup>c</sup> si <sup>d</sup> dedititius est profectò jussis vestris obediens erit: sin ea contemnit, scilicet, æstimabitis, qualis illa pax, aut deditio sit, ex quâ ad Jugurtham scelorum impunitas, ad paucos potentes maximæ divitiæ, <sup>e</sup> in rempubl. damna, atque dedecora, pervenerint. Nisi fortè nondum etiam vos dominationis eorum satietas tenet, et <sup>f</sup> illa, quàm <sup>g</sup> hæc tempora, magis placent, cùm regna, provinciæ, leges, jura, judicia, bella atque paces, postremò divina et humana omnia penes paucos erant: vos autem, hoc est, P. R. invicti ab hostibus, imperatores omnium gentium, satis habebatis <sup>h</sup> animam retinere. Nam servitutem quidem quis vestrùm audebat recusare? Atque ego tametsi viro <sup>i</sup> flagitiosissimum existimo impunè injuriam accepisse; tamen, vos hominibus sceleratissimis ignoscere, quoniam cives sunt, æquo animo paterer, ni misericordia in perniciem casura esset. Nam et illis, quantum importunitatis habent, <sup>j</sup> parum est, impunè male fecisse: nisi deinde faciendi

INTERPRETATIO.

<sup>1</sup> Qui, si revera deditionem fecit, et se populo Romano tradidit, profectò vobis obtemperabit.

<sup>2</sup> Vos autem, cùm essetis Imperatores omnium gentium, contenti eratis vivere.

<sup>3</sup> Nam, et illi, quanto est sua importunitas, pro nihilo ducunt quòd hæcenus impunè deliquerunt; et deniceps multò plura patrabunt nisi illis malefaciendi licentia in posterum eripitur.

NOTÆ.

a Parandæ.] Ut tribunos suos obtinerent, qui sacrosanctâ suâ potestate plebem defenderent et tuerentur.

b Aventinum.] Alii Capitolium dicunt.

c In rempubl.] Omnino, nam regnum quod Masinissæ Romani tradiderunt extinctis ejus legitimis hæredibus, jure ad ipsos redibat, neque verò sociorum et amicorum injurias sine indecore ultas relinquere poterant.

d Illa.] Quibus, post Gracchorum mortem, oppressi fuistis.

e Hæc.] Quibus jus vestrum potestis et asserere et vindicare.

f Flagitiosissimum.] Nobis, sub Christi disciplinâ institutis, nefas est acceptas injurias ulcisci: imò ostendit recta ratio

illi reipublicæ occidendum esse, in quâ privata vindicta toleratur. At verò neque illam auctor suadet. Scopus est dicere, eos quibus pœnarum irrogandarum potestas data est, flagitiosissimè facere, cùm gratiâ, socordiâ, aut quâvis aliâ causâ, noxium aliquem impunitum relinquant. Verissimè et optimè, si quicquam aliud: ignoscendo enim sit tandem, ut qui pessimi sunt incautos de solio deturbent, deinde quos viros bonos sciunt, prædas et victimas suas faciant. Stat publicum bonum legibus; leges tueatur severitas; neque inter homines, ineptâ illâ facilitate, quam ostentant nonnulli rerum publicarum moderatores, majus est malum.

“licentia eripitur, et vobis æterna sollicitudo remanebit, cūm intelli-  
 “getis aut serviendum esse; aut <sup>1</sup> per manus libertatem retinendam.  
 “Nam fidei quidem, aut concordiae quæ spes est? Dominari illi vo-  
 “lunt, vos liberi esse: facere illi injurias, vos prohibere: postremo  
 “sociis vestris veluti hostibus, <sup>2</sup> hostibus pro sociis, utuntur. Po-  
 “testne in tam diversis mentibus pax, aut amicitia esse? Quare mo-  
 “neo, hortorque vos, ne tantum scelus impunitum dimittatis. Non  
 “peculatus ærarii factus est, neque per vim sociis ereptæ pecuniæ,  
 “quæ quamquam gravia sunt, tamen consuetudine jam pro nihilo  
 “habentur. Hosti accerrimo <sup>b</sup> prodita senatûs auctoritas: proditum  
 “imperium vestrum: <sup>c</sup> domi <sup>d</sup> militiæque resp. venalis fuit. Quæ  
 “nisi <sup>e</sup> quæsitæ erunt, nisi vindicatum in noxios, quid erit reliquum,  
 “nisi ut illis, qui ea fecere, obediētes vivamus? Nam impune qui-  
 “libet facere, id est <sup>f</sup> regem esse. Neque ego vos, Quirites, hortor,  
 “uti jam <sup>g</sup> malitis cives vestros perperam, quàm rectè, fecisse: sed  
 “ne, ignoscendo malis bonos perditum eat. Ad hoc, <sup>h</sup> in rep.  
 “multo præstat, beneficii, quàm maleficii, immemorem esse. Bo-  
 “nus tantummodo segnior fit, ubi negligas: at malus improbior.  
 “Ad hoc, si injuriæ non sint, haud sæpè auxilii egeas.”

## INTERPRETATIO.

<sup>1</sup> Aut vi et armis libertatem esse conservandam.

## NOTE.

a *Hostibus.*] Id factum in Jugurthæ negotio; fuit ille sceleratus; amicos habuit nobiles: Atherbal innocens vixit; ab omnibus derelictus fuit.

b *Prodita.*] Planissimè, quandoquidem Jugurthæ, contra senatûs mandatum, impune licuerit Atherbalem persequi et trucidare; crimine à nobilibus pecuniâ redempto.

c *Dom.*] Quando Romam legati venerunt.

d *Militiæque.*] Per Romam et Scaurum.

e *Quæsitæ.*] Si on n'en fait pas une bonne enquête.

f *Regem.*] In malam partem accipitur hoc in loco; neque quisquam post eorum expulsam dominationem, Romæ ejus dignitatis nomen assumere ausus est.

g *Malitis.*] Nonnulli conspiciunt interdum ita malè sani homines, qui quasi venenata infecta essent, virus suum, quocumque non inveniunt, important: id unicè amant, quærunt, colligunt, generant, et ut apertè loquar, aliis crimina

affingunt, ut suis vivant. Ab iis maximè cavendum, cūm præsertim aliquid in republicâ administrant: nam muneris obendi specie quasi jure, quoscumque lubet, sub togâ effocant; cūmque leges ipsorum sint arbitrio, iis sibi presidium dum parent, iisdem, aliis, quibus invigilant, perniciem machinantur. Ideo eos notavi quod obiter Memmius sceleratam gentem attingat, quamque, nisi in laqueos inciderit, nullus sub hypocrisis larva insidiantem, satîs cognoverit.

h *In rep.*] Hoc est notatu dignissimum: cūm enim in paradoxis non sine causâ recenseas, verissimum est tamen, et ex politicorum sinu depromptum. Neque verò aliud postulant, boni cives, quàm ne ullus malus sit in republicâ: quisque sibi postea abunde prospicit. At secus est inter privatos: illos enim decet oblivisci injuriarum, meminisse acceptorum beneficiorum; quin et ipsi, et omnes ultro benefacere debent.

Hæc, atque alia hujuscemodi sæpè dicendo, C. Memmius populo Rom. persuadet, uti L. <sup>a</sup> Cassius, qui tum prætor erat, ad Jugurtham mitteretur : eumque <sup>b</sup> interpositâ fide publicâ, Romam duceret, quò faciliùs indicio regis, Scauri, et reliquorum, quos pecuniâ captæ <sup>c</sup> arcessebant, delicta patefierent. Dum hæc Romæ geruntur qui in Numidiâ relictî ab Bestiâ exerictui præerant, secuti morem imperatoris sui, plurima, et flagitioissima facinora fecêre. Fuêre, qui auro corrupti, elephantos Jugurthæ traderent ; alii <sup>e</sup> perfugas venderent ; pars ex <sup>d</sup> pacatis prædas agebant. Tanta vis avaritiæ in animos eorum, veluti tabes, invaserat. At Cassius prætor, <sup>2</sup> perlatâ <sup>e</sup> rogatione à C. Memmio, ac percussâ omni nobilitate, ad Jugurtham profisciscitur ; eique timido, et ex conscientia diffidenti rebus suis, persuadet, quoniam se populo R. dedidisset, ne vim, quàm misericordiam ejus, experiri mallet : privatim præterea fidem suam <sup>f</sup> interponit, quam illè non minoris, quàm publicam ducebat. Talis eâ tempestate fama de Cassio erat. Igitur Jugurtha, contra decus regium, cultu quàm maximè miserabili, Romam venit. At tametsi in ipso magna vis animi erat confirmatus ab omnibus, quorum potentia aut scelere cuncta ea gesserat, quæ suprâ memoravimus, C. Bæbium tribunum pleb. magnâ mercede parat, cujus <sup>g</sup> impudentiâ contra <sup>h</sup> jus, et injurias omnes munitus foret. Ac C. Memmius advocatâ concione, quanquam regi infesta plebes erat, et pars in vincula duci jubebat ; pars, ni socios sceleris aperiret, more majorum de hoste supplicium sumi ; dignitati magis quàm iræ consulens, sedare motus, et animos eorum mollire : postremò confir-

INTERPRETATIO.

<sup>1</sup> *Ut delicta Scauri et reliquorum quod ab Jugurthâ pecunias accepisse dicebant, faciliùs in lucem prodirent ejus declaratione.*

<sup>2</sup> *At Cassius prætor profisciscitur ad Jugurtham, postquam C. Memmius à populo impetrasset quod rogaverat.*

NOTÆ.

<sup>a</sup> *Cassius.*] Hunc fuisse volunt virum maximæ severitatis ; idque adeò postmodum ex autore cognoscetur.

<sup>b</sup> *Interpositâ.*] Id est, Jugurthæ pollicendo, quòd ipsi inviolato domum reverti liberum esset.

<sup>c</sup> *Perfugas.*] Maximum indè malum in rempublicam redundabat ; non enim deinceps ausus fuisset quisquam ex Jugurthæ militibus ejus militiam abjurare, veritus ne pariter ad ipsum remitteretur.

<sup>d</sup> *Pacatis.*] Illi provincias Romanis subiectas, et socios compellabant.

<sup>e</sup> *Rogatione.*] Quâ à populo petiverat, ut quæreretur in eos qui pecuniâ rempublicam Jugurthæ prodidissent.

<sup>f</sup> *Interponit.*] Id est, Præter fidem publicam se fidei servandæ sponsores constituit.

<sup>g</sup> *Impudentiâ.*] Plenius intelligitur postea tota res : interea sciendum est, quòd uno tribuno resistente, frustrâ erat, quicquid ab aliis tentaretur.

<sup>h</sup> *Jus.*] Id est, Ne timeret quicquid secundum leges, et ex equo contra ipsum decerni posset.

mare fidem publicam <sup>a</sup> per sese inviolatam fore. Post ubi silentium cepit, producto Jugurthâ, verba facit: Romæ Numidiæque facinora ejus memorat: scelera in patrem, fratresque ostendit: <sup>1</sup> quibus juvenibus, quibusque ministres ea egerit, quanquam intelligat populus R. tamen velle manifesta magis ex illo habere; si vera aperiret, in fide, et clementiâ populi R. magnam spem illi sitam; sin reticeat, non sociis saluti fore, sed se suasque spes corrupturum. Dein, ubi Memmius dicendi finem fecit, et Jugurtha respondere jussus est; C. Bæbius tribunus pleb. quem pecuniâ corruptum suprâ diximus, regem tacere <sup>b</sup> jubet: ac tametsi multitudo, quæ in concione aderat, vehementer accensa, terrebat cum clamore, vultu, sæpè impetu, atque aliis omnibus, quæ ira fieri amat: <sup>c</sup> vicit tamen impudentia. Ita populus, ludibrio habitus, ex concione discedit: Jugurthæ Bestiæque, et cæteris, quos illa quæstio exagitabat, animi augescunt. Erat eâ tempestate Romæ Numida quidam, nomine Massiva, Gulussæ filius, Masinissæ nepos: qui, quia, in dissensione regum, Jugurthæ adversus fuerat, deditâ Cirtâ, et Atherbale interfecto, profugus ex Africâ abierat. Huic Sp. Albinus, qui proximo anno post Bestiam cum Q. Minucio Rufo consulatum gerebat, persuadet, quoniam ex stirpe Masinissæ sit, Jugurtham ob scelera invidiâ cum <sup>d</sup> metu urgeat, regnum Numidiæ ab senatu petat. Avidus consul belli gerendi, moveri, quàm <sup>e</sup> senescere, omnia malebat. Ipsi provincia Numidia, Minucio <sup>e</sup> Macedonia, evenerat. Quæ postquam Massiva agitare cepit, neque Jugurthæ in amicis satis præsidii est; quod eorum alium conscientia, alium mala fama, et timor animi impediabat; Bomilcari proximo, ac maximè fido sibi, imperat; <sup>3</sup> pretio,

## INTERPRETATIO.

<sup>1</sup> Dicit Memmius P. Romanum gerendi malebat omnia turbare  
quanquam is intelligat quibus ju- quàm pacificari.

vantibus, quibusque ministris ea <sup>3</sup> Imperat Bomilcari propinquo,  
scelera Jugurtha patraverit; tam- ac maximè fido sibi, ut quemadmo-  
men velle ea ipsa magis ab ipso dum confeceret multa pecuniâ et vi  
cognoscere. nummi, sic quòque pretio quærat

<sup>2</sup> Consul maximè cupidus belli percussores Massivæ.

## NOTE.

<sup>a</sup> Per sese.] Id est, Quanquam omnes  
contrà niterentur, id tamen, vel periculo mor-  
tis præstiturum.

<sup>b</sup> Jubet.] Jam patet quàm durum os fuerit  
istius Bæbii: nusquam par reperta est im-  
pudentia et audacia.

<sup>c</sup> Vicit.] Quia scilicet, populus nolebat,  
quos summâ vi paraverat sibi defensores,  
palam mactare.

<sup>d</sup> Metu.] Id est, Invidiâ et metu. Ar-  
bitror verò intelligendum esse de metu  
Romanæ plebis, ut aliquando etiam contra  
se ipsa ausurum Jugurtham credat scelera  
sua convertere.

<sup>e</sup> Macedonia.] Notissima Europæ re-  
gio, Philippi, ac deinde Alexandri magni  
imperii sedes, supra Græciam sita ad Sep-  
tentrionem.



sicuti multa confecerat, insidiatores Massivæ paret, ac maximè occultè. Sin<sup>a</sup> id parùm procedat, quovis modo Numidam interficiat. Bomilcar maturè regis mandata exsequitur, et per homines, talis negotii artifices, itinera egressusque ejus postremò loca, atque tempora cuncta explorat: dein, ubi res postulabat, insidias tendit. Igitur unus ex eo numero, qui ad cædem parati erant, paulo<sup>b</sup> inconsultius Massivam aggreditur, illum obtruncat, sed ipse deprehensus. Multis hortantibus, et in primis Albino consule, c<sup>c</sup> indicium proficitur. Fit reus magis<sup>d</sup> ex æquo bonoque, quàm ex jure gentium Bomilcar, comes ejus, qui Romam fide publicâ venerat. At Jugurtha, e<sup>e</sup> manifestus tanti sceleris, f<sup>f</sup> non priùs omisit contra verum niti, quàm animadvertit, g<sup>g</sup> super gratiam, atque pecuniam suam, invidiam facti esse. Igitur quanquam in priore<sup>h</sup> actione ex amicis quinquaginta<sup>i</sup> vades dederat, regno magis, quàm vadibus consulens, clam in Numidiam Bomilcarem dimittit; veritus, ne reliquos popularis metus invaderet parendi sibi, si de illo supplicium sumptum foret: et ipse paucis diebus eòdem profectus est, k<sup>k</sup> jussus à senatu Italiâ decedere.<sup>l</sup> Sed postquam Româ egressus est, fertur, sæpè tacitus eò respiciens, postremò dixisse, urbem<sup>l</sup> venalem, et maturè perituram, si emptorem invenerit. Interim Albinus, renovato bello, comeatum, stipendium, aliaque, quæ militibus usui forent, maturat in Africam portare; ac statim ipse profectus, ut ante<sup>m</sup> comitia, quod tempus haud longè aberat, armis, aut deditione, aut quovis modo bellum conficeret. At contrà Jugurtha trahere omnia,

NOTE.

a *Id parùm.*] Id est, non posse occultè Massivam interficere.

b *Inconsultus.*] Scilicet intervenerunt aliqui dum scelus patraret; vel ille antè num satis omnia tuta essent, minùs circumspexerat.

c *Indicium.*] Id est, *Declarat se, cujus consilio tantum facinus ausus esset, dicturum.*

d *Ex æquo.*] Id est, magis habitâ ratione naturalis æquitatis, quàm juris gentium; quo ne quis eos, qui fide publicâ venerunt, attingat, sanctum est.

e *Manifestus.*] Versimile non est Jugurtham testibus, vel Bomilcaris indicio, convictum fuisse; at, ex re ipsâ, quæ evidens erat, pro manifesto habebatur.

f *Non priùs.*] Id est, *Semper contra veritatem rixus est, donec supra gratiam et pecuniam, suam facti invidiam esse vidit.*

g *Super gratiam.*] Intellige Jugurthæ amicos facti et sceleris ejus invidiam declinare nequissime.

h *Actione.*] Forensi, scilicet, cum pri-

mum intenta est accusatio contrà ipsum in judicio.

i *Vades.*] Qui eum judicio sistere promiserant. Gall. *De les représenter en justice.* Scilicet, illi Romani fuerunt.

k *Jussus.*] Vides itaque illi, quantumvis pessimo, servatam fidem. Interim Livius clam eum aufugisse dicit: non abs re sanè; nam ex æquo bonoque morte multari poterat.

l *Venalem.*] Vide mihi, quæso quid tandem de Româ pronunciat vir, quanquam nequissimus, certè tamen sagacissimus; venalem dicit: Romam magis contemnere non potuit. Plùs est, quàm si scelestissimam aut perditissimam dixisset; nec majus esse potest hominum depravatorum et perditorum indicium, quàm justitiam et æquitatem, omnia denique auro rependere. Actum est de republicâ in quâ ea pestis grassatur.

m *Comitia.*] Id est, *Antequam conventus fierent pro magistratuum creatione.*

et alias, deinde alias, moræ causas facere : polliceri deditionem, ac deinde <sup>a</sup>metum simulare : <sup>b</sup>instanti cedere, et paulò post, ne sui diffiderent, instare : ita belli modò, modò pacis morâ, consulem ludificare. Ac fuère, qui tum Albinum haud ignarum <sup>c</sup>consilii regis existimarent : neque ex tantâ <sup>d</sup>properantiâ tam facili tractum bellum socordiâ magis, quàm dolo crederent. Sed postquam, dilapso tempore, comitiorum dies adventabat, Albinus, Aulo fratre in castris proprætore relicto, Romam decessit. Eâ tempestate Romæ seditionibus tribunitiis atrociter resp. agitabatur. P. Lucullus, et L. Annius, tribuni pleb. resistantibus collegis, continuare magistratum nitebantur ; quæ dissentio totius anni comitia impediabat. Eâ mora in spem adductus Aulus, quem proprætorem in castris relictum suprâ diximus, aut conficiendi belli, aut terrore exercitus <sup>e</sup> ab rege pecuniæ capiendæ, milites mense Januario ex hibernis in expeditionem evocat ; magnisque itineribus, hieme asperâ, pervenit ad oppidum Suthul, ubi regis thesauri erant. Quod quanquam, et sævitia temporis, et opportunitate loci, neque capi. neque obsideri poterat ; (nam circum murum situm in prærupti montis extremo planicies limosa hiemalibus aquis paludem fecerat) tamen aut <sup>d</sup> simulandi gratiâ, quò regi formidinem adderet, aut cupidine cæcus, ob thesauros, oppidi potiendi, vineas <sup>e</sup> agere, <sup>f</sup> aggerem jacere, aliaque, quæ incepto usui forent, properare. At Jugurtha, cognitâ vanitate atque imperitiâ legati, subdolus ejus augere amentiam : missitare <sup>g</sup> supplicantes legatos : ipse, quasi vitabundus, per saltuosa loca, et tramites exer-

## INTERPRETATIO.

<sup>1</sup> *Fuère qui non crederent, post tantum Albini properantiam bellum prolongatum fuisse magis socordiâ, quàm dolo.*

<sup>2</sup> *Aulus adductus eâ morâ in spem, aut conficiendi belli, aut pecuniâ ab rege accipiendæ, cum ipsi terrorem injecisset suo exercitu, mense Januario evocat milites in expeditionem, ex locis in quibus hibernum tempus exigebant.*

## NOTE.

a *Metum.*] Intellige, Albinum ad deditionem rationibus plurimis Jugurtham induxisse, Jugurthamque pollicitum esse, postea verò eundem recusasse, quasi timuisset ne erga se P. Romanus, contra quem Albinus ingerebat, severitate magis quàm misericordiâ uteretur.

b *Instanti.*] Consuli, scilicet, Albino. Tota ista ratio omnimodo ad Romanorum effugienda et eludenda arma apta erat.

c *Consilii.*] Id est, *Hæc omnia ex compacta fieri.*

d *Simulandi.*] Se, scilicet, in animo ejus urbis obsidionem habere. Fatuus

homo, quasi cum puerulo rem susciperet!

e *Agere.*] Id est, urbem versùs promoveri.

f *Aggerem.*] Terra est, quæ cum lignis et obviâ quâque materiâ, in montis modum congeritur ; cujus in bello, vel ad propugnandum, vel ad oppugnandum usus multus est.

g *Supplicantes.*] Ut crederet Aulus eâ causâ timere et diffidere Jugurtham, quòd obsidione urbis Suthul cingeretur ; atque adeò in eâ permaneret, cum ipse urbem Aulo sciret insuperabilem.

citum ductare. Denique Aulum spe pactionis perpulit, uti relicto Suthule, in abditas regiones sese, veluti cedentem, insequeretur : ita <sup>a</sup> delicta occultiora fuere. Interea per homines callidos, die noctuque exercitum <sup>b</sup> tentabat : centuriones, ducesque <sup>c</sup> turmarum partim uti transfugerent, corrumpere : alii signo dato, locum uti desererent. Quæ postquam ex sententiâ instruxit, intempestâ nocte de improvviso multitudine Numidarum Auli castra circumvenit. Milites Romani, perculsi tumultu insolito, arma capere alii ; alii se abdere ; pars ter- ritos confirmare ; trepidare : omnibus locis vis magna hostium : cælum nocte, atque nubibus obscuratum : periculum <sup>d</sup> anceps : postremò fugere, an manere, tutius foret, in incerto erat. Sed ex eo numero, quos paulò antè corruptos diximus, <sup>e</sup> cohors una <sup>f</sup> Ligurum, cum duabus turmis <sup>g</sup> Thracum, et paucius gregariis militibus, transiére ad regem ; et centurio <sup>h</sup> primipili <sup>i</sup> tertiæ legionis per <sup>k</sup> munitionem, quam, uti defenderet, acceperat, locum hostibus introeundi dedit : eaque Numidæ cuncti irrupere. Nostri sædâ fugâ, pleriquæ ab- jectis armis, proximum collem occupavere. Nox, atque præ- da castrorum, <sup>l</sup> hostes quò minùs victoriâ <sup>l</sup> uterentur, remorata sunt. Dein Jugurtha postero die cum Aulo in colloquio verba facit : tametsi ipsum cum exercitu fame ferroque clausum tenet,

INTERPRETATIO.

<sup>l</sup> Nox, atque præda castrorum remorata sunt hostes, quo minùs victoriâ uterentur.

NOTÆ.

<sup>a</sup> Delicta.] Auli cum Jugurthâ.

<sup>b</sup> Tentabat.] Ut quoquomodo aliquid adversus ipsum pararet.

<sup>c</sup> Turmarum.] Turma in equitatu ean- dem rationem habet, quàm centuria in pe- ditatu : nisi quòd triginta tantum equitibus constat.

<sup>d</sup> Anceps.] Sive fugerent, sive mane- rent.

<sup>e</sup> Cohors.] Ex manipulis tribus confi- ciebatur, in quibus singulis duæ erant cen- turia, quæ quidem primo 60 militum fue- runt, deinde, cum ipsâ legione, militum numero, per proportionem, adauctæ sunt.

<sup>f</sup> Ligurum.] Hodie dicitur Liguria, La côte de Gènes : ab Alpibus olim, usque ad Macram flumen, et secundum aliquos, ad urbem Pisas porrigebatur.

<sup>g</sup> Thracum.] Thracia supra mare Ægeum sita est, ad septentrionem. Hodie dicitur Romanie.

<sup>h</sup> Primipili.] Primipilus centurio primi- pili, primus legionis centurio, præfec- tus legionis, rem unam et eandem signi- ficant.

<sup>i</sup> Tertiæ.] Legiones ab ordine temporis quo conscriptæ fuerant, deinde à loco, ab imperatoribus, &c. nomina sortitæ sunt, eo quo dicimus modo, *Le regiment de mon Seigneur le Dauphin ; celui de Champagne, &c.*

<sup>k</sup> Munitionem.] Munio dicitur quic- quid ad hostium arcendos impetus com- paratum est, qualis est agger, vallum, &c. Munitionis verò instituendæ partes, ut in singulos dividebantur, ita postquam peracta erat, à centurionibus hic aut illic curantibus, defendebatur.

<sup>l</sup> Uterentur.] Priùs victoriâ uti, quàm frui, decet : adeoque præposterè, Jugur- thini milites, qui antè Romanorum cas- tra spoliant, quàm eos profligaverint.

tamen se <sup>a</sup> memorem rerum humanarum, si secum fœdus faceret incolumes omnes <sup>a</sup> sub jugum <sup>b</sup> missurum; præterea, ut diebus decem Numidiâ decederet. Quæ gravia quanquam, et <sup>c</sup> flagitii plena erant, tamen, quia mortis metu nutabant, sicuti regi lubuerat, pax convenit. Sed ubi ea Romæ comperta sunt, metus atque mœror civitatem invasere: pars dolore pro <sup>d</sup> gloriâ imperii, pars <sup>e</sup> insolita rerum bellicarum timere libertati: Aulo omnes infesti, ac maximè qui bello sæpè præclari fuerant, quòd armatus <sup>f</sup> dedecore potiùs, quàm manu, salutem quæsiverit. Ob ea consul Albinus, ex delicto fratris invidiam, ac deinde periculum, timens; senatum de <sup>g</sup> fœdere consulēbat; et tamen interim exercitui <sup>h</sup> supplementum scribere; ab <sup>i</sup> sociis et <sup>k</sup> nomine Latino auxilia accersere; denique omnibus modis festinare: senatus ita, uti par fuerat, decernit: suo atque populi injussu nullum potuisse fœdus fieri. Consul impeditus à tribunis pl. ne quas paraverat copias secum portaret, paucis diebus in Africam proficiscitur. Nam omnis exercitus, uti <sup>l</sup> convenerat, Numidiâ deductus in provinciâ hiemabat. Postquam eò venit, quanquam persequi Jugurtham, et mederi <sup>m</sup> fraternæ invidiæ animus ardebat; cognitis militibus, quos præter fugam <sup>n</sup> soluto im-

## INTERPRETATIO.

<sup>1</sup> *Tamen se memorem vicissitudinis rerum humanarum, missurum omnes incolumes sub jugum, si Aulus secum fœdus faceret.*

## NOTÆ.

<sup>a</sup> *Sub jugum.*] Eo modo ignominia causa, victos hostes multabant. Duæ videlicet hastæ in terram mittebantur, ad quarum extremas et extantes partes tertia transversa colligabatur, sub quâ discincti et inermes transire victi cogeabantur: qui adeo sese domitos et subactos confitebantur.

<sup>b</sup> *Missurum.*] Infamiae notam pro beneficio Jugurthæ proponit, quia clausos hostes habebat. Pessimè vero sibi consulit: nam aut omnes ad unum occidere, aut prorsus intactos dimittere, debuit.

<sup>c</sup> *Flagitii.*] Flagitium, crimen est, quod dedecus et servilem turpitudinem conjunctam habet.

<sup>d</sup> *Gloriâ.*] Quâ, scilicet, eam omnibus nationibus meritò proculcandam esse videbant.

<sup>e</sup> *Insolita.*] Ita in magnis urbibus fieri solet: ad levissimam quæque trepidant, qui otio assueti, militiæ rudes sunt.

<sup>f</sup> *Dedecore.*] De jugo loquebantur, quod Aulus subierat.

<sup>g</sup> *Fœdere.*] Quod cum Jugurthæ frater iniverat.

<sup>h</sup> *Supplementum.*] Id est, milites qui in occisorum locum substituerentur. Gall. *Des recrues.*

<sup>i</sup> *Sociis.*] Italicis, scilicet, qui ita absolute socii nonnunquam appellantur. A Latinis verò habitatione distinguuntur, cum Latii jure fruerentur.

<sup>k</sup> *Nomine Latino.*] Id est, iis hominibus qui jure Latii seu Latinitatis fruebantur: de quo adi, si lubet, jurisperitos; nam varias ejus mutationes persequi hic non est locus.

<sup>l</sup> *Convenerat.*] Jugurtham inter et Aulum.

<sup>m</sup> *Fraternæ.*] Id est, quæ in eum flagrabat.

<sup>n</sup> *Soluto.*] Cum vident milites ducibus suis, ipsorumque culpâ præsertim omnia malè cedere; solent illi imperium detrecrare, et mandatâ contemnere.

perio, licentia, atque lascivia corruperat, <sup>1</sup> ex copiâ rerum statuit sibi nihil agitandum. Interea Romæ C. Mamilius Limetanus Tr. pleb. <sup>2</sup> rogationem ad populum promulgat, uti quæreretur in eos quorum consilio Jugurtha <sup>3</sup> senati decreta neglexisset; quique ab eo in legationibus, aut imperiis pecunias acceperant; qui elephantos, quique perfugas tradidissent; item, qui de pace, aut bello cum hostibus pactiones fecissent. Huic rogationi partim conscii sibi, alii ex partium invidiâ, pericula metuentes, quoniam apertè resistere non poterant, quin illa, et alia talia placere sibi faterentur; occultè per amicos, ac maxinè per homines nominis Latini, et socios <sup>b</sup> Italicos, impedimenta parabant. Sed plebes, incredibile memoratu est, quantum intenta fuerit, quantâque vi rogationem jusserit, decreverit, voluerit, magis odio nobilitatis, cui mala illa parabantur, quàm curâ reip.; tanta <sup>c</sup> libido in partibus erat. Igitur, cæteris metu perculsis, M. Scaurus, quem legatum Bestiæ fuisse suprâ memoravimus, inter lætitiâ plebis, et <sup>d</sup> suorum fugam, <sup>e</sup> trepidâ etiam tum civitate, cum ex Mamilianâ rogatione tres <sup>f</sup> quæsitores rogarentur, effecerat, ut ipse in eo numero crearetur. Sed, quæstione exercitâ asperè violenterque ex rumore, et libidine plebis, <sup>3</sup> uti sæpè nobilitatem, sic eâ tempestate plebem, ex secundis rebus insolentia ceperat. Cæterum mos partium popularium, et senatûs factionum, ac deinde omnium malarum artium, paucis antè annis Romæ ortus est, otio atque abundantia earum rerum, quæ prima mortales ducunt. Nam ante Carthaginem deletam, populus, et senatus Rom. placidè modestèque inter se rempub. tractabant; neque gloriæ neque dominationis certamen <sup>g</sup> inter cives erat: metus hostilis in bonis artibus civitatem retinebat. Sed ubi formido illa mentibus discessit, scilicet ea,

INTERPRETATIO.

<sup>1</sup> Cùm ita se res haberent, statuit nihil sibi movendum.

<sup>2</sup> Limetanus populum interrogatum ipsi placeret, ut quæstio haberetur in eos, quorum consilio Jugurtha senatûs decretâ contempsisset.

<sup>3</sup> Sed quæstione habitâ asperè et violenter ex admurmurationibus et libidinosis populi votis, insolentia ceperat plebem eâ tempestate propter prosperitatem, uti ceperat sæpè nobilitatem.

NOTÆ.

a Senati.] Pro senatûs; antiquè.  
b Italicos.] Eisdem suprâ socios simpliciter vocavit.  
c Libido.] Hic nihil aliud est, quàm effrænum vincendi desiderium, cum odio.  
d Suorum.] Nobilium, scilicet.  
e Trepidâ.] Vidimus suprâ, ex Aulicæ, multos libertati timere. Itaque facilius fuit Scauro, cæteris lætitiâ aut metu turbatis, cogitata perficere.

f Quæsitores.] Qui in eos inquirerent, qui Jugurthæ faverant.  
g Inter cives.] Qui rempublicam administrant isthuc diligenter animo agitant, ut inquietam hominis naturam contra hostes magis quàm contra cives converterent.

<sup>1</sup> quæ secundæ res amant, lascivia, atque superbia, incessère. Ita  
<sup>2</sup> quod in adversis rebus optaverant, otium, postquam adepti sunt,  
<sup>3</sup> asperius, acerbiusque fuit. Namque cœpere <sup>3</sup> nobilitas dignitatem,  
populus libertatem in <sup>4</sup> lubidinem vertere; sibi quisque ducere, tra-  
here, rapere. Ita omnia in <sup>5</sup> duas partes abstracta sunt; resp. quæ  
<sup>6</sup> media fuerat, dilacerata. Cæterum nobilitas factione magis pol-  
lebat: plebis vis <sup>7</sup> soluta, atque in multitudinem dispersa, minùs  
poterat: paucorum arbitrio belli domique respubl. agitabatur: penès  
eosdem ærarium, provinciæ, magistratus, gloriæ, triumphique erant,  
populus militiâ atque inopiâ urgebatur; prædas bellicas imperatores  
cum paucis diripiebant. Interea parentes, aut parvi liberi militum,  
utî quisque potentiori confinis erat, sedibus pellebantur. Ita cùm  
potentiâ, avaritiâ sine modo modestiaque invadere, polluere, et vastare  
omnia; <sup>8</sup> nihil pensi, neque sancti habere; quoad semet ipsa <sup>9</sup> præci-  
pitavit. <sup>10</sup> Nam ubi primùm ex nobilitate reperti sunt, qui veram

## INTERPRETATIO.

<sup>1</sup> Verùm, ubi ille timor ex ani-  
mis ejectus est, scilicet ea, quæ pros-  
peritas gignit, lascivia nimirum,  
atque superbia viguerunt.

<sup>2</sup> Eo modo, otium, quod optave-  
rant in rebus adversis, fuit gravius  
et acerbius postquam adepti sunt.

<sup>3</sup> Etenim cæperunt inter se, no-

bilitas vertere dignitatem in lubi-  
dinem, Populus verò libertatem.

<sup>4</sup> Ita avaritia inexplibilis et ef-  
frænata juncta potentia, invasit,  
polluit, et vastavit omnia, nihil  
curavit, neque sanctum habuit, us-  
que dum semet ipsa præcipitavit.

## NOTÆ.

a *Asperius.*] Sententia satis aperta est,  
latitat tamen, quodammodo sub hâc locu-  
tione; non enim quod optimus otium, ve-  
rùm ejus privatio, dura est.

b *Lubidinem.*] Frequentissimè utitur  
eâ voce Sallustius, adeoque vim ejus  
opus est perspicere. Voluntatem notat,  
prout aliquo desiderio aut affectu, veri  
boni pro tempore non æstimatâ ratione,  
abripitur.

c *Duas.*] Hinc plebe, illinc stante no-  
bilitate.

d *Media.*] Verè et acutè eum expressit  
modum, quo republicæ intereunt: civitas  
enim et bonum publicum, cùm in consensu  
et civium unione sit positum, non aliter  
quàm laceratione et divisione perire po-  
test.

e *Soluta.*] Quomodo frangatur vis quæ  
in multitudinem dispersa est, præsertim  
cùm ex opinione hominum quæ tam va-  
ria est, dependet, nullus est quem la-  
teat; neque eâ causâ naturæ scrutatores  
adire opus est, qui nos vim unitam majo-  
rem esse doceant. Verùm hinc maxi-

mum haurire possunt documentum re-  
rum moderatores; cum præsertim hodie  
regem videant, quem non magis aliâ  
causâ veneratur orbis, quàm quod solus  
regnat.

f *Præcipitavit.*] Aptissima metaphora,  
nam quomodo tandem propriâ mole ruunt  
quæ in altum nimis surrexerunt, ita planè  
non avaritia, aut potentia tantùm, sed ever-  
titur id omne quod nimium est. Sapien-  
ter itaque Horatius ad Licinium.

*Contrahes, vento nimium secundo,  
Turgida vela.*

g *Nam.*] Quomodo isthuc? Virtus ita-  
que fugienda est, cùm turbas et discordias  
cieat. Imò, qui eam amant profligandi  
et perdendi, si iis credatur prædonibus,  
qui sub ejus larvâ, per fraudem et scelus  
reipublicæ gubernacula surripuerunt. At  
verò per accidens, et eorum prædonum,  
non virtutis vitio, civitates commoventur:  
neque vitandæ offensionis causa, minus  
illi, quanquam cautè, ut qui callidissimè  
hominibus imponunt, de sede debent de-  
turbari.

gloriam injustæ potentæ anteponerent; moveri civitas, et dissensio civilis, quasi <sup>a</sup> permixtio terræ, oriri cœpit. Nam postquam Tiberius, et C. Gracchus, quorum majores Punico, atque aliis bellis multum reipub. addiderant, vindicare plebem in libertatem, et paucorum scelera patefacere cœpere: nobilitas noxia, atque eo perculsa, modò per socios, et nomen Latinum, interdum per equites Romanos quos <sup>b</sup> spes societatis à plebe dimoverat, Gracchorum actionibus obviam ierat: et primò Tiberium, dein <sup>c</sup> paucos post annos, eadem <sup>d</sup> ingredientem Caium, Tribun. pl. alterum, alterum <sup>e</sup> triumvirum <sup>f</sup> coloniis deducendis, cum M. Fulvio Flacco, ferro necaverat. Et sanè Gracchis cupidine victoriæ, haud satis animus <sup>g</sup> moderatus fuit. <sup>h</sup> Sed bono vinci satius est, quam malo more injuriam vincere. Igitur eâ victoriâ

INTERPRETATIO.

<sup>1</sup> Et nobilitas necaverat ferro plebis, unum ex triumviris qui coloniis deducere debebant, cum M. primò Tiberium Gracchum, deinde post paucos annos eadem molientem Caium Gracchum, tribunum Fulvio Flacco.

NOTÆ.

<sup>a</sup> *Permixtio terræ.*] Intellige, cum reliquis elementis. Expressè profectò rem ipsam hæc comparatione signavit: quemadmodum enim ex elementorum commixtione, non modo nulla pars ullius ab aliis discernitur, sed amplius inter se bellum intestinum gerunt; ita quando vaferrimi latrones, boni et publicæ libertatis specie rempublicam oppresserunt, cæcus populus assertores et legitimos suos moderatores cum dignoscere nescit, plerumque eos per discordiam suis insidiatoribus mactandos tradit.

<sup>b</sup> *Spes.*] Senatum equites aliquando auctoritate suâ communicasse, vel ex Epitome Flori cognoscitur.

<sup>c</sup> *Paucos.*] Undecim aut duodecim, ad summum.

<sup>d</sup> *Ingredientem.*] Populum defendere conatus, fratris agrarias leges asseruit, &c.

<sup>e</sup> *Triumvirum.*] Mos erat tres, quinque, septemdecim viros, &c. eligere, qui iis agros dividerent, qui in colonias deducebantur.

<sup>f</sup> *Coloniis.*] Colonia multitudo erat civium Romanorum, qui in alias sedes deducebantur, quibusque agri publicè assignabantur.

<sup>g</sup> *Moderatus.*] Nota, quæso, Sallustii iudicium: optimè de re maximâ, quin de re quæ quotidie millies in usu venit, sententiam dixit. Ea est enim cordis nostri fallacia, aut imbecillitas, ut etiam dum virtutem sectamur, nimio studio in vitium incurramus. Voluntas, quæ à primò ad bonum, boni specie ferebatur, ad malum sine sensu inclinat, dum paulatim ea boni species, pro variis circumstantiis, caligantibus oculis surripitur; deinde, quia in motu est, movetur, non quia bonum prosequitur. Istud indicat Sallustius, cum cupidine victoriæ, nimios Gracchos fuisse dicit. Hæc cupido, hic animi motus rationem, quæ boni cives fuerant et dicebantur, ab eorum oculis avertit.

<sup>h</sup> *Sed.*] Nunc de senatu Sallustius iudicium suum profert, qui ut ille ait, melius fuisset Gracchorum bono et æquitate vinci, quam vincere injuriam. At verò generatim loquendo, non apertè sententiam suam dicere auctor voluit, ne, si partes nominatim reprehendisset, audaciter fecisse videretur.

nobilitas ex lubricitate suâ <sup>1</sup> usa, mortales multos ferro aut fugâ exstinxit; plusque in reliquum sibi timoris, quàm <sup>2</sup> potentiae, addidit; quæ res plerumque magnas civitates pessum dedit, dum alteri alteros vincere quovis modo, et victos acerbius ulcisci volunt. Sed de studiis partium, et omnibus civitatis moribus, si singillatim, aut pro magnitudine <sup>3</sup> parem disserere, tempus quàm res maturius deserat; quæ mobrem ad inceptum redeo. Post Auli fœdus, exercitusque nostri fugam fœdam, <sup>b</sup> Metellus, et <sup>c</sup> Silanus consules designati, provincias inter se partiverant: Metelloque Numidia evenerat: acri viro, et quanquam adverso populi partibus, famâ tamen <sup>d</sup> æquabili, et inviolatâ. Is ubi primum magistratum <sup>e</sup> ingressus est, <sup>f</sup> alia omnia sibi cum collegâ ratus, ad bellum, quod gesturus erat, animum intendit. Igitur diffidens veteri exercitui, milites scribere, præsidia undique arcessere: arma, tela, equos, et cætera instrumenta militiæ parare: ad hoc comitatum affatim, denique omnia, quæ in bello <sup>g</sup> vario, et rerum multarum egent, usui esse solent. Cæterum ad ea petrandæ <sup>3</sup> senatus auctoritate, socii, nomenque Latinum, et reges ultrò auxilia mittendo, postremò omnis civitas summo studio adnitebatur. Itaque, <sup>4</sup> ex sententiâ omnibus rebus paratis compositisque, in Numidiam proficiscitur, magnâ spe civium; cum propter artes bonas, tum maximè quòd adversum divitias invictum animum gerebat: et avaritiâ magistratuum ante id tempus in Numidiâ nostræ opes con-

## INTERPRETATIO.

<sup>1</sup> Cum igitur nobilitas usa esset, eâ victoriâ secundum suam libidinem, perdidit multos homines ferro aut fugâ.

<sup>2</sup> Si cupiam dissere particulatim, aut secundum rei magnitudinem, de studiis partium et omnibus parvis moribus civitatis, tempus me citius quàm res deficiet.

<sup>3</sup> Cæterum ad ea perficienda, senatus adnitebatur auctoritate, socii, nomenque Latinum, et reges, mittendo suâ sponte auxilia: postremò omnis civitas summo studio ea promovebat.

<sup>4</sup> Itaque omnibus rebus ad arbitrium paratis et compositis in Numidiam proficiscitur.

## NOTÆ.

a *Potentia.*] Totum hunc locum excute quæso. Auctor enim, quanquam malus fuit, reconditissimos tamen politicorum arditus penetravit.

b *Metellus.*] Vir fuit virtutis eximie, quique unus exilium maluit, quàm in Saturni, Gracchanas leges asserentis, verba, cum senatu jurare. Dictus est, Numidicus, à rebus bene in Numidiâ gestis.

c *Silanus.*] Non hic est de quo in Catilinâ.

d *Æquabilis.*] Id est, quæ apud omnes eadem erat.

e *Ingressus.*] Non enim statim à nominatione et designatione, sed post confirmationem in secundis comitiis, magistratum inibat.

f *Alia.*] Hic est sensus: dicit Metellum, cum collegam suum ad reliqua consulatûs munia secum pariter obligatum et intentum videret, ad id negotium, bellum scilicet, præcipuè, animum adjecisse, quod soli curandum erat.

g *Vario.*] Id est, *Ubi varia opus est obire ministeria*; quæ varia et plurima instrumenta requirunt.



tusæ hostiumque auctæ erant. Sed ubi in Africam venit, exercitus ei traditur a Sp. Albino proconsule, iners, imbellis, neque periculi, neque laboris patiens: linguâ, quàm manu, promptior: predator ex sociis, et ipse præda hostium: <sup>a</sup> sine imperio, et modestiâ habitus. Ita imperatori novo plus ex malis moribus solitudinis, quàm ex copiâ militum auxilii, aut bonæ spei, accedebat. Statuit tamen Metellus, quanquam et <sup>1</sup> æstivorum tempus, comitiorum <sup>b</sup> mora imminuerat, et, expectatione eventûs, civium animos intentos putabat, non priûs bellum attingere, quàm majorum disciplinâ milites laborare coegisset. Nam Albinus, Auli fratris exercitûsque clade percussus, postquam decreverat non egredi provinciâ, quantum temporis æstivorum <sup>c</sup> in imperio fuit, plerumque milites in <sup>d</sup> stativis castris habebat: nisi cùm <sup>e</sup> odos, aut pabuli egestas, locum mutare subegerat. Sed neque more militari vigiliæ ducebantur. Utî cuique lubebat, ab signis aberat: <sup>f</sup> lixæ permisti cum militibus die noctuque vagabantur: et <sup>g</sup> palantes agros vastare, villas expugnare, pecoris, et mancipiorum prædas certantes agere: eaque mutare cum mercatoribus vino advectitio, et aliis talibus: præterea, frumentum publicè datum vendere, <sup>h</sup> panem in dies mercari: postremò, quæcunque dici, aut fingi queunt ignaviæ luxuriæque probra, in illo exercitu cuncta fuere, et alia ampliùs. Sed in eâ difficultate Metellum non minùs quam in rebus hostilibus, magnum et sapientem virum fuisse comperior: tanta temperantiâ inter <sup>i</sup> ambitionem sævitiamque, moderatum. Namque edicto primo adjumenta ignaviæ <sup>3</sup> sustulisse, ne quisquam in catris panem, aut quem alium cibum coctum venderet; ne lixæ exercitum sequerentur; ne miles gregarius in castris, neve <sup>1</sup> in agmine servum, aut jumentum haberet: cæteris

INTERPRETATIO.

<sup>1</sup> *Quamvis comitiorum retardatio tempus diminuerat, quo milites in castris æstivis agunt.*

<sup>2</sup> *Huc illuc divagantes agros vastabant, villas expugnabant, agebant certatim prædas ex pecore et manicipiis.*

<sup>3</sup> *Namque comperior Metellum sustulisse primo edicto adjumenta ignaviæ.*

NOTÆ.

a *Sine imperio.*] Id est, qui ductus fuerat ab imperatoribus, qui auctoritatem suam tueri nesciverant, aut noluerant: quique militibus omnia condonaverant.

b *Mora.*] Per Tribunorum contentio-nem, sicuti antea vidimus.

c *In imperio.*] Albinus, donec Metellus advenisset, exercitui præfuit.

d *Stativis.*] Id est, in quibus diu manebant, cùm militiæ more sæpius mutanda fuerint.

e *Odos.*] Ex hominum et jumentorum sordibus.

f *Lixæ.*] Ita vocantur servi qui exercitum sequuntur, et militibus vilissimam operam præstant, puta aquam portare, panem coquere, et id genus alia.

g *Panem.*] Ipsi verò tenebantur panem suum coquere.

h *Ambitionem.*] Hic per ambitionem, ratio et certus quidam agendi modus intelliguntur, quo ad consequendam gratiam, minùs milite vexantur, nec nisi à voluntibus ministeria requiruntur.

i *In agmine.*] Id est, dum iter facit exercitus. Gall. *Durant la marche.*

<sup>a</sup> arte modum statuisset: præterea, <sup>b</sup> transversis itineribus quotidie castra movere: juxta ac si hostes adessent, vallo atque fossa munire; <sup>c</sup> vigiliis crebras ponere, et eas ipse cum legatis circuire: item in agmine in primis modò, modò in postremis, sæpè in medio adesse, ne quisquam ordine egrederetur: uti, <sup>d</sup> cum signis frequentes incederent, miles cibum, et arma portaret. Ita prohibendo è delictis magis quàm vindicando, exercitum brevè <sup>1</sup> confirmavit. Intereà Jugurtha ubi, quæ Metellus agebat, ex nunciis accepit; simul de innocentia ejus certior Romæ factus, diffidere suis rebus, ac tum demum veram deditionem facere conatus est. Igitur legatos ad consulem cum suppliciis mittit, qui tantummodo ipsi, liberisque vitam peterent; alia omnia diderent populo Rom. Sed Metello jam antea experimentis cognitum erat, genus Numidarum infidum, ingenio mobili, novarum rerum avidum esse. Itaque legatos alium ab alio diversos aggreditur, ac paullatim tentando, postquam opportunos sibi cognovit, multa pollicendo persuadet, uti Jugurtham <sup>2</sup> maximè vivum, sin id parùm procedat, necatum, sibi traderent: cæterum palàm, quæ ex voluntate forent, regi nunciari jubet. Dein ipse paucis diebus intento atque infesto exercitu in Numidiam procedit: ubi, contra belli <sup>3</sup> faciem, tuguria plena hominum, pecora, cultoresque in agris erant: ex oppidis, et <sup>e</sup> mapalibus, præfecti regis obviàm procedebant, parati frumentum dare, commeatum portare, postremò omnia, quæ imperarentur, facere. Neque Metellus idcirco minùs, sed pariter ac si hostes adessent, munito agmine incedere; latè explorare omnia, illa deditionis signa ostentui credere, et insidiis locum <sup>f</sup> tentare. Itaque ipse cum expeditis cohortibus item funditorum et sagittariorum delectà manu, apud primos erat: in postremo C. <sup>g</sup> Marius

## INTERPRETATIO.

<sup>1</sup> *Brevi exercitum ad pristinam disciplinam revocavit.* | *id minùs prosperè eveniret, necatum.*

<sup>2</sup> *Persuadet ut præsertim traderent sibi Jugurtham vivum, si verò* | <sup>3</sup> *Contra id quod belli tempore conspici solet, tuguria erant plena hominum.*

## NOTÆ.

<sup>a</sup> *Arte.*] Eà opus est omnino, eaque maximà in ejusmodi occasionibus. Quà verò in re sita sit, vix ullus dixerit: ita sunt, aut certè videntur, exigui momenti innumera quæ ad id concurrunt.

<sup>b</sup> *Transversis.*] Id est, non per vias stratas, sed per agros, sylvas, &c. ut iis omnibus, si usus veniret, assueti essent.

<sup>c</sup> *Vigiliis.*] Gall. *Des sentinelles.* Sed tutius quàm sit hodie, plures enim milites uno in loco, collocabantur.

<sup>d</sup> *Cum signis.*] Ne scilicet, dispersis militibus, hostis interveniret: vel ipsi prædæ, aut fugæ, occasionem invenirent.

<sup>e</sup> *Mapalibus.*] Hic vici aut pagi, per mapalia sunt intelligendi.

<sup>f</sup> *Tentare.*] Omnino legendum arbitror tentari, à Jugurthâ scilicet, prout censuit Gronovius.

<sup>g</sup> *Marius.*] Qui fuerit, tametsi aliundè nesciremus, satìs superque ex Sallustio post modum cognosceremus.

legatus cum equitibus curabat : in utrumque latus equites auxiliares tribunis legionum, et præfectis cohortium dispersiverat ; uti cum <sup>1</sup> his permixti <sup>a</sup> Velites, quocumque accederent, equitatus hostium propulsarent. Nam in Jugurthâ tantus dolus, tantaque peritia locorum, et militiæ erat ; ut, absens an præsens, pacem an bellum gerens, perniciosior esset, in incerto haberetur. Erat haud longè ab eo itinere, quo Metellus pergebat, oppidum Numidarum, nomine Vacca, forum rerum venalium totius regni maximè celebratum ; ubi et incolere, et mercari consueverant Italici generis multi mortales. Huc consul, simul <sup>b</sup> tentandi gratiâ, et, si paterentur opportunitates loci, <sup>2c</sup> præsidium imposuit ; præterea imperavit frumentum, et alia, quæ bello usui forent, comportare : ratus id quod res monebant, frequentiam negotiatorum, et <sup>d</sup> commeatum juvaturum, exercitum, et jam paratis rebus munimentum fore. Inter hæc negotia Jugurtha impensius modò legatus supplices mittere, pacem orare, præter suam, liberorumque vitam, omnia Metello dedere. Quos item, uti priores, consul illectos ad proditionem domum mittebat regi pacem, quam postulabat, neque abnuere, neque pollicere ; et inter eas moras <sup>e</sup> promissa legatorum expectare. Jugurtha ubi Metelli dicta cum factis composuit, ac suis se <sup>f</sup> artibus tentari animadvertit ; quippe cui verbi pax nunciabatur, cæterum re bellum asperrimum erat, urbs maxima alienata, ager hostibus cognitus, <sup>g</sup> animi popularium, tentati : coactus rerum necessitudine, statuit armis certare. Igitur, explorato hostium itinere, in spem victoriæ adductus ex opportunitate loci, quàm maximas potest, copias omnium generum parat, ac per tramites occultos exercitum Metelli antevenit. Erat in eâ parte Numidiæ quam Atherbal in divisione possederat, flumen, oriens à meridie nomine Muthul ; à quo aberat mons fermè millia passuum

INTERPRETATIO.

<sup>1</sup> *Ut Velites permixti cum equitibus propulsarent equitatus hostium quacumque in partem accederent.* | *tentandi, et præsidium imponendi si opportunitates loci paterentur, deinde re cognita præsidium imposuit.*

<sup>2</sup> *Consul huc ivit, simul gratiâ*

NOTÆ.

<sup>a</sup> *Velites.*] Levis erant armature milites, gladio jaculatoriâ, hastâ, parmâque, instructi.

<sup>b</sup> *Tentandi.*] Id est, *Ut cognosceret, quid eo in loco fieri posset, quidve Jugurtha conaretur, an re et verbis idem esset.*

<sup>c</sup> *Præsidium.*] Necesse fuit, ut sensus aperiretur, quod ellipticè à Sallustio dictum est, in interpretatione supplere.

<sup>d</sup> *Commeatum.* Certè *commeatu* ; sicuti Ursino, mihi quoque placeret.

<sup>e</sup> *Promissa.*] Itaque polliciti erant legati, se Jugurtham prodituros.

<sup>f</sup> *Artibus.*] Dolis scilicet, quibus Aulum, aliosque in laqueos induxerat.

<sup>g</sup> *Animi.*] Scilicet, non modò legatos, sed quosvis Metellus à Jugurthâ alienare quævisit.

Q

xx. <sup>a</sup> tractu pari, <sup>b</sup> vastus ab naturâ, et humano cultu: sed ex eo medio quasi collis oriebatur, in immensum pertinens, vestitus oleastro ac myrtetis, aliisque generibus arborum, quæ humi <sup>c</sup> arido, atque arenoso gignuntur. <sup>d</sup> Media autem planities deserta, penuriâ aquæ, præter fluminis propinqua loca. Ea consita arbustis, pecore, atque cultoribus frequentabantur. Igitur in eo colle, quem <sup>e</sup> transverso itinere porrectum docuimus, Jugurtha <sup>f</sup> extenuatâ suorum acie consedit: elephantis, et parti cõpiarum pedestrium Bomilcarẽ præfecit; eumque edocet, quæ ageret: ipse propior <sup>g</sup> montem cum omni equitatu, et peditibus delectis suos collocat; dein singulas turmas, et manipulos circumiens monet, atque obtestatur, uti memores pristinæ virtutis et victoriæ, sese, regnumque suum ab Romanorum avaritiâ defendant: cum his certamen fore, quos antea victos sub jugum miserint: ducem illis, non animum, mutatum: quæ ab imperatore <sup>h</sup> decuerint, omnia suis prævisa; locum superiorem; <sup>i</sup> uti prudentes cum imperitis; ne pauciores cum pluribus, aut rudes cum bello melioribus, manum consererent. Proinde parati, intentique essent signo dato, Romanos invadere: illum diem aut omnes labores, et victorias confirmaturum, aut maximarum ærumnarum initium fore. Ad hoc viritim, uti quemque ob militare facinus, pecuniâ, aut honore extulerat, commonefacere beneficii sui, et eum ipsum aliis ostentare: postremò, pro cujusque ingenio pollicendo, minitendo, obtestando, alium alio modo excitare: cum interim Metellus, ignarus, hostium, monte degrediens cum exercitu <sup>j</sup> conspicatur: Primò dubuis, quid-

## INTERPRETATIO.

<sup>1</sup> *Jugurtha monet milites se providisse suis ea omnia quæ decuerint provideri ab imperatore.*

## NOTÆ.

<sup>a</sup> *Tractu pari.*] Id est, tantum habens longitudinis, quantum à fluvio distabat.

<sup>b</sup> *Vastus.*] Ubi nec arbores erant, nec frutices.

<sup>c</sup> *Arido.*] Id est, ariditate, nam humi, quod postea in adverbium abiit, hîc, more antiquo, pro Genitivo positum est.

<sup>d</sup> *Media.*] Hoc est, spatium quod collem inter et flumen porrigebatur.

<sup>e</sup> *Transverso.*] Intellige agmen in longitudo porrectum. *Les escadrons, ni les bataillons, n'avoient pas de profondeur.*

<sup>f</sup> *Extenuatâ.*] Intellige agmen in longitudinem porrectum. *Les escadrons, ni les bataillons, n'avoient pas de profondeur.* Ita verò aciem instructam oportuit, ut in angustiis, hostium in longum productos ordines, pluribus ex locis invaderet.

<sup>g</sup> *Montem.*] Quâ scilicet, Metello transitus erat: atque hinc, vides eò insidias struxisse Jugurtham, ubi mons in collem desinebat.

<sup>h</sup> *Uti.*] Ne ita accipias, quasi omnia quæ sequuntur effecta sint ejus quod dixit, locum superiorem suis provisum. Quæcumque enumerat commoda, seorsim sumenda sunt, ita ut, quod à Jugurthâ prospectum fuerit, uti prudentes locorum cum imperitis, certarent, secundum sit. Ut sensus apertior esset, interpunctione mutavi.

<sup>i</sup> *Conspicatur.*] Passivè, quod rarum est. Ita Varro apud Priscianum, *Pau-pertas hæc non ita nutrita, ut nunc conspicatur.*

nam insolita facies ostenderet (nam inter virgulta equi, Numidæque consederant, neque planè occultati humilitate arborum, et tamen <sup>a</sup>incerti quidnam esset, cùm naturæ loci, tum <sup>b</sup>dolo ipsi, atque signa militaria <sup>c</sup>obscurati) dein, brevì cognitis insidiis, paulisper agmen <sup>1</sup>constituit. Ibi <sup>d</sup>commutatis ordinibus, in dextro latere, quod proximum hostis erat, triplicibus <sup>e</sup>subsidiis aciem instruxit; inter manipulos funditores, et sagittarios dispersit; equitatum omnem in <sup>f</sup>cornibus locat; at pauca pro tempore milites hortatus, aciem, sicut instruxerat, <sup>g</sup>transversis principiis in planum deducit. Sed, ubi Numidas quietos, neque colle degredi animadvertit, veritus ex anni tempore, et inopiâ aquæ, ne siti conficeretur exercitus; Rutilium legatum cum expeditis cohortibus, et parte equitum, præmiserat ad flumen, uti locum castris antè caperet. Existimans hostes crebro impetu; et transversis præliis iter suum remoratorios, et, quoniam armis diffiderent, <sup>h</sup>lassitudinem et sitim militum tentaturos. Dein ipse pro re, atque loco, <sup>i</sup>sicuti monte descenderat, paulatim procedere: Marium post <sup>k</sup>principia habere, ipse cum sinistræ alæ equitibus esse, qui in agmine <sup>l</sup>principes facti erant. At Jugurtha, ubi extremum agmen Metelli <sup>m</sup>primos suos prætergressum videt, præsidio quasi duum millium peditum montem occupat, quâ Metellus descenderat: ne fortè cedentibus adversariis receptui, ac post munimento, foret: dein, repentè signo dato, hostes invadit. Numidæ glii postremos cedere: pars <sup>n</sup>à sinistrâ, ac dextrâ <sup>a</sup>tentare: infensi

INTERPRETATIO.

<sup>1</sup> Deinde, intra breve tempus cognitis insidiis, paulisper exercitus iter suppressit.

NOTÆ.

<sup>a</sup> Incerti.] Intellige, delitescentium Numidarum eam fuisse speciem, ut nesciretur hominesne essent, an trunci, aut aliquid simile.

<sup>b</sup> Dolo.] Eâ causâ pone arbores latitabant, ut incautus et imparatus Metelli exercitus illâc transiret.

<sup>c</sup> Obscurati.] Græca constructio, pro Obscuratis signi militariibus, aut obscurata signa habentes. Sic sæpissimè loquitur Horatius.

<sup>d</sup> Commutatis.] Gall. *Ayant changé l'ordonnance de l'aile droite.*

<sup>e</sup> Subsidiis.] Milites erant qui pone alios subsidentes, illis periclitantibus opem ferrent. Gall. *Des corps de reserve.*

<sup>f</sup> Cornibus.] *Sur les ailes de l'Infanterie.*

<sup>g</sup> Transversis.] Diffidens per hæc trans-

Metullus collem cùm sequi nollet, ne Jugurthæ illuc insidianti opportunus fieret: aciem in clypeum, seu ad sinistram, ut loquimur nos, declinare jussit, adeoque in obliquum iter inflexit. *Il fit marcher son avant-garde de travers, s'étant détourné sur la gauche.*

<sup>h</sup> Lassitudinem.] Id est, milites per lassitudinem et sitim.

<sup>i</sup> Sicuti. Refertur ad Paulatim.

<sup>k</sup> Principia.] Dans l'Arrière-garde. In ultimo agmine.

<sup>l</sup> Principes.] Id est, primi, hoc in loco.

<sup>m</sup> Primos.] Non remotissimos intelligo, sed proximos, hoc est, eos qui primi transcurrentibus occurrebant.

<sup>n</sup> Tentare.] Illi emitus missilibus læcescebant.

adesse, atque instare; omnibus locis Romanorum ordines conturbare; quorum etiam qui firmioribus animis obvii hostibus fuerant, ludificati <sup>a</sup> incerto prælio, ipsi <sup>1</sup> modò enim sauciabantur, neque contrà ferendi aut conserendi manum copia erat. Antè jam docti ab Jugurthâ equites, ubicumque Romanorum turma insequi cøperat, non confertim, neque in unum sese recipiebant; sed alius aliò quàm maximè diversi, ita numero <sup>2</sup> priores, si <sup>a</sup> persequendo hostes detertere nequiverant, disjectos ab tergo, aut lateribus circumveniebant: sin opportunior fugæ collis, quàm campi fuerant, eò verò consueti Numidarum equi facilè inter virgulta evadere: nostros asperitas, et insolentia loci retinebat: cæterum facies totius negotii varia, incerta, fœda, atque miserabilis: dispersi à suis, pars cedere, alii insequi; neque signa, neque ordines observare: ubi quemque periculum ceperat, ibi resistere, ac propulsare: arma, tela, equi, viri, hostes, cives permixti: nihil consilio neque imperio agi: fors omnia regere. Itaque multum diei processerat, cùm etiam tòm <sup>c</sup> eventus in incerto erat. Denique omnibus labore, et æstu languidis, Metellus, ubi videt Numidas minùs instare, paullatim milites in unum conducit: ordines restituit, et cohortes <sup>b</sup> legionarias quatuor adversum pedites hostium collocat. <sup>c</sup> Eorum magna pars superioribus locis fessa consederat. Simul <sup>3</sup> orare, hortari milites, ne deficerent, neu paterentur hostes fugientes vincere: neque illis castra esse, neque munimentum ullum, quò cedentes tenderent: in armis omnia sita. Sed nec Jugurtha, quidem interea quietus erat circuire, hortari, renovare prælium, et ipse cùm delectis tentare omnia: subvenire suis, hostibus dubiis instare, quos firmos cognoverat, eminus pugnando, <sup>d</sup> retinere. Eo modo duo imperatores, <sup>e</sup> summi viri, inter se certabant: ipsi pares cæterum opibus disparibus. Nam Metello virtus militum erat, locus adversus: Jugurthæ alia omnia, præter milites, opportuna. Denique Romani, ubi intelligunt neque sibi profugium esse, neque ab hoste copiam pugnandi fieri; (et jam diei vesper erat) <sup>4</sup> adverso colle, sicuti

## INTERPRETATIO.

<sup>1</sup> *Ipsi tantum eminus sauciabantur, et vulnerabantur.*

<sup>2</sup> *Ita, cùm essent plures numero, si nequiverant detertere hostes à persequendo, circumveniebant eos disjectos à tergo aut lateribus.*

<sup>3</sup> *Simul Metellus orare, hortari milites, ne deficerent, neve paterentur hostes, qui fugiebant vincere.*

<sup>4</sup> *Romani in adversum collem, sicuti præceptum erat, evadunt.*

## NOTE.

<sup>a</sup> *Incerto.]* Quia Numidæ non stabant, sed accedebant, et recedebant, *ils ne se battoient pas de pied ferme.*

<sup>b</sup> *Legionarias.]* Ut distinguantur ab auxiliariis.

<sup>c</sup> *Eorum.]* Numidarum.

<sup>d</sup> *Retinere.]* Ne scilicet dubiis et cedentibus opem ferrent.

<sup>e</sup> *Summi.]* Omnino summi, et à quibus plurima quisque discere queat.

præceptum fuerat, evadunt. A misso <sup>a</sup> loco Numidæ fusi, fugatique pauci interiêre: plerosque velocitas, et regio <sup>b</sup> hostibus ignara, tutata sunt. Interea Bomilcar, quem elephantis, et parti copiarum pedestrium præfectum ab Jugurthâ suprâ diximus, ubi eum Rutilius prætergressus est, paulatim suos in æquum locum deducit; ac, dum legatus ad flumen, quò præmissus erat, festinans pergit; <sup>1</sup> quietus, uti res postulabat, aciem exornat: neque remittit, quid ubique hostis ageret, explorare. Postquam Rutilium consedissee jam, et animo vacuum accepit, simulque ex Jugurthæ prælio clamorem augeri, veritus ne legatus cognitâ re, laborantibus suis auxilio foret, aciem, quam, diffidens virtuti militum, <sup>2</sup> arte statuerat quò hostium <sup>c</sup> itineri officeret, latius porrigit: eoque modo ad Rutilii castra procedit. Romani ex improvviso pulveris vim magnam animadvertunt. Nam prospectum ager arbustis consitus prohibebat. Et primò rati humum aridam vento agitari: post, ubi æquabilem manere, et sicut acies movebatur, magis magisque appropinquare vident: cognitâ <sup>d</sup> re, properantes arma capiunt, ac pro castris, sicut imperabatur, consistunt. Dein, ubi propius ventum est, utrimque magno clamore concurritur. Numidæ tantummodo <sup>e</sup> remorati, dum in elephantis auxilium putant, postquam eos impeditos ramis arborum, atque ita disiectos circumveniri vident, fugam faciunt: ac plerique, abjectis armis, colliis, aut noctis, quæ jam aderat, auxilio integri abeunt. Elephantum quatuor capti, reliqui omnes numero <sup>f</sup> quadraginta interfecti. At Romani quamquam itinere, atque <sup>g</sup> opere castrorum et prælio fessi, lassique erant; tamen, quòd Metellus amplius opinione morabatur, instructi, <sup>h</sup> intentique obviâ procedunt. Nam dolus Numidarum nihil languidi, neque remissi patiebatur. Ac primò obscurâ nocte, postquam haud procul <sup>i</sup> inter se erant, strepitu, veluti hostes adventarent alteri apud alteros formidinem simul, et tumultum facere: et penè imprudentiâ <sup>k</sup> admissum facinus miserabile, ni utrimque præmissi

INTERPRETATIO.

<sup>1</sup> Et, dum Rutilius legatus properat ad flumen, qui præmissus erat; Bomilcar per otium aciem instruit, uti res postulabat.

<sup>2</sup> Porrigit latius aciem, quam instruxerat densis ordinibus, diffidens virtuti militum.

NOTÆ.

- a Loco.] Colle, scilicet.  
 b Hostibus.] Romanis.  
 c Itineri.] Si nimirum Metello auxilium adferre voluissent.  
 d Re.] Exercitum, scilicet, adventare.  
 e Remorati.] His ne ferebantur, &c.  
 f Quadraginta.] In quibusdam, triginta tantum numerantur.

- g Opere.] Scilicet castra munierant.  
 h Intentique.] Hinc videas quales fuerint Romani.  
 i Inter se.] De Romanis loquitur, quorum alii cum Metello, alii cum Rutilio erant.  
 k Admissum.] Ut, scilicet, Romani invicem pugnarent.

equites rem exploravissent. Igitur pro metu repente gaudium exortum: milites alius alium læti appellant: acta edocent, atque audiunt: sua quisque fortia facta ad cælum fert. Quippe res humanæ ita sese habent: in victoriâ vel ignavis gloriari licet: adversæ res etiam bonos <sup>1</sup> detrectant. Metellus in iisdem castris quadriduo moratus, saucios cum curâ reficit: meritos in præliis more militiæ <sup>2</sup> donat: universos in concione laudat, atque agit gratias; hortatur, ad cætera quæ levia sunt, parem animum gerant; pro victoriâ satis jam pugnatum, reliquos labores pro prædâ fore. Tamen interim <sup>b</sup> transfugas, et alios opportunos, <sup>3</sup> Jugurtha ubi gentium, aut quid agitaret, cum paucisne esset, an exercitum haberet, uti sese victus gereret, exploratum misit. At ille sese in loca saltuosa, et naturâ munita receperat; ibique cogebat exercitum numero hominum ampliore, sed <sup>c</sup> habetem, infirmumque, agri ac pecoris magis, quàm belli, cultorem. Id eâ gratiâ eveniebat, quòd præter equites regiones nemo omnium Numidarum ex fugâ regem sequitur. Quò cujusque animus fert, eò discedunt. Nequè id flagitium militiæ ducitur: <sup>d</sup> ita se mores habent. Igitur Metellus, ubi videt etiam <sup>e</sup> tum regis animum ferocem esse: bellum renovari, quòd nisi ex illius lubidine, <sup>f</sup> geri non posset: præterea <sup>g</sup> iniquum certamen sibi cum hostibus: minore detrimento illos vinci quàm suos vincere: statuit non præliis, neque acie, sed alio more, bellum gerendum. Itaque in loca Numidiæ opulentissima pergit: agros vastat: multa castella, et oppida, temerè munita, aut sine præsidio, capit, incenditque: pùberes interfici jubet: alia omnia militum prædam esse. Eâ formidine multi mortales Romanis dediti <sup>h</sup> obsides: frumentum, et alia, quæ usui forent, affatim præbita:

## INTERPRETATIO.

<sup>1</sup> *Res adversæ etiam bonorum existimationem violant.*

<sup>2</sup> *Tamen interim Metellus misit transfugas et alios opportunos exploratum, ubi gentium Jugurtha*

*ageret, aut quid agitaret, cum paucisne esset, an exercitum haberet, quomodo se gereret postquam victus esset.*

## NOTÆ.

<sup>a</sup> *Donat.*] Coronis, armillis, hastis, et id genus aliis.

<sup>b</sup> *Transfugas.*] Valde ille sunt opportuni, quia maximè fideles esse coguntur: interim videndum ne iis dolis capiamur, quos in hostes parare videntur.

<sup>c</sup> *Hebetem.*] Hebes dicitur cujus obtusa est acies. Hic itaque exercitus intelligitur ad belli munia ineptus. *Des gens malaguerrie.*

<sup>d</sup> *Ila.*] Iis respondet qui pravam consuetudinem mirabuntur. Ejus nimirum

vis est tanta, ut pro alterâ lege sumatur.

<sup>e</sup> *Tum.*] Postquam profligatus fuisset.

<sup>f</sup> *Ger.*] Ille enim sylvis et desertis locis pelli non poterat.

<sup>g</sup> *Iniquum.*] Multis de causis tale erat; nam Jugurthæ loca perspecta; nisi opportuna essent, non pugnabat: victus, aciem instaurare poterat; &c. Hæc omnia Metello adversa erant.

<sup>h</sup> *Obsides.*] Ut, scilicet, de eorum fide certi essent.



ubicumque res postulabat, præsidium impositum. Quæ negotia multò magis, quàm prælium malè pugnatum ab suis, regem terrebant. Quippe cujus spes omnis in fugâ sita erat, sequi cogeatur; et qui, sua loco defendere nequiverat, <sup>1</sup> in alienis bellum gerere. Tamen <sup>2</sup> ex inopiâ, quod optimum videbatur, consilium capit: exercitum plerumque in iisdem locis operiri jubet: ipse cum delectis equitibus Metellum sequitur nocturnis et aviis itineribus, ignoratus, Romanos palantes repentè aggreditur. <sup>3</sup> Eorum plerique inermes cadunt, multi capiuntur: nemo omnium intactus profugit; et Numidiæ, priùs quàm ex castris subveniretur, sicuti jussi erant, in proximos colles discedunt. Interim Romæ gaudium ingens ortum, cognitis Metelli rebus: uti seque, et exercitum more majorum gereret; in adverso loco victor tamen virtute fuisset; hostium agrò potiretur; Jugurtham magnificum ex Auli socordiâ, spem salutis in solitudine, aut fuga, <sup>4</sup> coegisset habere. Itaque senatus, ob ea feliciter acta, diis immortalibus supplicia decernere: civitas trepidâ antea; et sollicita de belli eventu, lætè agere: de Metello fama præclara esse. Igitur eò intentior ad victoriâ niti: omnibus modis festinare: <sup>5</sup> cavere tamen necubi hosti <sup>6</sup> opportunus fieret: <sup>7</sup> meminisse post gloriam invidiam sequi. Ita, quo clarior, eo magis anxius erat: neque post insidias Jugurthæ effuso exercitu prædari; ubi frumento, aut pabulo opus erat, cohortes cum omni equitatu præsidium agitabant: exercitus partim ipse, reliquos Marius ducebat: sed igni magis, quàm prædâ, ager vastabatur. Duobus locis haud longè inter se castra faciebant. Ubi vi opus erat, cuncti aderant: cæterum, quò <sup>8</sup> fuga, atque formido, latius crescerent, diversi agebant. Eo tempore Jugurtha per colles sequi:

INTERPRETATIO.

<sup>1</sup> Quippe Jugurtha cujus spes omnis in fugâ sita erat, cogeatur sequi hostem; et, qui sua loca defendere nequiverat, cogeatur gerere bellum in alienis.

<sup>2</sup> Tamen, in afflictis rebus, capit optimum consilium quod videbatur.

<sup>3</sup> Cognito etiam quomodo coe-

gisset Jugurtham gloriabundum ex Auli socordiâ, habere spem salutis in desertis et fugâ.

<sup>4</sup> Urbs antea trepida et sollicita de belli eventu, in lætitia degebat.

<sup>5</sup> Cavebat tamen ne alicubi occasionem præberet hosti opportunè suos invadendi.

NOTE.

<sup>a</sup> In alienis.] Iis, scilicet, quæ Metellus expugnaverat. Cogeatur autem Jugurtha Metellum sequi, ne ille postquam omnes urbes sub potestatem coegisset, ipso regno spoliatus inveniretur.

<sup>b</sup> Eorum.] Romanorum hæc illuc præde et comæatuum causâ divagantium.

<sup>c</sup> Cavere.] Securitas enim mater est doloris.

<sup>d</sup> Meminisse.] Utinam viris magnis hæc eadem quæ Metello semper observarentur; multos enim sua virtus perdidit, in invidiæ foveas incidentes, illam dum sequuntur.

<sup>e</sup> Fuga.] Maximi est momenti in bello, latè incolas terrere et fugare.

tempus, aut \* locum pagnæ quærere: quâ venturum hostem audierat, pabulum et aquarum fontes, quorum penuriaerat, <sup>a</sup> corrumpere: modò se Metello, interdum Mario ostendere: postremos in agmine tentare, ac statim in colles regredi: rursus aliis, post aliis minitari: neque prælium facere, neque otium pati: tantummodo hostem ab incepto <sup>b</sup> retinere. Romanus imperator ubi se dolis fatigari videt, neque ab hoste copiam pugnandi fieri: urbem magnam, et in eâ parte, quâ sita erat, arcem regni, nomine <sup>c</sup> Zamam, statuit oppugnare: ratus id quod negotium poscebat, Jugurtham laborantibus suis auxilio venturum, ibique prælium fore. At ille, quæ parabantur, à perfugis edoctus, <sup>d</sup> magnis itineribus Metellum antevenit: oppidanos hortatur mœnia defendant, additis auxilio perfugis: quod genus ex copiis regis, quia fallere <sup>e</sup> nequibant, firmissimum erat. Præterea pollicetur, in tempore semet cum exercitu afforè. Ita compositis rebus, in loca quàm maximè occulta discedit; ac paulò post cognoscit, Marium <sup>f</sup> ex itinere frumentatum cum paucis cohortibus <sup>g</sup> Siccam missum: quod oppidum, primum omnium, post malam pugnam ab rege defecerat. Eò cum delectis equitibus noctu pergit, et jam egredientibus Romanis. <sup>h</sup> in portâ pugnam facit: simul magnâ voce Siccenses hortatur, uti cohortes ab tergo circumveniant: fortunam illis præclari facinoris casum dare: si id fecerint, postea sese in regno, illos libertate, sine metu ætatem acturos: ac ni Marius signa <sup>i</sup> inferre, atque evadere oppido <sup>j</sup> properavisset, profectò cuncti, aut magna pars Siccensium, fidem mutavissent: tantâ mobilitate sese Numidiæ gerunt. Sed milites Jugurthini paulisper ab rege sustentati, postquàm majore vi hostes urgent, paucis amissis profugi discedunt. Marius ad Zamam pervenit. Id oppidum, in campo situm magis <sup>k</sup> opere, quàm naturâ munitum

## INTERPRETATIO.

<sup>1</sup> *Et nisi Marius properavisset magna pars Siccensium fidem mutavissent.*  
inferre signa in hostem, atque evadere oppidò profectò cuncti, aut

## NOTÆ.

\* *Locum.*] Opportunum, intellige.

a *Corrumpere.*] Veneo, scilicet.

b *Retinere.*] Ut tempus lucrifaceret, morâque Metelli exercitum conficeret.

c *Zamam.*] A Carthagine quinque dierum itinere, versus occidentem, dissitam eam fuisse volunt.

d *Magnis.*] Gall. dicimus, *A grandes journées.*

e *Nequibant.*] Non equidem, si verè transfugæ fuerint; quia ab iis certò puniuntur quos deseruerunt, si in manus venerint, interim cautè cum his versandum.

f *Ex itinere.*] Gall. diceremus, *Qu'on*

*avoit détaché Marius pendant la marche.*

g *Siccam.*] Vocatur et Sica Veneria, aut Venerca, item Veneria simpliciter. Propior est Carthaginem quàm Zamam.

h *In portâ.*] Siccæ urbis scilicet.

i *Properavisset.*] Numirum Marius injuriæ opportunus fuisset, si in urbe remanisset, ubi vel mulieres de fenestris prælium facere potuissent: verum, cum oppidani rebellandi occasionem non haberent, in fide perstiterunt.

k *Opere.*] Gall. diceremus, *Elle étoit plus forte par les travaux qu'on y avoit faits, que par son assiette.*

erat; nullius idoneæ rei egens; armis virisque opulentum. Igitur Metellus pro tempore atque loco paratis rebus, cuncta mœnia exercitu circumvenit: legatis imperat, ubi quisque curaret. Dein, signo dato, undique simul clamor ingens oritur, neque ea res Numidas terret: infensi intentique sine tumultu manent: prælium incipitur. Romani pro ingenio quisque, pars eminus <sup>a</sup> glande, aut lapidibus pugnare: <sup>b</sup> evadere alii, alii succedere, ac murum modò <sup>c</sup> suffodere, modò scalis aggredi, cupere prælium <sup>d</sup> manibus facere. Contra ea oppidani in proximos saxa volvere, sudēs, pila, præterea pice et sulphure tædam <sup>e</sup> mistam, ardentia mittere. Sed ne illos quidem, qui procul manserant, timor animi satis muniverat. Nam plerosque jacula, <sup>f</sup> tormentis aut manu emissa, vulnerabant; parique periculo, sed <sup>g</sup> famâ impari, boni atque ignavi erant. Dum apud Zamam sic certatur, Jugurtha ex improvviso castra hostium cum magnâ manu invadit: remissis, qui in præsidio erant, et omnia magis, quàm prælium, expectantibus, <sup>h</sup> portam irrumpit. At nostri, repentino metu perculsi, sibi quisque pro moribus consulunt: alii fugere, alii arma capere: magna pars vulnerati, aut occisi. Cæterum ex omni multitudine non ampliùs quadraginta memores <sup>i</sup> nominis Romani grege facto, locum cepere paulò, quàm alii, editiorem: neque inde maximâ vi depelli quiverunt: sed tela eminus missa remittere, pauci <sup>j</sup> in pluribus minùs frustrati: sin Numidæ propiùs accessissent, ibi verò virtutem ostendere, et eos maximâ vi cedere, fundere, atque fugare. Interim Metellus, cum acerrimè rem gereret, clamorem et tumultum hostilem à tergo. accepit: dein, converso equo, animadvertit fugam ad se versum fieri, quæ res indicabat popularis esse. Igitur equitatum omnem ad castra properè mittit, ac statim C. Marium cum cohortibus sociorum; eumque lacrimans, per amicitiam, perque rempublic. obsecrat, ne quam contumeliam remanere in exercitu victore, neve hostes inultos abire sinat. Ille brevi mandata effi-

INTERPRETATIO.

<sup>1</sup> Cupiebant cominus pugnare, et manus conserere.

<sup>2</sup> Mittebant præterea tædas pice et sulphure obductas.

NOTÆ.

<sup>a</sup> Glande.] Plumbum erat in glandis modum effectum, quod fundis jaciebatur.

<sup>b</sup> Evadere.] Scilicet, qui labore fessi, aut ab hostibus vulnerati sunt, secedunt; alii in eorum locum succedunt.

<sup>c</sup> Suffodere.] Ut eum dejicerent et diruerent.

<sup>d</sup> Tormentis.] Machinæ erant, quibus, magnâ vi, lapides, et id genus, in hostem ruebant.

<sup>e</sup> Famâ.] Videlicet, non ii laudantur, qui in latibulis, vel fugientes inhonesta vulnera accipiunt.

<sup>f</sup> Portam.] Castrorum, scilicet, alteram; nam quatuor erant.

<sup>g</sup> Nominus.] Id est, Gloria nominis Romani.

<sup>h</sup> In pluribus.] Id est, Cum pauci Romani in plures Numidas tela mitterent, singulis jaculis aliquem attingebant.

R

cit. At Jugurtha <sup>a</sup> munimento castrorum impeditus, cum alii super-  
vallum præcipitarentur, alii in <sup>b</sup> angustis ipsi sibi <sup>c</sup> properantes offi-  
cerent, multis amissis in loca munita sese recipit. Metellus, infecto  
negotio, postquam nox aderat, in castra cum exercitu reveritur.  
Igitur postero die, prius quàm ad oppugnandum egrederetur, equi-  
tatum omnem in eâ parte, quâ regis adventus erat, <sup>1</sup> pro castris agi-  
tare jubet: portas, et proxima loca tribunis dispertit: dein ipse per-  
git ad oppidum, atque, uti superiore die, murum aggreditur. Interim  
Jugurtha ex occulto repente nostros invadit. Qui in primo locati  
fuerant, paulisper terribi perturbantur: reliqui citò subveniunt. Ne-  
que diutius Numidæ resistere quivissent, ne pedites cum equitibus  
permixti magnam cladem in congressu facerent: quibus illi freti,  
non ut equestri prælio solet, sequi, dein cedere; sed <sup>d</sup> adversis equis  
concurrere, implicare, ac perturbare aciem: ita, expeditis pediti-  
bus suis, hostis, <sup>e</sup> pene victos dare. Eodem tempore apud Zamam  
magnâ vi certabatur. Ubi quisque legatus, aut tribunus curabat,  
eò acerrimè niti, neque alius in alio magis quàm in sese, spem ha-  
bere: pariterque oppidani agere, oppugnare, aut parare omnibus  
locis: avidius alteri alteros sauciare, quam semet tegere. Clamor  
permixtus, hortatione, lætitiâ, gemitu: item strepitus armorum, ad  
cælum ferri: tela utrimque volare. Sed illi, qui mœnia defensa-  
bant, ubi hostes paululum modò pugnam remiserant; intenti præ-  
lium, equestre prospectabant. Eos, uti quæque Jugurthæ res erant,  
lætos modò, modò pavidos animadverteres: ac, sicuti audiri à suis,  
aut cerni possent: monere, alii, alii hortari, aut manu significare,  
aut <sup>f</sup> niti corporibus: huc et illuc, quasi <sup>2</sup> vitabundi, aut jacentes  
tela, agitare. Quod ubi Mario cognitum est, (nam is in eâ parte  
curabat) consulto lenius agere, ac diffidentiam rei simulare: pati Nu-  
midas sine tumultu, regis prælium visere. Ita, illis studio suorum

## INTERPRETATIO.

<sup>1</sup> *Jubet omnem equitatem ma-  
nere ante castra, in eâ parte, quâ  
rex adventare poterat.*

<sup>2</sup> *In hanc et illam partem move-  
bant corpus, quasi vitare, aut ja-  
cere, tela debuissent.*

## NOTE.

<sup>a</sup> *Munimento.*] Vallo, fossâ, &c.

<sup>b</sup> *Angustis.*] Portarum, scilicet.

<sup>c</sup> *Properantes.*] Ita evenit: dum multi  
in locis angustis sese invicem pulsant et  
premunt, vix unus et alter egreditur.

<sup>d</sup> *Adversis.*] Non illi, ut solet, circum-  
actis, (en caraculans) sed rectâ in hostem  
concitatis equis, pugnabant, ut scilicet,  
introrumperent et pervaderent.

<sup>e</sup> *Pene.*] Certè difficile erat Romanis,  
simul Numidis peditibus et equitibus re-  
sistere, postquam sua acies turbata es-  
set.

<sup>f</sup> *Niti.*] Sic solemus, quando quem-  
piam videmus laborantem, qui res nostras  
tuetur: eo ferè modo membra et nervi nos-  
tri moventur, ac si res ipsas nosmet exequ-  
remur.

<sup>1</sup> adstrictis, repente magnâ vi murum aggreditur; et jam scalis <sup>2</sup> egres-  
si milites propè summa ceperant, cùm oppidani concurrunt; lapides,  
ignem, alia præterea tela ingerunt. Nostri primò resistere: dein,  
ubi unæ, atque alteræ scalæ comminutæ, qui supersteterant afflicti  
sunt; cæteri, quo quisque modo potuere, pauci integri, magna pars  
confecti vulneribus, abeunt. Deinde utrimque prælium nox diremit.  
Metellus postquam videt frustrâ inceptum, neque oppidum capi, ne-  
que Jugurtham, nisi ex insidiis, aut <sup>3</sup> suo loco pugnam facere; et jam  
æstatem exactam esse, ab Zamâ discedit: et in iis urbibus, quæ ad  
sese defecerant, satisque munitæ loco, aut mœnibus erant, præsidia  
imponit. Cæterum exercitum in provinciam, quæ proxima est Nu-  
midæ, hiemandi, gratiâ collocat. Neque id tempus ex <sup>4</sup> aliorum  
more quieti, aut luxuriæ concedit; sed, quoniam armis bellum parum  
procedebat, insidias regi per amicos tendere, et eorum <sup>b</sup> perfidia pro  
armis uti parat. Igitur Bomilcarem, qui Romæ cum Jugurthâ fuerat,  
et inde clam, <sup>c</sup> vadibus datis, de Massivæ nece judicium fugerat;  
quod <sup>d</sup> ei per maximam amicitiam maximâ copia fallendi erat,  
multis pollicitationibus aggreditur; ac primò efficit, ut ad se collo-  
quendi gratiâ occultus veniat: dein fide datâ, si Jugurtham vivum,  
aut necatum sibi tradidisset; fore, ut ille senatûs impunitatem, et  
<sup>e</sup> sua omnia concederet. Facile Numidæ persuadet, cùm ingenio  
infido, tum mœtuenti, ne, si pax cum Romanis fieret, ipse per <sup>e</sup> condi-  
tiones ad supplicium traderetur. Is ubi primum opportunum  
fuit, Jugurtham anxium, ac miserantem fortunas suas accedit:

INTERPRETATIO.

<sup>1</sup> Ita dum illi anxie occupati erant, affectu quo tenebantur erga suos, repente magnâ vi Marius murum aggreditur.

<sup>2</sup> Et milites, qui cum scalis ad-  
venerant, jam ferrè ad murorum ca-  
vum pervenerant.

<sup>3</sup> Postquam Metellus videt illud, quod inceperat, frustrâ inceptum fuisse; neque oppidum capi, neque Jugurtham pugnare nisi ex insi-

diis, aut loco ipsi opportuno, et jam æstatem exactam esse; Zama discedit; et in iis urbibus imponit præsidia, quæ in suam fidem vene-  
rant, et loco, aut mœnibus satis munitæ erant.

<sup>4</sup> Quia Jugurtham fallere facil-  
limè Bomilcar poterat, ex maximâ amicitia, cum Metellus multis pol-  
licitationibus aggreditur.

NOTÆ.

a Aliorum.] Imperatorum scilicet, Auli  
puta.

b Perfidia.] Videant proditores num  
satis nomen placeat; etiam apud illos  
qui eâ utuntur, eorum ars perfidia voca-  
tur: imò illis sunt detestabiles et ex-  
ecrandi, quando quidem scipos, et fidem,  
ante omnia vendunt.

c Vadibus.] Idè istud addidit, ne cui  
mirum videatur, quod effugere ille po-  
tuerit.

d Sua.] Id est, quæcumque bona Bomil-  
car possidebat.

e Conditiones.] Id est, Ne inter alias pa-  
cis conditiones hæc quoque esset, ut Bomil-  
car ad supplicium à Jugurthâ traderetur.

monet, atque lacrimans obtestatur, ut aliquando sibi liberisque, et genti Numidarum optimè merenti, provideat: omnibus præliis sese victos; agrum vastatum: multos mortales captos, aut occisos: regni opes comminutas esse: satis sæpe jam et virtutem militum, et fortunam tentatam: <sup>a</sup> caveat, ne, illo cunctante, Numidæ sibi consulant. His atque talibus aliis ad deditionem regis animum impellit. Mittuntur ad imperatorem legati, qui Jugurtham imperata facturum dicerent, ac <sup>b</sup> sine ullâ pactione sese, regnumque suum in illius fidem tradere. Metellus properè cunctos senatorii ordinis ex hibernis accersiri jubet: eorum, atque aliorum, quos idoneos ducebat, consilium habet. Ita more majorum, ex consilii decreto, per legatos Jugurthæ imperat, argenti <sup>c</sup> pondo ducenta millia; elephantos omnes; equorum, et armorum aliquantum. Quæ postquam sine morâ facta sunt, jubet perfugas omnes vinctos adduci. Eorum magna pars, uti jussum erat, adducti, pauci, cùm primum deditio cœpit, ad Regem Bocchum in Mauritaniam abierant. Igitur Jugurtha, ubi armis, virisque, et pecuniâ spoliatus est: cùm ipse ad <sup>d</sup> imperandum <sup>e</sup> Tisidium vocaretur, rursus cœpit <sup>f</sup> flectere animum suum, et ex malâ conscientia digna timere. Denique, multis diebus per dubitationem consumptis, cùm modò tædio rerum adversarum omnia bello potiora duceret; interdum secum ipse reputaret, quàm gravis casus in servitium ex regno foret: multis magnisque <sup>g</sup> præsidii nequicquam perditis, de integro bellum sumit. Et Romæ senatus, de provinciis consultis, Numidiam Metello decreverat. Per idem tempus <sup>h</sup> Uticæ fortè C. Mario, per hostias diis supplicanti, magna, atque mirabilia portendi haruspex dixerat: proinde, quæ animo agitabat, fretus diis ageret: fortunam quam sæpissimè experiretur; cuncta prospera eventura. At illum jam antea consulatûs ingens cupido exagitabat, ad quem capiundum, <sup>i</sup> præter vetustatem familiæ, alia omnia abundè erant: industria, probitas, militiæ magna scientia, animus <sup>i</sup> belli ingens, domi

## INTERPRETATIO.

<sup>1</sup> *Omnia erant abundè, si excipias vetustatem familiæ.*

## NOTÆ.

a *Caveat.*] Vides ab improbo proditore, ne cavere quidem potuisse omnium perfidorum perfidiosissimum; illumque, alterum, de more, eum quem avertere videbatur, siccam in pectus defixisse.

b *Sine ullâ.*] Illud est quod dicimus, *A discretion.*

c *Pondo.*] Quod Gallicè dicimus *un marc d'argent*, octo tantum continet uncias, pondo duodecim.

d *Imperandum.*] Passivè, Id est, *ut im-*

*peraretur*; ita loquutos esse veteres probat Servius in Virgilium.

e *Tisidium.*] Inter Carthaginem et Uticam sitam fuisse volunt.

f *Flectere.*] Id est, *pedem referre, et ab institutâ deditione animum revocare.*

g *Præsidii.*] Argento, videlicet, Elephantis, Armis, Equis, &c.

h *Uticæ.*] Jam satis nota, non longè à Carthagine, versus occidentem.

i *Bell.*] Adverbialiter, sicut *domi.*

modicus, lubricitatis et divitiarum victor, tantummodo gloriæ avidus. Sed is natus, omnem pueritiam <sup>a</sup> Aprini altus, ubi primum ætas militiæ patiens fuit, stipendiis faciundis, non Græcâ faciundâ, neque urbanis <sup>b</sup> munditiis sese exercuit: ita inter artes bonas <sup>1</sup> integrum ingenium brevî adolevit. Ergo ubi primum tribunatum militarem à populo petit, plerisque faciem ejus ignorantibus, facilè, <sup>2</sup> notus, per omnes tribus declaratur. Deinde ab eo magistratu, alium post alium sibi peperit: semperque in potestatibus eo modo agitabat, ut ampliore, quàm gerebat, dignus haberetur. Tamen is <sup>3</sup> ad id locorum talis vir, (nam postea ambitione præceps datus est) consulatum appetere non audebat. Etiam tum alios magistratus plebes, consulatum nobilitas inter se <sup>c</sup> per manus tradebat. Novus nemo tam clarus neque tam egregiis factis erat, quin is indignus illo honore, et quasi pollutus haberetur. Igitur, ubi Marius haruspici dicta eòdem intendere videt, quò cupido animi hortabatur; ab Metello <sup>d</sup> petendi gratiâ missionem rogat: cui quamquam virtus, gloria, atque alia optanda bonis <sup>e</sup> superabant, tamen inerat contemptor animus, et superbia, <sup>e</sup> commune nobilitatis malum. Itaque primum commotus insolitâ re, mirari ejus consilium, et quasi per amicitiam monere, ne tam <sup>f</sup> prava inciperet, neu super fortunam animum gereret: non omnia omnibus cupienda esse: debere illi res suas satis placere: postremo

INTERPRETATIO.

<sup>1</sup> Ita ingenium incorruptum brevî adolevit inter artes bonas.

<sup>2</sup> Ergò, ubi primum petit tribunatum militum à populo, quamquam plerique ignorarent faciem ejus, cognitus tamen virtute bellicâ, declaratur facilè tribunus per omnes tribus.

<sup>3</sup> Tamen vir ille, ad id usque

tempus adeò clarus, (nam postea ambitione planè corruptus est) non audebat appetere consulatum.

<sup>4</sup> Cui, (quamvis virtutem, gloriam, atque alia, quæ boni desiderare debent, affatim haberet,) tamen inerat animus contemptor, et superbia, quæ sunt vitium commune nobilitatis.

NOTÆ.

a *Arpini.*] Arpinium urbs fuit Hirpinorum in Samnitibus, ad Lirim fluvium, patria etiam Ciceronis.

b *Munditiis.*] Galanterie, Politeses.

c *Per manus.*] Proverbialis locutio, Gall. dicimus, *de main en main*. Patres quasi ex compacto successivè consulatum administrabant, mutasque sibi ad eum obtinendum operas invicem præbebant.

d *Petendi.*] Consulatum, scilicet. Dixit Metello se ideo missionem rogare, ut ad petendum consulatum Romam proficisceretur.

e *Commune.*] Eâ re præceps pleraque ruit nobilitas; vixque aliter inter homi-

nes evenire potest. Itaque caveant qui verè nobiles, aut boni cives esse volunt.

f *Prava.*] Loquitur de petitione consulatûs. Quis verò, cui modò virile ingenium sit, tantam injuriam tolerare queat; ut non ii virtutis laudibus et præmiis, fruantur, qui virtute ornati sunt, sed qui ejus qualiacumque à majoribus insignia habuerunt? Necessariò intereundum est illi reipublicæ, in quâ virtuti sua merces detrahatur; atque illi nobiles soli et deserti tandem vivere coguntur, qui aditum, per quem patres sui, qui mortui sunt, eos ad gloriam evexêre, aliis occludunt.

caveret id petere à populo Rom. quod illi jure negaretur. Postquam hæc, atque alia talia dixit, neque animus Marii flectitur; respondit, ubi primum potuisset per negotia publica, <sup>a</sup> facturum sese, quæ peteret. Ac postea sæpius eadem postulanti fertur dixisse, ne festinaret abire: satis mature illum cum filio suo consulatum petiturum. Is eo tempore <sup>b</sup> contubernio patris ibidem militabat, annos natus circiter xx. quæ res Marium cum <sup>c</sup> pro honore, quem affectabat, <sup>d</sup> tum contra Metellum, vehementer accenderat. Ita cupidine, atque irâ, pessimis consultoribus grassari: neque facto ullo, neque dicto abstinere, quod modò <sup>e</sup> ambitiosum foret: milites, quibus in hibernis præerat, <sup>f</sup> laxiore imperio, quàm antea, habere: apud negotiatores, quorum magna multitudo Uticæ erat, <sup>g</sup> criminosè simul et <sup>h</sup> magnificè de bello loqui: dimidia pars exercitûs sibi permetteretur, paucis diebus Jugurtham in catenis habiturum: ab imperatore consultò <sup>i</sup> trahi, quòd homo <sup>i</sup> inanis, et superbix regix, imperio nimis gauderet. Quæ omnia illis eò <sup>k</sup> firmiora videbantur, quòd diuturnitate belli res familiares corruperant, et <sup>l</sup> animo cupienti nihil satis festinatur. Erat præterea in exercitu nostro Numida quidam, nomine Gauda, Manastabalis filius, Masinissæ nepos, quem Micipsa testamento hæredem <sup>m</sup> secundum scripserat; morbis confectus, et ob

## INTERPRETATIO.

<sup>1</sup> Marius hæc dicebat, *Dimidia pars exercitûs sibi permetteretur, paucis diebus se habiturum Jugurtham in catenis; bellum de indus-* triâ ab imperatore Metello prolongari, quia ille homo inanis, et plenus superbix regix, nimium imperio gauderet.

## NOTÆ.

a *Facturum.*] Loquitur de Marii missione.

b *Contubernio.*] Contubernium. Gall. diceremus, *une tente*. Figuratè verò, hoc in loco, significat, Metello filium admodum adolescentem tunc temporis sub patre militiam didicisse.

c *Pro honore.*] Intellige, eò vehementiùs Marium honorem concupivisse, quod obices objicerentur.

d *Tum.*] Nota vim istius voculæ, quæ post *cum* significationem auget: quamquam enim hic propè idem est animi motus ac superior; nam fieri nequit, ut quis bonum aliquod summo cum studio persequatur; quin idem, si possit, omnia impedimenta removeat; attamen maximus est animi impetus contra id quod primò obstare videtur. Atque hinc, qui volet, multa documenta petere poterit.

e *Ambitiosum.*] Id est, quod ad favorem et benevolentium captandum comparatum esset. Aliter alibi sumitur.

f *Laxiore.*] Non omnia à militibus ex militari disciplinâ exigebat.

g *Criminosè.*] Contrâ Metellum, scilicet: quòd aperte postea dicitur.

h *Magnificè.*] Pro se, prout explicat proximis verbis.

i *Inanis.*] Gall. dicimus, *un homme vain*. Is est qui speciem ostentat earum rerum, quarum corpus non habet.

k *Firmiora.*] Id est, *Veritati magis consentanea, et firmius probata*.

l *Animo.*] Dicit negotiatorum impatientiam et desiderium causam fuisse partim, ut ii crederent bellum revera à Metello protrahum fuisse.

m *Secundum.*] Id est, *Qui hæreditatem adiret, si absque omni hærede filii morerentur*.



cam causam mente paululum <sup>a</sup> imminuta. Cui Metellus petenti, more regum, uti sellam <sup>1</sup> juxta poneret, item postea <sup>b</sup> custodiæ causâ turmam equitum Romanorum, utrumque negaverat: <sup>2</sup> honorem, quod eorum modò foret, quos populus R. reges appellavisset: præsidium, quod contumeliosum in <sup>c</sup> eos foret, si equites Romani, satellites Numidæ traderentur: Hunc Marius anxium aggreditur, atque hortatur uti contumeliarum in imperatorem <sup>d</sup> cum suo auxilio penas petat: hominem ob morbos animo parum valido <sup>3</sup> secundâ oratione extollit: <sup>4</sup> illum regem, virum ingentem, Masinissæ nepotem esse: si Jugurtha captus, aut occisus foret, imperium Numidiæ sine morâ habiturum: id adeò maturè posse evenire, si ipse consul ad id bellum missus foret. Itaque et illum, et equites Romanos, milites, et negotiatores, alios <sup>e</sup> ipse, plerosque pacis spes impellit, uti Romam ad suos necessarios asperè in Metellum de bello scribant; Marium imperatorem poscant. Sic <sup>5</sup> illi à multis mortalibus <sup>f</sup> honestissimâ suffragatione consulatus petebatur. Simul eâ tempestate plebes, nobilitate fusa per legem <sup>g</sup> Maniliam, novos extollebat. Ita Mario cuncta procedere. Interim Jugurtha, postquam, omissâ deditione, bellum incipit, cum magnâ curâ parare omnia, festinare, cogere exercitum: civitates, quæ ab se defecerant, formidine, aut ostentando præmia <sup>6</sup> affectare: communire suos locos: arma, tela, aliaque, quæ spe pacis amiserat, reficere, aut commercari: <sup>7</sup> servitia Romanorum allicere, et eos ipsos, qui in præ-

INTERPRETATIO.

<sup>1</sup> Cui Gaudæ petenti, uti poneret sellam juxta Metellum, sicuti reges ponere consueverant, item petenti postea turmam equitum Romanorum, custodiæ causâ, Metellus utrumque negaverat.

<sup>2</sup> Metellus negaverat honorem quod is honor esset tantium eorum, quos P. Romanus appellavisset reges: præsidium negaverat, quod id contumeliosum esset in equites Romanos, si ii traderentur, ut essent satellites Numidiæ.

<sup>3</sup> Inflatur oratione favente hominem qui animo erat imbecilli ex morbis.

<sup>4</sup> Marius Gaudæ dicit, Illum esse regem, &c.

<sup>5</sup> Sic consulatus petebatur illi (Mario) à multis mortalibus honestissimâ suffragandi ratione.

<sup>6</sup> Conabatur recipere formidine, aut ostentando præmia, civitates quæ ab se defecerant.

<sup>7</sup> Allicebat servos Romanorum.

NOTÆ.

a Imminuta.] Idem est quod dicit postea fuisse cum animo parum valido. Gall. dicimus, Un imbecille.

b Custodiæ.] Pour se garder.

c Eos.] Romanos. Sed substantivo præpositum est pronomen, ut major sit indignitas, quò propius equites Numidæ conjunguntur.

d Cum suo auxilio.] Videtur Sallustius de industriâ ineultum Marii stilum ce-

pissee. Hoc vero dicebat Gaudæ, Niteretur auxilio quod ipsi præstaret, dum injurias cum Metello expostularet.

e Ipse.] Auctoritate et favore, quo apud ipsos valebat.

f Honestissimâ.] Omnino: siquidem non ipse petere, sed ipsi magistratus ultrò conferri videbatur.

g Maniliam.] De quâ suprâ.

sidiis, erant, pecuniâ tentare : prorsus nihil intactum, neque quietum pati : cuncta agitare. Igitur Vaccenses, quo Metellus initio, Jugurthâ <sup>1</sup> pacificante, præsidium imposuerat ; fatigati regis suppliciis, neque antea <sup>a</sup> voluntate alienati, principes civitatis inter se conjurant : (nam vulgus uti plerumque solet, et maximè Numidarum ingenio mobili, seditiosum, atque <sup>b</sup> discordiosum, erat cupidum novarum rerum, quieti et otio adversum) dein, compositis inter se rebus, in diem tertium <sup>c</sup> constituunt, quòd is festus celebratusque per omnem Africam ludum et lasciviam magis quàm formidinem, ostentabat. Sed ubi tempus fuit, centuriones, tribunosque militares, et ipsum præfectum oppidi L. Turpilium Silanum, alius alium domos suas invitant ; eos omnes, præter Turpilium, inter epulas obtruncant : postea milites palantes, inermes, quippe in <sup>d</sup> tali die, ac sine imperio, aggrediuntur. Idem plebes facit, pars edocti ab nobilitate, alii <sup>e</sup> studio talium rerum incitati, quis, acta, consiliumque ignorantibus, tumultus ipse, et res novæ satis placebant. Romani milites, improvise metu, incerti ignarique quid potissimum facerent ; <sup>2</sup> trepidare ad arcem oppidi, ubi signa, et scuta erant : præsidium hostium, portæ antè clausæ fugam prohibebant ; ad hoc mulieres, plerique <sup>3</sup> pro tectis ædificiorum saxa, et alia, quæ locus præbebat, certatim mittere. Ita neque caveri <sup>f</sup> anceps malum neque à fortissimis <sup>g</sup> infirmissimo generi resisti posse : juxta boni, malique, strenui, et imbelles, inulti obtruncati. In eâ tantâ asperitate, sævissimis Numidis, et oppido undique clauso, Turpilius præfectus unus ex omnibus Italicis profugit intactus : id misericordiæ hospitii, an pactione, an casu ita evenerit, parum comperimus ; <sup>4</sup> nisi, quia illi in tanto malo turpis vita integrâ famâ potior

## INTERPRETATIO.

- |   |  |
|---|--|
| <sup>1</sup> <i>Dum Jugurtha paci studeret.</i>   | <i>saxa et alia, quæ locus præbebat.</i>   |
| <sup>2</sup> <i>Romani festinantur et tumultuosè accurrunt ad arcem oppidi.</i>                                     | <sup>4</sup> <i>Sed videtur improbus et instabilis, quia in tanto male, ille pluris fecit turpem vitam, quàm famam inviolatam.</i> |
| <sup>3</sup> <i>Mulieres et pueri, stantes pro tectis ædificiorum mittebant certatim, et quasi per æmulationem,</i> |  |

## NOTÆ.

- |  |  |
|--|--|
| <sup>a</sup> <i>Voluntate.</i> ] Gall. <i>d'Inclination.</i> Inviti Metello parebant.  | sapientis illius sententia æstimanda sit, qui principiis obstandum esse voluit.—   |
| <sup>b</sup> <i>Discordiosum.</i> ] Vox Sallustio peculiaris, nisi fortè ex veteribus desumpta est.  | Principiis et principibus occurrendum est, nam postquam latè grassata est seditio, frustra furenti multitudini ea fræna injicias, quibus paucos regere nesciveris. |
| <sup>c</sup> <i>Constituunt.</i> ] Gall. <i>Ils marquerent le jour de l' execution.</i> Diem assignant ; quo præsidarios milites jugularent. | <sup>f</sup> <i>Anceps.</i> ] Seu pugnare, seu fugere mallent.   |
| <sup>d</sup> <i>Tali.</i> ] Quo se jucunditati dabant.   | <sup>g</sup> <i>Infirmissimo.</i> ] Mulieribus, scilicet, et pueris.   |
| <sup>e</sup> <i>Studio.</i> ] Quia eadem et mutationes amabant. Caterum ex hoc loco videant rerum publicarum moderatores, quanti             |  |

fuit, improbus <sup>a</sup> intestabilisque videtur. Metellus, postquam de rebus. Vaccæ actis comperit, <sup>b</sup> paulisper, mæstus è conspectu abit: dein, ubi ira, et ægritudo permixta sunt, cum maximâ curâ ultum ire injurias festinat. Legionem, cum quâ hiemabat, et quàm plurimos potest Numidas equites pariter cum occasu solis expeditos educit; et <sup>c</sup> postera die circiter horam <sup>d</sup> tertiam, pervenit in quamdam planitiem, locis paulò superioribus circumventam. Ibi milites fessos itineris magnitudine, et jam abnuentes omnia, docet oppidum Vaccam non ampliùs mille passuum abesse: decere illos reliquum laborem æquo animo pati, dum pro civibus suis, viris fortissimis, atque miserimis, pœnas caperent. Præterea <sup>e</sup> prædam benignè ostentat. Sic animis eorum arrectis, equites in <sup>f</sup> primo latere, pedites quàm arctissimè ire, et signa occultare jubet. Vaccenses ubi animadvertère ad se versum exercitum pergere, primò, uti res erat, Metellum esse rati, portas clausère; dein ubi neque agros vastari, et eos, qui primi aderant, Numidas equites vident, <sup>g</sup> rursus Jugurtham arbitrati, cum magno gaudio obvii procedunt. Equites peditesque, repentè signo dato, alii vulgum <sup>h</sup> effusum oppido cædere: alii ad portas festinare: pars turres capere: ira, atque spes prædæ, ampliùs, quàm lassitudo, posse. Ita Vaccenses biduum modò ex perfidiâ lætati: civitas magna, et opulens, <sup>i</sup> pœnæ cuncta, aut prædæ fuit. Turpilius, quem præfectum oppidi unum ex omnibus profugisse suprâ ostendimus, jussus à Metello causam dicere; postquam sese parum expurgat, condemnatus, verberatusque, capite pœnas solvit. <sup>k</sup> Nam is civis ex Latio erat.

INTERPRETATIO.

- <sup>1</sup> *Jubet equites esse in primâ et* | *tham esse, procedunt illi obviam*  
*maximè conspicuâ parte agminis.* | *cum magno gaudio.*  
<sup>2</sup> *Ex adverso arbitrati Jugur-*

NOTÆ.

<sup>a</sup> *Intestabilis.*] Is est qui neque testimonium dicere, neque testamentum facere; neque, ut nonnulli putant, testamento quicquam consequi potest. Sed pro homine nefario sumitur et execrando.

<sup>b</sup> *Paulisper.*] Id est, *Postquam aliquantulum, audito nuncio in eodem loco, mæstus permansisset, postera abivit.*

<sup>c</sup> *Postera.*] Vide nomen *dies* in fœminino genere, etiam cum tempus certum denotatur; contrâ quam nonnulli tradunt.

<sup>d</sup> *Tertiam.*] Nobis nona esset matutinam Romanis, ab ortu solis ad occasum, duodecim semper horæ numerabantur, quæ idè breviores, quandoque prolixiores erant. Sed notandum est, quòd, si tempus, magis quàm numerandi ratio spectetur, hæc tertia hora, pro vario locorum

situ tempestatibus, sexta, septima, nona, aut circiter esse poterit.

<sup>e</sup> *Prædam.*] Promittit se urbem relicturum direptioni. *Qu'il metroit la ville au pillage.*

<sup>f</sup> *Effusum.*] Populus urbe egressus erat, ut obviam Jugurthæ procederet.

<sup>g</sup> *Pœnæ.*] Interfecerunt, aut corruerunt ea omnia quæ ad suum usum non fuerunt accommodata.

<sup>h</sup> *Nam.*] Interpretes miror, qui propè omnes idè graviùs hunc Turpilium punitum esse volunt, quòd is tantum ex Latio civis esset; quia scilicet, ut illi arbitrantur, si Romanus fuisset, cum Lex Porciæ et Valeria à securi liberassent. Constat verò non modò non in castris, ut in urbe legem Porciam Romanos cives ab impe-

Per idem tempus Bomilcar, cujus impulsu Jugurtha deditionem quam <sup>a</sup> metu deseruit, inceperat; suspectusque regi et ipse eum suspiciens, novas res cupere: ad perniciem ejus dolum quærere: diu noctuque fatigare animum: denique, omnia tentando, socium sibi adjungit Nabdalsam, hominem nobilem, magnis opibus clarum, acceptumque popularibus suis: qui plerumque <sup>b</sup> seorsim ab rege exercitum ductare, et omnes res exsequi solitus erat; quæ Jugurthæ fesso, aut majoribus adstricto, superaverant; ex quo illi gloria, opesque inventæ. Igitur utriusque consilio dies insidiis statuitur; cætera, uti res posceret, <sup>c</sup> ex tempore parari placuit. Nabdalsa ad exercitum profectus, quem <sup>d</sup> inter hiberna Romanorum jussus habebat, ne ager inultis hostibus vastaretur. Is postquam, magnitudine facinoris percussus, ad tempus non venit, <sup>e</sup> metusque rem impediēbat; Bomilcar simul cupidinibus incepta patrandi, et <sup>f</sup> timore socii anxius, ne, omisso vetere consilio, <sup>g</sup> novum quæreret; literas ad eum per homines fideles mittit: in quis mollitiem, socordiamque viri accusare; <sup>h</sup> testari deos, per quos juravisset; monere,

## INTERPRETATIO.

<sup>1</sup> *Nabdalsa profectus est ad exercitum, quem habebat, ex mandato Jugurthæ, prope ea loca in quibus Romani hibernum tempus transigebant.*

## NOTÆ.

ratorum virgis et securibus vindicasse; sed insuper gravius in cives Romanos, quam socios animadversum fuisse, prout illud ex Livii libro 30 probatur. Cæterum Plutarchus in Mario tradit, compertum esse postea, hunc Turpilium injustè damnatum fuisse; intactus enim ideo à Vaccensibus dimissus est, quòd modestè humaniterque sese in eos gessisset.

<sup>a</sup> *Metu.*] Videlicet timuit Jugurtha, ne, si absolutè et sine ullâ pactione deditus esset, Romani ipsum quoque morte mulcarent.

<sup>b</sup> *Seorsim.*] Intellige Jugurtham, Metelli exemplo, suas quoque copias in duas partes divisisse, quarum alteri Nabdalsam prefecerat.

<sup>c</sup> *Ex tempore.*] Scilicet non omnia possunt provideri: plurima ex occasione pendent, quæ melius quam hominum consilia res ipsa expedit. Itaque satis fuit duobus perduellibus de re ipsa convenire, cætera invicem ad socii prudentiam remittentibus.

<sup>d</sup> *Metusque.*] Nimirum Nabdalsa ejusmodi criminibus non erat assuetus, prout

Bomilcar, expavit itaque ad incepti facinoris maturiorem cogitationem.

<sup>e</sup> *Timore.*] Ne ita intelligas, quasi Bomilcar Nabdalsæ timorem cognovisset; aut, quod idem est, eò quòd Nabdalsa timeret, ipse anxius esset: verum credendum est Bomilcarem animo fuisse perturbato, quòd, ne à Nabdalsâ Jugurthæ traderetur, maximè reformidaret.

<sup>f</sup> *Novum.*] Ab inceptâ proditione desisteret, atque Jugurthæ Bomilcaris insidias detegeret.

<sup>g</sup> *Testari.*] Rem miram! Deos quoque testari hominem improbum, in re improba! Imò, quanquam dictu horrendum est, inter eos homines qui se maximè Christianos dici volunt, nonnulli conspiciuntur, qui, ut maximè sunt improbi, ita anxie operam dant ut non dæmonum turban, sed verum Deum, scelorum suorum, non testem modò, sed participem et vindicem habeant. Quæ genera sacrilega, cum propter frequentiam jam non liceat admirari, utinam principibus aliquando atrocissimis pœnis liceat et libeat profigere.

ne præmia Metelli in <sup>a</sup> pestem suam converteret: Jugurthæ <sup>b</sup> exitium adesse: cæterum, <sup>c</sup> suânẽ, an Metelli virtute periret, id modò agitari: proinde reputaret cum animo suo, præmia an cruciatum mallet. Sed cùm hæ literæ allatæ, fortè Nabdalsæ, exercito corpore fessus, in lecto quiescebat: ubi cognitis Bomilcaris verbis, primò cura, dein, ut ægrum animum solet, somnus cepit. Erat ei Numida quidam negotiorum curator fidus, acceptusque, et omnium consiliorum, nisi <sup>d</sup> novissimi, particeps. Qui postquam allatas literas audivit, ex consuetudine ratus operâ aut ingenio suo opus esse, in tabernaculum introit; dormiente illo, epistolam, super caput in pulvino temerè positam, simit, ac perleget; dein properè, cognitis insidiis, ad regem pergit. Nabdalsæ, post paulò expectatus, ubi neque epistolam reperit, et rem omnem, ut acta erat, ex <sup>e</sup> perfugis cognovit, promò <sup>f</sup> indicem persequi conatus: postquàm id frustrâ fuit, Jugurtham placandi gratiâ accedit: <sup>1</sup> quæ ipse paravisset, perfidiâ clientis sui, facere præventum: lacrimans obtestatur per amicitiam, perque sua antea fideliter acta, ne super tali scelere suspectum sese haberet. Ad ea rex aliter, atque animo gerebat, placidè respondit. Bomilcare, aliisque multis, quos socios insidiarum cognoverat, interfecit, <sup>g</sup> iram oppresserat, ne quâ ex eo negotio seditio oriretur. Neque post id locorum Jugurthæ dies, aut nox ulla quieta fuit: neque loco, neque mortali cuiquam, aut <sup>h</sup> tempori satis credere: cives, hostesque juxtâ metuere: circumspectare omnia, et omni stre-

INTERPRETATIO.

<sup>1</sup> Dicit Jugurthæ, se præventum perfidiâ clientis sui, facere quæ ipse paravisset.

NOTÆ.

<sup>a</sup> Pestem.] Scilicet Metellus irrisus à Nabdalsæ, si is minùs promissa servasset, injuriam, datâ occasione, ultus esset.

<sup>b</sup> Exitium.] Excusatio est facinoris, quasi dicat, Quandoquidem necessariò Jugurthæ pereundum est, satius est eum perire solum, nosque amicos saltem in ejus morte salutem nostram invenire. Quàm verò vana et futilis sit excusatio, nihil attinet dicere.

<sup>c</sup> Suânẽ.] Bomilcaris, nempe, et Nabdalsæ.

<sup>d</sup> Novissimi.] Proditionis, scilicet, Jugurthæ.

<sup>e</sup> Perfugis.] Eos fuisse arbitror quibus corporis custodiam crediderat, qui-

busque utebatur, quia minùs fallere audent: atque illi Numidam tabernaculo egredientem et festinantem viderant. Vel fortè nonnulli transfugæ tunc advenerunt, qui interrogati, num in quendam ita et ita et ornatum incidissent, rem omnem aperuerunt.

<sup>f</sup> Indicem.] Clientem suum, quem eâ causâ discessisse credebat, ut Jugurthæ conspiracyonem suam manifestam faceret.

<sup>g</sup> Iram.] Simulavit Jugurthæ se Nabdalsæ fidem habere, ne, in eum talem si pariter sæviret ut in Bomilcare, seditio aliqua fieret.

<sup>h</sup> Tempori.] Id est, Dies, noctes; omni denique tempore metuebat.

pitu pavescere : alio, atque alio loco sæpè contra decus regium noctū requiescere : interdum somno excitus arreptis armis tumultum facere : ita formidine, quasi vecordiā, exagitari. Igitur Metellus, ubi de casu Bomilcaris, et indicio patefacto ex perfugis cognovit, rursus, tamquam ad integrum bellum, cuncta parat, festinatque : Marium fatigantem de <sup>a</sup> profectione, simul et invisum, et offensum, sibi parū idoneum ratus, domum dimittit. Et Romæ plebes, literis, quæ de Metello ac Mario missæ erant, cognititis, <sup>b</sup> volentia de ambobus acceperant. Imperatori nobilitas, quæ antea decori fuerat <sup>c</sup> invidiæ esse : at illi alteri <sup>d</sup> generis humilitas favorem addiderat : cæterum in utroque magis studia partium, quàm bona, aut mala sua, <sup>e</sup> moderata. Præterea <sup>f</sup> seditiosi magistratus vulgum exagitare : Metellum omnibus concionibus <sup>g</sup> capitis arcessere : Marii virtutem in majus celebrare. Denique plebes sic accensa, ut opifices, agrestesque omnes, quorum res, <sup>h</sup> fidesque in manibus sitæ erant, relictis operibus <sup>i</sup> frequentarent Marium, et sua necessaria post illius honorem ducerent. Ita percussa nobilitate, post multas tempestates novo homini consulatus mandatur ; et postea populus à Tr. pl. Manlio Mantino rogatus, quem vellet cum Jugurthâ bellum gerere, frequens Marium jussit. Sed senatus paulò antè Metello Numidiam decre-

## NOTÆ.

à *Profectione*.] De quâ supra : avebat enim Romam proficisci, consulatum petiturus.

<sup>b</sup> *Volentia*.] Quandoquidem hæc vox eadem, eodem sensu, ab ipso Sallustio, 4. historiarum, reperitur, dubium non est quia ita scripserit. Posita verò est pro *Grata* aut *Placentia*. Nimirum plebs lætabatur, quòd, per literas, quæ ex Marii mente scriptæ erant, occasio data esset aliquem ex suis promovendi, nobilitatem deprimenti.

<sup>c</sup> *Invidiæ*.] Quia tunc plebes plùs poterat, cui nobilitatis dominatio invisa erat.

<sup>d</sup> *Generis*.] Mauris humili loco quia natus erat, ideo à plebe magis amabatur.

<sup>e</sup> *Moderata*.] Id est, non tam ex opinione virtutis, aut securitiæ, seu Metelli, seu Marii, plebs aut nobilitas Metelli, vel Mario, favebat aut nocebat ; quàm quia, suos promovere, alios deprimere, singulorum animo penitus insederat. Istud verò cujus sit momenti nemo non videt ; ut mirari subeat, quomodo tam diu respublica Romana cum hac peste stare potuerit. Causa morbi, superbia, tum populorum, tum magistratuum. Sed, quando ita nati sumus omnes, ut, ne quidem ad summum bonum ullo modo cogi sustineamus, ne-

que id unquam ipse deus cogitet ; hoc decet in primis, qui rectores et moderatores sunt, sapientiâ stupidam multitudinem prævertere, ut duci se, quòd cæca amat non cogi, quòd libera detestatur, semper cognoscat. Optimè Terentius in quodam prologo de iis amicis quos maxime commendare volebat,

Quorum, inquit, operâ in bello, in otio, in negotio.

Suo quisque tempore usu' est SINE SUPERBIA.

<sup>f</sup> *Seditiosi*.] Tribuni, scilicet, qui ad seditionem et discordiam tantum creati fuisse videntur.

<sup>g</sup> *Capitis*.] Id est, Earum rerum reum facere, et ad populum accusare, ex quibus libertas, dignitas, civitas, vita etiam quandoque amittatur.

<sup>h</sup> *Fidesque*.] Hic posita est pro fructu quem quis præcipue ex agro suo decerpit, qui fideliter cum fructum producit, cuique ille fidi. Eodem planè modo loquitur Hor Od. 16. l. 3. Gall. dicimus, *Dont tout le bien et tout le revenu consistoit dans le travail de leurs mains.*

<sup>i</sup> *Frequentarent*.] Non quòd cum eo essent ; ad domum ejus obambulabant, eum sequebantur, &c.

verat. <sup>a</sup> Ea res frustra fuit. Eodem tempore Jugurtha, amissis amicis, quorum plerosque ipse necaverat; cæteri formidine, pars ad Romanos, alii ad regem Bocchum profugerant: cum neque bellum geri sine administris posset, et novorum fidem, in tantâ perfidia veterum, experiri periculosum duceret, varius incertusque agitabatur; neque illi res, neque consilium, aut quisquam hominum satîs placebat: itinera, præfectosque in dies mutare: modò adversum hostes, interdum in solitudines pergere: sæpè in fugâ, at post paulò in armis spem habere: dubitaret virtuti popularium an fidei minùs crederet? Ita, quocumque <sup>1</sup> intenderat, res adversæ erant. Sed inter eas moras repentè se Metellus cum exercitu ostendit. Numidæ ab Jugurthâ pro tempore parati, instructique sunt: dein prælium incipitur. Quâ in parte rex pugnæ affuit, ibi aliquandiù certatum: cæteri omnes ejus milites primo congressu pulsî, fugatique: Romani signorum, et armorum, at aliquanto numero hostium potiti. Nam fermè Numidas in omnibus præliis magis pedes quàm armata tuta sunt. Eâ fugâ Jugurtha impensius modò rebus suis diffidens, cum perfugis, et parte equitatûs, in solitudines, dein <sup>b</sup> Thalam pervenit; in oppidum magnum, et opulentum: ubi pleriquè thesauri, filiorumque ejus multus pueritiæ <sup>c</sup> cultus erat. Quæ postquam Metello comperta sunt, quamquam inter Thalam flumenque proximum, in spatio milium quinquaginta, locò arida, atque vasta cognoverat, tamen se patrandi belli, si ejus oppidi potitus foret, omnes asperitates supervadere, ac <sup>d</sup> naturam etiam vincere aggreditur. Igitur omnia jumenta sarcinis levari jubet, nisi frumento dierum x. cæterùm <sup>e</sup> utris modò, et alia aquæ idonea portari. Præterâ conquirît ex agris quoniam plurimùm potest domiti pecoris: eoque imponit vasa cujusque modi, sed pleraque lignea, collecta ex tuguriis Numidarum. Ad hoc finitimis imperat, qui se post regis fugam Metello dederant, quàm plurimùm quisque aquæ portaret: diem, locumque, ubi præstò forent, prædicat. Ipse ex flumine, quam proximam aquam oppido esse suprâ diximus, jumenta onerat. Eo modo instructus ad Thalam proficiscitur. Dein ubi ad loci ventum, quò Numidis præceperat; et castra posita, mu-

INTERPRETATIO.

<sup>1</sup> Itaque quocumque animum converterat, res adversæ erant.

NOTÆ.

<sup>a</sup> Ea.] Quòd, nimirum, senatus Metello Numidiam decreverat.

<sup>b</sup> Thalam.] Satis constat Africæ propriam urbem fuisse: Situs præcisè non cognoscitur.

<sup>c</sup> Cultus.] Id est, Quicquid ad educationem et recreationem pertinet.

<sup>d</sup> Naturam.] De ariditate loci præcipuè intelligitur.

<sup>e</sup> Utris.] Uter pellis est quâ continentur liquores.

nitaque sunt; tanta repentè cælo missa vis aquæ dicitur, ut ea modò exercitui satis supèrque foret. Prætèrà commeatûs spe amplior, quia Numidæ, sicuti plerique in novâ deditione, officiâ <sup>a</sup> intenderant. Cæterùm milites, religione, pluvîa magis usi eaque res multùm animis eorum addidit. Nam rati sese diis immortalibus curæ esse: dein posterà dic, contrâ opinionem Jugurthæ, ad Thalam perveniunt. Oppidani, qui se locorum asperitate munitos crediderant, magnâ atque insolita re perculsi, nihilo segniùs bellum parare: idem nostri facere. Sed rex, nihil jam Metello <sup>b</sup> infectum credens, quippe qui omnia arma, tela, loca, tempora, denique naturam ipsam, cæteris imperitantem, industriâ vicerat, cum liberis, et magnâ parte pecuniæ ex oppido noctu profugit: neque postea in ullo loco ampliùs unâ die, aut unâ nocte moratus; simulabat sese negotii gratiâ properare: cæterùm prodicionem timebat, quam vitare posse celeritate putabat. Nam talia consilia per otium et ex opportunitate <sup>1</sup> capi. At Metellus ubi oppidanos prælio intentos, simul oppidum et operibus, et loco munitum videt, vallo fossæque mœnia circumvenit. Dein jubet locis <sup>c</sup> ex copiâ maximè idoneis vineas <sup>2</sup> agere, <sup>d</sup> superque eas aggerem jacere; et <sup>e</sup> super aggerem impositis turribus opus administros tutari. Contrâ hæc oppidani festinare, parare; prorsus ab utrisque nihil reliquum fieri. Denique Romani, multo ante labore præliisque fatigati post dies quadraginta, quàm eò ventum erat, oppido modò potiti: præda omnis à perfugis corrupta. Hi postquam murum <sup>f</sup> arietibus feriri, resque suis afflictas vident, aurum, argentumque, et alia, quæ prima ducuntur, domum regiam comportant; ibi vino et epulis onerati, illaque, et domum, et semet igni corrumpunt; et quas, victi ab hostibus pœnas meturant, eas ipsi volentes pependêre. Sed pariter cum captâ Thalâ legati, ex oppido Lepti, ad Metellum venerant orantes uti præsidium, perfectumque eò mitte-

## INTERPRETATIO.

<sup>1</sup> Nam Jugurtha sciebat talia consilia capi per otium, et ex opportunitate. | <sup>2</sup> Deinde jubet vineas promoveri in locis maximè idoneis ex copiâ.

## NOTÆ.

a Intenderant.] Ils en avoient fait plus qu'on de leur en avoit demandé. Supra modum, uti in novo imperio solet, officiosi fuerant.

b Infectum.] Id est, Quod à Metello fieri non posset, verùm illud Infectum cum formam induat præteriti, maximam vim habet.

c Ex copiâ.] Non dicit absolute, loca fuisse maxime idonea: sed vineas actas

in locis, pro ratione situs et regionibus, maximè idoneis.

d Superque.] Pro ultra positum arbitrator: ita ut pone vineas latentes administri, terram et alia propiùs muros jacerent, ad constituendum aggerem. Aliiter alii, quibus non assentior.

e Super.] Jam super vulgato sensu positum est.

f Arietibus.] Ariës machina fuit ad subruendos muros.



ret: Hamilcarem quendam, hominem nobilem, factiosum, novis rebus studere: adversum quem neque imperia magistratuum, neque leges valerent: ni id festinaret, in summo periculo suam salutem, illorum socios, fore. Nam Leptitani, jam inde à principio belli Jugurthini, ad Bestiam consullem, et postea Romam miserant amicitiam, societatemque rogatum. Dein, ubi ea impetrata, semper boni, fidelesque mansere: et cuncta à Bestiâ, Albino, Metelloque imperata navi fecerant. Itaque ab Imperatore facile, quæ petebant, adepti. Emissæ eò cohortes Ligurum quatuor, et C. Annius præfectus. Id oppidum ab Sidoniis conditum est, quos accepimus profugos, ob discordias civiles, navibus in eos locos venisse: cæterum situm inter duas Syrtes, quibus nomen ex re inditum. Nam duo sunt sinus propè in extremâ Africâ, impares magnitudine, pari natura: quorum proxima terræ præalta sunt, cætera, uti sors tulit, alta: alia in tempestate vadosa. Nam ubi mare magnum esse, et sævire ventis cepit, limum, arenamque, et saxa ingentia fluctus trahunt; ita facies locorum cum ventis simul mutatur. Syrtes ab tractu nominatæ. Ejus civitatis lingua modò conversa connubio Numidarum. Legum, cultusque pleraque Sidonica: quæ eò facilius retinebant, quòd procul ab imperio regis ætatem agebant. Inter illos, et frequentem Numidiam inculti vastique loci erant.

Sed quoniam in has regiones per Leptitanorum negotia venimus, non indignum videtur, egregium, atque memorabile facinus duorum Carthaginensium memorare: eam rem nos locus admonuit. Quâ tempestate Carthaginenses pleraque Africæ imperitabant. Cyrenenses quoque magni atque opulenti fuere. Ager in medio arenosus

INTERPRETATIO.

<sup>1</sup> Cæterum oppidum positum est inter duas Syrtes. | mutata per connubia Numidarum.

<sup>2</sup> Quorum proxima loca terræ sunt maxime profunda. | Inter illos, et hominibus frequentatam Numidiam loci inculti vastique erant.

<sup>3</sup> Ejus civitatis lingua tantum

NOTÆ.

a Ilorum.] Romanorum.

b Sidoniis.] Sidon urbs fuit Palæstinæ antiquissima, plurimarum coloniarum mater; quanquam Tyro nonnulli Leptim adscribunt. Sed notandum, quod de illis urbibus, propter vicinatem, et similitudinem, etiam ipsius Christi unum et idem fuit judicium.

c Re.] Tractu scilicet, ut dicetur postmodum ab ipso Sallustio. At Græca est

originatio; nam toga Græcorum est Traho Latinorum.

d Sinus.] Gall. Des golfes. Ita vocatur mare, cum alicubi litora curvat, et terras intrat.

e Extremâ.] Versus orientem, et secundum veterem Geographiam.

f Regis.] Quicumque tandem iis imperitaverit, sive Masinissa, Micipsa, aut quis alius fuerit.

g Indignum.] Gall. Hors de propos.

<sup>a</sup> unâ specie: neque flumen, neque mons erat, qui fines eorum discerneret: <sup>b</sup> quæ res eos in magno diuturnoque bello inter se habuit. Postquam utrimque legiones, item classes sæpè fusæ, fugatæque; et alteri alteros aliquantùm attriverant, veriti ne mox victos, victoresque defessos alius aggrediretur, per inducias <sup>c</sup> sponsionem faciunt, uti certo die legati domo profisciscerentur; quo in loco inter se obvii fuissent, is communis utriusque populi finis haberetur. Igitur duo fratres Carthagine missi, quibus nomen Philænis erat, maturavêre iter pergere: Cyrenenses tardiùs <sup>d</sup> iêre. Id socordiâne, an casu acciderit, parùm cognovi. Cæterùm solet in locis illis tempestas haud secus, atque in mari, retinere. Nam, ubi per loca æqualia, et <sup>e</sup> nuda gignentium, ventus co-ortus arenam humo excitavit, ea magnâ vi agitata, ora, oculosque implere; ita prospectu impedito, morari iter. Postquam Cyrenenses aliquantò <sup>d</sup> posteriores se esse vident, et ob rem corruptam, domi pœnas metuunt; <sup>g</sup> criminari Carthaginienses ante tempus domo digressos: conturbare rem: denique omnia malle, quàm victi abire. Sed cùm <sup>e</sup> Pœni aliam conditionem tantummodo æquam peterent, <sup>f</sup> Græci <sup>g</sup> optionem Carthaginiensium faciunt; uti vel illi, <sup>h</sup> quos fines populo suo peterent, ibi vivi obruerentur; vel eâdem conditione sese, quem in locum vellent, processuros. Philæni, conditione probatâ, seque, vitamque suam reip. condonavêre; ita vivi obruti. Carthaginienses in eo loco Philænis

## INTERPRETATIO.

<sup>1</sup> *Cyrenenses lentiore gradu processerunt.*

<sup>2</sup> *Cùm ventus obortus excitavit humo arenam per loca plana et plantis omnibus destituta, ea arena agitata magnâ vi implet ora et oculos.*

<sup>3</sup> *Postquam Cyrenenses vident se esse aliquantò posteriores, et timent ne domi puniantur ob rem perditam; ceperunt criminari et accusare Carthaginienses, quasi domo digressi essent ante tempus.*

## NOTÆ.

<sup>a</sup> *Unâ.]* Locus erat, ubi neque mons, neque flumen, prout dicit auctor, conspicebatur: ubi denique facies una et eadem. Gall. *Une rase campagne.*

<sup>b</sup> *Quæ res.]* Quòd, scilicet, fines nulli essent. Quæ verò, inquires, litibus materia? Multiplex nascitur vel ex solâ jurisdictione, quia locus fuit viatoribus frequentatus: libidini verò quid intactum esse potest.

<sup>c</sup> *Sponsionem faciunt.]* Id est, conveniunt, et consenserunt. Gall. *Ils convinèrent.*

<sup>d</sup> *Posteriorès.]* Intellege eos ad medium campum non pervenisse, Philænosque plùs quàm dimidiam partem itineris emensos

fuisse; atque adedò magnum agri partem civibus diligentia suâ lucrificisse.

<sup>e</sup> *Pœni.]* Carthaginienses, Pœni dicti, quasi Phœni, à Phœnicibus, unde originem ducebant.

<sup>f</sup> *Græci.]* Cyrenenses, quos antea Græci esse origine vidimus.

<sup>g</sup> *Optionem.]* *Ils leur donnerent le choix.* Ita loquitur Terentius alicubi in fabularum prologis, cùm dicit, *Vestrum iudicium fecit, pro, Vobis iudicandum reliquit.*

<sup>h</sup> *Quos.]* Hunc nota loquendi modum: sensus est apertissimus; sed phrasis extra ordinem constructionis.

fratribus aras consecravere, alique illis domi honores instituti. Nunc ad rem redeo.

Jugurtha postquam, amissa Thalá, nihil satis firmum contra Metellum putat, per magnas <sup>a</sup> solitudines cum paucis profectus, pervenit ad Gætulos, genus hominum ferum, incultumque, et eo tempore ignarum nominis Romani. Eorum multitudinem in unum cogit; ac paulatim consuefacit <sup>b</sup> ordines habere, signa sequi, imperium observare, item alia militaria facere. Præterea regis Bocchi <sup>1</sup> proximos magnis muneribus, et majoribus promissis ad studium sui perducit: quis adjutoribus regem aggressus, impellit, ut adversum Romanos bellum suscipiat. Id eâ gratiâ facilius, proniusque fuit, quod Bocchus initio hujusce belli legatos Romam miserat, fædus, et amicitiam petitum. Quam rem opportunissimam incepto <sup>c</sup> belli <sup>d</sup> pauci impediverant, cæci avaritiâ, quis omnia honesta, atque inhonesta vendere mos erat. Etiam antea Jugurthæ filia Boccho nupserat. Verum ea necessitudo apud Numidas, Maurosque levis ducitur; quod singuli pro opibus, quisque quàm plurimas uxores, denas alii, alii plures habeant; sed reges eo ampliùs. Ita <sup>e</sup> animus multitudine distrahitur: <sup>f</sup> nullam pro <sup>g</sup> sociâ obtinet: pariter omnes viles sunt. Igitur in locum ambobus placitum exercitus conveniunt. Ibi, fide datâ et acceptâ, Jugurthâ Bocchi animum oratione accendit: Romanos injustos, profundâ avaritiâ, communes omnium hostes esse: <sup>h</sup> eandem illos causam belli cum Boccho habere, quàm secum, et cum aliis gentibus: lubidinem imperitandi, quis omnia regna adversa sint: <sup>2</sup> tum sese, paulò antè Carthaginienses, item regem <sup>i</sup> Persen: <sup>k</sup> post uti quisque opulentissimus videatur, ita Romanis hostem fore: His, atque aliis talibus dictis, ad Cirtam oppidum iter constituunt; quod

INTERPRETATIO.

- <sup>1</sup> Adducit ad sui studium familiares et amicos regis Bocchi magnis <sup>1</sup> muneribus, et majoribus promissis. *tham esse tum hostem Romanis. Carthaginienses fuisse hostes paulo antè, item regem Persen; post, ita quemvis iis hostem fore, uti quisque videatur opulentissimus.*
- <sup>2</sup> Dicit Boccho, sese Jugur-

NOTÆ.

- <sup>a</sup> Solitudines.] Des deserts.  
<sup>b</sup> Ordines habere.] A garder leurs rangs.  
<sup>c</sup> Belli.] Contra Jugurtham, scilicet, quia Bocchus vicinus erat.  
<sup>d</sup> Pauci.] Nobiles Romani.  
<sup>e</sup> Animus.] L' affection.  
<sup>f</sup> Nullam.] Mallet nulla.  
<sup>g</sup> Sociâ.] Matrôna et matrefamilias, ut apud Romanos.  
<sup>h</sup> Eandem.] Cupit Jugurthâ, Bocchum intelligere, ipsi, perinde ac sibi, aliis rebus Romanos hostes esse, quantumvis

- bellum nqn indixissent: quandoquidem unâ et eâdem libidine in omnes successivè insurgerent.  
<sup>i</sup> Persen.] Rex fuit Macedoniæ quem Paulus Æmilius debellavit, et in triumphum duxit.  
<sup>k</sup> Post.] In quibusdam codicibus vox ista cum præcedente, nullâ interpositâ virgulâ, colligitur; unde error in Chronologiam inducitur; si quidem Perses antè, non post Carthaginienses, devictus est.

T

ibi Q. Metellus prædam captivosque et impedimenta locaverat. Ita Jugurtha ratus, aut, captâ urbe, <sup>a</sup> operæ pretium fore; aut si Romanus auxilio suis venisset, prælio sese certaturos. Nam callidus id modò festinabat, Bocchi <sup>b</sup> pacem imminuere; ne, moras agitando, aliud quàm bellum, mallet. Imperator postquam de regem societate, cognovit, non temerè, neque, uti sæpe, jam victo Jugurthâ, consueverat, omnibus locis pugnandi copiam facit: cæterum haud procul ab Cirtâ castris munitis, reges opperitur: meliùs esse ratus, cognitis Mauris, quoniam is novus hostis accesserat, ex commodo pugnam facere. Interim Româ per literas fit certior, Mario provinciam Numidiam datam. Nam consulem factum antè acceperat. Quibus rebus supra bonum atque honestum percussus, neque lacrymas tenere, neque moderari linguam, vir egregius in aliis artibus, nimis molliter ægritudinem pati. Quam rem alii in <sup>c</sup> superbiam vertebant: alii bonum ingenium contumeliâ accensum esse: multi, quòd jam parta victoria ex manibus eriperetur: nobis satîs cognitum, illum magis honore Marii, quàm injuriâ suâ, excruciatum; neque tam anxie laturum fuisse, si ademptâ provinciâ alii, quàm Mario, traderetur. Igitur eo dolore impeditus, et quia stultitiæ videbatur <sup>d</sup> alienam rem periculo suo curare, legatos ad Bocchum mittit, postulatum, ne sine causâ hostis populi Rom. fieret: habere eum magnam copiam societatis, amicitieque conjungendæ, quæ potior bello esset: quanquam opibus suis confideret, tamen non debere incerta pro certis mutare: omne bellum sumi facilè, cæterùm ægerrimè desinere: non in ejusdem potestate initium ejus, et finem esse: incipere cuivis etiam ignavo licere: deponi, cùm victores velint: proinde sibi, regnoque suo consulere: neu florentes res suas cum Jugurthæ perditis <sup>e</sup> misceret. Ad ea rex satîs placidè verba facit: sese pacem cupere, sed Jugurthæ fortunarum misereri: si eadem illi <sup>f</sup> copia fieret, omnia conventura. Rursus imperator, contra postulata Bocchi, nuncios mittit. Ille probare partim, alia abnuere. Eo modo, sæpe ab utroque missis remissisque nunciis, tempus procedere, et <sup>g</sup> ex Metelli voluntate bellum intactum trahi. At Marius, uti suprâ diximus, cupientissimâ plebe

## NOTÆ.

<sup>a</sup> Operæ pretium.] Gall. *Que ce seroit un coup d'importance, et qui en vaudroit bien la peine.*

<sup>b</sup> Pacem.] Id est, *In eum locum et statum Bocchum adducere, ut amplius non posset de pace cum Romanis inveniendâ cogitare.*

<sup>c</sup> Superbiam.] Eam fuisse ex futilibus, quos addit aliorum conjecturis, satîs patet.

<sup>d</sup> Alienam.] Gloriam, scilicet, et triumphum Marii.

<sup>e</sup> Misceret.] Vide an non ab istis Romanis prudentiam nullo tuo periculo querere possis.

<sup>f</sup> Copia.] Id est, *Si fœdus cum Jugurthâ quoque sanciretur.* Paulò obscurius expressit: sed auctor noster quæ leviora sunt expedit, et ad eventum festinat.

<sup>g</sup> Ex Metelli.] Illud est quod suprâ dixit, Stultitiæ videri rem alienam periculo suo curare.

consul factus, postquam ei provinciam Numidiam populus <sup>a</sup> jussit, antea jam infestus nobilitati, tum verò <sup>b</sup> multus, atque ferox instare: singulos modò, modò universos lædere: dictitare, sese consulatum ex victis illis <sup>c</sup> spolia cepisse: alia præterea magnifica pro se, et illis dolentia: interim, quæ bello opus erant, prima habere: postulare legionibus supplementum: auxilia à populis, et regibus, sociisque arcescere: præterea ex Latio fortissimum quemque, plerosque <sup>e</sup> militiâ, paucos <sup>d</sup> famâ cognitos accire: et <sup>e</sup> ambiendo cogere homines <sup>f</sup> emeritis stipendiis secum proficisci. Neque illi senatus, quamquam adversus erat, de ullo negotio negare audebat: cæterum supplementum etiam lætus decreverat: quia neque plebi militia <sup>g</sup> volenti putabatur, et Marius aut <sup>h</sup> belli usum, aut studia vulgi amissurus. Sed ea res frustrâ sperata: tanta lubido cum Mario eundi plerosque invaserat. <sup>2</sup> Sese quisque prædâ locupletem fore, victorem domum rediturum. Alia hujuscemodi animis trahebant; et eos non paullum oratione suâ Marius <sup>3</sup> arreixerat. Nam postquam, omnibus, quæ postulaverat, decretis, milites scribere vult; hortandi causâ, simul et nobilitatem, uti consueverat, exagitandi, concionem populi advocavit; deinde hoc modo disseruit:

“ Scio ego, Quirites, plerosque non iisdem artibus imperium à vobis petere, et postquam adepti sunt, gerere: primò industrios, “ supplices, <sup>4</sup> modicos esse: dein per ignaviam, et superbiam ætatem “ agere; sed mihi contrâ videtur. Nam, quò universa resp. pluris

INTERPRETATIO.

- |  |  |
|--|--|
| <p><sup>1</sup> <i>Marius dictitabat sese cepisse consulatum, tanquam spolia, ex illis victis.</i></p> <p><sup>2</sup> <i>Quisque credebatur sese fore locupletem prædâ, et rediturum vic-</i></p> | <p><i>torem domum; alia hujusmodi animisolvebant.</i></p> <p><sup>3</sup> <i>Et Marius non parum eos in spem erexerat oratione suâ.</i></p> <p><sup>4</sup> <i>Scio eos primò esse laboriosos, supplices, moderatos.</i></p> |
|--|--|

NOTÆ.

a *Jussit.*] Populus jubet, senatus decernit.

b *Multus.*] Id est, acer et in exagitandâ nobilitate assiduus.

c *Militiâ.*] Id est, rei militaris peritia. Gall. *Par ce qu'il avoit vu de leur expérience au métier de la guerre.*

d *Famâ.*] Nota, non dicit Marium famâ credidisse, et paucos accivisse, qui eâ tantum clari essent. Benè sanè, nam, ut habet, poeta, fama.

*Tam ficti pravique tenax, quàm nuntia veri.*

e *Ambiando.*] Quia ad bellum, nisi in tumultu, legibus non cogeantur.

f *Emeritis.*] Qui militanti, stipendia merentur: unde emeriti et veterani illi dicuntur, qui stipendia impleverunt, atque id omne tempus militiâ dederunt, quod legibus constitutum est.

g *Volenti.*] Phrasis est ex veteri latinitate: id est, plerique credebant militiam populo minùs placere.

h *Belli usum.*] Nobiles arbitrabantur, vel Marium infeliciter bellum sine supplementis administraturum, vel, ea si invito populo scriberet, ejus gratiam amissurum. Sed vide mihi, quæso, quantum periculum ex superbiâ, deinde discordiâ, reipublicæ imminet.

“ est quàm consulatus, aut prætura, <sup>1</sup> eo majore curâ illam adminis-  
 “ trari, quàm hæc peti debere. Neque me fallit, quantum, cum  
 “ maximo beneficio vestro, negotii sustineam. Bellum parare, simul  
 “ et ærario parcere: cogere ad militiam <sup>2</sup> eos quos nolis offendere:  
 “ domi forisque omnia curare: et ea agere inter invidios, <sup>b</sup> occursan-  
 “ tes, factiosos, <sup>c</sup> opinione, Quirites, asperius est. Ad hoc, alii si  
 “ deliquere, vetus nobilitas, majorum facta fortia, cognatorum et af-  
 “ finium opes, multæ <sup>d</sup> clientelæ, omnia hæc præsidio adsunt: mihi  
 “ spes omnes in memet sitæ, quas necesse est et virtute, et innocen-  
 “ tiâ tutari: nam <sup>e</sup> alia infirma sunt. <sup>f</sup> Et illud intelligo, Quirites,  
 “ <sup>g</sup> omnium ora in me <sup>h</sup> conversa esse: æquos, bonosque favere:  
 “ quippe benefacta mea reip. procedunt: nobilitatem <sup>i</sup> locum inva-  
 “ dendi quærere. Quò mihi acrius adnitendum est, uti neque vos  
 “ <sup>j</sup> capiamini, et illi frustrâ sint. Ita ad hoc ætatis à pueritiâ fui,  
 “ ut omnes labores, pericula consueta habeam. Quæ antea vestra  
 “ beneficia gratuitò faciebam, ea uti, accepta <sup>k</sup> mercede, deseram,  
 “ non est consilium, Quirites. Illis difficile est in potestatibus <sup>l</sup> tem-  
 “ perare, qui per ambitionem sese probos simulavère, mihi, qui om-  
 “ nem ætatem in optimis artibus egi, benè facere jam ex consuetu-  
 “ dine <sup>m</sup> in naturam vertit. Bellum me gerere cum Jugurthâ jus-  
 “ sistis: quam rem nobilitas ægerrimè tulit. Quæso, reputate cum  
 “ animis vestris, num id mutari meliùs sit: si quem ex illo <sup>n</sup> globo  
 “ nobilitatis ad hoc, aut aliud tale, negotium mittatis; hominem ve-

## INTERPRETATIO.

<sup>1</sup> Nam mihi videtur, quò, uni-  
 versa respublica pluris est quàm  
 prætura aut consulatus; illam de-  
 bere administrari eo majore curâ,  
 quàm hæc peti.

<sup>2</sup> Intelligo nobilitatem quærere  
 occasionem sibi vindicandi domina-  
 tionem.

<sup>3</sup> Quapropter mihi vehementiùs  
 adnitendum est, uti neque vos in  
 fraudem incidatis, et illi frustrâ  
 sint.

<sup>4</sup> Difficile est illis modestè sese  
 gerere in potestatibus, qui se pro-  
 bos simulaverunt, dum amibant.

## NOTE.

a Eos.] Eos populo ipse loquitur, apud  
 quem orationem habebat, in quâ plurima  
 sunt certè, quæ non sine causâ quivis  
 memoriæ mandat.

b Occursantes.] De nobilibus agit, qui  
 novorum hominum conatibus semper re-  
 sistebant.

c Opinione.] Gall. C'est une chose plus  
 fâcheuse qu'on ne pense.

d Clientelæ.] Ita vocantur civitates, seu  
 multitudines hominum quæ alicui poten-  
 ti adhærent, ejusque patrocínio utuntur.

e Alia.] Dicit se neque cognatos, ne-  
 que clientelas, neque id genus alia ha-  
 bere: sed solâ virtute niti.

f Et.] Gall. diceremus, Je sais d'autre  
 part. Particularum vim antea omnia cog-  
 noscere debet, quisquis alicujus linguæ  
 accuratam notitiam habere cupit.

g Omnium.] Vestrâ, scilicet, qui ex  
 plebe estis.

h Conversa.] Id est, qui omnia bona à  
 me expectatio.

i Mercede.] Consulatu, videlicet, et in  
 eum exercitum imperio, qui in Numidiâ  
 est.

k In naturam.] Istud maxime homines  
 ad virtutis habitum inflammare debet.

l Globo.] Istud est valde invidiosum.

\* teris prosapiæ, aut multarum <sup>a</sup> imaginum, et <sup>b</sup> nullius, stipendii :  
 " scilicet ut in tantâ re ignarus omnium trepidet, festinet : <sup>1</sup> sumat  
 " aliquem ex populo monitorem officii sui. Ita plerumque evenit,  
 " uti, quem vos imperare jussistis, is sibi imperatorem alium quæ-  
 " rat. <sup>2</sup> At ego scio, Quirites, qui, postquam consules facti sunt,  
 " acta majorum, et Græcorum militaria præcepta legere cæperint :  
 " homines <sup>c</sup> præposterii ! <sup>3 d</sup> Nam gerere, quam fieri, tempore poste-  
 " rius, re, atque usu prius, est. Comparete nunc, Quirites, cum  
 " illorum superbiâ me hominem novum. Quæ illi audire, et legere  
 " solent, eorum partem vidi, alia egomet gessi. Quæ illi literis, ea  
 " ego militando, didici. Nunc vos exestimate, facta, an dicta pluris  
 " sint. Contemnunt novitatem meam, ego illorum ignaviam. Mihi  
 " fortuna, illis probra objectantur. Quamquam ego naturam unam,  
 " et comunem omnium existimo ; sed fortissimum quemque <sup>e</sup> gene-  
 " rosissimum esse. Ac si jam ex patribus Albini, aut Bestiæ, quæri  
 " posset, mene, an illos, ex se gigni maluerint ; quid responsuros  
 " creditis, nisi, sese liberos quàm optimos voluisse ? Quòd si jure  
 " despiciunt me, <sup>f</sup> faciant idem majoribus suis ; quibus, uti, mihi, ex  
 " virtute nobilitas cæpit. Invident honori meo : ergo <sup>g</sup> invideant la-  
 " bori, innocentia, periculis etiam meis : quoniam per hæc illum cepi.  
 " Verùm homines corrupti superbiâ ita ætatem agunt, quasi honores  
 " vestros contemnunt : ita hos petunt, quasi honestè vixerint. Næ  
 " illi falsi sunt qui diversissimas res pariter expectant, ignavia vo-  
 " luptatem, et <sup>h</sup> præmiâ virtutis. Atque etiam cùm apud vos, aut in

INTERPRETATIO.

<sup>1</sup> Sumat aliquem ex populo, qui de officio suo admoneat.

<sup>2</sup> At ego quosdam cognosco, Quirites, qui postquam consules facti

sunt, cæperint legere acta majorum, &c.

<sup>3</sup> Nam gerere imperium est prius re et experienciâ, quàm fieri imperator quod est tempore posterius.

NOTÆ.

a *Imaginum.*] Antea vidimus moris fuisse, majorum imagines habere. Per imagines verò, veterem prosapiam intelligit, quam deridet.

b *Nullius.*] Id est, qui nunquam fuit in exercitu.

c *Præposterii.*] Ita vocantur qui, quod primum est, ultimum : quod ultimum, primum exequantur.

d *Nam gerere.*] Sensus est, ni fallor, viro opus esse antè bonas artes, quæ ad imperium aliquod gerendum requiruntur, deducisse et exercuisse, quàm publico suffragio illud administret, aut ad id promoveatur.

e *Generosissimum.*] Perinde est ac si dixisset, virtute veram nobilitatem comparari.

f *Faciant.*] Id est, Majores quoque suos despiciant.

g *Invideant.*] Nobilitatis carpit ignaviam, quasi dicat, Cur non pariter illi sese objectant periculis ? Cur non laborant ? &c.

h *Præmiâ.*] Attende, quæso, ad Marii scopum : virtuti sicut et ignavia, delicias suas esse dicit ; sed quæ illius sunt ita ab his differre, ut nullius simul utriusque possit commoditatibus et oblectamentis gaudere. At enim voluptatis nomine, sicuti infames et obtusas notavit socordia dulcedines ; ita verò præmii appellatione honestas et viriles virtutis illecebras insignit. Utinam omnibus hæc nota esset differentia ! Qui vult, eâ causâ Cebetis tabulam videat.

“senatu, verba faciunt, plerâque oratione majores suos extollunt;  
 “eorum fortia facta memorando clariores sese putant; quod contrâ  
 “est. Nam quanto vita illorum præclarior, tantò horum socordia  
 “flagitiosior. Et profectò ita se res habet, majorum gloria posteris  
 “lumen est; neque bona, neque mala eorum in occulto patitur.  
 “Hujusce rei ego inopiam patior, Quirites. Verùm id, quod multò  
 “præclarius est, meamet facta mihi dicere licet. Nunc videte, quàm  
 “iniqui sint. Quod ex alienâ virtute sibi arrogant, id mihi ex meâ  
 “non concedunt. <sup>a</sup> Scilicet quia imagines non habeo, et quia mihi  
 “nova nobilitas est: <sup>b</sup> quam certè peperisse meliùs est, quàm accep-  
 “tam corrupisse. Equidem ego non ignoro, si jam mihi respondere  
 “velint, abundè illis facundam, et compositam orationem fore. Sed  
 “in maximo vestros beneficio, cùm omnibus locis me, vosque male-  
 “dictis lacerent; non placuit reticere, ne quis <sup>c</sup> modestiam in con-  
 “scientiam duceret. Nam me quidem <sup>d</sup> ex animi sententiâ nulla  
 “oratio lædere potest. Quippe <sup>e</sup> vera, necesse est bene prædicet:  
 “falsam vita, moresque mei <sup>e</sup> superant. Sed quoniam vestra consi-  
 “lia accusantur, <sup>f</sup> qui mihi summum honorem, et maximum nego-  
 “tium imposuistis; etiam atque etiam reputate, nùm id <sup>g</sup> pæniten-  
 “dum sit. Non possum, <sup>h</sup> fidei causâ, imagines, neque triumphos,  
 “aut consulatus majorum meorum ostentare; at, si res postulet, has-  
 “tas, vexillum, <sup>i</sup> phaleras, alia dona militaria; præterea cicatrices  
 “<sup>k</sup> adverso corpore. Hæ sunt meæ imagines, hæc nobilitas, non  
 “hereditate relicta, ut illa illis; sed quæ ego plurimis meis labori-

## INTERPRETATIO.

<sup>1</sup> Nam si oratio vera est, necesse est benè de me prædicet; vila verò, et mores mei saperant falsam orationem.

## NOTÆ.

a Scilicet.] Sæpius de imaginibus loquitur, qui nobiles quantam inde fovebant superbiam, tantam illis indidem conciliat invidiam.

b Quam.] Vis quædam latet et aculeus sub istâ brevi, et festinante, Marii responsione, quam omnes non sentiunt.

c Modestiam.] Id est, ne quis, si omnino tacuisssem, idèò me non respondere crederet, quod conscientia aliquid exprobraret.

d Ex animi.] Id est, quo modo virtute mentem et animum composui.

e Superant.] Beatus est certè, qui, conscius recti, infractus et intactus famæ mendacia verè et ex animo ridere potest. Famæ approbatio maximum est bonum, sed plerumque fortune donum;

quoque adeò, ut ejus omnia, neque nimis querere, neque nimis contemnere, sed quale est ferre decet.

f Qui.] Constructio est extraordinaria, refertur enim relativum ad rem intellectam non ad nomen.

g Pænitendum.] Id est, mutandum. Metonymia est.

h Fidei causâ.] Id est, et vobis ea probem, quæ de me prædico.

i Phaleras.] Phaleræ quàmquam sæpius pro ornamentis equorum veniunt, sunt tamen etiam virorum nobilium, et virtute bellicâ conspicuum insignia.

k Adverso.] Id est, quæ, dum ego strenues hostes ferirem, vulneratum me esse indicant.



'bus, et periculis quæsiui. Non sunt <sup>a</sup> composita verba mea. Parum id facio. Ipsa se virtus satis ostendit : illis artificio opus est, uti turpia facta oratione tegant. Neque literas Græcas didici : parum placebat eas discere, quippe quæ ad virtutem <sup>b</sup> doctoribus nihil proferunt. At illa multo optima reip. doctus sum; hostes ferire, præsidia <sup>c</sup> agitare, nihil metuere, nisi turpem famam; hiemem, et æstatem juxta pati; humi requiescere; eodem tempore inopiam, et laborem tolerare. <sup>d</sup> His ego præceptis milites hortabor. Neque illos <sup>e</sup> arcè colam, me opulenter; neque gloriam meam <sup>f</sup> laborem illorum faciam. Hoc est utile, hoc <sup>g</sup> civile imperium. Namque, cum tutè per molliem agas, exercitum supplicio cogere, hoc est <sup>h</sup> dominum non imperatorem esse. Hæc, atque talia majores vestri faciundo, seque, remque publicam celebravere. <sup>i</sup> Quis nobilitas freta, ipsa dissimilis moribus, nos illorum æmulos contemnit; et omnes honores, non ex merito, sed quasi <sup>j</sup> debitos, à vobis repetit. Cæterum homines superbissimi procul errant. Majores eorum omnia, quæ <sup>k</sup> licebat, illis reliquere; divitias, imagines, memoriam sui præclaram. Virtutem non reliquere; neque poterant. Ea sola neque datur dono, neque accipitur. Sordidum me, et incultis moribus aiunt, quia parum scitè convivium exorno, neque histrionem ullum, neque <sup>l</sup> pluris pretii coquum, quam <sup>m</sup> villicum, habeo. Quæ mihi lubet confiteri, Quirites. Nam et ex parente meo, et ex aliis <sup>n</sup> sanctis viris, ita accepi, munditias <sup>o</sup> mulieribus, viris <sup>p</sup> laborem convenire; omnibus bonis oportere plus gloriæ,

## INTERPRETATIO.

<sup>1</sup> Neque mihi gloriam parabo ex labore ipsorum. | <sup>2</sup> Majores eorum reliquerunt illis omnia quæ potuerunt.

## NOTÆ.

<sup>a</sup> Composita.] Prout dicunt nobiles, scilicet. Nam oratio tota est ad eos insectandos.

<sup>b</sup> Doctoribus.] Græci enim a Romanis victi sunt.

<sup>c</sup> Agitare.] Savoir faire une bonne garde, ou, commander à une garrison.

<sup>d</sup> His.] Sunt illi optimi præceptores qui rebus et exemplis docent, non qui vanà et futili suâ loquacitate, quicquid, refugiant ipsi, aliis imperant.

<sup>e</sup> Arcè.] Id est, Militibus ea minùs præbendo quæ ad vitam necessaria sunt, sicuti factum ab aliis imperatoribus.

<sup>f</sup> Civile.] Id est, honestum, quodque liberos homines deceat.

<sup>g</sup> Dominum.] Refertur vox ista ad servum; quasi dicat alios imperatores tyrannorum more, militibus, tanquam servis imperitasse.

<sup>h</sup> Quis.] Majoribus, scilicet.

<sup>i</sup> Debitos.] Supple, quoquo modo illi vixerint.

<sup>k</sup> Pluris.] Scilicet illis dominis, undique coqui conquirendi sunt, quibus egregiè palatum sapiat. Non illud dicit Marius adversus nobiles, sed intelligitur.

<sup>l</sup> Villicum.] Servius erat qui aliis in villâ præerat.

<sup>m</sup> Sanctis.] Sanctus is dicitur, qui quod sancitum est servat, qui secundum leges vivit. Non idem est quem nos Saint dicimus.

<sup>n</sup> Mulieribus.] Id est, effeminatis, si Marium nobiles acrius vellicasse credas.

<sup>o</sup> Laborem.] Si in tempora aut eos homines incidissemus, quanta suavitas in vitâ esset?

“quàm divitiarum esse; arma, non suppellectilem, decori esse. Quiri  
 “ergo, quod juvat, quod carum aestimant, id semper faciant: ament,  
 “potent: ubi adolescentiam habuere, ibi senectutem agant, in con-  
 “viviis, dediti ventri, et turpissimæ parti corporis; sudorem, pulve-  
 “rem, et alia talia relinquant nobis, quibus illa epulis jucundiora  
 “sunt. Verùm non ita est: Nam, ubi se flagitiis dedecoravere tur-  
 “pissimi viri, bonorum præmia ereptum eunt. Ita <sup>a</sup> injustissimè  
 “luxuria et ignavia, pessimæ artes, illis, qui coluere eas, nihil <sup>1</sup> offi-  
 “ciunt, reip. innoxie cladi sunt. Nunc, quoniam illis, <sup>b</sup> quantùm  
 “mores mei, non illorum flagitia poscebant, respondi: pauca de rep.  
 “loquar. Primum omnium de Numidiâ bonum habetote animum,  
 “Quirites. Nam quæ ad hoc tempus Jugurtham tutata sunt, om-  
 “nia removistis; <sup>c</sup> avaritiam, imperitiam, superbiam. Dein exerci-  
 “tus ibi est locorum sciens, sed mehercule magis strenuus, quàm  
 “felix. Nam magna pars ejus avaritiâ, aut temeritate ducum, at-  
 “trita est. Quamobrem vos, <sup>d</sup> quibus militaris ætas est, adnitimini  
 “mecum, et capessite remp. neque quenquam ex <sup>e</sup> calamitate alio-  
 “rum, aut imperatorum superbiâ, metus ceperit. Egomet in ag-  
 “mine, in prælio consultor idem, et socius periculi vobiscum adero;  
 “meque, vosque in omnibus rebus juxta geram. Et profecto, diis  
 “juvantibus, omnia <sup>2</sup> matura sunt, victoria, præda, laus: quæ si du-  
 “bia, aut procul essent, tamen omnes bonos reip. subvenire decet.  
 “Etenim nemo ignaviâ immortalis factus; neque quisquam parens  
 “liberis, ut æterni forent, optavit; magis, uti boni, honestique, vitam  
 “exigerent. Plura dicerem, Quirites, si timidis virtutem verba  
 “addarent. Nam strenuis abundè dictum puto.”

Hujusmodi oratione habitâ, Marius, postquam plebis animos ar-  
 rectos videt, properè commeatu, stipendio, armis, aliisque utilibus  
 naves onerat; cum his A. Manlium legatùm proficisci jubet. Ipse

## INTERPRETATIO.

<sup>1</sup> *Eo modo, per maximam inju-* | *coluerunt: sunt detrimenta et rui-*  
*stitiam, luxuria et ignavia pessi-* | *næ reipublicæ innoxia.*  
*mæ artes nihil nocent illis, qui eas* | <sup>2</sup> *Omnia sunt prona et facilia.*

## NOTÆ.

a *Injustissimè.*] Istud diligenter obser-  
 vandum est, nam luxuria et ignavia, quan-  
 do in republicâ coeunt, illi necessario pes-  
 tem important.

b *Quantùm.*] Ita verò quisque magis  
 quid se dignum sit, quàm quid in alios  
 fieri possit, consulere debet; eademque  
 operâ sæpissimè luctum, semper verò  
 magnam curam, magnumque laborem, si-  
 bi demserit.

c *Avaritiam.*] Bestiam, Aulum, et Me-  
 tellum ordine carpit; deinde sibi, quam-  
 quam indirectè, laudem maximam tribuit.

d *Quibus.*] Antea vidimus populi volun-  
 tatem ad militiam non inclinatam fuisse.

e *Calamitate.*] Causam removet, quâ  
 militiam populus detrectabat, dum spem  
 injicit, non, ipso imperante, futurum, ut  
 quisquam inopiâ commeatum, aut du-  
 cis injuriâ percat.

interea milites scribere, non more majorum, neque ex <sup>a</sup> classibus: sed uti cujusque libido erat, <sup>b</sup> capite censos plerosque. Id factum alii inopia <sup>c</sup> bonorum alii per ambitionem consulis, memorabant; quod ab eo genere celebratus, auctusque erat; et homini potentiam querenti egentissimus quisque opportunissimus; cui neque sua curæ; (quippe quæ nulla sunt) et <sup>d</sup> omnia cum pretio honesta videntur. Igitur Marius cum aliquantò majore numero, quam decretum erat, in Africam profectus, paucis diebus Uticam advehitur. Exercitus ei traditur à P. Rutilio legato. Nam Metellus conspectum Marii fugerat, <sup>e</sup> ne videret, ea, quæ audita animus tolerare nequiverat. Sed consul, expletis <sup>e</sup> legionibus, cohortibusque auxiliariis, in agrum fertilem, et prædâ onustum proficiscitur. Omnia ibi capta militibus donat: dein castella, et oppida naturâ et viris parùm munita aggreditur: prælia multa, cæterùm alia levia <sup>a</sup> aliis locis facere. Interim novi milites sine metu pugnæ adesse: videre fugientes capi aut occidi; fortissimum quemque tutissimum: armis libertatem, patriam, parentesque, et alia omnia tegi; gloriam, atque divitias queri. Sic brevi spatio novi veteresque <sup>f</sup> coaluere, et virtus omnium æqualis facta. At reges ubi de adventu Marii cognoverunt, diversi in locos difficiles abeunt. Ita Jugurthæ placuerat, speranti, mox effusos hostes invadi posse; Romanos, sicuti plerosque remoto metu, laxiùs, licentiùsque futuros. Metellus interea Romam profectus, contrâ spem suam lætissimis animis excipitur; plebi, patribusque postquam <sup>g</sup> invidia decesserat, juxtâ carus. Sed Marius impigrè, prudenterque suorum, et hostium res pariter attendere; cognoscere quid boni utrisque, aut contrâ esset; explorare itinera regum: consilia, et insidias

INTERPRETATIO.

<sup>1</sup> *Ne videret ea, quæ animus nequiverat tolerare, cum ab ipso audita fuerant.*

<sup>2</sup> *Fecit Multa prælia, cæterùm alia levia, diversis locis.*

NOTÆ.

<sup>a</sup> *Classibus.*] Servius Tullius, qui primus censum instituit, pro ejus ratione universum populum in classes et centurias descripsit et divisit. Classes quinque fuerunt: pro majoris, aut minoris, census æstimatione; nullâ habitâ ferè ratione multitudinis, quæ ab omnibus oneribus, et militari operâ, immunis erat: quamquam numero quinque reliquas classes æquaret.

<sup>b</sup> *Capite censos.*] Ita vocabantur, quorum census nullus erat, seu multitudo illa, de quâ modò, quæ sextam classem faciebant; sed vix in numerum relata, ut, vel ex hoc Sallustii loco, cernere licet.

<sup>c</sup> *Bonorum.*] Id est, eorum hominum qui aliquo in numero fuissent.

<sup>d</sup> *Omnia cum pretio.*] Id est, omnia quæ cum lucro conjuncta sunt.

<sup>e</sup> *Legionibus.*] Romanorum, scilicet: sed illud vox ipsa exprimit.

<sup>f</sup> *Coaluere.*] Id est, unum et ejusdem naturæ corpus facti sunt.

<sup>g</sup> *Invidia.*] Quia, scilicet imperio spoliatus fuerat. Videant verò illi, quibus evadat superbia, qui sine virtute magnificè per omnium ora ambulant. Metellum summum virum, auctoritate senatûs innixum, omnibus gratum, de gloriæ summo fastigio dejecit; usque adeò invidiosum et ruinosum est, quod nimium est.

eorum antevenire : nihil apud se remissum, neque apud alios tutum, pati. Itaque Gætulos, et Jugurtham, <sup>1</sup> ex sociis nostris prædas agentes, sæpè aggressus in itinere fuderat ; ipsumque regem haud procul ab oppido Cirtâ, armis exuerat. Quæ postquam gloriosa modò, neque belli, <sup>2</sup> patrandi cognovit ; statuit urbes, quæ viris, aut loco pro hostibus, et adversum se opportunissimæ erant, singulas circumvenire : ita Jugurtham aut præsiidiis nudatum, si ea pateretur, aut prælio certaturum. Nam Bocchus nuncios sæpè ad eum miserat, velle populi Rom. amicitiam, ne quid ab se hostile timeret. Id simulaveritne, quò improvisus gravior accederet ; an mobilitate ingenii, <sup>3</sup> pacem atque bellum mutare solitus ; parum exploratum est. Sed consul, uti statuerat, oppida, castellaque munita adire : partim vi, alia metu, aut præmia ostentando, <sup>4</sup> averetere ab hostibus. Ac primò <sup>a</sup> mediocria gerebat, existimans Jugurtham ob suos tutandos in manus venturum. Sed ubi illum procul abesse, et aliis negotiis intentum accepit, majora et magis aspera aggredi tẽp̃us visum est. Erat inter ingentes solitudines oppidum magnum, atque valens, nomine Capsa ; cujus conditor Hercules Libys memorabatur. Ejus ci-ves apud Jugurtham immunes, <sup>b</sup> levi imperio, et ob ea fidelissimi habebantur : muniti adversum hostes non mœnibus modò, et armis atque viris, verum etiam multò magis locorum asperitate. Nam præter oppido propinqua, alia omnia vasta, inculta, egentia aquæ, infesta serpentibus : quarum vis, sicut omnium ferarum, inopiâ cibi acrior : ad hoc, natura serpentium <sup>5</sup> ipsa perniciosa, siti magis, quàm aliâ re, accenditur. Ejus potiundi Marium maxima cupido invaserat, cum propter usum belli, tum quia res aspera videbatur : et Metellus oppidum Thalam magnâ gloriâ ceperat, haud dissimiliter situm munitumque ; nisi quòd apud Thalam non longè à mœnibus aliquot fontes erant,

## INTERPRETATIO.

<sup>1</sup> *Aggressus Gætulos et Jugurtham in itinere, qui prædas agebant de sociis nostris, sæpè eos fuderat.*

<sup>2</sup> *Quæ, postquam Marius videt esse tantum gloriosa, neque ad bellum finiendum spectare, statuit singulas urbes circumvenire, quæ viris, aut loco, erant opportunissimæ hostibus, et sibi adversæ.*

<sup>3</sup> *Parum cognitum est, an id si-*

*mulaverit, ut accederet gravior, cum de improviso accederet ; an quia solitus erat, ex mobilitate et levitate ingenii, mutare pacem atque bellum, et modò hoc, modò illum, sequi.*

<sup>4</sup> *Hostibus adimebat, et ab iis alienabat oppida et castella.*

<sup>5</sup> *Præterea natura serpentium per se perniciosa, accenditur magis siti quàm re aliâ.*

## NOTÆ.

<sup>a</sup> *Mediocria.]* Non statim difficilia aggressus est ne fortè difficultatibus circumventus à Jugurthâ opprimeretur.

<sup>b</sup> *Levi.]* Quibus gravia non imperabantur.

Capsenses unâ modò, atque eâ intra oppidum <sup>a</sup>jugi aquâ, <sup>b</sup>cætera pluvîâ utebantur. Id ibique, et in omni <sup>1</sup>Africa, quæ procul à mari incultius agebant, eò facilius tolerabatur; quia Numidæ plerumque lacte, at ferinâ carne vescebantur, et neque salem, neque alia gulæ <sup>c</sup>irritamenta, quærebant. Cibus illis adversum famem, et sitim non lubidini neque luxuriæ, erat. Igitur consul, omnibus exploratis, credo diis fretus, (nam contrâ tantas difficultates consilio satis providere non poterat: quippe etiam frumenti inopiâ tentabatur, quòd Numidæ pabulo pecoris magis, quàm <sup>d</sup>arvo student; et, quodcumque natum fuerat, jussu regis, in loca munita contulerant: ager autem aridus, et frugum vacuus eâ tempestate, nam æstatis extremum erat) tamen pro rei copiâ satis providentur exornat: pecus omne, quod superioribus diebus præda fuerat, equitibus auxiliariis <sup>e</sup>agendum attribuit: A. Manlium legatum cum cohortibus expeditis ad oppidum <sup>f</sup>Laris, ubi stipendium et commeatum locaverat, ire jubet: dicitque se <sup>g</sup>prædabundum post paucos dies eòdem venturum. Sic incepto suo occultato, pergit ad flumen Tanaim. Cæterum in itinere quotidie pecus exercitui per centurias, item turmas æqualiter distribuerat; et ex coriis utres uti fierent, curabat: simul et inopiam frumenti <sup>h</sup>lenire, et ignaris omnibus, parare, quæ <sup>i</sup>mox usui forent: denique sexto die, cum ad flumen ventum est, maxima vis utrius effecta. Ibi castris levi munimento positis, milites cibum capere; atque, uti simul cum occasu solis egrederentur, paratos esse jubet: omnibus sarcinis abjectis, aquâ modò seque, et jumenta onerare. Dein, postquam tempus visum, castris egreditur: noctemque totam <sup>j</sup>itinere facto consedit. Idem proximâ facit. Dein tertiâ multò ante lucis adventum pervenit in locum tumultuosum, ab Capsâ non amplius duàm millium intervallo: ibique, quam occultissimè potest, cum omnibus copiis, opperitur. Sed ubi dies cæpit, et Numidæ, nihil hostile metuentes, multi oppido

INTERPRETATIO.

<sup>1</sup> *Atque inopia tolerabatur facilius, et ibi, et inter omnes Afros, qui procul à mari incultius vivebant; quia Numidæ plerumque lacte et carne ferinâ vescebantur.*

<sup>2</sup> *Et dicit se inter prædandum eò venturum post paucos dies.*

<sup>3</sup> *Et castra posuit, postquam per totam noctem iter fecisset.*

NOTÆ.

<sup>a</sup> *Jugi.] Quæ indefinenter scaturiebat et fluebat.*

<sup>b</sup> *Cætera.] Adverbialiter positum: quoad cætera.*

<sup>c</sup> *Irritamenta.] Ita vocantur aromata, et quæcumque palatum vellicant.*

<sup>d</sup> *Arvo.] Id est, agriculturæ.*

<sup>e</sup> *Agendum.] Afri qu'ilis les touchassent devant eux.*

<sup>f</sup> *Laris.] In Genitivo, nam in loquutos fuisse aliquando, compertum est. Cæterum in quibusdam codicibus invenitur Larim.*

<sup>g</sup> *Lenire.] Pecora mactando simul inopiam frumenti leniebat, et coria quibus utres fierent, parabat.*

<sup>h</sup> *Mox.] Ad aquam continentiam.*

egressi, repente omnem equitatum, et cum his velocissimos pedites cursu tendere ad Capsam, et portas obsidere jubet: deinde ipse intentus properè sequi, neque milites prædari sinere. Quæ postquam oppidani cognovère, res <sup>a</sup> trepidæ, metus ingens, malum improvisum, ad hoc pars civium extrà mœnia in hostium potestate, coëgère, uti deditionem facerent. Cæterum oppidum incensum, Numidæ puberes interfecti, alii omnes venundati, præda militibus divisa. Id facinus <sup>b</sup> contrà jus belli non avaritiâ, neque scelere consulis, admissum; <sup>c</sup> sed quia locus Jugurthæ opportunus, nobis aditu difficilis; genus hominum mobile, infidum, antè neque beneficio, neque metu coërcitum. Postquam tantam rem Marius sine ullo suorum incommodo patravit, magnus, et clarus antea, major, atque clarior haberi cœpit. Omnia non bene consulta <sup>d</sup> in virtutem trahebantur. Milites <sup>e</sup> modesto imperio habiti, simul et locupletes, ad cælum ferre: Numidæ magis, quàm mortalem, timere: postremò socii, atque hostes credere, illi aut mentem divinam esse aut deorum nutu cuncta portendi. Sed consul, ubi ea res bene evenit, ad alia oppida pergit. Pauca, repugnantibus Numidis, capit. Plura, <sup>e</sup> deserta propter Capsensium miserias, igni cõrumpit. Luctu, atque cæde omnia complentur. Denique multis locis potitus, ac plerisque exercitu incruento, alium rem aggreditur, non eadem asperitate, <sup>2</sup> quâ Capsensium, cæterum haud secus difficilem. Namque haud longè à flumine Muluchâ, quod Jugurthæ, Bocchique regnum disjungebat, erat inter cæteram planitiem mons saxeus, medioeri <sup>f</sup> castello, satiss patens, immensum editus, uno perangusto

## INTERPRETATIO.

<sup>1</sup> *Milites liberaliter tractati, simul et locupletes, Marius ad cælum ferebant.*

<sup>2</sup> *Aggreditur aliam rem, non*

*eadem asperitate septim, quâ fuerat res Capsensium, cæterum, non minus difficilem.*

## NOTÆ.

<sup>a</sup> *Trepidæ.*] Quomodo, calamitatibus derepente ingruentibus evenire solet: per tumultum omnia cum simul aguntur, eâ festinatione nihil promovetur.

<sup>b</sup> *Contra jus.*] Jus hoc in loco rigide non est exponendum, sed auctoris sensu, pro eo quod vulgò faciebant Romani, ut supplicibus et dedititiis parcerent. Aliàs, si per jus planè id omne intelligas, contra quod nemo facere audeat; scelus profectò fuerit à Mario patratum, cum Capsa incensa est. Verum Capsenses, cum satis constet dedititios sine ullâ pactione fuisse: Mario, pro ille summo et absoluto belli jure, licuit, de suis sedibus deturbare, vendere, &c.

<sup>c</sup> *Sed.*] Hinc vides Sallustium jus belli ex eo quod victori bonum et commodum, hosti perniciosum et exitiosum est constituere.

<sup>d</sup> *In virtutem.*] Ita evenit inter homines: sapientes vulgò creduntur, quibus fortuna favet; desipientes quibus restat. Nimirum pauci cum sapiant, omnes tamen loquantur: sed maxime plebs garrula, eventus, stultorum magister, sibi omnia vendicat. Hinc, quâ cautione publica negotia suscipiat, videbit qui sibi bene cupiet.

<sup>e</sup> *Deserta.*] Scilicet, calamitatis famâ, quæ Capsenses potriverat; latè omnes suis domibus expulerat.

<sup>f</sup> *Castello.*] Florus urbem fuisse dicit.

aditu relicto: nam <sup>1</sup>omnia naturâ, velut opere atque consulto, præceps. Quem locum Marius, quòd ibi regis thesauri erant, summâ vi capere intendit: sed ea res fortè, quàm consilio, meliùs gesta. Nam castello virorum, atque armorum satis magna vis, frumenti, et fons aquæ: aggeribus, turribusque, et aliis machinationibus locus importunus. Iter <sup>2</sup>castellanorum angustum admodum, utrimque præcisum. Vineæ cum ingenti periculo frustrâ agebantur. Nam cum eæ paulò processerant, igni, aut lapidibus corrumpebantur. Milites neque <sup>3</sup>pro opere consistere, propter iniquitatem loci; neque inter vineas <sup>a</sup>sine periculo administrare: optimus quisque cadere, aut sauciari: cæteris metus augeri. At Marius, multis diebus, et laboribus consumptis, anxius <sup>4</sup>trahere cum animo suo, omittitne inceptum, quoniam frustrâ erat, an fortunam <sup>b</sup>opperiretur, quâ sæpè prosperè usus fuerat. <sup>5</sup>Quæ cum multos dies, noctesque æstuans agitare; fortè quidam <sup>c</sup>Ligus, ex cohortibus auxiliariis, miles gregarius, castris aquatam egressus, haud procul ab latere castelli, quod adversum præliantibus erat, animadvertit inter saxa repentes cochleas; quarum cum unam, atque alteram, dein plures peteret, studio legundi paulatim prope ad summum montis egressus est. Ubi postquam solitudinem intellexit, more humanæ cupidinis ignara visundi, animum vertit. Et fortè in eo loco grandis ilex coaluerat inter saxa, paululum modò <sup>d</sup>prona, dein flexa, atque aucta in altitudinem, quo cuncta gignentium natura fert: cujus ramis modò, modò eminentibus, saxis, nisus Ligus, castelli planitiem <sup>e</sup>perscribit; quòd cuncti Numidæ in-

INTERPRETATIO.

<sup>1</sup> Nam ibi per omnia loca natura erat præceps quasi opere, atque de industriâ.

<sup>2</sup> Iter eorum hominum qui castellum incolebant erat admodum angustum, et ex utroque latere abruptum.

<sup>3</sup> Milites neque poterant consistere ad opus faciendum, propter iniquitatem loci.

<sup>4</sup> At Marius, multis diebus et laboribus consumptis, maximè sollicitus cum labore animo suo vol-

vebat, desereretne quod inceperat, quoniam non procedebat, an expectaret fortunam.

<sup>5</sup> Quæ cum per multos dies, et noctes Marius voveret, cum animi maximâ fluctuatione et agitatione, fortè quidam Ligus, miles gregarius ex cohortibus auxiliariis, qui castris egressus erat ad petendam aquam, animadvertit cochleas repentes inter saxa, non procul ab latere castelli, quod oppositum erat lateri, ubi prælium erat.

NOTÆ.

a Sine periculo.] Quia vineæ igne et lapidibus subruerantur.

b Opperiretur.] Non possunt istud non mirari, qui fortunæ aurum non senserunt.

c Ligus.] Qui erat ex Liguriâ. Un Genis.

d Prona.] Intellige arborem primò ex saxo nascentem non potuisse statim in

altum assurgere, sed paululum versùs ima montis inflexam fuisse, prout illud in locis declivibus conspicatur; deinde sese erexisse, usumque scalæ præbuisse, ut saxum scanderetur.

e Perscribit.] Il reconnut bien la place. Il en prit le plan.

tenti praelantibus aderant. Exploratis omnibus, quæ mox usui fore ducebat, eodem regreditur; non temerè, ut ascenderat, sed tentans omnia, et circumspiciens. Itaque Marium properè adit, acta edocet, hortatur; ab eâ parte, quâ ipse descenderat, castellum tentet: pollicetur sese itineris periculique ducem. Marius cum Ligure promissa ejus cognitum <sup>a</sup> ex præsentibus misit: quorum, <sup>a</sup> uti cujusque ingenium erat, ita rem difficilem, aut facilem, nunciavere. Consul animus tamen paululùm arrectus. Itaque ex copia tubicinum, et cornicinum, quinque numero quàm velocissimos delegit; et cum his, <sup>b</sup> præsidio qui forent, quatuor centuriones: omnesque Liguri parere jubet, et <sup>c</sup> ei negotio proximum diem constituit. Sed ubi ex præcepto tempus visum, paratis, compositisque omnibus, ad locum pergit. Cæterùm illi, qui centuriis præerant, prædocti ab <sup>d</sup> duce, arma, ornatumque mutaverant, capite, atque pedibus nudis, uti <sup>e</sup> prospectus, nisque per saxa facilius foret, super terga gladii, et scuta; verùm ea Numidica, ex coriis, <sup>f</sup> ponderis gratiâ, simul et <sup>g</sup> offensa quò leniùs streperent. Igitur prægrediens Ligus, saxa, et si quæ vetustate radices eminebant, laqueis vinciebat, quibus allevati milites faciliùs adscenderent: interdum timidos insolentiâ itineris levare manu: ubi paulò asperior adscensus erat, singulos præ se inermos mittere: dein ipse cum illorum armis sequi: quæ <sup>h</sup> dubia nisi viderentur, potissimùm tentare; ac sæpius eadem adscendens, ac descendens, dein statim <sup>i</sup> digrediens, cæteris audaciam addere. Igitur diu, multumque fatigati, tandem in castellum perveniunt; desertum ab eâ parte, quòd omnes, sicut aliis diebus, adversum hostes aderant. Marius, ubi ex nunciis, quæ Ligus egerat, cognovit, quamquam toto die intentos prælio Numidas habuerat, tum verò cohor-

## INTERPRETATIO.

<sup>a</sup> *Marius misit quosdam ex præsentibus cum Ligure, ad cognoscendum promissa ejus.*

## NOTÆ.

<sup>a</sup> *Uti cujusque.*] Istud diligenter notandum, ut cuique, non secundum id quod ejus verba sonant, sed indolis et ingenii factâ æstimatione, fidem habemus: quod nisi sit, sæpius in fraudem, et errorem, non magis alienâ quàm nostrâ culpâ incidemus.

<sup>b</sup> *Præsidio.*] Id est, qui rem ipsam exquerentur et tuerentur; quippe centurio suos quisque milites habuit.

<sup>c</sup> *Ei negotio.*] Non dicit auctor quodnam illud sit; verùm de castelli expugnatione sermonem esse satis intelligitur.

<sup>d</sup> *Duce.*] Ligure, scilicet.

<sup>e</sup> *Prospectus.*] Enimvero illis, si ullo modo caput oblevatum habuissent, viam in ascendendo videre, vel despicerere, non licuisset; virgulis et radicibus impliciti fuissent.

<sup>f</sup> *Ponderis.*] Id est, ut leviora essent.

<sup>g</sup> *Offensa.*] Ferrum enim, quod in umbone scutorum Romanorum erat, sonum reddidisset, si ea ad saxum alisa essent.

<sup>h</sup> *Dubia nisi.*] Id est, quòd in accensu inferre pedem satis tutum non videretur; cum saxum solutum erat, aut labens, &c.

<sup>i</sup> *Digrediens.*] Ille, ut ita dicam, ludibundus et saltabundus per ea loca, quòd aliis animum adderet, incedebat.



tatus milites, et ipse extrâ vineas egressus, <sup>a</sup> testudine actâ succedere, et simul hostem <sup>b</sup> tormentis sagittariisque, et funditoribus emînus terrere. At Numidæ, sæpè antea vineis Romanorum subversis, item incensis, non castelli mœnibus sese tutabantur; sed <sup>1</sup> pro muro dies, noctesque agitare: maledicere Romanis; ac Mario vecordiam objectare; militibus nostris Jugurthæ servitium minari; secundis rebus feroces esse. Interim, Romanis omnibus hostibusque prælio intentis, magnâ vi utrimque, pro gloriâ atque imperio, his, <sup>c</sup> illis pro salute certantibus, repentè à tergo <sup>d</sup> signa canere: ac primò mulieres, et pueri, qui visum processerant, fugere; deinde, uti quisque muro proximus erat; postremò cuncti armati, inermesque. Quòd ubi accidit, eò acrius Romani instare, fundere, ac plerosque tantummodo sauciare; dein super occisorum corpora vadere, avidi gloriæ, <sup>e</sup> certantes murum petere; neque quemquam omnium prædâ morari. Sic fortè correcta Marii <sup>f</sup> temeritas gloriam ex culpâ invenit. Cæterum, dum ea res geritur, L. Sulla quæstor cum magno equitatu in castra venit; <sup>g</sup> quod, ut ex Latio, et à sociis cogeret, Romæ relictus erat. Sed quoniam nos tanti viri res admonuit, idoneum visum est de naturâ, cultuque ejus paucis dicere. Neque enim alio loco de Sullæ rebus dicturi sumus, et L. <sup>h</sup> Sisenna optimè et diligentissimè omnium, qui eas res dixere, <sup>i</sup> persecutus, parùm mihi <sup>j</sup> libero ore locutus videtur. Igitur Sulla gentis patriciæ <sup>k</sup> nobilis fuit, familiâ propè jam extinctâ majorum ignaviâ; literis Græcis, atque Latinis <sup>l</sup> juxta, atque

INTERPRETATIO.

<sup>1</sup> Sed permanebant dies et noctes ante muros.

<sup>2</sup> Et L. Sisenna, qui persecutus est historiam optimè et diligentissimè omnium qui eas res dixere,

videtur mihi locutus parùm libero ore.

<sup>3</sup> Eruditus erat doctissimè et pariter literis Græcis atque Latinis.

NOTÆ.

<sup>a</sup> Testudine.] Machina erat, quâ ad arcehdos ictus utebatur, quæque pro multiplici usu diversè connectebatur.

<sup>b</sup> Tormentis.] Machinæ fuerunt, quibus vi summâ lapides, et alia missilia jaciebant.

<sup>c</sup> Illis.] Hinc videre licet, pronomen hic, hæc, hoc, non semper ad proximum referri, sed quandoque poni pro aliis, aliâ, aliud, &c.

<sup>d</sup> Signa.] Antea vidimus adeò cornicines, et tubicines missos, ut, scilicet, terrorem augerent.

<sup>e</sup> Certantes.] Illud est quod, Gall. dicimus, *A qui sera la premier.*

<sup>f</sup> Temeritas.] Cùm arcem, ut videbatur, inexpugnabilem appetisset.

<sup>g</sup> Quod.] Intellige Syllam tunc, non maturius advenisse, quòd Romæ ad cogendum equitatem relictus fuisset. Fortè legendum Quem.

<sup>h</sup> Sisenna.] Historicus fuit ex gente Corneliâ, ut testatur Festus, qui bellum civile Syllanum edidit: Ciceronis judicio melior quàm qui ante ipsum Latine historiam scripserant: attamen distans à perfecto.

<sup>i</sup> Libero.] Quia Syllæ vitia noluit, aut non ausus est describere.

<sup>k</sup> Nobilis.] Multi nobiles erant, qui continuo patricii non erant.

doctissimè eruditus ; animo ingenti ; cupidus voluptatum, sed gloriæ cupidior : otio luxurioso esse : tamen ab negotiis numquam voluptas remorata, nisi quòd <sup>a</sup> de uxore potuit honestiùs consuli : facundus, callidus, et <sup>b</sup> amicitia facilis : <sup>c</sup> ad simulanda negotia altitudo ingenii incredibilis : multarum rerum, ac maximè pecuniæ largitor : atque illi felicissimo omnium ante <sup>d</sup> civilem victoriam, nunquam <sup>1</sup> super industriam fortuna fuit ; multique dubitavère, fortior, an felicioresset. Nam, postea quæ fecerit, incertum habeo, <sup>e</sup> pudeat magis, an pigeat disserere. Igitur Sulla, uti suprà dictum est, postquam in Africam, atque in castra Marii cum equitatu venit ; rudis antea et ignarus belli, solertissimus omnium in paucis tempestatibus factus est. Ad hoc milites benignè appellare : multis rogantibus, <sup>f</sup> aliis per se ipse dare, beneficia invitus accipere : sed ea properantiùs, quam æs mutuum <sup>g</sup> reddere. <sup>h</sup> Ipse ab nullo repetere : magis id laborare, ut illi quàm plurimi deberent ; joca atque seria cum humillimis agere. In operibus, in agmine, atque ad vigilias, multas adessee ; neque interim, quod <sup>i</sup> ambitio prava solet, consulis, aut cujusquam boni famam lædere : tantummodo neque consilio, neque manu, priorem alium

## INTERPRETATIO.

<sup>1</sup> *Atque fortuna nunquam fuit illi major industriâ, quanquam omnium felicissimus fuerit ante victoriam civilem.*

## NOTÆ.

<sup>a</sup> *De uxore.*] Istud fortè adeò dixit, quod Valeriam in theatro lascivè nimis blandientem sibi uxorem duxit. Vide Plutarchum.

<sup>b</sup> *Amicitia facilis.*] Id est, qui sibi aliorum benevolentiam facili conciliabat, eisque benignum sese pari lubentia præbebat. Gall. *Il savoit gagner le cœur des gens, et se communiquer facilement.*

<sup>c</sup> *Ad simulanda negotia.*] Viro politico necesse est in primis, negotiis eam faciem effingere posse, quâ voluntatem aliorum inflectat, et ad scopum suum perducatur. Vini eam Syllæ innatam fuisse testatur Sallust. Gall. *diceremus, Il savoit donner aux choses le tour qu'il lui vouloit, les représenter sous telle face qu'il lui plaisoit.* Vel, si eam putes accersitam explicationem, intellige, Syllam ingenio fuisse tam acri, tamque expromptam habuisse memoriam, ut gestu et habitu, aut colloquio et congressu, quodcumque libuisset hominibus persuadere potuerit.

<sup>d</sup> *Civilem.*] Istud addidit quia postquam

Sylla, mortuo Mario, rerum potitus est, Romam et Italiam, omnibus modis, civitum sanguine cruentavit.

<sup>e</sup> *Pudeat.*] Id est, *Respublica quævis ad exitum perducta fuerit, non tamen ejus major fuit clades, quàm Syllæ recordia.*

<sup>f</sup> *Aliis.*] Istud, quòd suprà dixit, explicat, Syllam amicitia facilem fuisse

<sup>g</sup> *Reddere.*] Quantò plurius est homo, quàm pecunia, tantò accuratiùs ejus opera, gratia, aut amicitia, cum amplificatione compensanda.

<sup>h</sup> *Ipse ab nullo.*] Nisi istud adsit, beneficium non est, sed mercimonium : quantumvis enim ingrati animi vitium intolerabile fuerit, nihilominus tamen qui beneficium, quid manus dextra agat, nescire debet sinistra, ut sapientissimè monuit ipse Christus Jesus, ne verius amicis onus imponamus, quàm beneficium collocemus.

<sup>i</sup> *Ambitio prava.*] Nam bona est etiam cum quis sine cujusdam detrimento bonæ, famæ studet.

pati; plerosque antevenire. Quibus rebus, et artibus brevè Mario, militibusque, carissimus factus. At Jugurtha postquam oppidum Capsam, aliosque locos munitos, et sibi utiles, simul et magnam pecuniam amiserat, ad Bocchum nuncios mittit, quàm primùm in Numidiam copias adduceret: praelii faciundi tempus adesse. <sup>1</sup> Quem ubi cunctari accepit, dubium belli atque pacis rationes trahere: rursus, ut antea, proximos ejus donis corrumpit; ipsique <sup>a</sup> Mauro pollicetur Numidiæ tertiam partem, si aut Romani Africâ expulsi, aut, <sup>b</sup> integris suis finibus, bellum compositum foret. Eo præmio illectus Bocchus cum magnâ multitudine Jugurtham accedit. Ita, ambo- rum exercitu conjuncto, Marius jam in hiberna proficiscentem, vix decimâ parte <sup>c</sup> die reliquâ, invadunt: rati noctem, quæ jam aderat, victis sibi munimento fore; et si vicissent, nullo impedimento, quia locorum scientes erant: contrâ Romanis utrumque casum in tenebris difficiliorem fore. Igitur <sup>d</sup> simul consul ex multis de hostium adventu cognovit, et ipsi hostes aderant; et priùs quàm exercitus aut instrui, aut sarcinas colligere, denique, antè quàm signum, aut imperium ullum accipere quivit, equites Mauri, atque Gætuli, non acie, neque ullo more praelii, sed catervatim, uti quosque fors conglo- baverat, in nostros incurrunt. Qui omnes trepidi improviso metu, attamen, virtutis memores, aut arma capiebant, aut capientes alios ab hostibus defensabant: pars equos ascendere, obviàm hostibus ire; pugna latrocinio magis, quàm praelio similis fieri; sine signis, sine ordinibus, equites pedites permixti, cedere alios, alios obruncare; multos <sup>e</sup> contrâ adversos acerrimè pugnantes ab tergo circumvenire; neque virtus, neque arma satis tegere; quòd hostes numero plures, et undique circumfusi erant: denique Romani <sup>f</sup> veteres, novique; et <sup>g</sup> ob ea, scientes belli; si quos locus aut casus conjunxerat, orbes

INTERPRETATIO.

<sup>1</sup> Quem ubi accepit moras nectere dum dubius anxie perpendebat rationes quæ pro bello aut pace faciebant.

<sup>2</sup> Circumveniebant multos ab tergo, dum illi pugnarent acerrimè contra hostes adversos.

NOTÆ.

<sup>a</sup> Mauro.] Boccho scilicet.

<sup>b</sup> Integris.] Hoc est, Si nulla pars regni à Romanis detraheretur.

<sup>c</sup> Die.] Procul dubio casus est genitivi, quandoquidem Platus et Virgilius ita locuti sunt; atque hunc ipsum locum, citat Gesti- tius qui die in patrio casu à Sallustio posi- tum esse dicit, aliorumque argutias eâ de re contemnit.

<sup>d</sup> Simul.] Dicit, tunc tantum Marius de hostium adventu cognovisse, cum ipsi ad- essent.

<sup>e</sup> Veteres.] Non sunt veterani, prout quidam existimavit; verum ii, de quibus mentio facta est superius qui sub Metello militaverant; quique, cum novis quos Marius adduxit, in unum corpus coalu- erant.

<sup>f</sup> Ob ea.] Id est, Romani veteres et novi, idèò scientes belli, quod hi cum illis, usu, Nu- midarum more assuetis, permixti essent, et in unum corpus coaluissent, orbes faciebant, si quos locus aut casus conjunxerat.

<sup>a</sup> facere : atque ita ab omnibus partibus simul tecti, et instructi, hostium vim sustentabant. Neque in eo tamque aspero negotio Marius territus, aut magis quam antea, demisso animo fuit. Sed cum turmâ suâ, quam ex fortissimis magis, quàm familiarissimis paraverat, vagari passim : ac modò laborantibus suis succurrere ; modò hostes, ubi confertissimi obstiterant, invaderè : manu <sup>b</sup> consulere militibus, quoniam imperitare conturbatis omnibus non poterat. <sup>c</sup> Jamque dies consumptus erat, cùm tamen barbari nihil remittere : atque uti reges præceperant, noctem pro se rati, acrius instare. Tum Marius ex copiâ rerum consilium trahit, atque uti suis receptui locus esset, colles duos propinquos inter se occupat. Quorum in uno, <sup>d</sup> castris parùm amplo, fons aquæ magnus erat ; alter usui opportunus, quia magnâ parte editus, et præceps, pauca munimenta <sup>e</sup> egebat. Cæterum apud aquam Sullum cum equitibus noctem agitare jubet. Ipse milites dispersos paulatim, neque minùs hostibus conturbatis, in unum contrahit : dein cunctos <sup>f</sup> pleno gradu in collem subducit. Ità reges, loci difficultate coacti, prælio deterrentur ; neque tamen suos longiùs abire sinunt, sed utroque colle multitudine circumdato effusi consedere. Dein, crebris ignibus factis, plerumque noctis barbari more suo lætari, exsultare, strepere vocibus ; et ipsi duces feroces, quòd non fugère, ac <sup>g</sup> pro victoribus agere. Sed ea cuncta Romanis ex tenebris, et editoribus locis facilia visu, magnoque <sup>h</sup> hortamento erant. Plurimùm verò Marius imperitiâ hostium confirmatus, <sup>i</sup> quam maximum silentiùm haberi jubet ; ne signa quidem, uti per vigiliæ solebant, canere : dein, ubi lux adventabat, defessis jam hostibus, ac paulò antè somno captis, de improvviso <sup>j</sup> vectigalis, item cohortum,

## INTERPRETATIO.

<sup>1</sup> *Quorum, in uno parum amplo ad castra ponenda, erat fons magnus aquæ.*

<sup>2</sup> *Et ipsi duces gerebant sese ferociter, et quasi victores fuissent, quia non fugerant.*

## NOTÆ.

a *Orbes.*] Quid intelligat, per orbes, res ipsa satis superque indicat. Illi, scilicet in circulum sese componebant, ut eos ex omni parte adversos hostes invenirent, neque à tergo circumvenirentur.

b *Consulere.*] Intelligit Marium huc illuc corsando, et quò ille cumque ivisset hostes profigando, aliquatenus suos juvisse, eorumque ordines restituisse.

c *Jamque dies consumptus erat.*] Versus heroici hæc verba constituunt bonam partem, quod procul dubio, auctori, per incognitantiam excidit.

d *Egebat.*] Alii habent *querabat*, nonnulli *gerebat*. Malim retinere *egebat*, nec me movet quòd accusativum post se ha-

beat ; nam ejusmodi antiquitatis phrasibus gaudet Sallustius.

e *Pleno.*] Id est, tantum illi non aufugerunt ; si modò Romanorum gloriam Sallustius assentatiuncula non est aucupatus. *Marius les fit retirer à grand pas.*

f *Hortamento.*] Quia hostes cùm securos et exultantes viderent, confidebant insuper eos defessos et sopitos fore, cùm prelium instauraretur.

g *Quam maximum.*] *Il commande que l'on fit le moins de bruit que l'on pourroit.*

h *Vectigalis*] Eorum conjicio fuisset tubicines qui superveniebant, et extraordinarii Romanis aderant.

turmarum, legionum, tubicines simul omnes signa canere; milites clamorem tollere, atque <sup>a</sup> portis erumpere. <sup>b</sup> Mauri, atque <sup>c</sup> Gætuli ignoto atque horribili sonitu repente exciti, neque fugere, neque arma capere, neque omnino facere, aut providere quidquam poterant. Ita cunctos strepitu, clamore, nullo subveniente, nostris instantibus, tumultu, terrore, formidine, <sup>d</sup> quasi vecordia ceperat: denique omnes fusi, fugatique: arma, et signa militaria pleraque capta; pluresque eo prælio, quam omnibus superioribus, interempti. Nam somno, et metu insolito impedita fuga. Dein Marius, uti cœperat; in hiberna proficiscitur: quæ, propter commeatum, in oppidis maritimis agere decreverat: neque tamen victoriæ secors, aut insolens factus, sed pariter, atque in conspectu hostium, <sup>e</sup> quadrato agmine incedere. Sulla cum equitatu <sup>f</sup> apud dextimos, in sinistrâ parte A. Manlius cum funditoribus et sagittariis, præterea cohortes Ligurum curabat: primos, et extremos cum expeditos manipulis tribunos locaverat. Perfugæ, regionum scientissimi, hostium iter explorabant. Simul consul, <sup>g</sup> quasi nullo imposito, omnia providere; apud omnes adesse; laudare, increpare merentes. Ipse armatus, intentusque, item milites <sup>h</sup> cogebat; <sup>i</sup> neque secus, atque iter faceret, castra munire; excubitum, in portâ, cohortis ex legionibus; pro castris, equites auxilia-rios, mittere; præterea alios super vallum in munimentis locare; vigiliis ipse circuire, non tam diffidentiâ <sup>j</sup> futuri, quæ imperavisset, quam uti militibus exæquatus cum imperatore labors volentibus esset. Et sanè Marius illoque aliisque temporibus Jugurthini belli, <sup>k</sup> pudore magis, quam <sup>l</sup> malo, exercitum coercerebat, <sup>m</sup> quod multi per ambitionem fieri aiebant: pars quod à pueritiâ consuetam duritiam, et alia,

INTERPRETATIO.

<sup>1</sup> *Sylla erat cum equitatu in dextrâ parte.*

<sup>2</sup> *Simul consul providebat omnia, quasi neminem suo loco curare jussisset.*

<sup>3</sup> *Non tam diffidens futura esse ea quæ imperavisset, quam ut labor exæquatus militibus cum imperatore, illis placeret.*

NOTÆ.

- <sup>a</sup> *Portis.*] Castorum, scilicet.  
<sup>b</sup> *Mauri.*] Quibus Bocchus imperabat.  
<sup>c</sup> *Gætuli.*] Quos ordines servare Jugurtha instituerat.  
<sup>d</sup> *Quasi.*] Vox ista cum *vecordia* jungi debet, ut conjunctim eam vesaniam et dementiam, significat, quâ ii affliguntur, qui nimio metu correpti sunt. Idem prope-modum præstat quod illud quod vocant, *Une terreur panique.*  
<sup>e</sup> *Quadrato.*] Ut, quacumque hostis intrueret, parati essent.

- <sup>f</sup> *Cogebat.*] *Pudore*, scilicet, cum imperatorem suum intentum animadverterent.  
<sup>g</sup> *Neque secus.*] Dicit Marium, cum itinere semper paratissimus fuisset, eodem modo in castris se gessisse. Locus obscurus est, nisi advertas.  
<sup>h</sup> *Pudore.*] Intellige Marium tantum laborem cepisse, ut, illo ita intento, neminem otiosi non pudeat.  
<sup>i</sup> *Malo.*] *Pend* aut *supplicio.*  
<sup>k</sup> *Quod.*] Quod, nimirum, sibi laborem cum multis communem faciebat.

quæ cæteri miserias vocant, voluptati habuisset. <sup>a</sup> Nisi tamen resp. pariter, ac, sævissimo imperio, benè atque decorè gesta. Igitur quartò denique die, haud longè ab oppido Cirtà simul undique <sup>b</sup> speculatores citi sese ostendunt; quâ re hostis adesse intelligitur. Sed quia diversi redeunt, alius ab aliâ parte, atque omnes idem significabant; consul, incertus quonam modo aciem instrueret, nullo ordine commutato, adversum omnia paratus ibidem opperitur. Igitur Jugurtham spes frustrata, qui copias in quatuor partes distribuerat, ratus ex omnibus <sup>c</sup> æquè alios ab tergo hostibus venturos. Interim Sulla, quem primum hostes attigerant, cohortatus suos, turmatim, et quàm maximè confertis equis, ipse aliique Mauros invadunt: cæteri in loco manentes, ab jaculis èminis emissis corpora tegere; et <sup>d</sup> si qui in manus venerant, obtruncare. Dum eo modo equites præliantur, Bocchus cum peditibus, quos Volux filius ejus adduxerat, neque in priore pugnâ, <sup>e</sup> in itinere morati, adfuerant, postremam Romanorum aciem invadunt. Tum Marius apud primos agebat, quòd ibi Jugurtha cum plurimis erat. Dein <sup>f</sup> Numida, cognito Bocchi adventu, clam cum paucis <sup>g</sup> ad pedites convertit; ibi Latine (nam apud Numantiam loqui didicerat) exclamat, nostros frustrâ pugnare; paulò antè Marium suâ manu interfectum; simul gladium sanguine oblitum ostendere, quem in pugnâ satîs impigre occiso peditè nostro, cruentaverat. Quod ubi milites accepère, magis atrocitate rei, quàm fide nunciî, terrentur; simulque barbari animos tollere, et in perculos Romanos acriùs incedere. Jamque paulùm à fugâ aberat, cùm Sulla, profligatis iis, quos adversum ierat, rediens, ab latere Mauris incurrit. Bocchus statim avertitur. At Jugurtha, dum sustentare suos, et propè jam adeptam victoriam retinere cupit, circumventus ab equitibus dextrâ, sinistrâ, omnibus occisis, solus inter tela hostium vitabundus erumpit. Atque interim Marius, <sup>h</sup> fugatis equitibus, accurrit auxilio suis, quos pelli jam accepe-

## INTERPRETATIO.

<sup>1</sup> *Et si qui Mauri in Romanorum manus venerant, eos obtruncabant.*

<sup>2</sup> *Neque in priore pugnâ adfuerant, quod in itinere morati essent.*

## NOTE.

<sup>a</sup> *Nisi.*] Positum est pro *sed*; aut verùm, ut sæpè alibi. Gall. diceremus. *Avec tout cela*, aut. *Qui qu'il en soit.*

<sup>b</sup> *Speculatores.*] Perfugas fuisse suprâ dixit.

<sup>c</sup> *Æquè.*] Id est, *Indiscriminatum ex quadruplici agmine alterum à tergo hostes invasurum, cum tamen nesciret Jugurtham quinam istud obtingeret.* Gall. *Que les uns, ou les autres indifféremment, pourroient prendre en queue l'armée des Romains.*

<sup>d</sup> *Numida.*] *Jugurtha*, præcul dubio, ut mirum videatur hoc in loco hæsisse viros doctos.

<sup>e</sup> *Ad pedites.*] Romanos scilicet atque eos arbitror contra quos Bocchus pugnabat, qui in postremâ acie locati fuerant, quod patebat attendenti.

<sup>f</sup> *Fugatis.*] Eos fuisse arbitror, qui cum Jugurthâ fuerant, à quibus se ipse subduxerat, ut stratagemate adversus Romanos pedites uteretur.

rat. Denique hostes jam undique fusi. Tum spectaculum horribile in campis patentibus : sequi, fugere ; occidi, capi ; equi, atque viri afflictī : ac multi, vulneribus acceptis, neque fugere posse, neque quietem pati ; <sup>a</sup> niti modò, ac statim concidere : postremò omnia, quā visus erat, constrata telis, armis, cadaveribus, et inter ea humus infecta sanguine. Postea loci consul, haud dubiè jam victor, pervenit in oppidum Cirtam, quò initio profectus <sup>b</sup> intenderat. Eò post diem quintum, quàm <sup>b</sup> iterum barbari malè pugnaverant, legati à Boccho veniunt, qui regis verbis à Mario petivèrè, duos quàm fīdissimos ad eum mitteret ; velle de suo, et de populi R. comodo cum iis disserere. Ille statim L. Sullam, et A. Manlium ire jubet ; qui <sup>c</sup> quamquam acciti ibant, tamen placuit verba apud regem facere ; ingenium aut adversum uti flecterent, aut cupidum pacis vehementius accenderent. Itaque Sulla, cujus <sup>d</sup> facundiā, non ætati, à Manlio, concessum, pauca verba hujuscemodi locutus :

“ Rex Bocche, magna lætitia nobis est, cū te talem virum dii  
“ monuere ut aliquando pacem, quàm bellum, mallet ; neu te opti-  
“ mum cum pessimo omnium Jugurthā miscendo commaculares, si-  
“ mul nobis demeres acerbam necessitudinem, pariter te errantem,  
“ et illum sceleratissimum, persequi. Ad hoc, populo R. jam <sup>a</sup> à  
“ principio inopi, melius visum, amicos, servos, querere ; tu-  
“ tiusque rati, volentibus, quàm coactis <sup>e</sup> imperitare. Tibi verò  
“ nulla opportunior amicitia nostrā ; primū quod procul absumus,  
“ in quo <sup>f</sup> offensæ minimum, gratia par, ac si propè adessemus : dein  
“ quò <sup>g</sup> parentes abundè habemus, amicorum neque nobis, neque

INTERPRETATIO.

- |   |   |
|---|---|
| <p><sup>1</sup> Quò consilium fuerat pervenire initio cum discesserat.</p> <p><sup>2</sup> Præterea melius visum populo Romano, jam à principio, cū ad-</p> | <p>modum inops erat et egenus, querere amicos quàm servos.</p> <p><sup>3</sup> Deinde quia habemus abundè homines qui nobis parent.</p> |
|---|---|

NOTE.

- <sup>a</sup> Niti.] Ils tâchoient de se relever.
- <sup>b</sup> Iterum.] De hac postremā pugna loquitur ; priorem superius vidimus, quando Romani in colles evaserunt, deinde hostes profligaverunt.
- <sup>c</sup> Quamquam.] Hoc dicit, quia non eorum fuit, qui acciti erant, antè loqui, quàm quid. exponeret barbarus cognitum, habuissent.
- <sup>d</sup> Facundiā.] An ob rem, necne, postea cognosces.
- <sup>e</sup> Imperitare.] Hinc vides imperii nomen, quanquam sæpius dominium notat, honestum quoque esse ; graviusque et

stabilius arbitratos esse Romanos illud, quod liberalitate et amicitia adjungitur, quàm vi quod fit et superbia. Nostris verò hominibus, plerisque ne quidem isthuc odorari licet sed superbiæ suæ omnia proculcanda à diis ipsis tradita est arbitrantur. Literis Græcis et Latinis nihil opus est : satis fuit, ut primi essent omnium rerum, superbia eos omnia contemnere docuerit. Itaque ergo amantur ; à gnatonibus scilicet, non elegantibus et cordatis viris.

<sup>f</sup> Offensæ.] Id est tibi non possumus nocere.

“cuiquàm omnium, satis fuit. Atque <sup>a</sup> hoc utinam à principio tibi placuisset; profectò ex P. R. ad hoc tempus multò plura bona accepisses, <sup>b</sup> quàm mala perpressus es. Sed quoniam humanarum rerum fortuna pleraque regit, cui scilicet, placuit et vim, et gratiam nostram <sup>c</sup> experiri, nunc, quando per illam licet, festina atque, uti capisti, perge. Multa, atque opportuna habes, quò facilius errata officii superes. Postremò hoc in pectus tuum demitte, nunquam populum Rom. beneficiis victum esse. Nam, bello quid valeat, tutè scis.”

Ad ea Bocchus placidè, et benignè simul, pauca pro delicto suo verba facit; se non hostili animo, sed ob regnum tutandum arma cepisse. Nam Numidiæ partem, unde Jugurtham <sup>d</sup> expulerat, jure belli suam factum: eam vastari à Mario pati nequivisse: præterea missis antea Romam legatis <sup>e</sup> repulsum ab amicitia. Cæterum vetera omittere, ac tum, si per Marium liceret, legatos ad senatum missurum. Dein, <sup>f</sup> copiâ factâ, animus barbari ab amicis <sup>g</sup> flexus, quos Jugurtha, cognita legatione Sullæ, et Manlii metuens id quod parabatur, donis corruerat. Marius interea, exercitu in hibernaculis composito, cum expeditis cohortibus, et parte equitatus, proficiscitur in loca sola obsessum turrim regiam, quò Jugurtha perfugas omnes <sup>h</sup> præsidium imposuerat. Tum rursus Bocchus, seu reputando quæ sibi duobus proeliis evenerant, seu admonitus ab aliis amicis, quos incorruptos Jugurtha reliquerat, ex omni copiâ <sup>i</sup> necessariorum quinque delegit, quorum et fides cognita, et ingenia validissima erant. Eos ad Marium, ac dein, si placeat, Romam legatos ire jubet; agendarum rerum, et quocunque modo belli componendi, <sup>k</sup> licentiam ipsis permittit. Illi maturè ad hiberna Romanorum proficiscuntur; dein à

## INTERPRETATIO.

<sup>1</sup> Præterea dixit se repulsum ab amicitia, cum antea misisset legatos Romam.

<sup>2</sup> Deinde, occasione datâ, animus barbari flexus est ab amicis, quos Jugurtha corruerat donis,

metuens id quod parabatur, postquam cognovisset legationem Sullæ et Manlii.

<sup>3</sup> Delegit quinque ex omni numero amicorum.

## NOTÆ.

<sup>a</sup> Hoc.] Pacem cum Romanis habere.

<sup>b</sup> Quàm mala perpressus es.] Quamquam contra fidem eorum codicum, quos videre contigit, confidenter tamen esses, delevi, et reposui, ne ridiculè Sylla locutus esse videatur; neque scio, quomodo hunc locum intellexerint qui eum intactum præterierunt.

<sup>c</sup> Experiri.] Id est, qua voluit experientis vim, et gratiam nostram cognoscere.

<sup>d</sup> Expulerat.] Hinc patet, nisi fortè

vanissimus homo delictum mendacio excuset, Bocchum cum Jugurthâ bellum gesisse.

<sup>e</sup> Flexus.] Tametsi Bocchus homo fuit maximè inanis, optimè tamen reges docebit, quales amicos à se propellere debeant.

<sup>f</sup> Præsidium.] Imposuerat perfugas præsidium, id est, præsidium ex perfugis constituerat. Hoc loquendi genus Grammatici Appositionem vocant.

<sup>g</sup> Licentiam.] Illi starent plenipotentiares.



Gætulis latronibus in itinere circumventi, spoliatique pavidi, <sup>a</sup> sine decore ad Sullam perfugiunt; quem consul, in expeditionem profisciscens, pro prætore reliquerat. Eos ille non pro <sup>b</sup> vanis hostibus, uti meriti erant, sed accuratè et liberaliter habuit. Quâ re barbari, et famam Romanorum avaritiæ falsam; et Sullam ob munificentiam in sese amicū rati. Nam etiam tum <sup>c</sup> largitio multis ignota erat: munificus nemo putabatur, nisi pariter volens: dona omnia in benignitate habebantur. Igitur quæstori mandata Bocchi patefaciunt, simul ab eo petunt, uti fautor, consultorque sibi adsit; copias, fidem, magnitudinem regis sui, et alia, quæ aut utilia, aut <sup>d</sup> benevolentia esse credebant, oratione extollunt: dein, <sup>e</sup> Sullâ omnia pollicito, docti, quo modo apud Mariū, item apud senatū verba facerent, circiter dies XL. ibidem opperiantur. Marius postquam infecto negotiō, <sup>2</sup> quo intenderet, Cirtā redit; de adventu legatorum certior factus, illosque, et Sullam venire jubet, itemque L. <sup>e</sup> Bellienum prætorem Uticā, præterea omnes undique senatorii ordinis; quibuscum mandata Bocchi cognoscit, <sup>f</sup> in quibus, legatis potestas eundi Romam fit: <sup>3</sup> ab consule interea induciæ postulabantur. Ea Sullæ, et ple-

INTERPRETATIO.

<sup>1</sup> Deinde, postquam Sylla illis omni promississet, docti quomodo apud Mariū, item apud senatū verba facerent, expectant ibidem circiter dies 40.

<sup>2</sup> Postquam Mariū rediit Cirtam, negotiū infecto, ad quod perficiendum profectus erat.

NOTÆ.

<sup>a</sup> Sine decore.] Id est, absque dignitatis suæ insignibus; nōdō habitu deteriore quā solent homines vulgares, quia spoliati fuerant.

<sup>b</sup> Vanis.] Id est, mendacibus, levibus, et inconstantibus.

<sup>c</sup> Largitio.] Intellige paucis eorum hominum artem cognitam fuisse, qui turpissimè ut gallinaceum emendicent, ovum magnificè largiuntur; aliorumque ex imperitiā rem suam faciunt, eorum gratiam præsertim aucupando, eosque corrumpendo.

<sup>d</sup> Benevolentia.] Id est, ut volunt, quæ benevolentiam et amicitiam studium declarant. Alii codices habent benevolentia. Sed neutrum placet: verum exponendam esse crediderim hanc vocem benevolentia eo modo, quo antea Sallustium volentia usurpasse vidimus; ut benevolentia sicut et utilia ad Romanos referatur; atque Bocchi legatos, ut Romanos sibi dederentur, Syllæ omnia quæ aut illis utilia,

aut jucunda, seu benevolentia essent, exposuisse intelligamus. Durius fortè aliis videbitur expositio, sed eò ducit sensus; ut patebit attendenti.

<sup>e</sup> Bellienum.] Catilinæ avunculum dicit Asconius.

<sup>f</sup> In quibus.] Glareanus hæc verba delet, deinde aliquid mutat ex fide codicum; quamquam, ut ille ait, non ex omnibus omnia, sed ex singulis tamen aliquid ad plenam lectionem eruendam, decerpserit. Ego verò nihil mutem; sed ita intelligo. Inter alia Bocchi mandata, hoc unum fuisse, ut legati sui Romam proficiscerentur, quod Sylla eis concessisset: sed elliptica est oratio, cujus pars prior ex posteriore facile intelligitur.

<sup>g</sup> Ab consule.] Ne ita intelligas, quasi consul Marius inducias petiverit; sed potius Bocchus, ipsiusque legati. A Boccho postulabantur induciæ, quas consul concederet.

risque placuere : pauci ferocius decerunt : scilicet ignari humanarum rerum, quæ fluxæ, et mobiles semper in adversa <sup>a</sup> mutant. Cæterum Mauri, impetratis omnibus, tres Romam profecti sunt cum Cn. Octavio Rufone, qui <sup>b</sup> quæstor stipendium in Africam portaverat ; duo ad regem redeunt. Ex his Bocchus cum cætera, tum maximè benignitatem, et <sup>c</sup> studium Sullæ, accepit. Romæque legatis ejus, postquam errasse regem, et Jugurthæ scelere lapsum, <sup>d</sup> deprecati sunt, amicitiam et fœdus petentibus hoc modo respondetur :

“ S. P. Q. R. beneficii et injuriæ memor esse solet. Cæterum “ Boccho, quoniam pœnitet, delicti gratiam facit : fœdus et amicitia “ dabuntur, cum meroerit.”

Quibus rebus cognitis, Bocchus per literas à Mario petivit, uti Sullam ad se mitteret ; cujus arbitrato communibus negotiis consuleretur. Is missus cum præsidio equitum, atque peditum, funditorum <sup>e</sup> Balearium : præterea iere segittarii, et cohors <sup>f</sup> Pæligna cum <sup>g</sup> velitaribus armis, itineris properandi causâ : neque his <sup>h</sup> secus atque aliis armis, adversus tela hostium, quod ea levia sunt, muniti. Sed in itinere, quinto denique die, Volux, filius Bocchi, repente in campis patentibus cum mille non ampliùs equitibus sese ostendit ; qui temerè et effusè euntes, Sullæ aliisque omnibus et numerum ampliorem <sup>3</sup> vero, et hostilem metum, efficiebant. Igitur se quisque expedire ; arma, atque tela tentare, <sup>h</sup> intendere : timor aliquantus, sed spes am-

#### INTERPRETATIO.

<sup>1</sup> Et respondetur hoc modo legatis ejus Bocchi, qui orabant fœdus et amicitiam postquam dixissent regem suum errasse, ipsique veniam petiissent, quod scelere Jugurthæ lapsus essent.

<sup>2</sup> Neque erant minùs muniti his armis quàm aliis, adversus tela

hostium, quod ea levia sunt.

<sup>3</sup> Qui equites euntes temerè, et alii ab aliis dispersi, faciebant ut numerus amplior videretur Sullæ et aliis omnibus, quàm revera esset, et ut eos reformidarent tantum hostes.

#### NOTÆ.

<sup>a</sup> Mutant.] Eleganter, si Gellio credimus, pro mutantur, quod est in aliis codicibus.

<sup>b</sup> Quæstor.] Non Marii, nam Sylla is erat ; sed hic in Africâ quæstor fuit, vel fortè ex urbanis unus.

<sup>c</sup> Studium.] Illud est de quo supra : dixit enim Sallustius egregiè legatos à Syllâ acceptos fuisse.

<sup>d</sup> Deprecati.] Ita loquitur Cicero, Orat. 2. contra Rullum, Si quid deliquero, inquit, nullæ sunt imagines, quæ me à vobis deprecantur. Ità et alibi.

<sup>e</sup> Balearium.] Alii, funditorumque Balearium. Belears verò duæ sunt insulæ, hodie Majorca et Minorca dictæ, in mari Mediterraneo, è regione Hispaniæ, cujus olim incolæ peritissimi fuerunt funditores.

<sup>f</sup> Pæligna.] Pæligni populi fuerunt Italiæ inter Appenninos montes, magis ad mare superum, inter Campaniam et Hætruriam ad Septentrionem.

<sup>g</sup> Velitaribus.] Gladium, hastam, et parvam fuisse testatur Polybius.

<sup>h</sup> Intendere.] Id est, quilibet intentus et paratus erat.

plior; quippe victoribus, et adversum eos, quos sæpè vicerant. Interim equites, exploratum præmissi, rem, ut erat, quietam nunciant. Volux adveniens quæstorem <sup>1</sup> appellat; se à parte Boccho <sup>a</sup> obviam illis simul, et præsidio, missum. Dein eum proximum diem, sine metu, conjuncti eunt. Post, ubi castra locata, ut diei vesper erat, repente <sup>b</sup> Maurus, incerto vultu, pavens, ad Sullam accurit; dicitque sibi ex speculatoribus cognitum Jugurtham haud procul abesse: simul, uti noctu clam secum profugerat, rogat atque hortatur. Ille animo feroci negat se toties fusum Numidam pertimescere; virtuti suorum satis <sup>2</sup> credere; etiam si certa <sup>3</sup> pestis adesset, mansurum potius, quam proditis quos ducebat, turpi fugâ incertæ, ac forsitan post paulò morbo interituræ, vitæ parceret. Cæterum ab eodem monitus uti noctu profiscerentur, consilium approbat: ac statim milites cœnatos esse in castris, ignesque quàm <sup>c</sup> creberrimos fieri, dein <sup>d</sup> primâ vigiliâ silentio egredi, jubet. Jamque nocturno itinere fessis omnibus; Sulla pariter cum ortu solis castra metabatur; cum equites Mauri nunciant, Jugurtham, circiter duum millium intervallo, ante eos consedissee. Quod postquam auditum est, tum verò ingens metus nostros invadit; credere se proditos à Voluce, et insidiis circumventos. Ac fuere qui dicerent <sup>e</sup> manu vindicandum, neque apud illum tantum scelus inultum reliquendum. At Sulla, quamquam eadem existimabat, tamen ab injuriâ Maurum prohibet; suos hortatur, uti fortè animum gererent; sæpè antè paucis strenuis adversus multitudinem benè pugnatum: quantò sibi in prælio, minùs pepercissent, tantò, tutiores fore; nec decere quemquam, qui manus armaverit, ab inermis pedibus auxilium petere; et in maximo omnium metu nudum et <sup>f</sup> cæcum corpus ad hostes vertere. Dein Volucem, quoniam <sup>g</sup> hostilia faceret, <sup>4</sup> Jovem maximum obtestatus, uti sceleris atque perfidiæ

INTERPRETATIO.

- |   |   |
|---|---|
| <p><sup>1</sup> Volux adveniens appellat, et ad colloquium vocat Syllam quæstorem.</p> <p><sup>2</sup> Dicit, se satis confidere virtuti suorum.</p> <p><sup>3</sup> Dicit, quamquam certum exitium sibi adesset, se mansurum pe-</p> | <p>tius, quàm proditis iis, quos ducebat, parceret, turpi et flagitiosâ fugâ, vitæ incertâ, ac forsitan post paulò morbo interiturâ.</p> <p><sup>4</sup> Postquam Jovem maximum cum affectu precatus esset, ut testis adesset sceleris.</p> |
|---|---|

NOTÆ.

- |   |  |
|---|--|
| <p>a Obviâ.] Honoris causâ.</p> <p>b Maurus.] Molux.</p> <p>c Creberrimos.] Ut exercitum numero ampliorem, ibique pernoctaturum, Jugurtha crederet.</p> <p>d Primâ.] Nox in quatuor vigilias, easque trium horarum singulas, Romanis divisa erat.</p> | <p>e Manu.] Hoc est, Volucem esse interficiendum.</p> <p>f Cæcum.] Scilicet, cæcum et inermis corpus hostibus obvertunt, qui fugiunt. Cæterum digna est tali viro Syllæ oratio.</p> <p>g Hostilia.] Credebant enim monitu ejus cuncta gerere Jugurtham, sed Jugurthæ monitore nihil opus fuit.</p> |
|---|--|

Bocchi testis adesset, castris abire jubet. Ille lacrimans orare, ne ea crederet; nihil <sup>a</sup> dolo factum, ac magis callidiate Jugurthæ, cui videlicet speculanti iter suum cognitum esset. Cæterum, quoniam neque ingentem multitudinem haberet; et spes, opesque ejus ex patre suo penderent, <sup>1</sup> credere illum nihil palàm ausurum, cum ipse filius testis adesset. Quare optimum factum <sup>b</sup> videri, per media ejus castra palàm transire: sese, vel, præmissis vel ibidem relictis Mauris, solum cum Sullâ iturum. Ea res, uti in tali negotio, probata: ac statim profecti, quia de improvviso accesserant, <sup>c</sup> dubio atque hæsitante Jugurthâ, incolumes transeunt. Dein paucis diebus, quò ire intenderant, perventum est. Ibi cum Boccho Numidia quidam, Aspar nomine, multum, et familiariter agebat; præmissus ab Jugurthâ, postquam Sullam acitum audierat, <sup>2</sup> orator, et subdolè speculatum Bocchi consilia. <sup>3</sup> <sup>d</sup> Præterea Dabar, Massugradæ filius, ex gente Masinissæ, cæterum meterno genere impar, (nam pater ejus ex concubinâ ortus erat) <sup>e</sup> Mauro ob ingenii multa bona carus, acceptusque, quem Bocchus fidem esse Romanis multis antea tempestatibus expertus, illicò ad Sullam nunciatum mittit, paratum sese facere, quæ populus Rom. vellet; colloquio diem, locum, tempus ipse deligeret; consulta sese omnia cum illo <sup>f</sup> integra habere; neu Jugurthæ legatum pertimesceret, <sup>g</sup> quò res communis licentiùs gereretur: <sup>h</sup> nam ab insidiis ejus aliter caveri nequivisse. Sed ego comperior, Bocchum magis Punicâ

## INTERPRETATIO.

<sup>1</sup> Cæterum Volux dicebat quoniam neque Jugurtha ingentem multitudinem haberet, et spes opesque ejus ex patre suo penderent, se credere illum nihil ausurum aperte, cum ipse filius Bocchi testis adesset.

<sup>2</sup> Ibi Numidia quidam, nomine

Aspar, agebat multum et familiariter cum Boccho, præmissus ab Jugurthâ, ut legationem obiret, et subdolè specularetur consilia Bocchi, postquam audierat ab eo Syllam advocatum fuisse.

<sup>3</sup> Præterea Dabar cum Boccho erat.

## NOTÆ.

a Dolo.] Suo, scilicet, aut patris.

b Videri.] Verba sunt Volucis.

c Dubio.] Non enim datum est spatium cogitandi, utrum utilius foret; vel magnanimitatis stimulo concitatum Romanos virtute delinire, vel infestum eosdem persequi.

d Præterea.] Non fuerat hic à Jugurthâ missus.

e Mauro.] Boccho.

f Integra.] Id est, se, quicquid invicem statuissent, approbaturum. Gall. Qu'il tien droit, pour bien fait.

g Quo.] Supple, Accitum fuisse Asparem. Hoc, dicebat Bocchus, ne à se Sylla prodicionem metueret, quod Jugur-

thæ legatum videret, vel cum ipso ad concilium vocaretur; eò videlicet accitum eum fuisse, ut faciliùs quæ vellent, et tutius, exequerentur.

h Nam.] Dicit, ab Jugurthæ insidiis non potuisse caveri, nisi ille spe pacis illectus, ab iis deterritus fuisset. Cæterum, nisi quia faciundum fuit, haud scio an satis cautè Romani cum ejusmodi perfidio res suas communicaverint. Qui enim alium decipit, quamobrem nobis quoque dolos non paret, rationem habere debemus. Bene successit Romanis at certè orbis terrarum magistris eventus non satis idoneus fuit magister.

\* fide, quàm <sup>b</sup> ob ea, quæ prædicabat, simul Romanos, et Numidam spe pacis attinuisse; multumque cum animo suo volvere solitum, Jugurtham Romanis, an illi Sullam, traderet: \* lubidinem adversum nos, metum pro nobis suasisse. Igitur Sulla respondit, pauca se coram Aspare locuturum; cætera occultè, nullo, aut quàm paucissimis præsentibus: simul edocet quæ sibi <sup>d</sup> responderentur. Postquam, sicuti voluerant, congressi; dicit se missum à consule venisse quæsitum ab eo, pacem an bellum agiturus foret. Tum rex, uti <sup>e</sup> præceptum fuerat, post diem decimum redire jubet, ac nihil etiam nunc decrevisse, sed <sup>f</sup> illo die responsurum. Dein ambo in castra sua digressi. Sed ubi plerumque noctis processit, Sulla à Boccho occultè arcessitur; ab utroque tantummodo fidi interpretes adhibentur. Præterea Dabar internuncius, sanctus vir, <sup>g</sup> ex sententiâ ambobus jurat; ac statim rex sic incipit:

“ Nunquam ego ratus sum fore, uti rex maximus in hac terrâ, et  
“ omnium, quos novi, opulentissimus, privato homini gratiam debe-  
“ rem. Et hercle, Sulla, ante te cognitum multis orantibus, aliis  
“ ultrò, egomet opem tuli, nullius indigni. <sup>h</sup> Id imminutum, quod  
“ cæteri dolere solent, ego lætor. Fuerit mihi <sup>i</sup> pretium, eguisse ali-  
“ quando tuæ amicitie; quæ apud animum meum nihil carius habeo.  
“ <sup>k</sup> Id adeò experiri licet; arma, viros, pecuniam, postremò, quid-  
“ quid animo lubet, sume, utere; et quoad vives, nunquam tibi red-  
“ ditam <sup>l</sup> gratiam putaveris; semper apud me integra erit: denique  
“ nihil me sciente frustrâ voles. Nam, ut ego existimo, regem ar-  
“ mis, quàm munificentia vinci, minùs <sup>m</sup> flagitiosum. Cæterum de  
“ rep. vestrâ, cujus curator huc missus es, paucis accipe. <sup>n</sup> Bellum  
“ ego populo Rom. neque feci, neque factum unquam volui: fines  
“ meos adversum armatos armis tutatus sum. <sup>1</sup> Id omitto: quando

INTERPRETATIO.

<sup>1</sup> *Id bellum desero.*

NOTE.

a *Fide.*] Id est, fraude; utraque enim pro eadem in proverbium abiit. Bocchus eâ gratiâ Romanorum simul et Jugurthæ legatos acceperat, ut ex commodo suo de utraque consuleret.

b *Ob ea.*] Ut, scilicet, Jugurthæ doli præcaverentur.

c *Lubidinem.*] Odio cum habebat Romanos.

d *Responderentur.*] A Boccho, scilicet, quando coram Aspare Jugurthæ legato colloquerentur.

e *Præceptum.*] A Sylla per Debarem.

f *Illo.*] Qui, scilicet, post decimum illucceceret.

g *Ex sententiâ.*] Se, scilicet, fideliter credita servaturum.

h *Imminutum.*] Quia nunc ope alienâ indigeo.

i *Pretium.*] Gall. *Il me sera avantageux.* Mihi lucro vertetur.

k *Id.*] An, scilicet, amicitia tua mihi cara sit.

l *Gratiam.*] Sylla Bocchi legatos optimè acceperat, illisque quæcumque ad ejus commodum spectabant, providerat.

m *Flagitiosum.*] Hinc videre licet flagitium magis peccatum notare quod infamiam adfert.

n *Bellum.*] In aliis codicibus ita legitur; *Bellum pop. Romano nunquam paravi, neque factum volui.*

“vobis ita placet, gerite, uti vultis, cum Jugurtha bellum. Ego fluxum Mulucham, quod inter me et Micipsam fuit, non egediar, neque id intrare Jugurtham sinam. Præterea, si quid meque vobisque dignum petiveris, haud repulsus abibis.”

Ad ea Sulla pro se breviter et modicè, de pace, et de communibus rebus multis, disseruit. Denique regi patefacit; quod polliceatur, senatum et populum Rom. quoniam armis amplius valuissent, non in gratiâ habituros: faciendum aliquid, quod illorum magis quam suâ, retulisse videretur: id adè in promptu esse, quoniam copiam Jugurthæ haberet; quem si Romanis tradidisset, fore ut illi plurimum deberetur: amicitiam, fœdus, Numidiæ partem, quam nunc peteret, tunc ultrò adventuram. Rex primum negitare; cognationem, affinitatem, præterea fœdus intervenisse; ad hoc metuere, ne fluxâ fide usus popularium animos averteret: quis et Jugurtha carus, et Romani invisi erant. Denique sæpius fatigatus, leniter, et ex voluntate Sullæ, omnia se facturum promittit. Cæterum ad simulandum pacem, cujus Numidia, defessus bello, advissimus quæ utilia visa, constituunt. Ita, composito dolo, digrediuntur. Et rex postero die Asparem, Jugurthæ legatum, appellat: dicitque sibi per Dabarem ex Sullâ cognitum, posse conditionibus bellum componi: quamobrem regis sui sententiam exquireret. Ille lætus in castra Jugurthæ proficiscitur. Dein ab illo cuncta edoctus, properato itinere, post diem octavum redit ad Bocchum; et ei nunciat, Jugurtham cupere omnia, quæ imperarentur, facere; sed Mario parum fidere: sæpè antea, cum imperatoribus Romanis pacem conventam, frustra fuisse. Cæterum Bocchus, si ambobus consultum, et ratum pacem vellet, daret operam, ut unâ ab omnibus, quasi de pace, in colloquium veniretur, ibique sibi Sullam traderet: cum talem virum in potes-

## INTERPRETATIO.

<sup>1</sup> Denique patefecit regi, senatum et pop. Romanum non pro gratiâ accepturos illud quod polliceatur quoniam armis amplius valuissent.

<sup>2</sup> Quoniam Jugurtham in potestate haberet.

<sup>3</sup> Bocchus causabatur cognationem affinitatem: præterea dicebat fœdus cum Jugurthâ intervenisse.

<sup>4</sup> Cæterum constituunt quæ visa sunt utilia ad simulandam pacem cujus Jugurtha, defessus bello, erat avidissimus.

## NOTE.

a Si quid.] Absque hac exceptione, quæ minùs urbana est relique aptissime cohærebant.

b Modicè.] Multo officio Syllam Bocchus prosecutus erat, ideòque Sallustius ad ea Syllam cum modestiâ respondisse dicit.

c Peteret.] Non satis cognoscitur bel-

lone, an pacto, Numidiæ partem aliquam Bocchus obtinuerit; an verò totum istud sit de spe intelligendum, quam Jugurtha, si finibus integris fœdus cum Romanis pangeretur, Boccho maximam fecerat.

d Fluxa.] Erga Jugurtham, quocum fœdus invisisset eum, neminem latebat.

e Ambobus.] Boccho et Jugurthæ.

tate habuisset, tum fore uti jussu S. P. Q. R. fœdus fieret; neque hominem nobilem, non suâ ignaviâ, sed ob rempub. in hostium potestate relictum iri. Hæc Maurus secum ipse diu volvens, tandem promisit. Cæterum <sup>a</sup> dolo, an <sup>b</sup> verè cunctatus, parum comperimus. Sed plerumque <sup>c</sup> regiæ voluntates, uti vehementes, sic mobiles, sæpè ipsæ sibi adversæ. Postea tempore et loco constituto, in colloquium <sup>d</sup> uti de pace veniretur; Bocchus Sullam modò, modò Jugurthæ legatum appellare; benignè habere; idem ambobus polliceri. Illi pariter læti, ac spei bonæ pleni esse. Sed nocte eâ, quæ proxima fuit ante diem colloquio decretum, Maurus adhibitis amicis, ac statim <sup>e</sup> immutatâ voluntate, remotis cæteris, dicitur secum ipse, <sup>f</sup> multum agitavisse: <sup>g</sup> vultu, colore, ac motu corporis pariter atque animo varius: <sup>h</sup> quæ scilicet, tacente ipso, occulta pectoris, oris immutatione patefecisse. Tamen postremò Sullam accersi jubet, et ex illius sententiâ Numidæ insidias tendit. Deinde ubi dies advenit, et ei nunciatum est, Jugurtham haud procul abesse; cum paucis amicis, et <sup>i</sup> quæstore nostro, quasi obviis, honoris causâ, <sup>j</sup> procedit in tumulum facilimum visu insidiantibus. Eòdem Numida cum plerisque necessariis suis inermis, uti dictum erat, accedit: ac statim signo dato, undique simul ex insidiis invaditur. Cæteri obtruncati, Jugurtha Sullæ vinctus traditur, et ab eo ad Marium <sup>k</sup> deductus. <sup>l</sup> Per idem tempus adversum <sup>m</sup> Gallos ab ducibus nostris Q. Cepione, et M. Manlio

INTERPRETATIO.

<sup>1</sup> Postea loco et tempore constituto, Bocchus appellebat modò Syllam, modò legatum Jugurthæ, ut veniretur in colloquium de pace.

<sup>2</sup> Ipse Bocchus vultu, colore ac motu corporis, pariter atque animo, varius, dicitur multum agitavisse

ea, quæ, scilicet occulta pectoris, dicitur, ipso tacente, patefecisse oris immutatione.

<sup>3</sup> Procedit in locum editiorem, quem facile insidiantes prospicere poterant.

NOTÆ.

a Dolo.] Ut magis crederet Jugurtha, optimâ fide Bocchum cum ipso agere; cum rem ipsam diu ab illo antè agitatam videret, quàm polliceretur.

b Verè.] Id est, cùm Numidæ tradere Syllam Bocchus statuisset.

c Regiæ.] Rem ipsam verissimè expressit Sallust. Videant itaque et sibi caveant, quibus omnia ex voto successerunt. Periculum est maximum ne voluntas omnia cum impetu pervadere assueta, sæpius cum dolore, eadem relegere cogatur.

d Immutatâ.] Id est, Dimissis omnibus.

e Multum.] Alii habent multa.

f Quæ.] Scilicet ex ejus incerto vultu, et oris immutatione, animi fluctuatio et

dubitatio cognita est: nesciebat enim an Jugurthæ Syllam, vel Syllæ Jugurtham, tradere melius esset.

g Quæstore.] Syllâ.

h Deductus.] Florus ex Livio, in carcere necatum Jugurtham fuisse; alii fame contabuisse volunt.

i Per idem.] Istud ad Jugurthæ historiam non facit, sed additum est, ut cognosceretur, quamobrem contrâ leges Mario absenti consulatus mandatus fuisset.

k Gallos.] Alii magis istud Germanis adscribunt: optimè verò et verissimè nos- ter auctor qui Gallis, propter Helvetios scilicet, qui tum, cum Cimbris, belli adversus Romanos concitatoribus, ter ipsos profligaverunt.

malè pugnatum. Quo metu Italia omnis contremuerat. <sup>1</sup> Illique et usque ad nostram memoriam Romani sic habuère, alia omnia virtuti suæ prona esse; cum Gallis pro salute, <sup>a</sup> non pro gloriâ certari. Sed postquam bellum in Numidiâ confectum, et Jugurtham Romam vinctum adduci, nunciatum est; Marius consul <sup>b</sup> absens factus est, et ei decreta provincia Gallia: isque <sup>c</sup> Kalendis Januar. magnâ gloriâ consul triumphavit. Ex eâ tempestate spes, atque opes civitatis in illo sitæ erant.

## INTERPRETATIO.

<sup>1</sup> *Et Romani, qui illis temporibus vivebant, et usque ad nostram memoriam, sic animo reputaverunt; alia omnia suæ virtuti prona esse et faciliâ, at cum Gallis pro salute certari, non pro gloriâ.*

## NOTÆ.

<sup>a</sup> *Non. pro gloriâ.]* Quandoquidem de gloriâ cum Gallis non ausi sunt contendere, qui orbis terrarum Domini reliquorum populorum honorem proculcaverant. Illa, Deo adjuvante, nunquam peribit.

<sup>b</sup> *Absens.]* Contrà morem.

<sup>c</sup> *Kalendis.]* Quo tempore consules magistratum inibant.

FINIS BELLII JUGURTHINI.



## C. SALLUSTII CRISPI

### HISTORIARUM FRAGMENTA.

#### LIBER I.

RES populi R. M. <sup>a</sup> Lepido, Q. <sup>b</sup> Catulo Coss. ac deinde militiæ et domi gestas <sup>c</sup> composui. *Donatus et Pomp. Messalinus.*

<sup>d</sup> Cato Romani generis disertissimus multa paucis absolvit. *Serv. et Acron.*

<sup>e</sup> Fannius verè. *Victorinus.*

Nos in tantâ <sup>f</sup> doctissimorum hominum copiâ. *Serv.*

Neque me diversa pars in civilibus armis movit à vero. *Arusianus.*

#### NOTÆ.

a] *Lepido.*] Hic est, qui, cum proscriptos à Syllâ revocare studeret, bellum civile movit, quod penè citiùs oppressum est quàm intèperet.

b] *Catulo.*] Hic incensum capitolium, anno ab urbe conditâ 684, restitutum dedicavit.

c] *Composui.*] Donatus sub initium Æneidos hîc historiam Sallustium cœpisse scribit, et Messalinus hanc vocat Sallustianam periodum. Undè conjicere licet auctorem nostrum, qui se, ab initio belli Catilinarii, res gestas P. Rom. carptim scripturum esse dicit, in eo non perstitisse; sed postquam de bello scripsisset, quod Catilina aliquot annis à Lepidi et Catuli consulatu excitavit; atque eo quod multò antè eundem consulatum P. Rom. adversus Jugurtham gesserat: ad historiam unâ serie, non interruptè posteris transmittendam animum adjecisse. Vi-

detur itaque de Sertorio et Pompeio, item de Mithridate, Tigrane et Lucullo, præcipuè, et iis quæ ab his à Lepidi consulatu ad bellum Catilinarium usque, acta sunt, mentionem fecisse. Quæ verò ex ejus fragmentis hinc inde dissipata, collecta sunt; in tantâ caligine, vix quisquam in locum suum et ordinem possit restituere, neque certè tanti esse judicamus.

d] *Cato.*] Censorinus est.

e] *Fannius.*] Duo fuerunt, quorum Cicerò meminit in Bruto.

f] *Doctissimorum.*] De Cælio, Rutilio, Pictore, Quadrigario, Antiato, Sisenna, Venonio, præcipuus ante Sallustium historicis, intelligi volunt; quibus adde Catonem historicum eximium, ex quo multa sumpsisse auctorem nostrum ei etiam exprobratum est.

Nobis <sup>a</sup>primæ dissensiones vitio humani ingenii evenêre: quod; iniques, atque <sup>b</sup>indomitum, semper in certamine libertatis, aut gloriæ, aut dominationis agit. *Prisc.*

Nam à primordio urbis ad bellum <sup>c</sup>Persi Macedonicum. *Idem.*

Res Romana plurimum imperio valuit, Ser. Sulpitio et M. Marcello Coss. omni <sup>d</sup>Galliâ cis <sup>e</sup>Rhenum, atque inter mare <sup>f</sup>nostrum, atque Oceanum, nisi quæ à paludibus invia fuit, perdomitâ. <sup>g</sup>Optimis autem moribus, et maximâ concordia egit populus Rom. inter secundum atque postremum bellum Carthaginiense. *Victorinus et Augustinus.*

At discordia, et avaritia, atque ambitio, et cætera secundis rebus oriri <sup>h</sup>sueta mala, post Carthaginis excidium maximè aucta sunt. Nam injuriæ validiorum, et ob eas discessio plebis à patribus, aliæque dissensiones domi fuêre jam inde à principio: neque amplius, quàm regibus exactis, dum metus à <sup>i</sup>Tarquinio et bellum grave cum <sup>k</sup>Etruria positum est, æquo et modesto jure agitatum: dein, servili imperio patres plebem exercere; de vitâ atque <sup>l</sup>tergo regio more consulere; agro pellere; et, cæteris expertibus, soli in imperio agere. Quibus sævitiis, et maximè fœnoris onere oppressa plebes, cum assiduus bellis tributum simul et militiam toleraret, armata montem <sup>m</sup>sacrum, atque Aventinum, insedit: tumquæ <sup>n</sup>Trib. pl. et alia sibi jura paravit. Discordiarum et certaminis utrimque finis fuit secundum bellum Punicum. *Augustinus.*

#### INTERPRETATIO.

<sup>1</sup> *Neque amplius Romæ agitarum est æquo et modesto jure, quàm dum metus à Tarquinio, et bellum grave positum est cum Etruria, postquam reges pulsi essent.*

#### \*NOTÆ.

<sup>a</sup> *Primæ.*] De seditionibus videtur agere, quæ ob fœneratorum potentiam præcipuè atque potentiorum superbiam, ortæ sunt. Cæterum locutus fuerit de primis omnino Romanorum divisionibus, an non, nostrâ parum interest: illud est maximum, quod nobis verum discordiarum, nostrarum fontem ostendit quem obstruet qui vœlet et poterit.

<sup>b</sup> *Indomitum.*] Id est, quod domari non potest.

<sup>c</sup> *Persi.*] A nominativo Perseus: aliàs Perses dicitur, quem regno Macedoniæ Romani spoliaverunt.

<sup>d</sup> *Galliâ.*] Hinc patet, quod et alii abundè probaverunt, Germaniam veteribus sub Galliâ comprehensam fuisse.

<sup>e</sup> *Rhenum.*] Rhenus notissimus hodie Germaniæ fluvius.

<sup>f</sup> *Nostrum.*] Mediterraneum.

<sup>g</sup> *Optimis.*] Hoc illud est quod dixit in Jugurthâ, senatum et P. Romanum placidè inter se, modestèque rempublicam tractasse.

<sup>h</sup> *Sueta.*] Ab iis itaque sibi cavendum esse intelligant qui favente utuntur fortunâ.

<sup>i</sup> *Tarquinio.*] Superbo, scilicet, regum Romanorum postremo, qui unâ cum filiis adversus Romanos bellum movit, eos manu in regnum reducente Etruscorum rege Porsenâ.

<sup>k</sup> *Etruria.*] Italiæ regio ad Urbis Occidum. Hodie *Toscane*.

<sup>l</sup> *Tergo.*] Quia verberibus in damnatos sæviebant.

<sup>m</sup> *Sacrum.*] *Capitolium*.

<sup>n</sup> *Trib.*] Per quos a potentiorum injuriâ tuta agitent.

Postquam, remoto metu Punico, simultates exercere vacuum fuit; plurimæ turbæ, seditiones, et ad postremum bella civilia orta sunt: dum pauci potentes, quorum <sup>a</sup> in gratiâ plerique concesserant, <sup>b</sup> sub honesto patrum, aut plebis nomine dominationes affectabant; bonique et mali cives appellati, non ob merita in rempublicam, omnibus pariter corruptis, sed uti quisque locupletissimus, et injuriâ validior, <sup>c</sup> quia præsentia defendebat, pro bono ducebatur. <sup>d</sup> Ex quo tempore majorum mores, non paulatim, ut antea, sed torrentis modo, <sup>e</sup> præcipitati: adeo juvenus luxu atque avaritiâ corrupta est, uti meritò dicatur, genitos esse, qui neque ipsi habere possent res familiares, neque alios pati. *Aul. Gellius et Augustinus.*

<sup>f</sup> Igitur venditis proscriptorum bonis, aut dilargitis. *Aul. Gellius.*

Id bellum excitabat <sup>g</sup> metus Pompeii victoris <sup>h</sup> Heimpsalem in regnum restituentis. *Idem.*

Maximèque ferocia regis <sup>i</sup> Mithridatis in tempore bellaturi. *Donatus et Arusianus.*

Quin lenones et vinarii, laniique, quorum prætereà vulgus in diem usum habet, pretio <sup>k</sup> compositi. *Carisius.*

Genus armis ferox, et servitii insolitum. *Arusianus.*

*M. Emili Lepidi Cos. ad P. R. Oratio contra Syllam.*

Clementia, et probitas vestra, Quirites, quibus <sup>1</sup> per cæteras gentes maximi, et clari estis, plurimum timoris mihi faciunt adversus <sup>1</sup> tyrannidem L. Sullæ; ne aut ipsi, nefanda quæ æstimatis, ea parum cre-

## INTERPRETATIO.

<sup>1</sup> Quibus maximi estis inter cæteras gentes.

## NOTÆ.

<sup>a</sup> *In gratiâ.*] Arusianus à Sallustio dictum notat *concedere in gratiâ*. Augustinus qui fragmentum hoc totum conservavit, *in gratiam concesserunt*, scriptum reliquit.

<sup>b</sup> *Sub honesto.*] Patres pro dignitate senatûs, tribuni pro libertate plebis cum contendere videbantur, quisque pro gloriâ suâ certabat.

<sup>c</sup> *Quia præsentia.*] Hinc discere possunt qui republicæ student commoditatibus, quanto cum molimine, quantâque prudentiâ, ex prædonum manibus ea sit retrahenda.

<sup>d</sup> *Ex quo tempore.*] Hæc cum præcedentibus unâ serie non refert Augustinus.

<sup>e</sup> *Præcipitati.*] Hunc locum diligenter excussisse non pœnitebit eos, qui ad rempublicæ sedent gubernacula.

<sup>f</sup> *Igitur.*] De Syllâ hoc loco sermonem

esse quando non probaret Augustinus, res ipsa satis declararet.

<sup>g</sup> *Metus.*] Gellius Pompeii metum explicat, non quòd ille metueret, sed quòd metueretur.

<sup>h</sup> *Heimpsalem.*] Huic Numidiæ cum Gætulis Pompeius tradidit, cujus filium Jubam Cæsar profligavit.

<sup>i</sup> *Mithridatis.*] Rex fuit Ponti Mithridates, Romanorum acerrimus hostis, usque adeò veneno assuetus, ut eo tandem malè tentatum spiritum, ferro coactus sit expellere.

<sup>k</sup> *Compositi.*] Nonius exponit *redempti*.

<sup>1</sup> *Tyrannidem.*] Dictaturam ante Lepidi consulatum deposuisse Syllam, non est dubium: adeòque de ejus dominatione hîc agitur, quatenus eam per satellites, posito nomine tantum, exercebat.

dendo de aliis, circumveniamini: præsertim cùm illi spes omnis in scelere atque perfidiâ sit, <sup>a</sup> neque se aliter tutum putet, quàm si pejor atque intestabilor <sup>b</sup> metu vestro fuerit; <sup>1</sup> quò captivis libertatis curam miseria eximat: aut si provideritis, in tutandis periculis magis, quàm in ulciscendo, <sup>2</sup> teneamini. Satellites, quidem ejus homines maximi nominis, <sup>c</sup> non minùs optimis majorum exemplis, nequeo satis mirari, dominationis in vos, servitium suum <sup>d</sup> mercedem dant; et utrumque per injuriam malunt, quàm optimo jure liberè agere: præclara <sup>e</sup> Brutorum atque Æmiliorum et <sup>f</sup> Lutatorum proles, geniti ad ea, quæ majores virtute peperère, subvertenda. Nam quid à <sup>g</sup> Pyrrho, Hannibale, <sup>h</sup> Philippoque et <sup>i</sup> Antiocho defensum est aliud, quàm libertas, et suæ cuique sedes: neu cui, nisi legibus, pareremus? quæ cuncta sævus iste <sup>k</sup> Romulus, quâsi ab externis rapta, tenet: non tot exercituum clade, neque <sup>l</sup> consulis, et aliorum principum, quos fortuna belli consumpserat, satiatus; sed tum crudelior, cùm plerosque secundæ res miserationem ex irâ vertant. Quin solus omnium, post memoriam hominum, supplicia in <sup>m</sup> post futuros composuit, quis prius injuria quàm vita certa esset: pravissimèque per sceleris immanitatem adhuc tutus fuerit; dum vos, metu gravioris servitii, à repetendâ libertate terremini. Agendum atque obviam eundem est, Quirites, ne spolia vestra penes illum sint: non prolatandum, neque votis paranda auxilia: nisi fortè speratis, per tedium jam, aut pudorem tyrannidis, esse cum per scelus occupata <sup>n</sup> periculosius

## INTERPRETATIO.

- <sup>1</sup> *Ut miseria adimat vobis captivis curam libertatis.* | *attenti sitis ad vos à periculis liberandos quam ad injurias ulciscendas.*  
<sup>2</sup> *Aut, si provideritis, magis* | *das.*

## NOTÆ.

<sup>a</sup> *Næque.*] Igitur, vel principiis obstandum; vel semet et maturè, cui ea lubet arripere, tradenda sunt reipublicæ gubernacula.

<sup>b</sup> *Metu.*] *Quem vobis incusserit Sylla,* scilicet, ne, si parum tyrannus esset, aut vos aliquid auderetis, ipsum acerbissimè puniretis.

<sup>c</sup> *Non minùs.*] Id est, qui, præter nomen, exempla insuper optima à suis majoribus habuerunt.

<sup>d</sup> *Mercedem dant.*] Id est, illi, ut vobis imperent, servi fiunt.

<sup>e</sup> *Brutorum.*] Hujus præsertim meminit, quia tyrannorum hostis fuit acerrimus, quique Tarquinium Superbum expulit, ejusque filium planè quasi ad inferos usque persecutus est.

<sup>f</sup> *Lutatorum.*] A Lutatio Catulo, ipse Lepidus, bellum civile movens, retrò pulsus est.

<sup>g</sup> *Pyrrho.*] Id est, adversus ipsum. Fuit autem Pyrrhus rex Epirotarum.

<sup>h</sup> *Philippoque.*] Rex fuit Macedoniæ.

<sup>i</sup> *Antiocho.*] Rex fuit Syriæ, quem luxuriâ suâ debellatum, nullo negotio P. Rom. superavit.

<sup>k</sup> *Romulus.*] De Syllâ invidiosè loquitur.

<sup>l</sup> *Consulis.*] Videtur de Marii filio loqui.

<sup>m</sup> *Post futuros.*] Hoc dicit, quia proscriptorum liberos Sylla à republicâ submovit, eosque petendorum, honorum jure privavit.

<sup>n</sup> *Periculosius.*] Nullus itaque injustè dominetur, qui se pessimum fieri metuit.

dimissurum. At ille eò processit, uti nihil gloriosum, nisi tutum, et omnia \* retinendæ dominationis honesta, existimet. Itaque illi quies, et otium cum libertate, quæ multi probi potiùs, quàm laborem cum honoribus, capessebant, nulla sunt. Hâc tempestate serviendum, aut imperitandum: habendus metus est, aut faciendus, Quirites. Nam quid ultra? Quæve humana superant, aut divina impolluta sunt? Populus Romanus, paulò antè gentium moderator, exutus imperio, gloriâ, jure, agitando inops, despectusque, ne <sup>b</sup> servilia quidem alimenta reliqua habet. Sociorum et Latii magna vis, civitate pro multis et egregiis factis, à vobis datâ, per unum prohibetur; et plebis innoxia patrias sedes occupavere pauci satellites, mercedem scelerum; leges, judicia, ærarium, provinciæ, reges, penes unum: denique necis civium, et <sup>c</sup> vitæ licentia. Simul humanas hostias vidistis, et sepulchra infecta sanguine civili. Estne viris reliqui aliud, quàm solvere injuriam, aut mori per virtutem? Quoniam quidem unum omnibus finem naturâ, vel ferro, cœptis statuit; neque quisquam <sup>d</sup> extremam necessitatem, nihil ausus, nisi muliebri ingenio, exspectat. Verùm ego seditiosus, uti Sulla ait, quia præmia turbarum <sup>e</sup> queror; et bellum cupiens, quia jura pacis repeto. Scilicet, quia non aliter salvi, satiasque tuti, in imperio eritis; nisi Vettius Picens, <sup>f</sup> scriba Cornelius, aliena, benè parata, prodegerint: nisi approbaveritis omnes proscriptiones innoxiorum, <sup>g</sup> ob divitias; cruciatus virorum illustrium; vastam urbem fugâ et cædibus; bona civium miserorum, quasi <sup>h</sup> Cimbricam prædam, venum, aut dono datam. At objectat mihi possessiones ex

## NOTÆ.

a *Retinenda.*] Id est, ad retinendum, Subintelligitur, *causâ*.

b *Servilia.*] Quinorum frumenti modiorum fuisse ea in singulos menses ex Donato, ad Terentii Phormionem discimus. Cæterum hinc licet conjicere, aliquid in frumenti distributione à Syllâ mutatum fuisse.

c *Vitæ licentia.*] Nemo enim, illo invito, nec bona, nec patriam, nec vitam retinere poterat, ut testatur Cicero.

d *Extremam.*] *Mortem.*

e *Queror.*] Gronovius legendum esse putat *quero*; at pace tanti viri mihi mutandum censeo; quin sensum meliorem magisque ex Lepidi ingenio, *queror* videtur efficere. Intendit enim Syllâ criminationes eo modo proponere, ut per se diluantur: quod quidem in posteriori perspicuum est cum dicit, *Et bellum cupiens, quia jura pacis repeto*. Si in prior, pro *qui*, legas *quia*, nam sæpè eam vim obtinet, res erit clarissima. Lege modò, et videbis: perinde enim est ac si dice-

ret, *Ineptè Sylla me seditiosum vocat, cum in eo sim, ut querar, quodd præmia antehac in seditiosos collata fuerint.*

f *Scriba.*] Ita vocati sunt qui in tabulas rationes publicas referunt. Quorum quidem oratio honestus erat, quod eorum hominum fidei tubulæ publicæ, *pencilæ*que magistratuum committuntur, ut ait Cicero: at officium mercenarium, nec magni testimonii aut pretii: si Alex. Neapolitano, aliisque unde et istud colligi potest, fides est adhibenda. Hic verò Cornelius et Vettius ex eo numero fuerunt, qui malo publico creverant, satellites Syllæ tyrannidis et crudelitatis, atque adeò maximè exosi, ut vel ex hoc loco apparet.

g *Ob divitias.*] Dicit divitias causam fuisse, ut innoxii quoque proscriberentur.

h *Cimbricam.*] Cimbrici populi fuerunt Germanici, supra Sexones, ad Septentrionem, in peninsulâ ab ipsis Cimbrica dicta, quos ab extremis Gallie profugos, cum Theutonis et Tigurnis, Marius novissimè conciderat.

bonis proscriptorum, quod quidem scelerum illius vel maximum est, non me, neque quemquam omnium satis tutum fuisse, si rectè <sup>a</sup> faceremus. Atque illa quæ tum formidine mercatus sum, pretio soluto, <sup>b</sup> jure, dominis tamen restituo; neque pati consilium est, ullam ex civibus prædam esse. Satis illa fuerint, quæ, rabie contractâ toleravimus; manus conserentes inter se Romanos exercitus, et arma ab externis in nosmet versa. Scelerum et contumeliarum omnium finis sit. Quorum adeò Sullam non pœnitet, ut et facta <sup>c</sup> in gloriâ numeret, et, si liceat, avidiùs fecerit. Neque jam, quid existimetis de illo, sed quantum vos audeatis, vereor; ne, alius alium principem expectantes, antè capiamini, non opibus ejus, quæ futes et corruptæ sunt; sed vestrâ socordiâ, quam captum ire licet; et <sup>d</sup> quàm audeat tam videri felicem. Nam præter satellites commaculatos, quis eadem vult? Aut quis non omnia mutata præter victoriam? <sup>e</sup> Scilicet milites, quorum sanguine, Tarrulæ, Scyrroque, pessimis servorum, divitiarum partæ sunt. An, quibus prælatus in magistratibus capiundis Fuscidius, <sup>f</sup> ancilla turpis, honorum omnium dehonestamentum? Itaque maximam mihi fiduciam parit victor exercitus, cui per tot vulnera et labores, nihil præter <sup>g</sup> tyrannum quæsitum est. <sup>h</sup> Nisi fortè tribuniciam potestatem eversum profecti sunt per arma, conditam à majoribus suis <sup>i</sup> utique jura et judicia sibimet extorquerent: egregiâ scilicet mercede, cum <sup>k</sup> relegati in paludes et silvas, contumeliam atque invidiam <sup>l</sup> suam, præmia penes paucos intelligerent.

## INTERPRETATIO.

<sup>1</sup> *Cum intelligerent, postquam relegati essent in paludes et silvas, contumeliam atque invidiam tantum esse pro se, præmia verò, penes paucos.*

## NOTÆ.

<sup>a</sup> *Faceremus.] Pro fecisimus: ita ut Terentius, sæpè.*

<sup>b</sup> *Jure.] Suivant les formes de justice.*

<sup>c</sup> *In gloriâ.] Videtur ad id respicere quod Plutarchus, palam in foro Syllam dixisse, testatur, cum publicum præsidium à se dimisisset. Sese omnium à se gestarum rerum paratum esse rationem reddere.*

<sup>d</sup> *Quàm audeat.] Hic aliquid deesse putant, deinde quodlibet mutant et addunt. Difficile non est, neque ea res agitur. At sensus nullus est; nullus sit: nam malim equidem ego scire me aliquid perdidicisse, quàm pro eo aliquid per imperitiam sumere; et gestare. A verò videamus, annon sensus aliquis ex istis verbis possit erui. Hæc ipsa perio-*

*do dixit Lepidus, Vereor quantum vos audeatis. Potuerit et dicere, Vereor quàm Sylla audeat, et quàm audeat videri felicem: atque istud egregiè quadrabit, cum omnes à felicitate sciant Syllam cognominatum fuisse.*

<sup>e</sup> *Scilicet milites.] Ironia est.*

<sup>f</sup> *Ancilla.] Per maximum contemptum ita loquitur.*

<sup>g</sup> *Tyrannum.] Syllam, scilicet.*

<sup>h</sup> *Nisi.] Ironica dubitatio.*

<sup>i</sup> *Utique.] Respondet ironice dubitationi, vel, si mavis, ejus continuatio, quod magis probò.*

<sup>k</sup> *Relegati.] Ita, per contemptum, loquitur de agris, quos suis militibus Sylla dividebat; quamquam eò divites colonos multos effecerat.*

Quare igitur tanto agmine atque animis <sup>a</sup> incedit? Quia secundæ res mirè sunt vitiis <sup>b</sup> obtentui, <sup>c</sup> quibus labefactatis, quàm formidatus ante est, tam contemnetur: nisi fortè <sup>d</sup> specie concordia et pacis, quæ sceleri et parricidio suo nomina indidit. Neque aliter populo Romano esse belli finem ait, nisi maneat expulsa agris plebes, præda civilis acerbissima, jus, judiciumque omnium rerum, penès se, quod populi Romani fuit. Quæ, si vobis, pax, et concordia <sup>e</sup> intelliguntur, maxima turbamenta reip, atque exitia <sup>f</sup> probate; annuite legibus impositis; accipite otium cum servitio; et tradite exemplum posteris ad populum Romanum suimet sanguinis <sup>g</sup> cæde circumveniens. Mihi, quamquam per hoc summum imperium satis <sup>h</sup> quæsitus erat nomini majorum, dignitati, atque etiam præsidio; tamen non fuit consilium <sup>i</sup> privatas opes facere; potiorque visa est periculoso libertas quieto servitio. Quæ si probatis, adeste Quirites, et, benè juvantibus diis, M. Æmilius <sup>j</sup> Consulem, ducem et autorem sequimini ad recipiendam libertatem.

Tunc verò et <sup>k</sup> posci: dum cæteri ejusdem causâ ducem senatûs rati, maximo gaudio bellum irritare. *Nonius, irritare, provocare.*

<sup>l</sup> Curionem <sup>m</sup> quæsivit, ut adolescentior, et populi suffragiis <sup>n</sup> inte-

## INTERPRETATIO.

<sup>1</sup> *Quæ, si pro pace et concordia veniunt apud animum vestrum, probate igitur maxima turbamenta atque exitia reipublicæ.* | *hoc summum imperium, et consulatum, nomini et gloriæ majorum meorum, dignitati atque etiam præsidio.*

<sup>2</sup> *Quamvis satis consulerem, per*

## NOTÆ.

<sup>a</sup> *Incedit.*] Id est, *Quis fit igitur, ut tam magnificè per ora nostra Sylla ambulet, cum jam omnes ejus dominationis pigeat?* Per opus verò fuit sibi istud Lepidus à parte populi objiceret, ut ejus postea timor dissolveretur.

<sup>b</sup> *Obtentui.*] Id est, *mirè vitia tegunt, faciuntque ut quid splendidum videantur.*

<sup>c</sup> *Quibus.*] *Rebus secundus, scilicet.*

<sup>d</sup> *Specie.*] Hic corruptam esse scripturam, ut sentit clarissimus Douza, nullus dubito: correctionem quam modestissimè conjecturam dicit, non possum non amplecti, tùm, propemodum nihil mutet. Pro specie repositus, *spes est*: atque conjecturam, ex loco planè simili, in hac ipsa oratione, confirmat, ubi dixit Lepidus, *Nisi forte speratis per tedium jam aut pudorem tyrannidis, &c.*

<sup>e</sup> *Probate.*] Efficacissima est ista agendi ratio. cum quis adversario, quod ipsum maximè urgeat, concedit.

<sup>f</sup> *Cæde.*] *Mercede* reponendum esse contendit Douza. *Cædes* equidem sanguinis, duriter sonet, sed nolim tamen ex durâ oratione eam extrudere.

<sup>g</sup> *Privatus.*] Id est, *mihi soli prospicere, vel me solum tutum, et felicem agere.*

<sup>h</sup> *Consulem.*] *Illam ipsum, scilicet.*

<sup>i</sup> *Posci.*] Videtur deesse nomen proprium ducis, quodd ex his reliquiis, licet corruptis, concinnandum est, legendumque: *Tum V—posci, cum cæteri ejusdem causâ ducem se nactos rati, &c.* Verba sunt Ursini.

<sup>k</sup> *Curionem.*] Consul fuit anno, à Lepidi consulatu, altero.

<sup>l</sup> *Quæsivit.*] A Verbo, *Quæso*, ex quo *Quæso* et *Quæsumus* tantum manserunt.

<sup>m</sup> *Integer.*] Id est, *qui neque ad id tempus honores petiverat, neque ambiverat; cuiusque populus nondum suffragatus erat.* Atque hinc licet conicere hunc Lepido sese præpositum studuisse.

ger, ætati concederet <sup>a</sup> Mamerci. *Priscianus, lib. x.*

Philippus, qui ætate et consilio cæteros anteibat. *Servius, lib. iŕ.*

*Oratio L. Philippi contra Lepidum.*

Maximè vellem, P. C. remp. quietam esse; aut in periculis à promptissimo quoque defendi: denique prava incepta consultoribus noxæ esse. Sed contrà, seditionibus omnia turbata sunt, et ab iis, quos prohibere magis decebat. Postremò, quæ pessimi et stultissimi decrevêre, ea bonis et sapientibus facienda sunt. Nam bellum, atque arma, quamquam vobis invisa, tamen, quia Lepido placent, sumenda sunt. Nisi fortè cui pacem <sup>1</sup> præstare, et bellum pati, consilium est. Pro dii boni, <sup>b</sup> qui hanc urbem, omissâ curâ, adhuc regitis; M. Æmelius omnium flagitiosorum postremus, qui, pejor an ignavior sit, deliberari non potest: exercitum opprimendæ libertatis habet, et se è contempto metuendum effecit: vos mussantes, et <sup>2</sup> retractantes verbis, et vatum carminibus, pacem optatis magis quàm defenditis; neque intelligitis mollitiâ decretorum vobis dignitatem, illi metum detrahi. Atque id <sup>c</sup> jure; quoniam ex rapinis consulatum, ob seditionem provinciam cum exercitu adeptus est. Quid ille ob benefacta cepisset, cujus sceleribus tanta præmia tribuistis? <sup>d</sup> At scilicet, ii, qui ad postremum usque, legatos, pacem, concordiam, et alia hujuscemodi decreverunt, gratiam ab eo peperêre. Imò despecti et indigni rep. habiti, prædæ loco æstimantur; quippe <sup>e</sup> metu pacem repetentes, quo habitam amiserant. Equidem à principio cùm Etruriam conjurare, proscriptos accersiri, largitionibus rempub. <sup>f</sup> lacerari videbam; maturandum putabam, et Catuli consilia cum pacis secutus sum. Cæterum illi, qui gentis Æmilix benefacta

INTERPRETATIO.

<sup>a</sup> *Nisi fortè alicui mens est pacem dare, et bellum pati.* | *verbis et carminibus vatum, optatis magis pacem, quàm eam defenditis.*

<sup>2</sup> *Vps.dum tacetis, vel reluctamini* | *ditis.*

NOTÆ.

<sup>a</sup> *Mamerci.*] Lepidus intelligitur, illud enim fuit prænomen Æmiliorum. Sed notandum duos continenter et annis subsequentibus consules factos fuisse.

<sup>b</sup> *Qui.*] Istud *qui*, non ad deos refertur, sed ad homines, senatores scilicet, quos Philippus appellabat. Quasi diceret, *An non istud stupendum, vos, qui hanc urbem regitis, non providisse, ne Lepidus, &c.*

<sup>c</sup> *Jure.*] Id est, *id vobis pro merito accidit.*

<sup>d</sup> *At scilicet.*] Amara ironia, quâ adversarios seu repugnantes inducit, sibi, quos illos maxime urgeat, objectantes.

<sup>e</sup> *Metu.*] Gertè eorum mirè expressit et irrisit insaniam, qui per socordiam, rempublicam administrant.

<sup>f</sup> *Lacerari.*] Id est, *in partes et factiones dividi.*



\* extollebant, et ignoscendo populi Romani magnitudinem <sup>1</sup>auxisse; nusquam etiam tum Lepidum progressum aiebant: cùm <sup>b</sup>privata arma opprimendæ libertatis, cepisset, sibi quisque opes aut patrocinia <sup>c</sup>quærendo, consilium publicum corruperunt. At tum erat Lepidus latro cum <sup>d</sup>calonibus, et paucis <sup>d</sup>sicariis; quorum nemo non diurnâ mercede vitam <sup>f</sup>mutaverit; nunc est proconsul cum imperio, non <sup>e</sup>empto; sed dato à vobis cum legatis adhuc <sup>h</sup>jure parentibus: et ad eum concurrere homines omnium ordinum corruptissimi; flagrantēs inopiâ et cupidinibus; scelerum conscientia exagitati; quibus quies, in seditionibus, in pace, turbæ sunt: hi tumultum ex tumultu, bellum ex bello, serunt. <sup>i</sup>Saturnini olim, post <sup>k</sup>Sulpicii, dein Marii, <sup>l</sup>Damasippique, nunc Lepidi, satellites. Præterea Etruria, atque omnes <sup>m</sup>reliquiæ belli arrectæ; Hispaniæ armis sollicitatæ; Mithridates in latere vestigialium nostrorum, quibus adhuc sustentamur, diem bello circumspicit: quin, præter idoneum ducem, nihil abest ad subvertendum imperium. <sup>n</sup>Quod ego vos oro, atque obsecro, P. C. ut animadvertatis, neu patiamini licentiam scelerum, quasi rabiem, ad <sup>2</sup>integros contactu procedere. Nam ubi malos præmia sequuntur, haud faciliè quisquam gratuitù bonus est. An

## INTERPRETATIO.

<sup>1</sup> Cæterum illi, qui gentis Æmiliæ benefacta extollebant: et dicebant magnitudinem P. R. crevisse ignoscendo; nusquam adhuc vide-

bant Lepidum progressum.

<sup>2</sup> Neve patiamini licentiam scelerum quasi rabiem procedere contactu ad eos qui non sunt corrupti.

## NOTE.

a Extollebant.] Ut, scilicet, senatum ad misericordiam, erga Lepidum facilius adducerent.

b Privata.] Id est, Sine senatûs auctoritate.

c Querendo.] Rem istam Catonis verbis, ita proferas, Sibi quisque consilium capiendò, factus est impetus in vacuum rempublicam.

d Calonibus.] Servi sunt militum. Des Goujats.

e Sicariis.] Gall. dicunt, Des Assassins: des Coupe-jarrets.

f Mutaverit.] Hoc dicit per maximum eorum nebulonum contemptum; ut vilissimos fuisse intelligatur, qui vitam suam pro alimentorum pretio condonare non dubitarent.

g Empto.] Prout antea, quamdiu Lepidus pecuniâ suâ conductis sicariis stipatus incedebat.

h Jure.] Scilicet imperatori suo parere tenentur Legati.

i Saturnini.] Hic Gracchanas leges afferens, seditionem antè aliquod tempus moverat.

k Sulpicii.] His tribunus plebis, annitente Mario, legem tulit, ut exules revocarentur, et ut ipse Marius adversus Mithridatem dux crearetur: proscriptus deinde à Syllâ, à servo proditus, retractus et occisus est. Servum verò quod attinet, ob indicium manumissus, sed statim, ob scelus erga dominum de saxo Tarpeio dejectus, simul ejusdem facti præmium et penam consequutus est.

l Damasippique.] Hic Prætor fuit, nullâ virtute præditus, qui ex Marii voluntate, Syllani nominis defensores crudelissimè mactavit.

m Reliquiæ.] De iis loquitur qui à Marii parte steterant.

n Quod.] Propter quod.

expectatis dum, exercitū <sup>a</sup> rursus admoto, ferro, atque flammā urbeni invadat? Quod multo propius est ab eo, quo agitatur, statu, quā <sup>b</sup> ex pace et concordia ad arma civilia: quā ille adversum divina et humana omnia cepit, non pro suā, aut quorum simulat injuriā, sed legum ac libertatis subvertendae. Angitur enim, ac laceratur animi cupidine, et <sup>c</sup> nozarum metu, expers consilii, inquires; <sup>d</sup> haec atque illa tentans, <sup>e</sup> metuit otium, odit bellum, luxu atque licentia carentum videt, utque interim abutitur vestra socordia. Neque mihi satis consilii, metum, an ignaviā, an dementiam eam appellem; qui videmini <sup>f</sup> intenta mala, quasi fulmen, optare se quisque ne attingat, sed prohibere ne conari quidem. Et quāso considerate quā conversa rerum natura sit. Antea <sup>g</sup> malum publicum, occulte; auxilia palam instruebantur, et eo boni malos facile anteibant; nunc pax et concordia disturbantur palam, defenduntur occulte. Quibus <sup>h</sup> illa placent, in armis sunt; vos in metu. Quid expectatis? Nisi forte

## INTERPRETATIO.

<sup>i</sup> Qui videmini optare quisque, ne objecta mala, quasi fulmen, attingant se; sed ne quidem conari prohibere.

## NOTE.

a *Rursus.*] Istud contra historiae fidem esse contendit Douza, atque ex eo praesertim, quod nullibi, Lepidum ante postremam expeditionem, et pugnam cum Catulo commissam, ad Romae moenia exercitum admovisse: multo minus, urbem ferro et flammā invasisse, legatur. At certe, quod cum tanti viri bonā veniā dictum sit, non videtur, probare Douza quod intendit; non enim licet quā rhetoricē à Philippo adversus Lepidum dicta sunt, statim ad historiae rigorem exigere; quasi revera ille voluerit dicere, Lepidum ferro et flamma Urbem invasisse: vel, si id maxime, non ideo tamen locum hunc corrigere opus fuit, cum potuerit orator, quod à nefariis satellitibus antea patratum esset, ipsi Lepido, quamquam novo eorum duci, tribuere. Nihil tamen ea de re historia. Quid inde? Fortē res atrox non fuit, vix fortē erupit; adeoque ab historicis neglectam fuisse possumus suspicari. Verū quīs opus est rationes congerere, cum ex hac ipsā oratione, cuivis cum aliquā attentione legenti, Lepidum antea aliquid turbasse, quā cum Catulo pugnaret, satis superque probetur.

b *Ex pace.*] Haud dubiē mendosam esse

scripturam hanc idem Douza arbitrat; quam juxta cum ignarissimis, se intelligere, dicit; adeoque totum locum interpolandum censet: Ceteri tacent. Fortē sensus aliquis ex hac paraphrasi eruetur: perinde enim mihi videtur, ac si dixisset Philippus: *Nam jam prolatare tempus est, ut factum antea; cum Lepidus contemnendus magis quā profugandus videbatur, quamlibet cum paucis siccariis nihil amplius quam civitatem aliquo modo poterat commovere: nunc ille in eo non versatur; cives ad arma compellere non studeat, cum per vos exercitum habeat; et citius eveniet, ut ille ferro et flammā urbem invadat, quā ut cives ad arma capiendā sollicitet.*

c *Nozarum.*] Optime; nam poenam comitem habet culpa.

d *Hac atque illa.*] Id est, *Omnia, etiam diversissima.*

e *Metuit.*] Lepidum insanum miserumque facit, cum ita fluctuantem et incertum fingit.

f *Malum.*] Id est, *si quis contra leges et senatus auctoritatem aliquid auderet, eādem illum parabat, &c.*

g *Illā.*] *Omnia perturbare.*

pudet, aut piget rectè facere. An Lepidi <sup>a</sup> mandata animos movent? Qui placere ait, sua cuique reddi, et aliena tenet; belli jura rescindi, cum ipse armis cogat; civitatem confirmari, qui <sup>b</sup> adeptam negat; concordiae gratiâ plebi tribuniciam potestatem restitui, ex quâ omnes discordiæ accensæ. <sup>c</sup> Pessime omnium, atque impudentissime, tibine egestas civium, et luctus curæ sunt; cui nihil est domi, nisi armis partum, aut per injuriam? Alterum consulatum petis, <sup>d</sup> quasi primum reddideris; bello concordiam quæris, quo parta disturbatur; nostri proditor, <sup>e</sup> istis infidus, hostis omnium bonorum. <sup>f</sup> Ut te neque hominum, neque deorum pudet, quos perfidiâ aut perjurio violasti! Qui, quando talis es, maneat in sententiâ, et retineas armâ, te hortor; neu prolatandis seditionibus inquiet ipse, nos in sollicitudine retineas. Neque te provinciæ neque leges, neque dii penates civem patiuntur. Perge, quâ cœpisti; ut quàm maturimè merita invenias. Vos autem, P. C. quosque cunctando remp. intutam patiimini, et verbis arma <sup>g</sup> tentabitis? Delectus adversum vos habiti; pecuniæ publice, et privatim, extortæ; præsidia deducta atque imposita; ex lubricidine leges imperantur, cum interim vos <sup>h</sup> legatos et decreta paratis. Et quantò mehercule, avidius pacem petieritis, tantò bellum acrius erit, cum intelliget se metu magis, quàm æquo et bono sustentatum. Nam qui turbas, et cædem civium odisse <sup>i</sup> ait, et ob id, armato Lepido, vos inermes retinet; <sup>1</sup> quæ victis toleranda sunt, ea, cum fa-

## INTERPRETATIO.

<sup>1</sup> *Nam quicumque dicit se odisse turbas et cædem civium, et ideo retinet vos inermes, dum Lepidus est armatus; ille potius censet ut pati-  
amini ea quæ sunt toleranda victis, cum ea possitis aliis infligere.*

## NOTÆ.

<sup>a</sup> *Mandatu.*] Invidiosè de inceptis Lepidi agit, ut eos qui ipsi auscultabant, quasi ejus servi obsequentes fuissent, acerbè vulneret.

<sup>b</sup> *Adeptam.*] Confidenter pro *ademptam adeptam* reposui. Ita enim sensus postulat, mirorque quomodo alii praterierint.

<sup>c</sup> *Pessime.*] Lepidum tanquam præsentem et quidem ad persuadendum modo maximè efficaci Philippus alloquitur.

<sup>d</sup> *Quasi primum.*] Rhetorico artificio Lepido objicit, quod se adhuc pro consule gereret; cum ex consulatu, exercitui præesset.

<sup>e</sup> *Istis.*] *Iis*, scilicet, qui Lepido fidem habebant.

<sup>f</sup> *Ut te.*] Cum Syllæ acta, multum retinendo, pleraque nobilitate, Lepidus rescinderet; sacramento, ne patriæ bellum

inferret, cum ipsi conceditus est exercitus, à senatu adactus est. Jam illi illud objicitur.

<sup>g</sup> *Tentabitis.*] Id est, *conabimini verbis armorum vim repellere.* Vix majus aliud malum in republicâ, quàm cum ejus habenæ in manus infirmas inciderunt; eo enim fit, ut, qui bonum et honestum turpi lucro anteponunt, paucorum sceleratorum dolis et crudelitati objiciantur. Possimi sunt hæc in partè, quos nostri *bonos homines* vocant: quanquam illorum quisque eam laudem salutationibus et presentationibus aucupetur.

<sup>h</sup> *Legatos.*] Qui Lepidi ferociam mulceant, cum potius eâ re magis augeatur.

<sup>i</sup> *Ait.*] Quidem, quem nominare prohibet viri de bonis literis bene meriti, elegantia, lectionem receptam esse fateatur; sed secum et cum Sallustianâ ele-

cere possitis, patiamini potiùs censet. <sup>1</sup> Ita illi à vobis pacem, vobis ab illo bellum, <sup>2</sup> suadet. Hæc si placent; si tanta torpedio animos oppressit, ut obliti scelerum <sup>b</sup> Cinnæ, cujus in urbem reditu, decus, atque ordines omnes interierunt; nihilo minùs vos, atque conjuges, et liberos, Lepido permissuri sitis: quid opus decretis? Quid auxilio Catuli? Quin is et alii boni remp. frustrà curant. Agite, uti lubet: parate vobis Cethegi, atque alia proditorum <sup>c</sup> patrocinia, qui rapinas et incendia instaurare cupiunt; et rursum adversum deos penates manus armare. Sin libertas et bella magis placent, docernite digna nomine, et augete <sup>d</sup> ingenium viris fortibus. Adest novus exercitus, et, ad hoc, <sup>e</sup> coloniæ veterum militum; nobilitas omnis, duces optimi; fortuna meliores sequitur. Jam <sup>f</sup> illa, quæ secordiâ nostrâ collecta sunt dilabentur. Quare ita censeo: quoniam Lepidus exercitum <sup>g</sup> privato

## INTERPRETATIO.

<sup>1</sup> Ita ille suadendo inducit pacem Lepido à vobis, vobis verò bellum ab illo.

## NOTÆ.

gantiâ pugnare contendit: numeri rationem in verbis illis tribus, *ait, retinet, censet*, perperam à sciolis inversam, et locum, vel suo periculo, castigandum esse, fidenter pronunciat: deinde à nato nemine usque adhuc animadversum demiratur illud, sine quo sibi alii quomodo satis fecerint, nescit: denique magnificè sese effert, quod primus pro *ait, aint*; pro *retinet, retinent*, &c. legendum esse intellexerit. Fundamentum istius applausus est, quod ille putavit pronomen *qui* non posse nisi ad Lepidum referri; quod, quia ridiculum visum est, ideò, in aliorum hæret stupiditate, ipsemet stupidus scilicet. Ipse ego omnium fortè stupidissimus: ne id quidem mirabor, (quanquam res mihi usque adeò aperta videtur) ut supervacaneum habeam quicquam addere interpretationi. Ita enim evenit, ut vel ea, quæ oculis et manibus attractamus et comprimimus, cum curâ investigemus, nec videamus. Hæc ideò annotavi, quia, cæteris plorare jussis, sibi tam bellè assentari, eosque, qui non vident tametsi oculorum aciem maximè intendunt, vituperare, aut contemnere, injuriam visum est.

<sup>a</sup> *Suadet.*] De quovis loquitur, qui pro Lepido in senatu verba faceret.

<sup>b</sup> *Cinna.*] Hic ab Octavio Româ pulsus: postea, ei abrogato consulato, cum

exercitu ad urbem venit, et Romanos com-  
meatu interclusit; deinde cum Romam intrasset, consul Octavio, plurimisque aliis, ejus jussu, interemptus multa sævitæ exempla exhibuit.

<sup>c</sup> *Patrocinia.*] Id est, *Homines* [qui in Lepidi gratiam, quos vellent, possent deducere.

<sup>d</sup> *Ingenium.*] Ille idem, qui tam graviter superiùs hallucinatus est, optimè pro ingenium, imperium, videtur reposuisse. Ita verò illud exponit, *Augete imperium, id est rempublicam vestram viri fortibus.* Non probò. Per Imperium supremam potestatem intelligo, quæ extrâ ordinem muniti erant, quibus, more Romano, *Ne quid respublica detrimenti caperent*, dicebatur: atque hanc nostram interpretationem in primis confirmat, quod solemnibus istis verbis orationem suam Philippus concludit.

<sup>e</sup> *Coloniæ.*] Fortè de Syllanis militibus intelligit, quos per Hetruriam, pulsus incolis, qui adversus ipsum steterant, Sylla diviserat.

<sup>f</sup> *Illa.*] Loquitur de iis omnibus quæ Lepidus contrâ rempublicam paraverat.

<sup>g</sup> *Privato.*] Ille quidem cum imperio erat, atque eo à senatu dato, ut suprà dixit Philippus; sed privato consilio exercitum auxerat, et ad urbem ducebat.

consilio, paratum cum pessimis, et hostibus reip. contra hujus ordinis auctoritatem ad urbem ducit; ut Appius Claudius <sup>a</sup> interrex cum Q. Catulo proconsule, et cæteris quibus imperium est, urbi præsidio sint: operamque dent, ne quid resp. detrimenti capiat.

Utî Lepidus, et Catulus, decretis exercitibus maturimè proficiscerentur. *Carisius l. iii.*

M. Lepido cum omnibus copiis Italiâ pulso, segnior neque minùs gravis, sed multiplex cura patres exercebat. *Servius, Marius, Victorinus in Ciceronem.*

Obviam ire, et commori <sup>b</sup> hostibus. *Arusianus, Messus.*

Lepidus penitens consilii. *Caris. l. iii.*

Sic verò quasi formidine attonitus, neque animo, neque auribus aut linguâ competere. *Nonius: Competere, rei cujusque meminisse, aut constanter valere.*

Prudens omnium, quæ senatus censuerat. *Arusianus.*

Magnis operibus <sup>c</sup> profectus, oppidum cepit, per L. Catilinam legatum. *Festus.*

Domitium proconsulem ex citeriori Hispaniâ cum omnibus copiis, quas paraverat, arcessivit. *Prisc. l. x. Arcessivit, inquit, et lacescivit.*

Sanctus aliter, et ingenio validus. *Caris. l. i. Aliter pro Aliàs.*

Gens rarò egressa fines suos. *Serv. ad lib. xi. Æneid. Arusian. Messus.*

Nisi cùm ira belli desenuisset. *Prisc. l. x.*

Maturaverunt exercitum <sup>d</sup> Dyrrachium cogere. *Arusian. Mess.*

Illò profectus, vicos, castellaque incendre, et, fugâ cultorum deserta, igni vastare: neque elato, aut securo esse animo, metu gentis ad <sup>e</sup> furta belli peridoneæ. *Non. Serv. ad xi. Æneidos.*

Liberis ejus avunculus erat. *Donatus ad Phormionem Terentii.*

Nihil ob tantum mercedem sibi abnuituros. *Arusianus, Messus.*

Insanum aliter suâ sententiâ, atque aliarum mulierum. *Caris. l. i. Aliter pro alias.*

Solis viis. *Donatus Phorm. act. v. scen. viii.*

Jussu Metelli cornicines occauerunt. *Priscianus, lib. x. Serv. ii. Georg. Virg. Dion. lib. i. cap. iv.*

Nexuit Catenæ mōdo. *Prisc. l. x.*

## NOTÆ.

<sup>a</sup> Interrex.] Ita vocabatur qui medius inter duos reges, imperium habebat, donec priore mortuo, alius sufficeretur. Origo fuit à morte Romuli: munus verò post exactos reges, præcipuè comitiorum causâ et ad quinque dies tantum, duravit, idem quod consulum.

<sup>b</sup> Hostibus.] Id est, cum ipsis.

<sup>c</sup> Profectus.] Alii, profectis, alii operibus confectis, legunt. Locus corruptus, ni fallor.

<sup>d</sup> Dyrrachium.] Urbs est Macedoniæ, ad mare Adriaticum, aliter Epidamus dicta. Hodie Durazzo.

<sup>e</sup> Furta.] Les stratagemes.

Doctus militiam. *Arusian. Messus.*

Neque se recipere, aut instruere prælio quivère. *Prisc. l. x.*

Equi sine rectore exterriti, aut saucii consternantur. *Idem. l. iv.*

Occupatusque collis editissimus apud <sup>a</sup> Hilerdam, et cum multâ operâ circumdatâ. *Prisc. l. v.*

At indè nullâ munitionis, aut requie morâ, processit ad oppidum, *Prisc. l. xviii. requie pro requiei.*

Agreste. *Caris. l. i.*

Ardebat omnis Hispania citerior, *M. Fabius Victor, de invent. Cic. l. i.*

<sup>b</sup> Et pondere validam urbem multos dies <sup>c</sup> restantem pugnando vit. *Non.*

Itaque <sup>d</sup> Sertorius, levi præsidio relicto in Mauritaniâ, nactus obscuram noctem, æstu secundo, furtivâque celeritate, vitare prælium in transgressu conatus est. *A. Gellius l. x. c. 26, Non. Marcel.*

Transgressos omnes recipit mons Ballera, præceptu à Lusitanis. *Idem, ibidem.*

Earum aliæ paululùm progressæ, nimio simul et incerto onere cùm pavor corpora agitaverat, deprimebantur. *Idem.*

Locum editiorem, quàm victoribus decebat, capit. *Serv. ad. viii. Æneidos, Arusian. Messus.*

Et mox <sup>e</sup> Fufidius adveniens cum legionibus, postquam tantas asperitates, haud facilem pugnantis vadum, cuncta hosti, quàm suis opportuniore videt. *Nonius.*

Cùm Sertorius neque erumperet, tam levi copiâ navibus fugam maturabat. *Serv. Fuldanus, Messus.*

Itineris eorum Metellus per litteras gnarus. *Arusianus.*

Itaque Servilius <sup>f</sup> ægrôtum <sup>g</sup> Tarenti collegam prior transgressus, iter vertit ad Corycum urbem inclutam; pastusque nemore, in quo croeum gignitur. *Prisc. Non.*

#### NOTÆ.

<sup>a</sup> *Hilerdam.*] Hilderda, seu Herda, ut alii scribere malunt, urbis est Tearaconensis Hispaniæ, hodie *Lerida* dicta:

<sup>b</sup> *Et pondere.*] Pro his vocibus in quibusdam Nonii Manuscript. Digonem se reperisse testantur viri docti, unde Vizonem legendum esse conjecit Putschius. Probo, ut ille ait, duce, qui in voce ZO, se nullum nomen hæc syllaba terminatum reperisse testatur, nisi unum barbaræ civitatis, lectum in Sallustio *Vizo, Vizonis.*

<sup>c</sup> *Restantem.*] Id est, *resistantem.*

<sup>d</sup> *Sertorius.*] Vir fuit summæ, sed ca-

lamitosæ, virtutis; cui, a Syllâ proscrip-  
to, cum Hispaniam armasset, res Romana  
uno imperatore resistere non potuit; qui-  
que non prius bello, quam suorum, scelere  
extinctus est.

<sup>e</sup> *Fufidius.*] Lipsius *Aufidius*, et de bel-  
lo Sertoriano accipit, ex Plutarcho.

<sup>f</sup> *Ægrôtum.*] Potius est ut Sallustium  
scripsisse credam, *ægrôto collegâ*, idque  
de Lipsianâ sententiâ, inquit Douza.

<sup>g</sup> *Tarenti.*] Tarentus urbs est Calabria  
à Phalanto Lacone condita.

Ad <sup>a</sup> Olympum atque Phaselida. *Prisc.*

Apud <sup>b</sup> Corycum. *Idem.*

Apud <sup>c</sup> Læte oppidum, cui nomen oblivionis condiderant. *Idem.*  
*Serv.* ad i. *Æneidos.*

Repulsus à Læte oppido. *Idem. Prisc.*

Apud <sup>d</sup> Mutinam. *Idem.*

Apud <sup>e</sup> Præneste locatus. *Idem.*

Medio diei. *Messus.*

Quietam à bellis civitatem. *Idem.*

Militiæ peritus. *Idem.*

Sertorius portis turbam morantibus, et nullo, ut in terrore solet, generis aut imperii discrimine, per calonum corpora, <sup>f</sup> ad medium quasi deinsuper adstantium manibus in murum attollitur. *Nonius Serv.*

Neque detrusus aliquotiens terretur. *Prisc. l. xv.*

Dubitavit aciei pars. *Idem.*

Quos inter maxinè. *Caris.*

Idem fecère Octavius et Q. Cæpio sine gravi cujusquam expectatione, neque sanè ambitu publicè. *Serv. ad. l. iv. Æneid. Ambire significat et rogare. Sallustius in Jugurthâ: Quos ego audio ambire fatigare vos singulos. Dicebatur et ambio illum, pro rogo. Sallustius, in i. Idem fecère, &c.*

Cùm aræ et alia diis sacrata, supplicium sanguine fœdarentur. *Id.*

Postremò ipsos colonos per miserias et incerta humani generis orare. *Idem ad aliud xi. Æneidos.*

— per eversæ genitor fumantia Trojæ.

*Exciidia obtestor.*

Ea paucis quibus peritia et verum ingenium est abnuentibus. *Id.*

<sup>g</sup> Perpenna tam paucis profectum, verum est æstimandum. *Id.*  
*ad. xii. Æneidos.*

## NOTÆ.

<sup>a</sup> *Olympum atque Phaselida.*] Urbes fuerunt Lyciæ maritimæ et validissimæ, quas, deturbatis latronibus qui illuc prædas suas pyratikas comportabant, P. Servilius evertit.

<sup>b</sup> *Corycum.*] Plinio Mons est, et atrium, et oppidum Ciliciæ. Mons seu promontorium ab aliis, Strabone puta, propter optimum crocum celebratur; ab aliis oppidum. Est item Corycus Cretæ promontorium.

<sup>c</sup> *Læte.*] Urbs est Macedoniæ non longè à Thermaico sinu, ad Septentrionem.

<sup>d</sup> *Mutinam.*] Galliæ togatæ oppidum:

hodie Italiæ adscribitur, vocaturque *Modena.*

<sup>e</sup> *Præneste.*] Urbs Latii, non longè à Româ.

<sup>f</sup> *Ad medium.*] Quid hic sibi velit auctor, difficile non est conjicere, Sertorium, scilicet, calonum humeris sublatum, in muros ab iis, qui super stabant, receptum fuisse, cùm olim alti non amplius essent, quàm ad arcendum impetum.

<sup>g</sup> *Perpenna.*] Non crediderim hoc loco de illo sermonem esse qui Aristonicum vicit: sed de eo de quo postea, qui Sertorium in convivio trucidavit.

## LIBER II.

**SARDINIA** <sup>a</sup>in Africo mari facie vestigiū humani, in orientem, quā in occidentem latior prominet. *A Gellius, lib. xiii. Non. Faciem totius corporis formam, ἀποσώπων, id est, os, posuit antiquitas prudens; et ab aspectu species, et à fingendo figura, ita à facturā corporis facies. Sallust. l. ii. Sardinia, &c. Isidorus.*

Indè <sup>b</sup>*Ich'nusa* appellata. *Solinus.*

Dubium an Insula sit, quod <sup>c</sup>*Euri* atque <sup>d</sup>*Austri* superjactis fluctibus circumlavit. *Nonius lavit, pro lavat.*

Nam Sullam consulem de reditu ejus legem ferentem exposito trib. pl. C. Herennius prohibuerat. *Notat A. Gel. l. x. c. xx. Sallustium proprietatis in verbis retinentissimum consuetudini concessisse, et privilegium, quod de Cn. Pompeii Magni patris reditu ferebatur, legem appellasse.*

Nam procul et diversis ex regionibus. *Carisius, Asper, procul, inquit, est è loco.*

Obviam fuere. *Carisius, ibidem. Asper ait, vetustè obviam fuere; adverbio, quā nomine, ut maluit.*

Urbe, patriāque extorres. *Messus.*

Genus militum suetum à pueritiā latrociniiis. *Idem.*

Inter læva mœnium, et dextrum flumen <sup>e</sup>*Turiam*, quod <sup>f</sup>*Valentiam* parvo intervallo præterfluit. *Prisc. l. v. et vi. Turiam dixit, qui accusativus generis masculini est, non neutri.*

In fiducia, quā argumentis, purgatiores dimittuntur. *Donat. Phor. act. i. sc. iii. et Hecyr. act. iv. sc. iv. Nonius. Fiducia est audacia. Servius.*

## NOTÆ.

<sup>a</sup> *Sardīnia.*] Mediterranei maris insula. Douza hoc fragmentum ex Insidoro augere conatur.

<sup>b</sup> *Ich'nusa.*] Id est, *Sardīnia*; à vestigiū similitudine Græcā etymologīā sic nuncupata.

<sup>c</sup> *Euri.*] Eurus ventus est spirans ob ortu æquinoctiali. Subsolanus quoque dicitur.

<sup>d</sup> *Austri.*] Ventus à meridie, qui et Notus, nomine à Græcis mutuato, vocatur.

<sup>e</sup> *Turiam.*] Turia rivus est Hispaniæ Tarraconensis, qui non est cum Durio flumine confundendus, cum ille in mare Mediterraneum, hoc verò in oceanum, devolvatur.

<sup>f</sup> *Valentiam.*] Urbs est Hispaniæ Tarraconensis.



Antequam regressus Sertorius instrueret pugnae suos. *Arusianus*.

Ipsi animi atrox. *Idem*.

Copiis integra. *Idem*.

Eodem anno in Macedonia C. Curio, principio veris cum exercitu profectus in <sup>a</sup> Dardaniam, quibus potuit modis dictas pecunias coëgit. *Nonius, dicere, est promittere*.

Post, ubi fiducia nimius. *Arusianus*.

Sed ipsi ferunt taurum ex grege, quem propè litora regebat <sup>b</sup> Corsa nomine Ligus mulier. *Prisc. l. vi*.

<sup>c</sup> Nam quædam Corsa nomine, Ligus mulier, cum taurum ex grege, quem propè litora regebat, transnatare, solitum atque per intervalla, corpore <sup>d</sup> aucto remeare videret; cupins scire incognita sibi pabula, taurum ad cæteris degredientem usque ad insulam navigio prosecuta est. Cujus regressu insulæ fertilitatem cognoscentes Ligures, ratibus eò profecti sunt, eamque nomina mulieris auctoris et ducis appellaverunt. *Isidorus, l. xiv. c. vi*.

Ne illa tauro parata sint. *Donatus, act iv. sc. ii. Andriæ*.

<sup>e</sup> Dædalum ex Sicilia profectum, cum <sup>f</sup> Minois fugeret iram, atque opes. *Prisc. l. vi. Servius*.

Quem ex Mauritaniâ rex Leptasta proditionis insimulatum cum custodibus miserat. *Prisc. l. i*.

Quos adversum multi ex <sup>g</sup> Bithyniâ volentes occurrere, <sup>h</sup> falsum filium arguituri. *Prisc. l. x*.

Ut actione desisteret. *Messus*.

Vespera. *Caris. l. xii*.

Argentum mutuum arcessivit. *Prisc. l. x*.

Eam deditionem senatus, per nuncios Orestis cognitam, approbat. *Prisc. l. vi*.

Nisi quâ flumen Lurda <sup>i</sup> Tauro monte defluens. *Idem, ibidem*.

## NOTE.

<sup>a</sup> *Dardaniam*.] Regio est supra Macedoniam, ad septentrionem.

<sup>b</sup> *Corsa*.] De Corsicæ insulæ exordio agitur.

<sup>c</sup> *Nam*.] Et istud fragmentum ex eodem Isidoro studet augere Douza. Sed nihil certi video.

<sup>d</sup> *Aucto*.] Quia, scilicet, luxuriante herbâ aggregè pastus erat.

<sup>e</sup> *Dædalum*.] Faber fuit Atheniensis ingeniosissimus, idemque insignis mathematicus, qui omnium primis vela et antennas navi aptasse dicitur; unde ejus alarum nata est fabula. De Labyrintho verò, quem Minoi in Cretâ insulâ construxit, nihil opus est loqui, cum ejus irremcabiles vias fama apud omnes vulgaverit.

<sup>f</sup> *Minois*.] Minos rex fuit Crætæ, quem ob insignem justitiam, judicem apud inferos poëtæ fabulati sunt.

<sup>g</sup> *Bithyniâ*.] Asiæ minoris regio, ad septentrionem.

<sup>h</sup> *Falsum*.] Optimè de Nusâ Nicomedis filio hîc agi, suspicatus est Douza. Vide eâ de re epistolam Mithridatis ad Arsacem.

<sup>i</sup> *Tauro*.] Mons est Taurus omnium nobilissimus et maximus, qui universam Asiam in duas partes dividit, quarum altera quæ ad septentrionem spectat, Asia intra Taurum; altera quæ meridiam, Asia extra Taurum dicitur.

Frugum, pabulique lætus ager. *Arusianus Serv. l. i. Æneid.*

Neque virgines nuptum à parentibus mittebantur, sed ipsæ belli promptissimos delegebant. *Messus.*

Modestus ad omnia alia, nisi ad dominationem. *Donatus Phor. act. i. sc. l. 1.*

Noctu, diuque stationes, et vigilias tentare. *Caris. l. ii.*

At <sup>a</sup> Lucillum regis curâ machinata fames brevî fatigabant. Multique commeatus interierant insidiis latronum. *Prisc. l. vii. et Nonius.*

Namque primum <sup>b</sup> Jasonem novo itinere maris <sup>c</sup> Ætææ hospitis domum violâsse. *Prisc. l. viii.*

<sup>d</sup> Tartessum Hispaniæ civitatem, quam nunc Tyrii, mutato nomine,

<sup>e</sup> Gaddir habent. *Prisc. l. v.*

Neque subsidiis, ubi soluerat, compositis. *Prisc. l. x. Soluerat autem est solitus fuerat.*

Neque inermes ex prælio viros quemquam agnoturum. *Idem. ibid.*

Eâ continentia vir gravis, et nullâ arte cuiquam inferior. *Arusian. Non. in Gravis.*

Omnes qui circum sunt, <sup>f</sup> præminent altitudine millium passuum duorum. *Arusian.*

Et Pæni ferunt adversus A. N. C. M. *Donatus.*

Quia corpore, et lingua percitum, et inquietem, nomine histrionis vix sani, Barbuleium appellabant. *Prisc. l. vi.*

Audaciter. *Idem. l. xv.*

Ibi Fimbrianâ seditione, qui regi per obsequelam orationis, et maxime odium Sullæ, graves, carique erant. *Nonius: Obsequium neut. genere, obsequela fam.*

Mænibus deturbat. *Non deturbare.*

E muris canes sportis demittebant. *Idem.*

Ad hoc rumoribus adversa in pravitatem; secunda in casum: fortunam in temeritatem declinando, corrumpebant. *Idem.*

At Metellus in ulteriorem Hispaniam post annum regressus, magnâ

#### NOTÆ.

<sup>a</sup> *Lucillum.*] Consul fuit Lucillus, vir clarissimus, et ditissimus, qui bellum adversus Mithridatem feliciter gessit; deinde privatus factus, in ædificiis, convectibus et apparatus, profusæ adeo fuit luxuriæ, ut Xerxes togatus vocaretur.

<sup>b</sup> *Jasonem.*] Dux fuit Argonautarum, nulli potius non decantatus.

<sup>c</sup> *Ætææ.*] Ætætes, vel Ætæa, rex fuit Colchorum, Medææ pater.

<sup>d</sup> *Tartessum.*] Tartessus opulentissima fuit civitas inter duo Bætis, vel, prout hodie dicitur, *Gaudalquivir* fl. ostia.

<sup>e</sup> *Gaddir.*] Per errorem Tartessi nomen Gaddibus, et Gadium seu *Gaddir* Tartesso tributum esse docet in Geographiâ sacrâ vir incomparabilis Bochartus:

<sup>f</sup> *Præminent.*] Lipsius legit, *præminet*, ut de monte quodam reliquis editiore, intelligatur.

gloriâ concurrentium undique virile et mulibre <sup>a</sup> secus, per vias ac tecta omnium visebatur: cùm quæstor C. Urbinus, aliique cognitâ voluntate, eum ad cenam invitaverant; ultrâ Romanorum, et mortaliū etiam morem curabant; exornatis ædibus per <sup>b</sup> aulæa et insignia, scenisque ad ostentationem histrionem fabricatis: simul <sup>c</sup> croco sparsa humus, et alia, in modum templi celeberrimi. Præterea cùm sedenti <sup>d</sup> transenna demissum Victoriæ simulacrum cum machinato strepitu tonitruum coronam capiti imponebat: tum venienti, thure quasi Deo supplicabatur. Toga <sup>e</sup> picta plerumque <sup>f</sup> amiculo erat ei accum-benti: epulæ quæsitissimæ; neque per omnem modò provinciam, sed trans maria, ex Mauritania volucrum, et ferarum incognita antea plura genera. Quibus rebus, aliquantam partem gloriæ dempserat, maximè apud veteres et sanctos viros, superba illa, gravia, indigna R. imperio existimantes. *Macrob. Sat. l. iii. c. 13. Nonius et Soci-pater, l. i.*

Ruuntque pars magna suismet, aut proximorum telis, cæteri vice pecorum obtruncabantur. *Nonius.*

Occurrere duci, et prælium accendere, adeò ut Metello in <sup>g</sup> sagum, Hurtuleio in brachium, tela venirent. *Idem.*

<sup>h</sup> Avidisque itâ, promptisque ducibus, uti Metellus ictu <sup>i</sup> tragulæ sanciretur. *Idem.*

Sed Metellus in vulnere. *Don. act. v. sc. 1. 1. And.*

Primò incidit fortè per noctem in <sup>k</sup> renunculo piscantis. *Non.*

Ad hoc pauca piraticæ adjungit <sup>l</sup> actuaria naviga. *Idem in Piratica navicula.*

Omnia <sup>m</sup> sacrata corpora in ratem imposuisse. *Arusianus.*

## NOTÆ.

<sup>a</sup> Secus.] Id est, *secus*: atque ita veteres locutos esse multis et benè persequitur Carrio.

<sup>b</sup> Aulæa.] Gall. *Des tapisseries.*

<sup>c</sup> Croco.] Eum in odoribus habebant, et ideo aquâ diluebant; unde ab Apuleio, *odoratus*, à Senecâ *odoratus imber* dicitur. Optimus ex Ciliciâ mittebatur; hinc Martialis.

*Et Cilices nimbis hîc maduere suis.*

<sup>d</sup> Transenna.] Servius extensum funem, Nonius fenestram, interpretatur.

<sup>e</sup> Picta.] Intelligendum vel de palmatâ, quam merebantur ii qui de hostibus palmas reportabant, quod victorias cum pal-mis intextas haberet, ut placet Isidoro: vel potius de togâ ab Etruscis sumptâ, purpurei coloris, auro distinctâ, a triumphantibus geri solitâ.

<sup>f</sup> Amiculo.] Id est, *loco simplicia togæ*; nam ea quoque amiculi nomine intelligitur.

<sup>g</sup> Sagum.] Vestimentum erat militare à Gallis mutuatum.

<sup>h</sup> Avidisque.] Douza hîc de pugnâ agi credit, in Saguntinis campis à Sertorio commissâ, id quâ Metellus à Sertorio sauciatu est.

<sup>i</sup> Tragulæ.] Genus est teli, similitudinè hastæ.

<sup>k</sup> Renunculo.] Carrio hanc vocem pro navigio piscatorio Gellium accipere dicit, sed in Gelli codicibus, renunculus Lenunculus reponi volunt. Lenunculus certè scribitur, et pro eo navigii genus est: at sine manuscriptorum auctoritate non a-sim vocem aliquam extra Latinam linguam eliminare.

<sup>l</sup> Actuaria.] Naves erant veloces ad impetus, et recursus, flexusque capiendos, aptæ.

<sup>m</sup> Sacrata.] *Morti et diis Manibus de-vota.*

Suos equites hortatus vado transmittit. *Idem.*

Ictu eorum qui in flumine ruebant, necabantur. *Don. Adolph. act. iii. sc. 2.*

Circumventi dextrâ, unde ferrum erat, saxa aut quid tale capiti affigebant. *Arusianus.*

Sed Metellus in ulteriore provinciâ. *Don. ad Phorm. act. i. sc. 4.*

Immane quantum animi exarsere. *Non nomen positum pro Adverbio.*

\*At illi quibus res incognita erat, ivere cuncti ad portas, incognita tendere. *Serv. F. Ursini.*

Murum ab angulo dextri lateris ad paludem haud procul remotam duxit. *Serv. Fuldanus.*

### LIBER III.

EXAUDIRIQUE sonus <sup>b</sup> Bacchanaliorum. *Marc. l. i. c. 4. Saturn. Non.*

Diversa, uti solet rebus perditis, capessunt, namque alii fiducia gnaritatis locorum in occultam fugam sparsi; alii <sup>c</sup> globis eruptionem tentavere. *Prisc. l. x. Non.*

Unus constitit in agro <sup>d</sup> Lucano, gnarus loci, nomine <sup>e</sup> Publipor. *Idem. l. vi. Probis Catholicis.*

Malè jam assuetum ad omnes <sup>f</sup> vis controversiarum. *Prisc. l. vi.*

Conjuratone claudit. *Idem. l. x.*

Quasi par in oppido festinatio, et ingens terror erat, ne ex latere nova munimenta <sup>g</sup> madore infirmarentur; nam mœnia oppidi stagnabant, redundantibus cloacis adverso æstu maris. *Non. in Mador.*

#### NOTÆ.

a *At illi.*] In Servio Danielis, qui Fulda-  
no præstantior est, hoc fragmentum ita le-  
gitur, *At illi quibus aderant ruere cuncti ad  
portus inconculta tenere*: ex quo corruptè in  
illo altero *ivere* pro *ruere* positum esse,  
mihi quidem, clarum videtur.

b *Bacchanaliorum.*] *Bacchi Fæstorum.*

c *Globis.*] Vide suprâ.

d *Lucano.*] Lucani populi fuerunt Italix  
ad mare Tyrrhenum, Picentinis et Brutis

contermimi, in extremâ propemodum Ita-  
liâ ab Ortu.

e *Publipor.*] Id est, *Publii puer, seu  
servus.* Mirum ni hæc in loco, de quo  
piam ex Spartaci commilitonibus sermo  
est.

f *Vis.*] Numero plurali: ita quoque ex-  
tulisset veteres ait Priscianus, atque ita lo-  
quutus est Lucretius.

g *Madore.*] Id est, *humiditate.*

Equis et armis decoribus cultus. *Prisc. l. vi.*

Dedecores, inultique <sup>a</sup> terga ab hostibus cædebantur. *Idem.*

Contrà ille <sup>b</sup> calvi ratus quærebat num somnio thesaurus portenderetur. *Idem. l. viii. Non in Calvitur.*

<sup>c</sup> Parte consumptâ, reliqua cadaverum ad diuturnitatem usus fallerent. *Prisc. l. x.*

*Epistola Cn. Pompeii ad Senatum.*

<sup>a</sup> Si adversus vos, patriamque et deos <sup>e</sup> penates, tot labores et pericula suscepissem, quotiens à primâ adolescentiâ ductu meo scelestissimi hostes fusi, et vobis salus quæsita est: nihil ampliùs in absentem me statuissetis, quàm adhuc agitis, P. C. quem <sup>f</sup> contrà ætatem projectum ad bellum sævissimum, cum exercitu optimè merito, quantum est in vobis, fame, miserrimâ omnium morte, confecistis. Hâc in spe populus R. liberos suos ad bellum misit? Hæc sunt præmia pro vulneribus, et totiens ob remp. fuso sanguine? Fessus scribendo, mittendoque legatos, omnes opes et spes privatas meas consumpsi: cùm interim à vobis per triennium vix annus sumptus datus est. Per deos immortales utrum censetis, me <sup>g</sup> vicem ærarii præstare, an exercitum sine frumento et stipendio habere posse? Equidem fateor me ad hoc bellum majore studio quàm consilio, profectum: quippe qui nomine modò Imperii à vobis accepto, diebus quadraginta exercitum paravi; hostesque, <sup>h</sup> in cervicibus jam Italiæ agentes, ab Alpibus in Hispaniam summovi. Per eas iter aliud atque Hannibal, nobis opportunius patefecit. Recepi Galliam, <sup>i</sup> Pyrenæum, <sup>k</sup> Laletaniam, <sup>l</sup> Ilergetum; et primum impetum Sertorii victoris, novis quidem militibus, et multò paucioribus sustinui; hiememque in castris inter sævissimos hostes, non per oppida, neque <sup>m</sup> ex ambitione meâ,

NOTE.

<sup>a</sup> *Terga.*] Græcismus: Id est secundum terga, vel per terga.

<sup>b</sup> *Calvi.*] Id est, Decipi.

<sup>c</sup> *Parte.*] Douza de Calaguritaniis à Pompeio obessis intelligit, cui cibi inopiâ uxores natosque ad usum nefariæ dapis verterunt; et cadaverum reliquias salierunt, ut testatur Val. Max. Undè idem Douza concludit malè hoc fragmentum ante Pompei epistolam collocatum esse, quod quidem nullus credo non confitebitur.

<sup>d</sup> *Si.*] Scripta fuit hæc epistola pro habendo stipendio. Fiduciâ plena est; undè Pompeium juvenum magnificio et incorrupto animo fuisse, concludere licet.

<sup>e</sup> *Penates.*] Dei sunt domestici, maxime nostri, quasi penes nos nati.

<sup>f</sup> *Contrà ætatem.*] Quia ne quidem, eo tempore, 30 annos natus erat.

<sup>g</sup> *Vicem ærarii.*] Id est, Me debere belli sumptus ex proprio censu tolerare: sed acrius expressit.

<sup>h</sup> *In cervicibus.*] Id est, qui non longè ab Italiâ erant, eamque urgebant.

<sup>i</sup> *Pyreneum.*] Pyrenæi vocantur montes qui Hispaniam à Galliâ dividunt.

<sup>k</sup> *Laletaniam.*] Regio est Hispaniæ, quæ postea Gotholonia, hodie Catalogne dicitur.

<sup>l</sup> *Ilergetum.*] Alii legunt *Indigetes*: suntque cum iis, quos Livius *Hercæones* vocat, Tarracconensis Hispaniæ populi.

<sup>m</sup> *Ex ambitione.*] Id est, ad serviendum ambitioni et commoditatibus meis.

egi. Quid dein prœlia, aut expeditiones hibernas, oppida excisa, aut recepta enumerem? Quando res plûs valent quàm verba. Castra hostium apud <sup>a</sup> Sucronem capta, et prœlium apud flumen <sup>b</sup> Durium, et dux hostium C. Herennius cum urbe Valentia, et exercitu deleti, satis clara vobis sunt: pro quis, ô grati patres, egestatem, et famem redditis. Itaque meo, et hostium exercitui, par conditio est. Namque stipendium neutri datur; victor uterque in Italiam venire potest. Quod ego vos moneo, quæsoque ut animadvertatis; neu cogatis necessitatibus privatim mihi consulere. Hispaniam citeriorem, quæ non ab hostibus tenetur, nos aut Sertorius ad internecionem vastavimus, præter maritimas civitates, quæ <sup>c</sup> ultro nobis sumptui, onerique. Gallia, superiore anno, Metelli exercitum stipendio, frumentoque aluit; et nunc <sup>d</sup> malis fructibus ipsa vix agit. Ego non rem familiarem modò, verum etiam <sup>e</sup> fidem, consumpsi. Reliqui vos estis, qui nisi subvenitis, invito et prædicente me, exercitus hinc, et cum eo omne bellum Hispaniæ, in Italiam transgreditur.

Namque his, præter solita vitiosis magistratibus, cum per omnem provinciam in fecunditate biennii proximi grave pretium fructibus esset. *Non. Grave multum.*

Hi saltibus occupatis <sup>f</sup> tum externorum agros invasere frumentique, ex inopiâ gravi, satias facta. *Idem. Satias pro satietas.*

Neque jam sustineri poterat immensum aucto mari, et vento gliscenti. *Idem. Gliscit, est congelascit, colligitur, ignescit, crescit.*

Ac tum maximè, uti solet extremis in rebus, sibi quisque carissimum domi recordari, cunctique omnium ordinum extrema munia sequi. *Idem. Munia, Officia.*

Et fortè in navigando cohors una, grandi <sup>g</sup> faselo victa, cæteris deerravit, marique placido à duobus prædonum <sup>h</sup> myoparonibus circumventa. *Idem, in voce Faselus, et Myoparo.*

Eum, atque Metrophanem senatus magnâ industriâ perquirebat, cum per tot <sup>i</sup> scaphas, quas ad ostia cum paucis fidis percunctatum, miserant. *Idem, et Carisius, l. i.*

## NOTE.

<sup>a</sup> *Sucronem.*] Suero Hispaniæ Tarracensis urbs est et fluvius.

<sup>b</sup> *Durium.*] Durius fluvius est Hispaniæ, qui Lusitaniam terminat à Meridie.

<sup>c</sup> *Ultro.*] Id est, quæ, dum in nostros usus servandus judicamus, nobis sunt oneri.

<sup>d</sup> *Malis.*] Propter anni et tempestatis infecunditatem. Gall. dicimus, *La mauvaise année: La mauvaise saison.*

<sup>e</sup> *Fidem.*] Indicat se undique ab amicis, à quibus jam non ampliùs ausit petere, mutuum pecuniam pro republicâ sumpsisse.

<sup>f</sup> *Tum externorum.*] Lipsius ingeniosè pro *tum externorum, Terrestrium* reposuit: sunt enim illi citerioris Hispaniæ populi.

<sup>g</sup> *Fuselo.*] Navigii genus est, quod velis et remis agi potest.

<sup>h</sup> *Myoparonibus.*] Myoparo navis est piratica, ex duabus dissimilibus formata.

<sup>i</sup> *Scaphas.*] Scaphæ sunt naviculæ quæ onerariis imponuntur, aut iis alligantur, ut per eas nautæ loca vadosa subeant. Gall. *Un esquif.*

Duos quàm maximos utres levi tabulæ subjecit, quâ super omni corpore quietus, invicem tractu pedis quasi gubernator existeret; eâ inter molem, atque insulam mari, vitabundus classem hostium, ad <sup>a</sup> oppidum pervenit. *Idem.*

Nam qui <sup>1</sup> enare conati fuerant, icti sæpè ferramentis navium, aut vulnerati à suis, apt afflicti <sup>b</sup> alveis undarum vi, <sup>c</sup> multato fœdè corpore, postremò tamen periêre. *Idem, et Arusianus Messus.*

Nam tertia tunc erat, et sublima nebula cælum obscurabat. *Non.* Illum nautis <sup>d</sup> forum. *Idem.*

*Oratio e Macri Licinii tribuni plebis ad plebem.*

Si, Quirites, parum existimaretis, quid inter jus à majoribus relictum vobis, et hoc à Sullâ paratum, <sup>f</sup> servitium interesset: multis mihi disserendum fuisset, docendumque, quas ob injurias, et quotiens à patribus armata plebes, secessisset: utique vindices paravisset omnis juris sui tribunos pleb. Nunc hortari modò reliquum est, et <sup>g</sup> ire primùm viâ, quâ capessundam arbitror libertatem. Neque me præterit quantas opes nobilitatis solus, impotens, <sup>h</sup> inani specie magistratûs, pellere dominatione incipiam; quantòque tutiûs factio noxiorum agat, quàm soli innocentes. Sed præter spem bonam <sup>i</sup> ex vobis; quæ metum vicit, statui certaminis adversa, pro libertate potiora esse forti viro, quàm omnîò non certavisse. Quamquam omnes alii creati pro jure vestro <sup>i</sup> vim cunctam, et imperia sua gratiâ, aut

## INTERPRETATIO.

<sup>1</sup> *Qui tentaverant natando aquâ evadere.*

<sup>2</sup> *Sed præter spem bonam quam concepi ex vobis, quæ metum meum superavit; in animum meum*

*induxi; ea quæ possunt esse adversa in certamine quod pro libertate incipitur, esse potiora forti viro. quàm omnino non certâsse.*

## NOTÆ.

a *Oppidum.*] Cyzicum scilicet. Videtur enim de Luculli stratagemate hîc agi, qui ut re suspensum nuntium ad Cyzicenos misit, qui adventare se eos doceret; quâ de re vide Florum, lib. 3. cap. 5.

b *Alveis.*] Id est, *Carinis*, aut *inis navium partibus.*

c *Multato.*] Fortè *mulcato.* Gall. *Proissè.*

d *Forum.*] Antiquè; usitatus est enim numerus pluralis *fori* pro navium tabulatis, per quæ nautæ feruntur. Gall. *Le Tilluc.*

e *Macri Licinii.*] Sequitur sum eorum correctionem, qui pro Lepido Licinium posuerunt; eò præter m inductus quòd *Lepidi Emilie* gentis cognomen fuerit

quæ Patricia, cuique aditus ad tribunatum non fuit. Oratio difficilis est, utpote, incitata, concisa, ex pectore denique veri et maximè politici Romani extorta.

f *Servitium.*] Hoc dicit quia tribunatûs jura et potestatem imminuerat, et tantum non penitus sustulerat Sylla.

g *Ire primùm.*] Necessarium est omnino, ut qui aliis viam ostendit, ipse eam primus calcet. Neque aliud magis ineptum videtur quàm aliis onus imponere, quod tute digitulo attingere nolis.

h *Inani.*] Dixi antea tribunis à Syllâ inane nomen relictum esse.

i *Vim.*] De tribunatû potestatè loquitur, quâ non ad populi subsidium sed ad potentiorum gratiam promerendam, plerumque tribuni abutebantur.

spe, aut præmiis in vos convertère; meliusque habent, mercede delinquere, quàm gratis rectè facere. Itaque omnes concessere jam in paucorum dominationem, qui <sup>a</sup> per militare nomen, ærarium, exercitus, regna, provincias occupavère, et <sup>b</sup> arcem habent ex spoliis vestris: cùm interim, more pecorum, <sup>c</sup> vos multitudo singulis <sup>d</sup> habendos, fruendosque præbetis; exuti omnibus, quæ majores reliquère: <sup>e</sup> nisi quia vosmet ipsi per suffragia, uti præsides olim, nunc <sup>f</sup> dominos destinatis. Itaque concessère illuc omnes; et mox, si vestra receperitis, ad vos redibunt plerique. <sup>1</sup> Raris enim animus ad ea quæ placent defendenda. Cætera <sup>b</sup> validiorum sunt. <sup>2</sup> An dubium habetis ne officere quid vobis uno animo pergentibus possit, quos languidos socordesque pertinuère? <sup>1</sup> Nisi fortè C. Cotta ex <sup>k</sup> factione mediâ consul, aliter quàm metu jura <sup>l</sup> quædam tribunis pleb. restituit; <sup>m</sup> et

## INTERPRETATIO.

<sup>1</sup> *Paucis enim ex vobis animus est ad ea defendenda et tuenda, quæ vobis placent: cæteri stant à partibus validorum.* | *vobis nocere, quando uno animo idem optabitis et efficietis; vobis, inquam, quos languidos et socordes pauci nobiles maximè reformidaverunt.*

<sup>2</sup> *An veremini ne aliquid possit*

## NOTÆ.

a *Per militare nomen.*] Id est, quia dicuntur imperatores; specie enim obeundi muneris quodlibet efficiunt.

b *Arcem habent.*] Id est, tuti sunt quia vos spoliaverunt.

c *Vos multitudo.*] Appositio est, quam vocant; id est, vos multi estis.

d *Habendos.*] Vim vocis, quicquid in eâ invidiosum est tum demum intelliges, quando cogitabis quomodo brutis, quæ in nostrâ sunt potestate, utamur et abutamur. Nihil magis ad commovendos animos efficax esse potuit.

e *Nisi.*] Excipit ironicè quod ipsos maximè mordeat et percellat.

f *Dominos.*] Dominus respectum habet ad servum; adeoque quod gravissimum erât, Romanis his tribunis noster objecit; quod scilicet sibi catenas necterent.

g *Illuc.*] In paucorum partes.

h *Validiorum.*] Paucorum nobilium.

i *Nisi fortè.*] Eâ ironicè internecit, quibus quod intendit maximè conficiatur.

k *Factione.*] Postquam scilicet, republica per Syllam ejusque satellites, tota in paucorum manus devenisset.

l *Quedam.*] Legum ferendarum, concionis habendæ jure tribunos Sylla privaverat: prohibuerat ne ad eos provocaretur, sanxerat insuper ut ne tribuno aditus pateret ad alium magistratum. Posterius istud, altero à Syllæ obitu anno, C. Aurelius Cotta consul abrogavit: reliqua Pompeius post aliquot annos, in primo consultatu restituit, quod etiam Sallustius suprâ admonuit.

m *Et quamquam.*] Locus maximè difficilis, mihi quidem, nam alii præterierunt. In eo autem posita videtur difficultas, quod eo quo cæperat modo sententiam suam Macer non absolvit. Interrogativè initio proposuerat, cùm dixit, *An dubium habetis, &c.* Jam simpliciter rem ipsam concludit. Semotis itaque omnibus figuris, et iis quibus vir acer vibrantem orationem munivit, paucis sensum istius periodi, et scopum auctoris ita comprehendere, quasi populum hoc modo alloquutus esset: *Nemo poterit vobis nocere, quando omnes in unum conspirabitis, cùm vos paucos nobiles pertinuerint, factorumque et tyrannidis sue invidiam reformidaverint; vel eo ipso tempore, quo unicum hominem pro vobis locuti aurum, perdidierint; et prius*



<sup>a</sup>quamquam L. <sup>b</sup>Sicinius primus de potestate trib. loqui ausus, <sup>c</sup>muſſantibus vobis circumventus erat; tamen prius illi invidiam metuere, quàm vos injuriæ pertæsum est. Quod ego nequeo satis mirari, Quirites. Nam spem frustra fuisse intellexistis. Sullâ mortuo, qui scelestum imposuerat servitium, finem mali credebatis. Ortus est longè sævior Catulus. <sup>d</sup>Tumultus intercessit Bruto, et Æmilio Mamercō Coss. dein C. <sup>e</sup>Curio ad exitium usque insontis tribuni dominatus est. Luculles superiore anno quantis animis ierit in L. <sup>f</sup>Quinctium, vidistis; quantæ denique <sup>g</sup>nunc mihi turbæ concitantur! <sup>h</sup>quæ profectò incassum egerentur, <sup>i</sup>si prius quàm vos serviendi finem, illi dominationis facturi erant: præsertim cùm his civilibus armis <sup>k</sup>dicta alia, sed certatum <sup>l</sup>utrimque de dominatione in vobis sit. Itaque cætera <sup>m</sup>ex licentia, aut

## NOTÆ.

quàm vos eorum injuriæ, et vestri servitii, tediasset. Ut verò istius hominis mentem propius assequaris, et aculeos, quibus illo populum perstrinxit, non sentias modò, sed videas; hæreas, si placet, in iis quæ postea leviter attingam.

<sup>a</sup> *Quamquam.*] Argumentum est quod vocant à minore ad majus: est quasi dicat, *Nobiles vos timuerunt, etiam cùm ille unicuique vester defensor oppressus esset, qui, utpote in maximâ servitute, loqui ausus erat: ergo maximè metuent, quando vos omnes jura vestra repetere videbunt.*

<sup>b</sup> *Sicinius.*] Ita legendum ex vet. codice, et Asconio, &c. Fuit his tribunus plebis.

<sup>c</sup> *Muſſantibus.*] Non potuit alio verbo meliùs eorum hominum exprimi socordia; qui cùm reipublicæ damna et sentiunt et vident, alios tempeſtati obijciunt, ipsi latitant, itaque suum commodum vel in ipsâ peste querunt. Nebulones profectò in solas terras deportandi, cùm sibi tantùm, in commune nolint consulere. Verùm ad rem. Ideò addidit vocem istam auctor noster, ut obviàm iret populi tacitæ objectioni; diceret enim, *Oppressi sunt antehac qui nobis consulerunt: unum tribunal nostrum ne quidem audire nobiles sustinuerunt: frustra itaque nos aliquid audēbimus.* Respondet Macer, *Muſſantibus, tacentibus et latitantibus vobis oppressus est vester ille tribunus: quod, in posterum ne fiat, in manu vestra est.*

<sup>d</sup> *Tumultus.*] De quo vidimus, cujus auctor Lepidus.

<sup>e</sup> *Curio.*] Hic consul fuit post Lepidum, anno altero.

<sup>f</sup> *Quinctium.*] Hic quoque Syllæ acta rescindere aggressus est.

<sup>g</sup> *Nunc.*] Hinc clarissimè tempus, quo habita est hæc concio, cognoscitur: Lucullo, scilicet, et Varo Consulibus; quo anno Spartacus Gladiator plusquam servile, sed grave bellum, adversus Romanos movit: decennio ante Catilinæ conjurationem.

<sup>h</sup> *Quæ profectò.*] De turbis loquitur et omnimolimine, quò pauci plebem opprimere festinabant.

<sup>i</sup> *Si prius.*] Sensus est, si verba ex orationis texturâ abstrahas: *Frustrâ speratis nobiles vobis quicquam de servitiis vestro remissuros, nisi vosmet ipsi jugum excusseritis; quandoquidem illi in eo sunt toti, ut vobis majus onus imponant, quantumvis illis usque et usque obsequentes fueritis.*

<sup>k</sup> *Dicta alia.*] Id est, aliud prætexerunt.

<sup>l</sup> *Utrimque.*] Cave ità intelligas, quasi hinc pauci nobiles, illinc steterint tribuni, aut quicumque jura populi reposcebant: sed intelligendum est, omnes qui rempublicam agitaverunt, quicumque tandem illi fuerint, id unum quævisse, ut populo servitium imponerent, et ipsi dominarentur.

<sup>m</sup> *Ex licentiâ.*] Deploratus est republicæ status, quando cuivis, quia et alii impunè faciunt, malè facere licet.

odio, aut avaritiâ, <sup>1</sup> in tempus <sup>2</sup> arsêre. <sup>b</sup> Permansit una res modò, quæ utrimque <sup>c</sup> quæsita est, et erepta in posterum; vis tribunitia, telum à majoribus <sup>d</sup> libertati paratum, quod ego vos monéo, quæsoque ut animadvertatis, neu nomina rerum <sup>e</sup> ad ignaviam mutant, otium pro servitio appelletis; <sup>f</sup> quo jam ipso frui, <sup>g</sup> si vera et honesta <sup>h</sup> flagitium superaverit, non est <sup>i</sup> conditio: <sup>k</sup> fuisset, si omnino quiessetis. Nunc animum advertite, et, nisi viceritis, quoniam omnis injuria <sup>l</sup> gravitate tutior est, arctius habebunt. Quid censet igitur? Aliquis vestrum subjecerit. Primum omnium omittendum morem hunc quem agitis, <sup>m</sup> impigræ linguæ, animi ignavi, non

## INTERPRETATIO.

<sup>1</sup> Itaque cætera maximo cum effectu quæsita sunt, secundum licentiam aut odium, aut avaritiam, pro aliquo tempore.

## NOTÆ.

<sup>a</sup> Arsêre.] Id est, quamquam durissima, tamen præterierunt.

<sup>b</sup> Permansit.] Id est, unum remansit semper quod rixæ perpetue ansem dedit.

<sup>c</sup> Quæsita.] Hoc dicit Syllam, Catulum, Curionem, Lucullum, singulos denique, per ea tempora, pacis et boni publici specie, civiles discordias movisse; cum illud modò quævisissent, quâ ratione, plebi ademptâ tribunitiâ potestate, et tribunis defensoribus, eâ placidâ arbitrium uterentur. Jocus est itaque verborum, in re maxime seriâ, cum dicit: remansisse et quæsitum esse id ipsum quod ereptum est.

<sup>d</sup> Libertati.] Antea vidimus, quod à patribus opprimeretur, secessisse plebem, eoque defensores sibi parasse tribunos.

<sup>e</sup> Ad ignaviam.] Id est, ut secundæ vestræ honestis nominibus patrocinemini.

<sup>f</sup> Quo.] Hic est sensus. Si per maximum flagitium, cum quo nunc agitis statum, cum durum sit servitium, otium appellare libet: ne eo quidem jam frui licebit, cum vestros dominos, paucos nobiles, scilicet, eorum detractando imperium, per tribunos jugum quod imposuerant excutere conati, in vos irritaveritis.

<sup>g</sup> Si vera.] Id est, si per flagitium omnio servitio vestro otii nomen imponere vultis.

<sup>h</sup> Flagitium.] Flagitium dicit, nomina rerum commutare; et servitium otium appellare. Maximum est certè, quandoqui-

dem per nomina res quoque, quoad nos, mutantur. Unde Cato, in suâ illâ adversus Cætilinam admirabili oratione. Quia, bona aliena largiri, liberalitas, malarum rerum audacia, fortitudo vocatur, eò respublica in extremo sita est. Quam pestiferum, quamque penetrabile adolescentium præsertim animis illo scelere, vocabulorum dico permutatione, virus instilletur: dici non potest.

<sup>i</sup> Conditio.] Terminus est juris: hic verò idem valet quod status, locus, aut aliquid simile. Non est conditio, id est: Non licet.

<sup>k</sup> Fuisset.] Conditio scilicet.

<sup>l</sup> Gravitate.] Omnino: nosque illud maxime, ut principiis obstemus admonet; neque cuiquam malum intenteamus, neque à quoquam, quando licet, intentatum admittamus. Rixa enim rixam, dolus dolum trahit: neque finis ullus esse potest certaminum, donec dissidentium alter, aut sapienter, quod rarum est, litibus desistat; aut per vim ab altero frangatur et opprimatur.

<sup>m</sup> Impigræ.] Populus sic est, Gerro, Iners, &c. Sed ab earum rerum, quas tractamus cognitione, omnis nostra actio initium sumit, atque in eâ fundamentum habet sapientia politica. Ideò dico, ne quis, quod pronum est, ex ingenio suo ceteros metiatur.

ultrâ concionis locum memores libertatis. <sup>1</sup> <sup>a</sup> Dein, ne vos ad <sup>b</sup> virilia illa vocem, quò tribunos plebei mandando patricium magistratum, <sup>c</sup> libera ab auctoribus patriciis suffragia majores vestri paravêre: <sup>d</sup> quamvis Quirites, in vobis sit uti, <sup>e</sup> quæ jussa nunc pro aliis toleratis, pro vobis agere aut non agere certè possitis. <sup>f</sup> Jovem aut alium quem deum consultorem expectatis? Magna illa consulum imperia et patrum decreta, <sup>g</sup> vos, exsequendo rata efficitis, Quirites; ultroque licentiam in vos auctum atque adjutum properatis. <sup>h</sup> Neque ego vos ultum injurias hortor; magis uti requiem capiat: neque discordias, ut <sup>i</sup> illi criminantur; sed earum finem volens, jure gentium <sup>k</sup> rês repeto: et, si pertinaciter retinebunt, non arma, neque secessionem, <sup>l</sup> tantummodo ne ampliùs sanguinem vestrum præbeatis censeo. Gerant, habeantque suo modo imperia, quærant triumphos; Mithridatem, Sertorium, et reliquas exulum persequantur cum <sup>m</sup> imaginibus suis. Absit periculum et labos; quibus nulla pars fructus

## INTERPRETATIO.

<sup>1</sup> *Dein.* Postquam de ineptâ vestrâ ratione in mentem venit, vosque admonui, ut immutato more, tardi sitis ad loquendum, prompti ad agendum: *ne nolite et vocem et impellam vos ad illi viri-*

*lia, quo (quâ re) majores vestri paraverunt sibi suffragia libera ab auctoribus patriciis mandando, et, ipso tempore quo decretis suis commiserunt, tribunis plebis magistratum patricium.*

## NOTÆ.

<sup>a</sup> *Dein.*] Opus fuit, ut sensus apertus esset, paulò fusiùs interpretationem institueret.

<sup>b</sup> *Virilia.*] Loquitur de populi à patribus secessionem.

<sup>c</sup> *Libera.*] Antèa vidimus frustrâ fuisse patres, qui Metello provinciam Numidiam decreverant, cùm postea eandem populus Mario jussisset.

<sup>d</sup> *Quamvis.*] Id unum studet hic noster tribunus, ut plebem commoveat; at perplexâ suâ oratione, quod cupit magis divinandum relinquit, quàm apertè exponit. Prohibet, ut quid sit agendum indicit; fugam simulat, ut pugnæ locum inveniat.

<sup>e</sup> *Quæ jussa.*] Bellum intellige, sanguinem suum profundere, &c. ad quæ populus adigebatur. Sensus verò totius periodi hic esse videtur, *Nolo vos ad arma impellere, quamquam vobis liberum est videre, an vos quâ pro aliorum tyrannide tantos labores toleratis; eosdem pro vobis, et vestra libertate, sumere veletis.*

<sup>f</sup> *Jovem.*] Satis superque plebem arrexerat, adeoque nunc ipsam agitat.

Nam ideo istud paratum est: quasi dicat: *Me indignabundi tanquam in re desperatâ, quid ego sentiam interrogatis, atque Jovis oraculo opus habere videmini? Ridiculi, annon res ipsa clarissima est, et cuique nota?*

<sup>g</sup> *Vos.*] Populum dicit, per militare obsequium imperatores suos magnos facere, sine quo inane nomen tantum obtinerent.

<sup>h</sup> *Neque ego.*] Imò id unum revera studebat.

<sup>i</sup> *Illi.*] *Pauci nobiles.*

<sup>k</sup> *Res.*] Potestatem tribunitiâ, et Jura; ut postea per suffragia sua, quem vellet populus rebus præficeret.

<sup>l</sup> *Tantummodo.*] At illud *tantummodo* omnia secum trahit, et potentioribus sanguinem vimque omnem adimit.

<sup>m</sup> *Imaginibus.*] Utinam verò hodie Macer aliquis exoriretur, qui inertis et impudenti nobilitati non istud modò ingereret, sed eò, vanissimos homines, de quibus tantum verba facio, ad parentum virtutes compelleret.

est; <sup>a</sup> nisi fortè repentinâ istâ frumentariâ <sup>b</sup> lege munia vestra pensantur. Quâ tamen quinīs modiis <sup>c</sup> libertatem omnium æstimavêre, qui profectò <sup>d</sup> non ampliùs possunt alimentis carceris. Namque ut illis exiguitate mors <sup>e</sup> prohibetur, senescunt vires: si neque absolvit curâ familiari <sup>f</sup> tam parva res, et ignavissimi quique tenuissimâ spe <sup>g</sup> frustrantur: quæ tamen quamvis ampla, quoniam <sup>h</sup> servitii pretium ostentaretur, cujus torpedinis erat decipi, et vestrarum rerum ultrò <sup>i</sup> injuriâ gratiam debere? <sup>j</sup> Namque alio modo, neque valent in universos, neque conabuntur. <sup>k</sup> Cavendus tamen dolus est. <sup>l</sup> Itaque simul comparant

## INTERPRETATIO.

<sup>1</sup> Quâ tamen lege æstimaverunt qui profectò non ampliùs possunt libertatem omnium quinīs modiis, prodesse quàm alimenta carceris.

## NOTÆ.

<sup>a</sup> Nisi forte.] Jam sæpius ejusmodi, quibus isti gaudent, vidimus ironias: populum verò, nisi libertatem suam vindicet, pro vilibus mancipiis habet; quibus demensuum suum si præbeatur, quivis facile ad nutum uti possit.

<sup>b</sup> Lege.] Hinc, latam fuisse aliquam, pro fumento id populum distribuendo, clarum est.

<sup>c</sup> Libertatem omnium.] Nihil fingi poterat magis invidiosum; quinque enim modios, singulis mensibus pro demenso servis metiebantur. Neque verò res ipsâ modò, sed voces ipsæ invidiam faciunt; dixit enim omnium libertatem carere alimentis æstimatam.

<sup>d</sup> Prohibetur.] Intellige tantum, id est, non ampliùs possunt hæc alimenta quàm mortem prohibere.

<sup>e</sup> Tam parva res.] Dicit quinque modios familiæ alendæ non satis esse.

<sup>f</sup> Frustrantur.] Dicipiuntur. Istud verò maximo artificio intextum est: non enim modò plebem, lege frumentariâ, à patribus in fraudem illectam esse dicit, sed assentando etiam per vocem maxime contumeliosam, quando dicit ignavissimos frustrari, quasi scilicet arbitraretur paucissimos in eum dolum incidisse, plebem eandem ex illo patrum laqueo retinuit. Non est certè minimi momenti, ad impellendum homines ad virtutem, illis ingenitam esse simulare: eo modo impunè licet ea vitia, quæ illi defenderent, insecurari.

<sup>g</sup> Servitii pretium.] De quinque modis agit. atque indicat, libertatem quâ à nobilibus plebii intercludebantur, nullo posse pretio compensari.

<sup>h</sup> Injuriâ.] Perinde est ac si diceret,

Frumentum quod vobis isti pollicentur, vestrum est; illud in vos pro servitio vestro, quasi mancipia essetis, distribuunt. An usque adeò ignavi eritis, ut sponte contumeliam tantam pro gratiâ insuper accipiat?

<sup>i</sup> Namque.] Rationem reddit, quomobrem, per maximam socordiam, frumentum, servitutis pretium, non oporteat à patribus accipere; quia, scilicet, illi per id tantum plebi jugum imponere conentur.

<sup>k</sup> Cavendus.] Nobiles dixit aliter quàm per populi socordiam imperium retinere ne quidem conari; de eo nunc quodammodo aliquid excipit, populumque ut caveat dolos admonet.

<sup>l</sup> Itaque.] Sensus pendet; hinc tamen, ut neque alibi, nihil muto, prout fecerunt alii ad libitum per totam hunc orationem; quia, scilicet, me nescire malim dicere, quam quilibet somnare. Quis igitur sensus? Dicam quod videtur. In unum studuit hic tribunus noster, ut populum erigeret, atque eò impelleret et tribuniæ potestatis omnia jura revocaret. Durum verò videbatur? Quòd Pompeium omnes metuerent, neque metum augere opus fuit. Ille igitur arte tractat populum, (quod postmodum magis patebit) et obiter illud in quo hærerè posset, attingit: imò de isto Pompeii metu, quasi in eo patrum dolum positus esset, agit. Dico igitur, ex hominis ingenio, cujus mens est involvere et obscurare, vocem itaque esse exponendam, ejusque vim, per respectum ad scopum magis quàm ad orati nem, esse intelligendam. Puta, si voles, transitionem esse, vel proximè ad hanc sententiam referri, patres vobis parant dolos; itaque, &c. hæc enim propositio in illâ alterâ includitur, Cavendus tamen dolus est.

<sup>a</sup> delenimenta, et differunt vos in adventum Cn. Pompeii; quem ipsum ubi pertinuere, <sup>b</sup> sublatum in cervices suas, mox dempto metu lacerant. Neque eos pudet vindices, <sup>c</sup> uti, ferunt libertatis, tot viros sine <sup>d</sup> uno, aut <sup>e</sup> remittere injuriam non audere, aut <sup>f</sup> jus non posse defendere. Mihi quidem satis spectatum est, Pompeium tantæ gloriæ adolescentem malle principem <sup>g</sup> volentibus vobis esse; quàm illis dominationis socium, <sup>h</sup> auctoremque in primis fore tribunitiæ potestatis. Verùm, Quirites, antea singuli cives in pluribus, non in uno cuncti <sup>i</sup> præsidia habebatis; neque mortalium quisquam dare, aut eripere, talia unus poterat. Itaque verborum satis dictum est. Neque enim <sup>j</sup> ignorantes res claudit. Verùm occupavit vos nescio quæ torpedo, quia neque <sup>k</sup> gloriâ movemini, neque <sup>l</sup> flagitio; cunctaque præsentem ignaviâ mutastis: abundè libertatem rati, quia <sup>m</sup> tergis abstinetur, et huc ire licet atque illuc, <sup>n</sup> munere ditium dominorum. <sup>o</sup> Atque hæc eadem non fiunt agrestibus; sed <sup>p</sup> caduntur inter potentium inimicitias, donoque dantur in provincias magistratibus. Ita

## INTERPRETATIO.

<sup>1</sup> *Neque enim res frustat vos ignaros.*

## NOTE.

<sup>a</sup> *Delenimenta.*] Illud est quod propriè dicunt *des adoucessemens*; sed magis politè, *des biais, ménagemens*.

<sup>b</sup> *Sublatum.*] *Ferunt*, supple, aut aliquid simile. Impetum verò augeat orationis hæc ellipsis, atque adeo metuentium sed maximè dissimulantium, applausus audire videor.

<sup>c</sup> *Uti se ferunt.*] Id est, *prout volunt haberi*.

<sup>d</sup> *Uno.*] Pompeio.

<sup>e</sup> *Remittere injuriam.*] Id est, Plebi jus suum, et tribunitiæ potestati suam auctoritatem reddere.

<sup>f</sup> *Jus non posse defendere.*] Id est, non posse plebi cordatè resistere; vel, eidem, omnem auctoritatem penès senatum esse, non posse apertè declarare.

<sup>g</sup> *Volentibus.*] Quando, scilicet, liberis omnium suffragiis, vobis licebit, per tribunos vestros, ipsum Pompeium rebus præficere.

<sup>h</sup> *Auctoremque.*] Ipse Pompeius tribunitiam potestatem postea restituit, cun-

demque restitutæ poenituit.

<sup>i</sup> *Præsidia.*] Innuit regiam dignitatem aut tyrannidem induci.

<sup>k</sup> *Gloriâ.*] Vestrâ, scil.

<sup>l</sup> *Flagitio.*] Inimicorum nobilium.

<sup>m</sup> *Tergis.*] Id est, quia domini vestri in nos, ut in domestica mancipia, verberibus non sæviunt.

<sup>n</sup> *Munere.*] Munus hoc maximè est invidiosum; supponit enim, penès eosdem esse dominos istas ambulationes prohibere: atque etiam invidiam augeat vos ditium, quâ dominorum felicitatem ob oculos ponit.

<sup>o</sup> *Atque.*] Arbitror istud sibi objecisse tribunum nostrum, ex parte eorum, qui cum extra urbem ageret, jus tamen habebant suffragii.

<sup>p</sup> *Caduntur.*] Responsio est, quæ maximè illos exasperare possit, ad quos dirigitur oratio; quasi cum stomacho diceret, *Suntne, illi multò feliciores qui caduntur? &c.*

pugnantur, et vincitur à paucis: plebes, quodcunque accidit, pro vieta est; et in dies magis erit: si quidem majore curâ dominationem illi retinuerint, quàm vos repetiveritis libertatem.

Postquam egressus augustias. *Messus.*

Ad Cyzicum perrexit firmatus animi. *Ex eodem.*

Ut sustinere corpora plerique nequeunt, <sup>a</sup> fessi, arma sua quisque stantes incumberent. *Idem et Servius.*

Ac statim fugitivi, contrâ præceptum ducis, rapere ad stuprum virgines, matronasque. *Nonius.*

Quibus à Sertorio triplices insidiæ per idoneos saltus posita erant: <sup>b</sup> prima, quæ fonte venientes exciperet. *Servius.*

Ingens ipse virium atque animi. *Arusianus.*

Locum nullum nisi in quo armati institissent. *Idem.*

At Oppius postquam orans nihil proficiebat; timidè veste tectum pugionem expedire conatus, à Cottâ, Vulciòque impeditur. *Non.*  
*Pugio est brevis gladius.*

Castrisque collatis, pugna tamen ingenio loci prohibebatur. *Idem.*

Sed Pompeius à primâ adolescentiâ, sermone fautorum, similem fore se credens Alexandro regi, facta consultaque ejus quidem æmulus erat. *Nonius.*

Dubius consilii. *Arusian.*

Post reditum eorum, quibus senatus belli Lepidani gratiam fecerat. *Idem.*

Quod ubi frustrâ tentatum est, socordius ire milites occipere, non <sup>c</sup> aptis armis, ut in principio, et laxiore agmine. *Non.*

Atque eum Curio laudatum, accensumque præmiorum spe, quibus cum optavisset, ire jubet. *Idem.*

Eodem tempore Lentulus duplici acie locum editum multo sanguine suorum defensus, postquam ex sarcinis <sup>d</sup> paludamenta adstare et delectæ cohortes intelligi cæpere. *Idem.*

Si nihil ante adventum suum inter plebem et patres convenisset, coram se daturum operam. *Prisc. l. xiv.*

Finè inguinum ingrediuntur mare. *Arusian.*

#### NOTÆ.

<sup>a</sup> *Fessi.*] Hanc vocem ex interpretatione additam fuisse Douza contendit; totumque fragmentum ex Frontone ita constituit; *Ut sustinere corpora nequeunt, arma sua quisque instans incumberet.*

<sup>b</sup> *Prima.*] Nunc insidiæ usurpantur tantum numero plurali.

<sup>c</sup> *Aptis.*] Id est, *aptatis et ad usum expeditis.*

<sup>d</sup> *Paludamenta.*] Paludamentum vestis est militaris et imperatoria, plerumque coccinea: quanquam etiam militibus tribuitur.

M. \* Antonius perdendæ pecuniæ genitus vacuusque curis, nisi instantibus. *Idem.*

Muros successerant. *Idem.*

Saxaque ingentia, et <sup>b</sup> axe vinctæ trabes per pronum incitabantur, axibusque eminebant in modum <sup>c</sup> ericii militaris <sup>d</sup> veruta binum pedum. *Non. Servius.*

Octavium mitum, et captum pedibus. *Arusian.*

\* Igitur discubueret Sertorius inferior in medio, super eum L. Fabius Hispaniensis senator ex proscriptis: in summo Antonius, et infra scriba Sertorii Versius; et alter scriba Mæcenas in imo, medius inter Tarquitium et dominum Perpennam. *Non. Serv.*

Quarum unum epistolam forte cum servo nacti prædatores Valeriani <sup>e</sup> scorpione in castra misere. *Non.*

## LIBER IV.

AT Cn. Lentulus patriciæ gentis, collega ejus, cui cognomentum Clodiano fuit, per incertum stolidior an vanior, legem de pecuniâ, quam Sulla emptoribus bonorum remiserat, exigendâ, promulgavit. *A. Gellius, l. xviii. c. iv.*

Omnes, quibus ætas senecto corpore, animus militaris erat. *Prisc. l. ix. et x.*

## NOTÆ.

a *Antonius.*] Hic pater fuit triumviri, qui re adversus Cretenses malè gestâ, morbo interiit. Homo fuit nullius virtutis, qui Cottæ consulis et Cethegi gratiâ, oræ maritimæ curationem nactus, Siciliam et Provincias omnes depopulatus est.

b *Axe.*] Turnebus legit. *Axe vincti orbes.*

c *Eriçii.*] Eriçius machina est bellica, verutus, seu majoribus clavis, undique horrida.

d *Veruta.*] Verutum spiculi seu jaculi species est; vel etiam quod vulgò ensis laminam vocant. *La lame d'un épée.*

e *Igitur.*] Ut fragmentum istud intelligatur, sciendum est, quod optimè enarrat doctissimus Salmasius, tres fuisse lectulos quibus accumbabant veteres, cum cibum sumerent; summus, scilicet, medius, et imus. Dominus convivii in

primo loco tertii, seu imi lecti accubabat: locus honestissimus ultimus erat secundi, sive medii lecti, quòd convivii dominum continuarat, ut docet Plutarchus. His benè intellectis, nulla superest in hoc fragmento difficultas. Sertorius honoratissimum locum occupaverat, cui proximus erat in eodem lecto, medio scilicet, Fabius Hispaniensis. In summo lecto erant Antonius et Versius, duo tantum; sicut in medio lecto. In tertio verò et imo, superior erat dominus convivii Perpenna, scriba Mæcenas deinde, et Tarquitius ultimus.

f *Fabius.*] Hujus plurimam mentionem esse in numismatibus, quanquam nulla sit in libris veteribus, testatur Cærio.

g *Scorpione.*] Scorpio species erat ballistæ, sed minor quam Vegetius *Magniballistam* dicit vocari.

Dein lenita jam irā, postero die liberalibus verbis permulcti sunt.  
*Idem l. ix.*

Implicitæ rates ministeria prohibebant. *Idem, ibid.*

Igitur legiones pridie in monte positas arcessivit. *Idem. l. x.*

Anxius animi, atque incertus. *Arusian.*

Magnam exorsus orationem. *Idem.*

Impotens, et nimius animi est. *Idem.*

<sup>a</sup>Amisumque <sup>b</sup>assideri sine præliis audiebat. *Prisc. l. viii. Obsideo et assideo activa sunt, faciunt enim assideo et obsideo.*

Qui quidem mos, uti tabes, in urbem conjectus. *Festus.*

Castella <sup>c</sup>custodias thesaurorum in ditionem acciperentur. *Serv. Caris. l. i.*

Reliqua cadavera salita. *Diomedes, l. i. c. iv.*

*Epistola Regis Mithridatis scripta ad Regem Arsacem.*

REX MITHRIDATES REGI <sup>d</sup>ARSACI. S. Omnes, qui secundis rebus suis ad belli societatem orantur, considerare debent, liceatne tum pacem agere. Dein quod quæritur, satisne pium, tutum, gloriosum, an indecorum sit. Tibi perpetuā pace frui liceret, nisi hostes <sup>e</sup>opportuni, et scelestissimi. Egregia fama, si Romanos opprimeris, futura est. <sup>f</sup>Neque petere audeam societatem; et frustra mala mea cum tuis bonis misceri sperem. Atque ea, quæ te morari posse videntur, <sup>g</sup>ira in Tigranem recentis belli, et meæ res parum prosperæ, si vera æstimare voles, maximè hortabuntur. Ille enim obnoxius, qualem tu voles, societatem accipet; mihi fortuna, multis rebus ereptis, usum dedit bene suadendi; et, quod florentibus optabile est, ego <sup>h</sup>non validissimus præbeo exemplum, quo rectius tua componas. Namque Romanis, cum nationibus, populis, regibus cunctis, una et

NOTÆ.

<sup>a</sup> *Amisumque.*] *Amisus* Galatiæ oppidum.

<sup>b</sup> *Assideri.*] Pro *obsideri*.

<sup>c</sup> *Custodias.*] Pro *custodiæ*, genitivus antiquus.

<sup>d</sup> *Arsaci.*] *Arsaces* rex fuit Persarum, aut Parthorum, nam confunduntur apud antiquos auctores.

<sup>e</sup> *Opportuni.*] Hic aliquid deesse arbitrat *Douza*, neque orationem coherere. Eò verò recurrere ego non necesse habeo, quanquam enim non ita statim sensus videatur apertus, bonus est tamen; nam *Arsaci* rationem reddit *Mithridates*, quomobrem ille bellum adversus Romanos movere debeat: quia scilicet, hostes habeat oppor-

tunos, quosque cum liceat, debeat proficere.

<sup>f</sup> *Neque.*] Hic obscurior videtur sententia, neque tamen ideo quicquam mutare ausim; nam voculam *frustra* si ex posteriore periodi membro huc retrahas, optimè hæc omnia cohærebunt. *Nollem*, inquit, *frustra*, et nullo tuo commodo per societatem quam à te peto, bello pacem tuam minuire.

<sup>g</sup> *Ira.*] Hinc *Arsacem* cum *Tigrane* bellum gessisse concijas.

<sup>h</sup> *Non validissimus.*] Quò spectet hæc oratio, primâ fronte non apparet, patebit postea: vult enim, per avaritiam et invidiam, bellum potentissimis indicare Romanis, ut eorum divitias expilent, &c.



ea vetus causa bellandi est, cupido profunda imperii et divitiarum; qua primùm cum rege Macedonum Philippo bellum sumpsere. Dum à Carthaginiensibus premebantur, amicitiam simulantes, ei subvenientem Antiochum, concessionem Asiæ, per dolum avertère: ac mox <sup>a</sup> à Philippo, Antiochus omni cis Taurum agro, <sup>b</sup> decem millibus talentorum spoliatus est. Persen deinde Philippi filium, post multa et varia certamina, apud <sup>c</sup> Samothracas deos acceptum in fidem, calidi, et repertoires perfidiæ, quia pacto vitam dederant, <sup>d</sup> insomniis occidere. <sup>e</sup> Eumenem, cujus amicitiam gloriosè ostentant, initio providere Antiocho, pacis mercedem; post, <sup>f</sup> Attalum custodem agri captivi sumptibus et contumeliis ex rege miserrimum servorum effecere; simulatoque impio testamento, <sup>g</sup> filium ejus Aristonicum, quia patrium regnum petiverat, hostium more per Bithyniam, <sup>h</sup> Nicomede mortuo, diripuerè, cum filius Nusæ, quàm reginam appellaverant, genitus haud dubiè esset. Nam quid ego me appellem? Quem disjunctum undique regnis, et <sup>i</sup> tetrarchiis ab imperio eorum; quia fama erat, divitem, neque servitutum esse, per Nicomedem bello lacesiverunt; sceleris eorum haud ignarum, et ea, quæ accidere, testatum antea, <sup>k</sup> Cretenses solos omnium liberos eâ tempestate, et regem <sup>l</sup> Ptolemæum. Atque ego ultus injurias Nicomedem Bithynia expuli; Asiamque <sup>m</sup> spoliū regis Antiochi recepi; et Græciæ dampni grave <sup>n</sup> servitium. Incepta mea postremus servorum <sup>o</sup> Archelaus;

## NOTÆ.

<sup>a</sup> *Philippo.*] Cave ita intelligas, quasi annitentibus Romanis, Antiochum Philippus spoliaverit; nam hæc oratio ambigua est: verum id puta, quod historia testatur, Antiochum post Philippum à Romanis debellatum, regni parte etiam multatum fuisse.

<sup>b</sup> *Decem.*] Livius et Appianus quindecim dicunt.

<sup>c</sup> *Samothracas.*] Samos, vel Samothrace, insula est maris Ægei, ad prospectum Thraciæ, versus Orientem. Hunc verò locum explicabit Florus, cujus verba refero: *Absens ergo (de Perse loquitur) victus fugit in maria insulamque Samothracem, fretus celebris religione, quasi templa et aræ possent defendere quem nec montes sui, nec arma, potuissent.*

<sup>d</sup> *Insomniis.*] Probatum istud ex Diodoro, qui eum somno, à custodibus quos offenderat, cum in carcere, Romæ detineretur, prohibitum fuisse refert.

<sup>e</sup> *Eumenem.*] Rex fuit Pergami in Asiâ.

<sup>f</sup> *Attalum.*] Hic Pergami rex fuit ultimus.

<sup>g</sup> *Filium.*] Alii aliter; Florus regii sanguinis ferocem juvenem dicit, Justinus filium Eumenis.

<sup>h</sup> *Nicomede.*] Populum Romanum fecerat heredem.

<sup>i</sup> *Tetrarchiis.*] Tetrarcha quarta est pars regni, aut cujuspiam Provinciæ.

<sup>k</sup> *Cretenses.*] Creta, hodie *Candæ*, Mediterranei insula notissima, unde Cretenses.

<sup>l</sup> *Ptolemæum.*] Rex fuit Ægypti.

<sup>m</sup> *Spolium.*] Id est, eam Asiæ partem quâ Antiochus à Romanis spoliatus fuerat.

<sup>n</sup> *Servitium.*] Quo premebatur a Romanis.

<sup>o</sup> *Archelaus.*] Unus fuit ex Mithridatis ducibus, quem ingenti instructum exercitu parvâ manu Sylla apud Charoneam cecidit.

exercitu prodito; impedit; illique, quos ignavia aut <sup>a</sup> prava calliditas, uti <sup>b</sup> meis laboribus tuti essent, armis <sup>c</sup> abstinuit, acerbissimas pœnas solvunt. Ptolemæus pretio diem belli <sup>d</sup> prolatat. Cretenses impugnati semel jam, neque finem <sup>e</sup> nisi excidio habituri. Equidem cum mihi, ob <sup>d</sup> ipsorum interna mala, dilata prœlia magis quàm pacem datam, intelligerem, abnuente Tigiane, qui mea dicta serò probat, te remoto procul, omnibus <sup>e</sup> aliis obnoxiis, rursus tamen bellum cœpi; Marcumque Cottam Romanum ducem apud <sup>f</sup> Chalcedona terrâ fudi; mari exui classe pulcherrimâ. Apud <sup>g</sup> Cyzicum magno cum exercitu in obsidione moranti frumentum defuit, nullo <sup>h</sup> circumadhitente; simul hiems mari prohibebat. Ita, <sup>i</sup> sine vi hostium, regredi coactus in patrium regnum, naufragiis apud <sup>j</sup> Param, et <sup>k</sup> Heracleam, militum optimos cum classibus amisi. Restituto deinde apud <sup>l</sup> Cabira exercitu, et variis inter me atque Lucullum prœliis, inopia rursus ambos incessit. Illi suberat regnum <sup>m</sup> Ariobarzani bello intactum; ego vastatis circum omnibus locis, in <sup>n</sup> Armeniam concessi; secutique Romani, non me, sed morem suum, omnia regna subvertendi; quia multitudinem artis locis pugnâ prohibuere,

## INTERPRETATIO.

<sup>1</sup> Et illi quos ignavia aut prava calliditas avertit ab armis, ut tuti essent meis laboribus, solvunt pœnas acerbissimas.

<sup>2</sup> Ptolemæus profert diem belli argenteo.

<sup>3</sup> Frumentum mihi defuit, cum nullus circum me adjuvaret, dum eo commorarer magno cum exercitu, in obsidione, apud Cyzicum.

## NOTÆ.

<sup>a</sup> Prava calliditas.] De iis loquitur qui ipsum, quamdiu opes suos adversus Romanos contereret, quieti cernerent, aut eo etiam augetur. Prava est profectò ea calliditas; nam ille qui potentior est, postquam hunc aut illum bello minorem oppressit, victoriâ utens, alios majore etiam impetu invadit.

<sup>b</sup> Ut meis laboribus.] Aliis regibus à Romanis nihil fuisse metuendum innuit, ipsum si levissimis auxiliis adjuvissent.

<sup>c</sup> Visi.] Isthuc confirmat Florus: Romanos enim fatetur, solâ nobilem insulam vincendi cupiditate, bellum Creticum fecisse.

<sup>d</sup> Ipsorum.] Romanorum; Nam bellum Mithridaticum illis temporibus gestum est, quibus respublica civilibus armis, maxime per Marium, Syllam, Sertorium, aliosque, conflictabantur.

<sup>e</sup> Aliis obnoxiis.] Id est, sese Romanorum imperio submittentibus.

<sup>f</sup> Chalcedona.] Chalcedon, vel, ut alii scribunt, Chalcedone, urbes est Asiatica ad Bosphorum Thraciæ.

<sup>g</sup> Cyzicum.] Cyzicus urbs est et insula, vel, ut aliis placet, peninsula ad Propontidem.

<sup>h</sup> Sine vi.] Non istud dicunt Romanæ historiæ scriptores: imo Plutarchus Lucullum testatur, non sine Mithridatis magnâ clade, Cyzico eum depulisse.

<sup>i</sup> Param.] Locus maritimus circa Hellespontum, aut Euxinum mare.

<sup>k</sup> Heracleam.] Urbs est Bithyniæ ad Pontum Euxinum.

<sup>l</sup> Cabira.] Inferioris Asiæ oppidum Stephanano. Plutarchus alicubi circa Mysiam collocat.

<sup>m</sup> Ariobarzani.] Rex fuit Cappadociæ.

<sup>n</sup> Armeniam.] Armenia notissima est Asiæ regio, inter Cappadociam et mare Caspium: cujus pars hodie dicitur Turcæmaniæ.

imprudentiam Tigranis, pro victoriâ ostentant. Nunc quæso considera, nobis oppressis utrum firmiorum te ad resistendum, an finem belli futurum putes? scio quidem tibi magnas opes, virorum, armorum, et auri esse; et, eâ re à nobis ad societatem, ab illis ad prædâ peteris. Cæterum consilium est Tigranis, <sup>a</sup> regno integro, meis militibus belli prudentibus, procul ab domo, parvo labore, per nostra corpora bellum conficere; quando neque vincere, neque vinci, sine tuo periculo possumus. An ignoras, Romanos, postquam ad occidentem pergentibus finem <sup>b</sup> oceanus fecit, arma huc convertisse; neque quicquam à <sup>c</sup> principio nisi raptum habere, domum, <sup>d</sup> conjuges, agros, imperium; convenas, olim sine patriâ, sine parentibus, pesti conditos orbis terrarum; Quibus non humana ulla, neque divina obstant, quin socias, amicos, procul juxtâque sitos, inopes potentesque trahant, excidentque: omiaque <sup>e</sup> non serva, et maximè regna, hostiliâ ducant. <sup>f</sup> Namque pauci libertatem, pars magna justos dominos volunt; nos suspecti sumus æmuli, et in tempore vindices affuturi. Tu verò, cui <sup>g</sup> Seleucia maxima urbium, regnumque Persidis inclitis divitiis est, quid ab illis, nisi dolum in præsens, et postea bellum expectas? Romani in omnes arma habent, acerrima in eos quibus victis spolia maxima sunt: audendo et fallendo; et bella ex bellis serendo, magni facti. Per hunc morem extinguunt omnia, aut <sup>h</sup> occidunt; <sup>i</sup> quod difficile non est, si tu <sup>k</sup> Mesopotamiâ, nos Armeniâ circumgredimur exercitum sine frumento, sine auxiliis: <sup>l</sup> fortuna aut nostris vitiis adhuc incolumes; teque illa fama sequetur, auxilio profectum magnis regibus, latrones gentium oppressisse. Quod uti facias moneo, hortorque, neu malis perniciæ nostra <sup>m</sup> unum imperium prolatare quàm societate victor fieri.

## NOTÆ.

<sup>a</sup> *Regno.*] Intelligo de regno Arsacis.

<sup>b</sup> *Oceanus.*] De Atlantico intellige, quo terminatur Hispania.

<sup>c</sup> *A principio.*] Romam primò latronum receptaculum magis quàm urbem fuisse hinem latet.

<sup>d</sup> *Conjuges.*] Illi enim per dolum, simulatis ludis equestribus, Sabinas rapuerunt.

<sup>e</sup> *Non serva.*] Id est, quæ ab ipsis servitute non essent oppressa.

<sup>f</sup> *Namque.*] Aliis et magis ex nostro stylo ita scribas: Cùm enim pauci inter homines statu populari gaudeant, sed regiam dominationem querant, nos suspecti sumus æmuli, &c.

<sup>g</sup> *Seleucia.*] Hæc est, procul dubio, quæ non semel apud scriptores antiquos cum Babylone confunditur. quòd ejus

opes exhausierit, in proximo sita, ad ripam Tigridis.

<sup>h</sup> *Occident.*] *Ipsi peribunt.*

<sup>i</sup> *Quod difficile.*] De Romano excidio loquitur, quod semper quæsit Mithridates.

<sup>k</sup> *Mesopotamia.*] Asiæ regio inter Tigrim et Euphratem; hodie *Diarbeck*.

<sup>l</sup> *Fortuna.*] Istud parenthesi includendum, quòd per dolorem effert Mithridates, qui sæpius Romanorum ruinam animo præsumperat.

<sup>m</sup> *Unum.*] Alii legunt, *tuum imperium*: alii *tua*: vetus verò editio optimè, ut videtur, *tuam* (ruinam) scilicet, aut *perniciem* prolatare, id est, *differe*. Si tamen *unum imperium* retineas, *prolatare* pro *ampliare*, positum erit.

Curio \* Vulcanaliorum die ibidem moratus. *Nonius de mulatâ declinatione. Caris. l. i.*

Scalas pares mœnium altitudine. *Arusian.*

Dissidere inter se cœpère, neque <sup>b</sup> in medium consultare. *Idem.*

Multisque suspicionibus volentia plebi facturus videbatur. *Nonius. Volentia, quæ plebs vellet.*

Suspectusque fuit, incertum verò an per negligentiam, societatem prædarum cum latronibus composuisse. *Id. Componere, conjungere.*

Collegam minorem, et sui cultorem exspectans. *Arusian.*

Quàm maximis itineribus, per regnum Ariobarzanis, contendit ad flumen \* Euphratem; quâ in parte Cappadocia ab Armeniâ disjungitur. Et quamquam ad id naves <sup>d</sup> codicariæ occultò per hiemem fabricate aderant. *Nonius. Codicariæ naves qua in flumen usui esse possunt.*

Qui prætergredebantur equites cataphracti, \* ferreâ omni specie. *Idem.*

Cùm interim, lumine, etiam tum incerto, duæ Galliæ mulieres conventum vitantes ad <sup>f</sup> menstrua solvenda montem ascendunt. *Idem.*

‡ Pluteosque rescindit, ac munitiones demolitur; locoque summo potitur: *Idem. Demoliri est diruere.*

Exercitum dimisit ut primùm Alpes digressus est. *Arusian.*

Tetrarchas, regesque territos animi firmavit. *Idem.*

Simul eos, et cunctos jam inclinatos laxitate loci, plures cohortes atque omnes, ut in secundâ re, pariter acrè invadunt. *Nonius.*

Hi locorum perignari, soliti nectere ex viminibus vasa agrestia, ibi tum, quòd inopia scutorum fuerat, ad eam artem se quisque in formam parmæ equestris armabat. *Nonius. Parma est scutum breve.*

De pecore coria recens detracta; quasi glutino adolescebant. *Ca- risius, l. i. Servius.*

Avidior modò properandi factus. *Arusian.*

Consilii æger. *Idem.*

Reversi postero die, multa, quæ properantes deseruerant in castris nacti cum se ibi cibo, vinoque læti invitarent. *Nonius. invitare est repleri.*

Atque hiavit humus multa, vasta et profunda. *Idem. Hiare, aperiri.*

## NOTE.

a *Vucnaliorum.*] Vulcanalia, dies erant Vulcano festi.

b *In medium.*] Id est, in commune,

c *Euphratem.*] Euphrates fluvius est Asiæ nobilissimus.

d *Codicariæ.*] Id est, secundum Festum ex tabulis crassioribus factæ.

e *Ferreæ.*] Equi enim et ipsi ferreis la- niis muniti erant.

f *Menstrua.*] Id est, Sæcra quæ quoque mense peragerentur: idque prolixè et Lipsii sententiâ, et Plutarchi auctoritatè, Douza confirmat.

g *Pluteosque.*] Plutei machinæ erant bellicæ, corio intectæ, quorum usus idem propè qui vinearum, ad muros suffodiendos.

Rursus jumenta nacti ad oppidum ire contendunt. *Nonius.*

Ubi se laniati navigia fundo emergunt. *Arusian.*

Tum verò Bithyni propinquantas jam amnem <sup>a</sup> Tartanium. *Idem.*

<sup>b</sup> Eos qui hoc malum publicum clandestinis consiliis comparaverunt. *Nonius.*

In quīs notissimus quisque, aut malo dependens verberabatur, aut immutolato corpore improbo patibulo eminens affigebatur. *Idem. Patibulum est crux.*

Ad Siciliam vergens faucibus, non ampliùs patet millibus v. et *xxx. Messus.*

Clausi lateribus <sup>c</sup> pedem. *Idem.*

Naphthas. *Probus Catholicis.*

## LIBER V.

AT Lucullus, audito Q. <sup>d</sup> Marcium Regem pro consule per <sup>e</sup> Lycaoniam cum tribus legionibus in <sup>f</sup> Ciliciam tendere. *Prisc. l. xviii.*

Legiones Valerianæ comperto, <sup>g</sup> lege Gabiniâ Bithyniam, et Pontum consuli datam : <sup>h</sup> missos esse. *Id. ibidem.*

Regem aversabatur. *Arusian.*

## NOTÆ.

<sup>a</sup> *Tartanium.*] In Bithyniâ.

<sup>b</sup> *Eos.*] Fragmentum istud, non Sallustii, sed Sisennæ esse arbitrat Putschius : ideo quod in Nonii vetustioribus manuscriptis illi adscribatur.

<sup>c</sup> *Pedem.*] Quandoquidem Sallustii auctoritate confirmare studeat Fronto, probè oppido ac Latine dici *Altus pedes tot*, et quidem hunc locum citans; optimè, ut videtur, vocem *altis* Sallustio Douza redonavit, legitque *clausi lateribus pedem altis*.

<sup>d</sup> *Marcium Regem.*] Hic mortuo collegâ Metello, et eo qui in ejus locum suffectus fuerat, solus consulatum gessit.

<sup>e</sup> *Lycaoniam.*] Minoris Asiæ regio in Cappadociâ.

<sup>f</sup> *Ciliciam.*] Minoris Asiæ regio, ad Mediterraneum.

<sup>g</sup> *Lege Gabinâ.*] Gabinius tribunus fuit

plebis, quo tempore Lucullus adversus Mithridatem bellum gerebat.

<sup>h</sup> *Missos.*] Quidam, in manuscriptis probè et planè exaratum esse, *Consuli datum esse, missos esse*, testatur; unde pro priori *esse*, sese rescribendum esse putat : deinde ut sensus absolvatur, *pratendentes* supplet, aut *causantes* ut ita legendum sit, *Sese missos esse causantes*. Atque de legionibus accipit quas Clodius per iram et invidiam sollicitavit, ut ne ampliùs Lucullum adversus Mithridatem sequerentur; quibus ille persuasit ipsos missos, et à sacramento liberos esse, cum alium imperatorum, Glabionem consulem, ad Mithridaticum bellum, senatus mitteret. Cui opinioni non possum planè non assentiri; nisi quod, non Glabroni, sed Pompeio Mithridaticum bellum mandatū invenio.

Cæteri negotia <sup>a</sup> sequebantur familiaria legatorum, aut tribunorum; et pars sua <sup>b</sup> commeatibus mercatis. *Nonius.*

Et uxori ejus frater erat. *Arusian.*

Sæpè celebritatem nominis intelligo timentem. *Pric. l. xviii.*

Video ingentia dona quæsitum ire properantem. *Idem, ibid.*

Nam si Pompeio <sup>c</sup> quid humani evenisset. *Arusian.*

<sup>d</sup> Quibus de causis Sullam in victoriâ dictatorem, equo descendere, sibi uni assurgere de sellâ, caput aperire solitum. *Nonius, Arusian. Servius.*

#### NOTÆ.

<sup>a</sup> *Sequebantur.*] Eidem anonymo, ex quo priorē conjecturam decerpimus legendum videtur *Exsequebantur.*

<sup>b</sup> *Commeatibus.*] Id est, *Abeundi licentia pretio emptâ.*

<sup>c</sup> *Quid humani.*] Mortem intellige, de Pompeio autem videtur hîc agi, quem Catullus. cûm præclarum quidem, sed nimium liberæ reipublicæ crederet, noletque omnia ut in eo upo reponerentur, hæc

verba in concione legem dissuadens adjecit. *Si quid huic acciderit, quem in ejus locum substituetis?* ut habet Paterculus.

<sup>d</sup> *Quibus de causis.*] Hîc iterum de Pompeio sermo est, cui uni Syllam assurgere solitum Appianus tradidit. Quatuor verò, fuerunt, auctore Servio, quæ apud Romanos ad honorem petinuerunt: equo desilire, caput aperire, viâ decedere, assurgere.

## C. SALLUSTII CRISPI

## F R A G M E N T A,

## INCERTORUM LIBRORUM.

NE <sup>a</sup> inrumiendi po....

<sup>b</sup>sublicibus cavata....

sent. *Festus*.

Cujus <sup>c</sup> duas insulas propinquas inter se, et <sup>d</sup> decem stadium procul à Gadibus sitas, constabat suoapte ingenio alimenta mortalibus gignere. *Nonius*.

<sup>e</sup> Serum bellum in angustiis futurum. *Junius Philarg. ad Georg. Virgilia*.

Illi tertio mense pervenere in <sup>f</sup> Pontum multò celerius spe Mithridatis. *Arusian*.

Ergo senati decreto serviendum ne sit. *Donatus act. 11. sc. 11*.

Pompeius oris <sup>g</sup> improbi, animoque inverecundo. *Suet. de claris. Gram. c. xv*.

## NOTE.

<sup>a</sup> *Inrumiendi*.] Id est, lactandi: quam omnes, quos quidem inspicere licuit, excerptores, *Irrumare*, habent tantum, non *Irrumire*. Vox verò ista, execrandà libidine, ad obscena traducta est.

<sup>b</sup> *Sublicibus*.] Publicæ trabes sunt longæ; quibus pons innititur. Sed, pro iis, *Festus* habet *Sublicis*, nomine, secundum aliquos à Volscis mutuato.

<sup>c</sup> *Duas insulas*.] Quæ sint istæ nescire se fatetur Ortelius, nisi ex Plutarchi Sertorio, qui eas Atlantidum nomine describit; intelligit autem de duabus ex Asoris, S. Michaëlis scilicet, et D. Mariæ.

<sup>d</sup> *Decem stadium*.] Idem Ortelius *decem milibus stadiorum* ex Plutarcho rescribit.

<sup>e</sup> *Serum*.] Grammatici *crudele* atque *sævum* interpretantur; eodemque sensu apud Virgilium, et Valerium Flaccum, legitur:

<sup>f</sup> *Pontum*.] Pontus Asiæ minoris provincia ad mare Euxinum.

<sup>g</sup> *Improbi*.] Multis contendit Douza *probi* legendum esse; præsertim quod illud alterum sit contra omnium librorum auctoritatem, et à Sallustii scribendi ratione alienum; Arbitratur enim fieri non posse, ut aliquis ore fit improbo, qui non pariter animo inverecundo fuerit: adeoque Sallustium bis idem dixisse, si *improbi* scripserit. Prima ratio valet.

Simulans <sup>a</sup> sibi alvum purgari. *Isidorus, l. xi. in voce Alvus. Serv. ad l. iii. Æneidos.*

Fecit ut nunciis confestim lugubribus. *Caris. l. ii.*

Communem habitum transgressus. *Prisc. l. xiv.*

Inter arma civilia æqui boni famam petit. *Seneca, l. xx. epist. cxv.*

Haud impigrè, neque inultus occiditur. *Donat. ad Andr. Ter. act. i. sc. 2.*

Festinantibus in summâ inopiâ patribus. *Idem ad Eunuch. act. iv. sc. iii.*

Hostes oppressi, aut delapsi forent. *Isidorus l. xviii.*

Exercitum argento fecit. *Seneca l. xx. epist. cxv.*

<sup>b</sup> Togam paludamento mutavit. *Isidorus, l. xix. Serv.*

Hiero rex Syracusanorum bellum fecit. *Seneca.*

Ibi triennio frustrâ trito. *Servius ad iv. Æneidos.*

*Oratio c. Cottæ Consulis ad Populum.*

Quirites, multa mihi pericula domi, militiæ multa adversa fuere; quorum alia toleravi, partim repuli deorum auxiliis, et virtute meâ: in quis omnibus, neque animus negotio defuit, neque decretis labos. Malæ, secundæque res, <sup>1</sup> opes, non ingenium mihi mutabant. At contra in his miseriis cuncta me cum fortunâ deseruere. Præterea senectus, per se gravis curam duplicat; cui misero, senectâ jam ætate, ne mortem quidem <sup>d</sup> honestam sperare licet. Nam, si parricida vestri sum, et <sup>e</sup> bis genitus hîc deos penates meos, patriamque, et summum imperium <sup>f</sup> vilia habeo, quis mihi vivo cruciatus satis est, aut quæ pœna mortuo? Cùm omnia <sup>g</sup> memorata apud inferos supplicia scelere meo <sup>h</sup> vici. A primâ adolescentiâ in ore vestro privatus,

INTERPRETATIO.

<sup>1</sup> *Malæ secundæque res mutabant mihi opes, non mutabant ingenium.*

NOTÆ.

a *Sibi.*] Servius habet, *Simulans alvum purgare*; quod magis est ex adstrictâ Sallustii oratione.

b *Togam palud.*] Id est, *Pacem bello.*

c *C. Cottæ.*] In quibusdam libris scriptum inveni *Cn. Cottæ*, quod fortè pro *M. Cottâ*, scripturæ similitudine positum est. Uterque enim C. et M. ille quidem prior, hic anno sequenti consul fuit: sed Marcum, non Caium, à Mithridate magnâ clade apud Chalcedonem, cæsum fuisse constat, quod quidem huic orationi occasionem debet.

d *Honestam.*] Ille equidem, post casum suum in civitatem receptus, etiam consulatum suum peregit; attamen ne sibi

per inimicorum dolum raudi esset, quod fortunæ iniquitate evenerat, vir prudens reformidabat.

e *Bis genitus.*] Hoc idè dicit, quia, victus, in civitatem receptus erat.

f *Vilia habeo.*] Id est, *parus istio omnibus consulo.* Sed terminis usus est causæ suæ faventibus; minùs enim fit verisimile, ut quis summum imperium, quo gaudet, contemnat, quam ut parum, ex officio reipublicæ invigilet.

g *Memorata.*] De his plurima apud poetas.

h *Vici.*] Id est, *magus est scelus quàm ut atrocissimis inferorum pœnis satis possit puniri.*



et in magistratibus egi: qui <sup>a</sup> linguâ, quî consilio meo, qui pecuniâ voluêre, usi sunt: neque ego callidam facundiam, neque ingenium ad malefaciendum exercui; <sup>1</sup>avidissimus privatæ gratiæ maximas inimicitias pro republicâ suscepî: qui victus cum illâ simul, cum egens alienæ opis, plura mala expectarem, vos, Quirites, rursus mihi patriam, deos penates, cum ingenti dignitate dedistis. Pro quibus beneficiis vix satis gratus videar, si singulis animam, <sup>2</sup>quam nequeo, concesserim. Nam vita et mors jura naturæ sunt; uti sine dedecore cum civibus, famâ et fortunis integer agas, id dono datur atque accipitur. Consules nos fecistis, Quirites, <sup>b</sup>domi, bellicque impeditissimâ repub. Namque <sup>c</sup>imperatores Hispaniæ stipendium, milites, arma, frumentum poscunt: et id res cogit: quoniam post defectionem sociorum, et Sertorii per montes fuga, neque manu certare possunt, neque utilia parare. Exercitus in Asiâ Ciliciâque ob nimias opes Mithridatis aluntur; Macedonia plena hostium est; nec minùs Italiæ maritima, et provinciârum, cum interim vectigalia parva, et <sup>d</sup>bellis incerta, vix partem sumptuum sustinent: <sup>3</sup>Ita classe, quâ comameatus vehebatur, minore quam antea, navigamus. <sup>e</sup>Hæc si dolo aut socordia nostrâ contracta sunt, agite, et uti lubet, ita supplicium sumite: sin communis fortuna asperior est, quare indigna vobis, nobisque, et rep. incipitis? Atque ego, cujus ætati mors propior est, non deprecor, si quid eâ vobis incommodi demitur; neque mox ingenuo corpori honestiùs, quam pro vestrâ salute, finem vitæ fecerim. Adsum, en Cn. Cotta consul, facio quod sæpè majores asperis bellis fecêre; voveo, dedoque me pro rep. quam deinde cui mandetis circumspicite. <sup>f</sup>Nam talem honorem bonus nemo volet, cum

## INTERPRETATIO.

<sup>1</sup> Cum essem avidissimus privatæ gratiæ, suscepî multas inimicitias pro republicâ.

<sup>2</sup> Si dederim animam pro singu-

lis, quam pro singulis, nequeo dare.

<sup>3</sup> Ita navigamus classe minore quàm ea, quâ commeatus vehebatur antea.

## NOTÆ.

<sup>a</sup> Linguâ.] Arbitror hunc esse Cottam, quem Cicero disertissimum prædicat contra quem etiam mulierem quandam defendit.

<sup>b</sup> Domi.] Bellis civilibus, per Marium, Syllam, aliosque exhaustæ fuerant vires imperii.

<sup>c</sup> Imperatores.] Vidimus eâ de re Pompeii epistolam, quocum Metellus adversus Sertorium imperator creatus fuerat.

<sup>d</sup> Bellis.] Piratæ enim, Mithridatici belli oblata occasione, maria bello, quasi tempestate præcluserant; alii rebellabant: Sertorius in Hispaniâ multa intercipiebat, &c.

<sup>e</sup> Hæc.] Casus reipublicæ varii.

<sup>f</sup> Ingenuo.] In aliis est, ingenio corporis, quod non placet; quanquam illud quomodo explicem non satîs video. Nisi fortè consul noster, qui jam suprâ de inferis verba quædam iniecit, philosophicè, sese noluerit virum ingenuum, sed corpus tantum morti tradere; quod quidem ad persuadendum et commovendum aptum quoque fuerit.

<sup>g</sup> Nam talem.] Tacitè innuit, se adhuc utilem fore reipublicæ, nec tam culpâ suâ exercitum à Mithridate cæsum fuisse.

fortunæ, et pacis, belli ab aliis acti, ratio reddenda, aut turpiter moriendum sit. Tantummodo in animis habetote non me ob scelus, au avaritiam cæsum, sed volentem pro maximis beneficiis animam dono dedisse. Per vos igitur, Quirites, et gloriam majorum, tolerate adversa, et consulite reip. Multa cura summo imperio inest; multi ingentes labores; quos <sup>1</sup> nequicquam abnuitis, et pacis opulentiam quæritis; cum omnes provinciæ, regna, maria, terræque aspera aut fessa bellis sint.

Germani <sup>a</sup> intectum <sup>b</sup> renonibus corpus tegunt. *Isidorus.*

Unde pons in oppidum pertinens explicatur. *Arusian.*

Et ei voce magnâ vehementer gratulabantur. *Donatus.*

Et Marius victus duplicaverat bellum. *Servius.*

Atque eos à tergo incurrerunt. *Rufinianus.*

In hunc modum disseruit. *Prisc.*

Inde ortus sermo percunctantibus utrimque, Satin' salvè, quam grati ducibus suis, quantis familiaribus copiis augerentur. *Donatus.*

Fugam nostris fecere. *Seneca.*

Quæ audita <sup>c</sup> Panormitanos dedere Romanis fecere. *Idem.*

Quò cupidius in ore ducis sese quisque bonum et strenum ostentantes. *Isidorus, Servius. x.*

Ventis per cava terræ citatis, rupti aliquot montes, tumulique sedere. *Isidorus, Servius.*

Ubi multa nefandè casu super ausi atque passi. *Prisc.*

<sup>d</sup> Saguntiem. *Carisius.*

Tota autem insula modica, et cultoribus inanis est. *Martianus.*

Immodicus animi. *Arusian.*

Pugnam illam pro ominè belli futuram. *Serv.*

Tantum <sup>e</sup> antiquitatis, curæque majoribus pro Italicâ gente fuit. *Idem.*

Opprobrii gratiâ. *Agrætius.*

Maximis ducibus, fortibus strenuisque ministris. *Diomedes. l. xi.*

Non repugnantibus modò, sed ne deditis quidem. A. B. C. M. *Donatus.*

In silvâ <sup>f</sup> Silâ fuerant. *Serv.*

#### INTERPRETATIO.

<sup>1</sup> Quos frustra refugitis, dum pacis copiam quæritis.

#### NOTE.

a *Intectum.* [ Magnâ corporis parte nudos agitare solitos esse Germanos ex Tacito discimus, aliisque. Colerus malet *Intacti.*

b *Renonibus.* [ Alii scribunt *Rhenonibus.* Sunt autem Rhenones Gallorum et Germanorum tegumenta pellicea, ad humeris ad umbilicum usque dependentia.

c *Panormitanos.* [ Panormus insignis Siciliæ civitas. Hodie *Palermo.*

d *Saguntium.* [ Pro Saguntinorum, ut placet Carisio.

e *Antiquitatis.* [ Gronovius cum Servio *antiquitatis* retinet. Douza *anxietatis* reponit, cui ego quidem assentior.

f *Silâ.* [ Sita erat in Bruttis.

- In nuda injecta corpora. *Diomedes.*  
 Appollinis filia et Cyrenés. *Probus.*  
 Ne simplici quidem morte moriebantur. *Serv.*  
 Cùm prædixero positum insulæ. *Donatus.*  
 Cujus <sup>a</sup> adversâ voluntate, colloquio militibus permissio, <sup>b</sup> corruptio facta paucorum, et exercitus Sullæ datus est. *Idem.*  
 A Graccho seditiones graves ortæ, *Augustinus. De Civ. Dei lib. ii.*  
 M. Atilius Palicanus humili loco, Picens, loquax magis quàm facundus. *Quintilianus, l. iv. c. 2.*  
<sup>c</sup> Insolens vera accipiundi. *Donatus.*  
 Quæ pecunia ad Hispaniense bellum Metello facta erat. *Idem.*  
<sup>d</sup> Curubis. *Probus.*  
<sup>e</sup> Tharros. *Idem.*  
<sup>f</sup> Camisos. *Idem.*  
<sup>g</sup> Lucus. *Sergius.*  
 Primam modò <sup>h</sup> Japydiam ingressus. *Serv. in ii. Georg.*  
<sup>i</sup> Carbo turpi formidine Italiam, atque exercitum deseruit. *Idem.*  
 Quæ pacta in conventionem non præstitissent. *Donatus.*  
 Crebritate fluctuum, ut Aquilo solet. *Serv.*  
 Mithridates corpore ingenti perinde armatus. *Quint. l. viii. c. 3.*  
 Tyrannumque et Cinnam appellantes. *Victorinus. Serv.*  
 Nomenque <sup>k</sup> Danubium habet. *Acron.*  
 Cui nisi pariter obviam iretur. *Donat.*  
 Septimum, neque animo, neque linguâ satîs compotem. *Idem.*  
 Vulgus amat fieri. *Quint. lib. ix. Cap. iii.*  
 Non <sup>l</sup> pœniturum. *Idem.*  
 Pompeius cum alacribus saltu, cum velocibus cursu, cum validis vecte, certabat. Neque enim ille aliter potuisset par esse Sertorio,

## NOTÆ.

<sup>a</sup> *Adversa.*] *Cognitâ.*

<sup>b</sup> *Corruptio.*] De Syllâ intelligendum, qui, ut docet Plutarchus, viribus impar. Scipionem alterum consulum dolo ad fœdera invitavit; deinde inter congressuum moras, et colloquiorum, pecuniâ et promissis, ejus exercitum, per milites corripit.

<sup>c</sup> *Insolens.*] Fortè de Tigrane loquitur, qui fortunâ suâ ebrius, nil nisi quod ad voluntatem fictum esset, audire potera. Cujus stultitiâ non pœnitebit vidisse apud Appianum.

<sup>d</sup> *Curubis.*] Ptolemæo urbs est Africæ propriæ.

<sup>e</sup> *Tharros.*] Ortelius eam urbem ponit in Africâ.

<sup>f</sup> *Camisos.*] Urbs Camisanæ regionis, in Parthiâ, ut eidem placet Ortelio.

<sup>g</sup> *Lucus.*] Volunt esse à *Lux* singulari.

<sup>h</sup> *Japydiam.*] Japydia, quæ et Histria dicta, in extremâ est Italiâ versùs Dalmatiam.

<sup>i</sup> *Carbo.*] Prolixè de eo Appianus.

<sup>k</sup> *Danubium.*] Observavit Acron, vel alius aliquis, ad Horatium, Danubium in genere neutro à Sallustio positum, ut Rhenum ab Horatio. Danubius verò dicitur usitatus maximus ille et notissimus Europæ fluvius, cui et nomen *Ister* datum est.

<sup>l</sup> *Pœniturum.*] Pro *pœnitentiâ acturum.*

nisi se, et milites frequentibus exercitiis præparavisset ad prælia. *Vegétius*, l. i. c. ix. *Johan Saresh*.

Cicero caninam facundiam, ut Appius inquit, exercuit. *Lactant*.

Primus Græcorum Achilles. *Serv. in 1 Æn*.

Cupientissimus legis. *Diomedes*.

Magnâ gloriâ<sup>a</sup> tribunus militum in Hispaniâ T.<sup>b</sup> Didio imperante, magno usu bello Marsico, paratu militum, et armorum fuit. Multaque tum ductu ejus curata, primò per ignobilitatē, deinde per invidiā scriptorum celebrata sunt: cominus faciem suam ostentabat, aliquot adversis cicatricibus, et effosso oculo. Quo ille dehonestamento corporis maximè lætabatur, neque illis anxius, quia reliqua gloriosius retinebat. *A. Gellus*.

<sup>c</sup> Curetes, quia principes intelligendi divina fuerunt, vetustatem uti cætera in majus componentem altores Jovis celebravisse. *Lactant et Isidorus*.

Italiam conjunctam<sup>d</sup> Siciliæ constat fuisse, sed medium spatium aut per humilitatem obrutum est aquis, aut propter angustiam scissum: inde Rhegium nominatum. *Isidorus*.

Pompeius de victis Hispanis trophæa in Pyrenæis jugis constituit. *Serv. lib. xi. Æn*.

Atque edita undique, tribus tamen cum muris, et magnis turribus. *Donat*.

Et in præliis actu promptus. *Idem*.

. Pactione amisso Publio legato. *Idem*.

Ipsam mare Ponticum dulcius, quàm cætera. *Serv. Prisc. Macrobius*.

Equis paria operimenta erant, quæ lintea ferreis laminis in modum plumæ adnexuerant. *Serv*.

Rebus supra votum fluentibus. *Idem*.

<sup>e</sup> Ænum, et <sup>f</sup> Maroneam, et viam militarem. *Idem*.

Impediebant jussa nautarum. *Idem*.

Nihil socordiâ claudibat. *Donat*.

<sup>g</sup> Ut tanta repente mutatio non sine deo videretur. *Idem*.

## NOTE.

<sup>a</sup> *Tribunus*.] De Sertorio agitur.

<sup>b</sup> *Didio*.] Legatus fuit Pompeii in Hispaniâ adversus Sertorium.

<sup>c</sup> *Curetes*.] Totam hanc opinionem, quasi poëtis fictam Sallustius respuit, voluitque ingeniosè interpretari, cur Jovis cultores dicantur Curetes fuisse. *Lactantius*.

<sup>d</sup> *Siciliæ*.] In hac sententiâ fuerunt plurimi auctores, contrâ quam facit Cluverius, qui, cum Hesiodo asseribus, versibus Pelorum promontorium, auctam fuis-

se insulam arbitratur; nedum abscissa fuerit.

<sup>e</sup> *Ænum*.] Ænus urbs Thraciæ maritima, ab Æneâ condita.

<sup>f</sup> *Maroneam*.] Non longè ab Æno, ad occasum.

<sup>g</sup> *Ut tanta*.] Videtur hoc de inexpectatâ intelligendum conversione, quæ Romæ accidit, foro omnium rerum venalium copiâ superfluente, postquam piratas annonam intercipientes Pompeius profligavit.

<sup>a</sup> In ore gentibus agens, populo, civitati. *Idem.*

Pressi undique multitudine. *Idem.*

Hunc igitur redarguit Tarquitiis. *Idem.*

Dein campi <sup>b</sup> Themyscirii, quos habuere <sup>c</sup> Amazones, à <sup>d</sup> Tanai flumine incertum quamobrem digressæ. *Serv.*

Ubi cum totâ concione ab exercitu cogit discedere, dicit se ejus operâ non usurum, eumque ab armis dimittit. *Idem.*

Et Metello procul agente <sup>e</sup> longa spes auxiliorum. *Idem.*

More equestris prælii sumptis tergis, atque redditis, et egressi ad faciliores ictus loco cedebant. *Idem.*

Castra sine vulnere introitum. *Idem.*

<sup>f</sup> Cosa. *Serv. in Æn. x.*

Equis, atque armis insignibus. *Idem.*

<sup>g</sup> Fessus in Pamphyliam se receperat. *Idem.*

Profectus quidam Ligus ad requisita naturæ. *Quint.*

Apud latera <sup>h</sup> certos collocaverat. *Serv.*

Apertæ portæ, repleta arva cultoribus. *Idem.*

<sup>i</sup> Hispaniam sibi antiquam patriam esse. *Idem.*

<sup>k</sup> Lyciæ, <sup>l</sup> Pisidiæque agros despectantem. *Idem.*

Sorte ductos fusti necat. *Idem.*

Omnis Italia coacta in angustias scinditur in duobus <sup>m</sup> promontoria, <sup>n</sup> Bruttium, et <sup>o</sup> Salentinum. *Idem.*

Italia plana ac mollis. *Idem.*

Quâ tempestate ex Ponto vis piscium erupit. *Idem, et Scholiastes Juvenalis.*

<sup>p</sup> Introrsus prima Asiæ Bithynia est, multis antea nominibus appellata. *Serv.*

## NOTÆ.

<sup>a</sup> In ore.] De Pompeio intelligit Douza.

<sup>b</sup> Themyscirri.] Sunt illi in Ponto.

<sup>c</sup> Amazones.] Fuerunt mulieres, quæ regnum, viris omnibus interfectis, obtinuerunt, rem postea habentes cum peregrinis. De his mentio fit apud plurimos: interim fuerint, nec ne, quidam affirmant, quidam negant. Crediderim multa fabulosa esse, non tamen omnia.

<sup>d</sup> Tanai.] Tanais fluvius est qui Europam ab Asiâ dividit. Hodie Don dicitur.

<sup>e</sup> Longa.] Id est, longe posita, auctore Servio.

<sup>f</sup> Cosa.] Civitas Etruriæ.

<sup>g</sup> Fessus.] Id est, egens consilii, Servio interprete: nam corpore fatigatum dicimus, animo fessum.

<sup>h</sup> Certos.] Certus aut velocem significat, aut fidelem: aliquando etiam firmum, ut ait Salustius: Apud latera certos collocat. Servius.

<sup>i</sup> Hispaniam.] Annotant grammatici provinciam pro patriâ positam, cum civitas propriè sit patria.

<sup>k</sup> Lyciæ.] Minoris Asiæ regio, ad Mediterraneum.

<sup>l</sup> Pisidiæ.] Ciliciæ regio, in minore Asiâ.

<sup>m</sup> Promontoria.] Sunt montes, qui in mare incurrunt. Gall. Cap.

<sup>n</sup> Bruttium.] Inferius est, ad meridiem, juxta Siciliam.

<sup>o</sup> Salentinum.] Superius est ad Septentrionem.

<sup>p</sup> Introrsus.] Hæc Crispi cum citet Servius, ut doceat Bithyniam dietam quæ esse Bebriciam, nullaque ejus rei in fragmento hoc extet mentio, non dubitat Sallustium ex Isidoro augere Putschius, post Phrygia, hoc modo prius Bebricia dicta, mox à Bithynio rege Bithynia.

Ipsa enim est Major Phrygia. *Serv.*

Sed Mithridates extremâ pueritiâ regnum ingressus: matre veneno interfectâ. *Idem.*

Exercitum <sup>a</sup>vertere. *Idem.*

Creta altior est, quâ parte spectat orientem. *Idem.*

Se regibus devovent, et post eos vitam refutant: adeò illis ingenuita est sanctitas regii nominis. *Idem, et Philargyrius.*

Dum inferior omni viâ grassaretur. *Joannes Grammat.*

<sup>b</sup> Narbone concilia Gallorum. *Pompeius in Artem Donati.*

Cum Brutus, &c. *Pompeius ibidem.*

Post defectionem sociorum et Ladii. *Donatus.*

<sup>c</sup> Ad Jovis mandem nostra. *Idem.*

Morbi graves ob inedia insolita vescentibus. *Idem.*

Atque ea cogentes, non coactos, scelestos magis quàm miseros distringi. *Idem.*

Graviori bello, qui prohibitori venerant socii, fringere. *Idem.*

Nam quidem Pyrrho, Hannibali, æquor et terra. *Idem.*

Nam Sullæ dominationem audebat. *Idem.*

<sup>d</sup> Neque est defensio dominationem Sullæ. *Idem.*

Neu quis miles neve pro milite. *Serv.*

Ex insolentiâ avidus malefaciendi. *Idem.*

Tergis vinciebant. *Idem.*

<sup>e</sup> Charybdis quæ forte illata <sup>f</sup> naufragia sorbens gurgitibus occultis millia sexaginta <sup>g</sup> Tauromentiana ad litora trahit. *Idem.*

Saguntini fide atque ærumnis inclyti per mortalium studium majores quàm opibus, quippe quis etiam tum semirutâ mœnia, domus intectæ, parietesque templorum ambusti, manus Punicas ostentabant. *Hieron. in Habaccuc.*

Apud <sup>h</sup> Corduennos amomum et alii leves odores gignuntur. *Philarg. in iv. Georgi. Virgil.*

Quem trans stagnum omnis usque ad flumen. *Idem.*

#### NOTE.

<sup>a</sup> *Vertere.*] Servius interpretatur *Considerare.*

<sup>b</sup> *Narbone.*] Narbo Galliæ Narbonensis urbs est maritima.

<sup>c</sup> *Ad Jovis.*] Douza corrigit, *Id Jovi mandem nostro.* Id est, *Jupiter ista viderit.*

<sup>d</sup> *Neque est.*] Alii habent *dominationum.* Colerus legit, *Neque est defessus dominationum Syllæ.*

<sup>e</sup> *Charybdis.*] Poëtis decantatissimus gurgis, inter Siciliam et Italiam, circa Messanam,

<sup>f</sup> *Naufragia.*] Hic naufragium pro ipsis rebus quassatis et fractis positum est.

<sup>g</sup> *Tauromentiana.*] <sup>1</sup> Tauromenia, vel Tauromenium, urbs Siciliæ maritima ad fretum.

<sup>h</sup> *Corduennos.*] Corduenni, gens circum mare Hyrcanum.

<sup>i</sup> *Amomum.*] Aliud alii esse comminiscantur multumque de eo rixantur Medici.

Repentè incautos agros invasit. *Idem.*

Belli sanè sciens. *Acron.*

Namque omnium ferocissimi ad hoc tempus <sup>a</sup> Achæi atque <sup>b</sup> Tauri sunt, quod, quantum conjicio, locorum egestate raptò vivere coacti. *Glossa Juvenalis.*

Atque ipse cultus rei. *Acron.*

<sup>c</sup> Triplici fluctu. *Serv. Fuldanus.*

Charybdi mare vorticosum. *Idem.*

Sed ubi tempore anni mare classibus patefactum est. *Idem.*

Sanè bonus cā tempestate contrā pericula et ambitionem. *Idem.*

Simul immanis hominum vis ex locis invasere parentes, cū et pacis modò effusas. *Idem.*

Genua patrum advolvuntur. *Idem.*

Perrexere in Hispaniam ad Sardiniam. *Idem.*

Quæ mapalia sunt circumjecta civitati, suburbana ædificia. *Idem.*

Et onere turrium incertis navibus. *Idem.*

Traditur fugam in longinqua oceani agitavisse. *Idem.*

Ad mutandum modò in melius servitium. *Serv. ad primum Æn.*

Magna vis hominum convenerat agris pulsa aut civitate ejecta. *Idem, ibidem.*

Cū murum hostium successisset pœnas dederat. *Idem ad Eclogam quintam.*

Quippe vasta Italia rapinis, fugâ, cædibus. *Idem.*

Hi sunt qui secundum pocula, et alias res aureas, diis sacrata instrumenta convivio mereantur. \* *Idem ad viii. Æneidos.*

In secundâ festinas cohortes composuerat. *Idem ad ix.*

Jam repentè visus sævire Tagus. *Idem ad x.*

Exuant armis equisque. *Idem.*

Solas festinare. *Idem.*

Lusitaniæ gravem civitatem. *Idem.*

Ex parte cohortium præcipere instructa, et stationes locatæ pro castris. *Idem.*

Bellum quibus posset conditionibus desineret. *Idem.*

In quis longissimo ævo plura, de bonis falsa, in deterius composuit. *Idem.*

Cultu corporis ornata egregio. *Idem.*

At Sertorius vacuus hieme augere copias. *Acron. in Horatium.*

Sin vis obsistat, ferro quàm fame æquius perituros. *Serv.*

Consedit in valle virgultâ nemorosâque. *Idem.*

## NOTÆ.

<sup>a</sup> Achæi.] Sunt populi circa pontum Euxinum, in Sarmatiâ Asiaticâ; nam de his hoc in loco agitur, non de illis qui Thessaliâ incoluerunt.

<sup>b</sup> Tauri.] Fuerunt isti in Sarmatiâ Europæâ.

<sup>c</sup> Triplici.] Id est, magno.

Paululūm requietis militibus. *Idem.*

Qui nullo certo exili vagabantur. *Idem.*

Nubes sœdavêre lumen. *Idem.*

Sanctus alia. *Idem.*

Geronis. *Idem.*

Quæ causa fuerat novandis rebus. *Idem.*

Radicem montis excessit. *Statii interpres.*

Ut res magis quàm verba gererentur, liberos parentesque in muris locaverant. *Idem.*

Incerta est fortitudo dum pendet. *Idem.*

In quibus plaustra sedes sunt. *Acron. ad Horatium.*

Luxo pede. *Probus.*

Maurique vanum genus, ut alia Africæ, contendebant Antipodas. ultra Æthiopiam cultu Persarum justos et egregios agere. *Prisc.*

Et Perpennam fortè cognoscit mulio redemptoris. *Acron. in Horat.*

Omnidū fluminū quæ in maria quā imperium Romanum est fluit, quam Græci τῇ σιὸς θάλασσῃ appellant, maximum esse Nilum consentitur; proxima magnitudine esse Histrum scripsit Sallustius. *A. Gell. l. x. c. 7.*

\* Ex omnibus quæ tractavimus, Æbuti Liberalis, potest videri nihil tam necessarium, aut magis, ut ait Sallustius, cum curâ dicendum, quàm quod in manibus est. *Seneca. De Benef. iv.*

Turbinum motus vagus est, disiectus, et uti Sallustii verbis utar, vorticosus; cometarum autem, compositus, et certum iter carpens. *Idem.*

Sallustius, auctor certissimus, asserit Tigrim, et Euphratem uno fonte manare in Armenia, qui per diversa euntes longiùs dividantur, spatio medio relicto multorum millium: quæ tamen terra, quæ ab ipsis ambitur, Mesopotamia dicitur. *Idem.*

Pelorum promontorium Siciliæ respiciens Aquilonem, juxta Sallustium, dictum à gubernatore Hannibalis illic sepulto, qui fuerat occisus per ignorantiam regis, cum se ejus dolo crederet esse deceptum. *Servius et Isidorus.*

<sup>b</sup> Aristæus, uti Sallustius docet, post laniatum à canibus <sup>c</sup> Actæonem filium, matris instinctu Thebas reliquit, et <sup>d</sup> Ceam insulam tenuit, primò adhuc hominibus vacuum: postea, eâ relictâ, cum Dædalo in Sardiniam transivit: post delatus est <sup>e</sup> Cumas. *Serv.*

#### NOTÆ.

<sup>a</sup> *Ex omnibus.*] Nullus non ea facile dignoscet quæ sunt Sallustii in his et sepulcris fragmentis.

<sup>b</sup> *Aristæus.*] Appollinis et Cyrenes filius, ut plurimum placet, olei et mellis inventor.

<sup>c</sup> *Actæonem.*] Hic, irâ Dinx, quam in-

scius sine veste viderat, in cervum mutatus à suis canibus laceratus est.

<sup>d</sup> *Ceam.*] Cea vel, ut alii scribunt, Ceos insula est maris Ægei, juxta Eubœam.

<sup>e</sup> *Cumas.*] Cumæ, urbs Campaniæ maritima.



Sallustius duces laudat, qui victoriam incruento exercitu deportarunt. *Idem.*

<sup>a</sup> Cares insulani populi fuerunt, piraticam exercentes, famosi, victi à <sup>b</sup> Minoë ut Sallustius, et Thucydides tradunt. *Idem.*

A Troja <sup>c</sup> Capys Campaniam, <sup>d</sup> Helenus Macedoniam, alii Sardiniam, secundum Sallustium, tenuerint. *Idem.*

<sup>e</sup> Dardania à Dardano Jovis et Electræ filio, aut secundum Sallustium, à Midâ Dardanorum rege, qui Phrygiam tenuit. *Idem.*

Sallustius <sup>f</sup> Scyllam saxum esse dicit, simile formæ <sup>g</sup> celebratæ procul visentibus. *Idem.*

In Siciliâ est <sup>h</sup> Enceladus, <sup>i</sup> Othus in Cretâ, secundum Sallustium. *Idem.*

Sallustius ait, Hispanorum morem fuisse, ut in bella euntibus juvenibus parentum facta memorentur à matribus. *Idem.*

<sup>k</sup> Orion juxta Sallustium, oritur juxta solis æstivi pulsum. *Idem.*

In <sup>l</sup> Flaminia est civitas quæ <sup>m</sup> Cale dicitur, et in Gallia hoc nomine, quam Sallustius à Perpennâ captam commemorat. *Idem.*

Getæ sunt <sup>n</sup> Myssi, quos Sallustius à Lucullo dicit esse superatos. *Idem.*

Trojanorum tempore invadendarum terrarum causa fuerat navigatio, uti Sallustius meminit. *Idem.*

Curribus falcatis usos esse antiquos, Livius et Sallustius docent. *Idem.*

## NOTÆ.

<sup>a</sup> *Cares.*] Cos insula est maris Ægæi non longè à Cariâ, quæ et ipsa hoc nomine dicta \*est, auctore Stephano. Probus in Miltiade, Cares in Lemno consedissee testatur: adeoque hi fuerunt piratæ erronee habitationem suam mutantes.

<sup>b</sup> *Minos.*] Minos rex fuit Cretæ, Jovis ex Europâ filius, apud inferos, ob insignem justitiam, iudex à poetis constitutus.

<sup>c</sup> *Capys.*] Unus fuit ex Æneæ comitibus, qui in Italiam venit.

<sup>d</sup> *Helenus.*] Priami filius. Epiri verò partem habuisse Virgilius auctor est.

<sup>e</sup> *Dardania.*] Pars est Illyriæ, supra Macedoniam. Sed hic de Trojâ agitur.

<sup>f</sup> *Scyllam.*] Scylla scopulus est in freto Siculo, non longè à Charybdi.

<sup>g</sup> *Celebratæ.*] A poetis scilicet, apud quos passim monstrum femineo vultu, cætera canum latrantium, quibusdam lupi, ac serpentis specie, descriptum invenies.

<sup>h</sup> *Enceladus.*] Unus ex gigantibus, quem Jupiter, fulmine ictum, Ætnæ moniti supposit.

<sup>i</sup> *Othus.*] Hic fuit Neptuni filius ex Iphimediâ Alcei uxore, quem, cum Ephialte ipsius Othi fratre, Alceus auxilio misit gigantibus adversus deos.

<sup>k</sup> *Orion.*] Ex trium deorum, Jovis, scilicet, Neptuni, et Mercuri urinâ, vel semine natus, et à Dianâ interfectus, ut quibusdam placet, in sidus mutatus fuit: cujus ortu tempestates maximè excitantur: si tamen verum est quodcumque vulgo hominum ore teritur.

<sup>l</sup> *Fluminia.*] Regio Italiæ ad mare superum, ubi Ravenna.

<sup>m</sup> *Cale.*] Calem Gallicam non longè ab urbe Parisiorum ponunt; haud procul à Matronâ.

<sup>n</sup> *Myssi.*] Mysia in Asiâ est: sed hic Mæsia est intelligenda, quæ olim Mysia dicta, Europæ regio est ad Danubium.

Vices significant pugnam, quia per vicissitudinem pugnabatur; ut inquit Sallustius. *Idem.*

Creta medio jacet insula ponto, id est, secundum Sallustium, procul à continenti. *Idem.*

Primò mense veris dicitur novum ver, secundo ver adultum, tertio præceps: sicut etiam Sallustius dicit ubique, nova æstas, adulta, præceps. *Idem.*

Sallustius in Historiis tradit, Sertorium victum voluisse fugere ad insulas <sup>a</sup> Fortunatas. *Acron.*

Insulas Fortunatas Sallustius inclytas esse ait Homeri carminibus. *Serv.*

Proximum dicebant veteres, non solùm adhærens, et adjunctum, verùm etiam longè remotum, si tamen inter duo discreta <sup>b</sup> nihil medium exstisset. *Virgil. Æn. l. v.*

*Proximus huic, longo sed proximus intervallo.*

*Insequitur Salius.....*

Ita et Sallustius in situ Ponti, de promontoriis <sup>c</sup> Paphlagonum, et quod <sup>e</sup> *Σεῖς μεταπον* appellavit, posuit. *Nonius.*

*Interrogasti, si tenes, Mæotici.*

*Situs quis esset æquoris. Sallustium.*

*Noram dedisse, dicta et ejus omnibus*

*Præjudicatæ auctoritatis ducier,*

*Non abnuebam. Festus Avienus.*

*Portus ab Eoo fluctu curvatus in arcum.*

In arcus similitudinem. Sic de Ponto Sallustius, unde hic tulit colorem, nam speciem efficit Scythici arcus. *Serv. ad iii. Ænedios.*

*....Fretra lata relucent.*

Lata autem ideò, quia se augustiæ Pontici oris illic dilatant, uti dicit Sallustius. *Serv.*

Teia autem dicta est à Teio Anacreontis Poætæ Lyrici oppido, quod in Paphlagoniâ esse Sallustius indicat, cùm de situ Pontico loquitur. *Comment. in Horat.*

Porrò Sallustius auctor certissimus asserit, tam Tigris, quàm Euphratis in Armeniâ fontes demonstrari. *Hieron de locis Heb.*

Cùm multi evaserint Trojanum <sup>c</sup> periculum, uti Capys, qui Cam-

## NOTÆ.

<sup>a</sup> *Fortunatus.*] Sunt illæ in mari Atlantico. Hodie. *Les Canaries.*

<sup>b</sup> *Nihil medium.*] *Ejusdem naturæ,* scilicet.

<sup>c</sup> *Paphlagonum.*] Paphlagonia Asiæ minoris regio ad pontum Euxinum.

<sup>d</sup> *Κεῖς.*] *Arictis hanc rupem simulantem vertice frontem.*

*Pro merito Graii xus dixere μεταπον* Priscian.

<sup>e</sup> *Periculum.*] Quando Troja à Græcis eversa est.

Campaniam tenuit; ut Helenus, qui<sup>a</sup> ut alii, Sardiniam, secundum Sallustium. *Serv.*

Sallustianus Calpurnius. *Hieronymus adversus Ref.*

Calpurniani discipuli. *Idem, ibidem.*

<sup>b</sup> Tamen vulgata jam res est gentilium proprietatum. Comici Phyrgas timidos illudunt. Sallustius vanos Mauros, et feroces Dal-matas<sup>c</sup> pulsat. *Tertull. de animâ.*

Sarcasmus Chleuasmo proxima est, et similis figurâ, quâ adversa-riorum facta, cum exacerbatione admissi eorum, lacesimus. Ut apud Sallustium de Sullæ crudelitate. Ut in M. Mario cum fracta prius crura per artus expiraret. *Ful. Rufinianus de schematis lexeos.*

Mesopotameni homines effrenatâ libidinis sunt, ut Sallustius me-minit in utroque sexu. *Glossæ in Juvenalem.*

<sup>d</sup> Antonius ille trium Antoniorum corruptor, ille Sallustius, qui oræ maritimæ quâ Romanum esset imperium, contrarius piratis. Si omnes socios et maximè Græcos Asiaticos ac Siculos fortunis omni-bus spoliaverunt. *Eadem Glossæ.*

Σαλλυστίου δὲ θαυμάζω, τότε πρῶτον, ὡφθαί Ῥωμαίοις καμελὰς, λεγόντος, εἰ μὴτε πρότερον τῆς μετὰ Σκιπίωνος νικησαντὰς Ἀντιόχον αὐτο, μὴτε τῆς ἐναγχοῦς φρο-ῶρχομένης καὶ περὶ Χαιρωνείαν Ἀρχέλαον μεμαχημένους εὐγνώσκοναι καμελῶν. *Id est:* Sallustium demiror, qui autumat, tum primum visos Romanis Came-los, quod neque olim illos qui duce Scipione Antiochum devicerunt, neque hos qui ad<sup>e</sup> Orchomenum et Chæroneam certaverunt cum Archelao, nôsse putaverit Camelum. *Plutarchus in Lucul.*

Σαλλυστίου μὲν ἐν φησὶ, χαλεπὸς διατεῖναι τὰς στρατιώτας πρὸς αὐτόν, εὐθύς ἐν ἀρχῇ τῆς πολέμου πρὸς Κυζικίαν καὶ πάλιν πρὸς Ἀμισὸν δύο χειμῶνας ἐξῆς ἐν χαράκι διαγαγεῖν ἀνίστασθοντας. *Id est:* At Sallustius quidem fuisse milites jam indè à principio malè, ait, in eum (Lucillum) animatos, quod ad Cyzicum, et iterum ad Amisum duas hiemes eos in castris conti-nuisset. *Idem.*

## NOTÆ.

<sup>a</sup> *Ut alii.*] Quod hîc deesse clarum est ex loco superiori, qui de hâc ipsâ re agit, facîle cognosces.

<sup>b</sup> *Tamen.*] *Id est,* omnes sciunt quomodo invicem sibi quædam innata vitia populi exprobrent.

<sup>c</sup> *Pulsat.*] *Arguit, notat.*

<sup>d</sup> *Antonius.*] Pessimè depravatam est istud fragmentum.

<sup>e</sup> *Orchomenum.*] Orchomenus et Chæronea duæ sunt Bœotia urbes ad amnem Cephisum; quanquam priorem Sophianus magis ad meridiem collocat.

## LECTORI.

*HACTENUS fragmenta florentissimi rerum Romanorum scriptoris, quæ extare putamus. Cætera quæ sequuntur, in M. S. Servio legi auctor est V. Cl. Andreas Schottus: in optimâ tamen illâ Honorati editione à Petro Daniele I. C. procuratâ non comparent.*

\* in or Trequii præter seraciem necessariam haud multo secus quàm ferro noceri poterat. At Varinius, dum hæc aguntur à fugitivis ægrâ parte militum autumnî gravitate, neque ex postremâ fugâ: cum severo edicto juberentur, ullis ad signa redeuntibus, et qui reliqui erant per summa flagitia detrectantibus militiam, Quæstorem suum C. Thoranium ex quo præsentem vera facillimè noscerent. \*\*\* commiserant, et tamen interim quum volentibus numero quatuor.

\* ingre, tantæ fetui debacchantur, nefandum in modum perverso vulnere et interdum lacerum corpus semianimum omittentes, alii in tecta jaciebant ignes, multique ex loco servi quos ingenium socios dabat, abdita à dominis aut ipsos trahebant ex occulto; neque sanctum aut nefandum quicquam fuit iræ barbarorum, et servili ingenio: quæ <sup>a</sup> Spartacus nequiens prohibere multis precibus cum oraret, celeritate \*\*\* nuntios.

Aliquot dies contrâ morem fiducia augeri nostris cæpit, et promi lingua. Qua Varinius contrâ spectatam rem incautè motus novos incognitosque et aliorum casibus perculosos milites, ducit tamen ad castra fugitivorum. Presso gradu sistentes jam, neque tam magnificè sumentes prælium quàm postulaverant. Atque illi certamini conscii inter se juxta seditionem erant. Crixo et gentis ejusdem Gallis atque Germanis obviam ire, ut ultrò offerre pugnam cupientibus contrâ Spartacum.

## NOTÆ.

a *Spartacus.*] Hic est qui unâ cum Crixo et Oenomao, effracto Lentulo ludo, cum triginta aut amplius ejusdem fortunæ viris Capuâ erupit: servisque ad vexillum et ad auxilium vocatis, Romanis gravè, indemque probrosum bellum intulit.

# ORATIONES DUÆ

AD C. CÆSAREM,

SALLUSTIO ADSCRIPTÆ,

DE REPUBLICA ORDINANDA.

## ORATIO I.

<sup>b</sup>POPULUS R. antea <sup>1</sup>obtenebat, regna atque imperia, fortunam dono dare; item alia, quæ per mortales avide cupiuntur: quia et apud indignos sæpè erant, quasi per lubricum data; neque cuiquam incorrupta permanserant. Sed res docuit <sup>c</sup>id verum esse, quod in carminibus <sup>d</sup>Appius ait, fabrum esse suæ quemque fortunæ; atque in te maximè, qui tantum alios. <sup>e</sup>prætergressus es, uti prius defessi sint homines laudando facta tua, quam tu laude digna faciendo. Cæterum uti fabricata, sic virtute parta, quam magnâ industriâ haberi decet, ne incuriâ deformatur, aut corruant infirmata. Nemo enim alteri imperium volens concedit; et <sup>2</sup>quamvis bonus atque clemens sit, qui plus potest; tamen, quia,

## INTERPRETATIO.

<sup>1</sup> Antea vulgò credebantur fortunam dare dono regna atque imperia. <sup>2</sup> Et quamvis qui potentior est, sit bonus atque clemens, tamen reformidatur, quia licet illi esse malo.

## NOTÆ.

<sup>a</sup> ORATIONES.] Multis probat Douza esse epistolas: quod etiam postea ex ipso Sallustio cognoscitur. Nam ejus esse easidem, ut et ipse arbitror, contendit.

<sup>b</sup> Populus Romanus.] Ab imperitis, quibus vox obtinebat prospecta non esset, additas esse has duas voces Pop. Romanus, Cassaubonus contendit; qui illustrissimam sententiam eâ additione tenebris involu-

tam dicit. Tanto viro non possum non suffragari.

<sup>c</sup> Id.] Refertur ad sequentem sententiam.

<sup>d</sup> Appius ait.] Hic est, ut videtur, quem Cicero sapientem vocat poetam.

<sup>e</sup> Prætergressus.] Omnes libri habent prægressus. Carrio.

malo esse licet, formidatur. <sup>a</sup> Id evenit, quia plerique rerum potentes perversè consulunt: et eò se munitiones putant, quò illi, quibus imperitant, <sup>b</sup> nequiores fuere. At contrà id eniti decet: cum ipse bonus, atque strenuus sis, uti quàm optimis imperites. Nam pessimus quisque asperrimè rectorem patitur. Sed tibi hoc gravius est, quàm ante te omnibus, armis partà componere. Bellum aliorum pace <sup>c</sup> mollius gessisti: ad hoc victores prædam petunt, victi cives sunt. Inter has difficultates <sup>d</sup> evadendum est tibi; atque in posterum firmanda resp. non armis modò, neque adversum hostes, sed, quòd multo majus, multòque asperius est, bonis pacis <sup>e</sup> artibus. Ergo omnes magnà <sup>f</sup> mediocrique sapientià res huc vocat: quæ quisque optima potest, uti dicant. Ac mihi sic videtur; qualicumque modo tu victoriam composueris, ita alia omnia futura. Sed jam, quò meliùs faciliùsque constituas, paucis, quæ me animus monet, accipe. Bellum tibi fuit, Imperator, cum <sup>g</sup> homine claro, magnis opibus, avido potentis, majore fortunà, quàm sapientià: quem secuti sunt pauci, per suam injuriam tibi inimici; item quos affinitas aut alia necessitudo, traxit. Nam particeps dominationis neque fuit quisquam; neque <sup>h</sup> si pati potuisset, orbis terrarum bello concussus foret. Cætera multitudo vulgi, more magis quàm judicio, post alius alium, quasi prudentiorem, secuti. Per idem tempus <sup>i</sup> maledictis iniquorum occupandæ reip. in spem adducti homines, quibus omnia probro, ac luxurià polluta erant, concurre in castra tua; et aperte <sup>k</sup> quietis mortem, rapinas, postremò, omnia, quæ corruptus animus jubebat, minitari. Ex quib. magna pars, ubi neque <sup>l</sup> creditum condonare, neque

## INTERPRETATIO.

<sup>1</sup> *Ex quibus magna pars, ubi vident te neque pecuniam creditam condonare, aut novas tabulas proponere.*

## NOTÆ.

<sup>a</sup> *Id.]* Quòd scilicet, quì plus potest formidatur.

<sup>b</sup> *Nequiores.]* Id est, homines nihili, quia nulla sunt virtute; quì nihil nec possunt, nec audent.

<sup>c</sup> *Mollius.]* Cæsari assentatur.

<sup>d</sup> *Evadendum.]* Id est, Reipublicæ iudicium, ut et tibi consulat, providendum.

<sup>e</sup> *Artibus.]* Legum optimarum, quas tu sanxeris observatione, et vindicatione.

<sup>f</sup> *Mediocrique.]* Sibi ipsi viam sternit, ne impudentur fecisse videatur, qui principi consulere satagat. Atque optimo fundamento nititur: non enim minimam præstant aliquando reipublicæ operam qui traditores sunt, et minùs perspicua-

ces; quippe qui graviore passu progredientes ea advertunt quæ fervidiores præterierant.

<sup>g</sup> *Homine claro.]* Pompeio scilicet.

<sup>h</sup> *Si pati.]* Testatur Florus, neque parem Pompeium; neque superiorem Cæsarem ferre potuisse.

<sup>i</sup> *Maledictis.]* Hoc dicit, multos eò ad Cæsaris partes adductos fuisse, quòd malevolis quibusdam, qui eum rempublicam occupaturum prædicabant, finem haberent; et per ejus gratiam se potentes evasuros sperarent.

<sup>k</sup> *Quietis.]* His quì nullis partibus erunt addicti.

te civibus, sicuti hostibus, uti vident, defluxère: pauci resistère, quibus majus otium in castris, quàm Romæ, futurum erat: <sup>a</sup> tanta vis creditorum impendebat. Sed ob easdem causas, immane dictu est, quanti et quàm multi mortales postea ad Pompeium discesserint; eoque, per omne tempus belli, quasi sacrò, atque <sup>b</sup> inspoliato, fano debitores usi. Igitur, quoniam tibi victori de bello atque pace agendum est; hoc uti <sup>c</sup> civiliter deponas, illa ut quam justissima, et diuturna sit; de te ipso primùm, <sup>d</sup> quia compositurus es, quod optimum factu est, existima. Equidem ego cuncta imperia crudelia, magis acerba, quàm diuturna, arbitror; neque quemquam à multis metuchdum esse, quin ad eum ex multis formido recidat: <sup>e</sup> eam vitam bellum æternum atque anceps gerere: <sup>f</sup> quoniam neque adversus, neque ab tergo, aut lateribus tutus sis; semper in periculo, aut metu agites. Contrà qui benignitate, et clementiâ imperium temperavère, his læta et candida omnia visa; etiam hostes æquiores, quam <sup>g</sup> aliis cives. An <sup>h</sup> qui me his dictis corruptorem victoriæ tuæ, nimisque in victos bona voluntate prædicent? <sup>i</sup> Scilicet quòd ea, quæ externis nationibus, naturâ hostibus, nosque majoresque nostri sæpè tribuère, ea civibus danda arbitror; neque barbarico ritu cæde cædem, sanguine sanguinem, expianda. <sup>j</sup> An illa, quæ paulò antè hoc bellum in Cn. Pompeium victoriamque Syllanam increpabantur, oblivio abstulit? <sup>k</sup> Domitium, Carbonem, Brutum, alios item-

## INTERPRETATIO.

<sup>1</sup> An aliqui prædicent me corruptorem esse victoriæ tuæ his dictis?

<sup>2</sup> An oblivio abstulit, Domitium, Carbonem, &c.

## NOTÆ.

<sup>a</sup> *Tanta vis.*] Id est, quia generatorum impotentium experti essent.

<sup>b</sup> *Insoliat.*] Id est, ex quo abstulisse quicquam nefas fuerit. Vult plurimos ad Pompeium tanquam ad asylum concurrisse.

<sup>c</sup> *Civiliter deponas.*] Duabus hisce vocibus, quæ proponit propemodum conficit vir summè politicus. Curandum est enim ut bello tu, non alius, finem imponas, idque revera et bonâ fide præstes: curandum ut id civiliter, hoc est, quam maximè popularibus et civibus tuis pariendo. Atque ex ejusmodi exemplis discere debent balatrones quomodo loquendum, imò et legendum, sit.

<sup>d</sup> *Quia.*] Alii, Qui ed.

<sup>e</sup> *Eam.*] Arbitratur Sallustius, ejus vitam, qui se aliis metuendum præbet, bellum

æternum esse. Optimè, ut sunt ejus, propemodum, omnia.

<sup>f</sup> *Quoniam.*] Intelligit cum eo quo loquitur, nihil sperare posse in futurum, omnia timere ex præterito, et in præsentī turbatum esse.

<sup>g</sup> *Aliis.*] Illis nempe, qui per sævitiam imperium obtinent.

<sup>h</sup> *Scilicet.*] Ironicè sibi ex parte adversariorem illud affingit, quòd ipsos maximè refellit.

<sup>i</sup> *Domitium.*] Hos tres Pompeius, primum quidem in Africâ, alterum in Sicilia, tertium circa Lilybæum mori coëgit. Cæterum tantorum virorum ludibrio fata habita auctor Cæsaris ob oculos ponit, ut ipsum ad misericordiam, in quam pronus erat, magis inclinet; generosissimumque imperatorem, quâ facile capiebatur, uti par est, tentet.

<sup>a</sup> non armatos, neque in prælio belli jure, sed postea supplices, per summum scelus interfectos : plebem Romanam in <sup>b</sup> villâ publicâ, peccoris modo, conscissam. Heu quàm illa occulta civium funera, et repentinæ cædes in parentum, aut liberorum sinum, fuga mulierum, et puerorum, vastatio domorum. Ante partam à te victoriam omnia sæva, atque crudelia erant. Ad quæ te illi idem hortantur : <sup>c</sup> et scilicet id certatum esse <sup>1</sup> utrius vestrum erbitrio, injuriæ uti fierent ; <sup>2</sup> neque receptam, sed captam, à te remp. et eâ causâ exercitus, stipendiis confectis, optimos et veterrimos omnium, adversum fratres, parentesque, alii liberos, armis contendere ; ut ex alienis malis deterrimi mortales ventri, atque profundæ libidini sumptus quærent ; atque essent opprobria victoriæ, quorum flagitiis commacularetur bonorum laus. Neque enim te præterire puto, quali quisque eorum more, aut modestiâ, etiam tum dubia victoriâ, sese gesserit : quoque modo in belli administratione scorta, aut <sup>d</sup> convivia exercuerint nonnulli ; quorum ætas ne, per otium quidem, tales voluptates sine dedecore attigerit. De bello satis dictum. De pace firmandâ quoniam tuque, et omnes tui agitis : primum id, quæso, considera, quale id sit, de quo consultas : ita, bonis, malisque <sup>e</sup> dimotis, patenti viâ ad verum perges. Ego sic existimo ; quoniam orta omnia <sup>f</sup> intereunt, quâ tempestate urbi Romanæ fatum excidii adventarit, cives cum civibus manus conserturos : ita defessos, et exsanguis regi, aut nationi, prædæ futuros. Aliter non orbis terrarum, neque cunctæ gentes conglobatæ, movere, aut contundere queunt hoc imperium. Firmanda igitur sunt concordiæ bona, et discordiæ mala expellenda. Id ita eveniet, si sumptuum, et rapinarum licentiam dēmpseris ; non ad vetera <sup>g</sup> instituta revocans, quæ, jam pridem corruptis moribus,

## INTERPRETATIO.

<sup>1</sup> Et scilicet illi volunt certatum esse, ut sciretur utrius vestrum arbitrio injuriæ fierent.

<sup>2</sup> Veque volunt receptam et liberatam, sed captam esse à te rem-

publicam ; et eâ causâ exercitus optimos, et veterrimos, omnium stipendiis confectis, contendere armis adversum fratres et parentes, alii adversum liberos.

## NOTÆ.

<sup>a</sup> Non armatos.] Animadversum in eos qui se sponte dederant, inquit Florus.

<sup>b</sup> Villâ.] Ea fuit in Campo Martio, ubi quatuor, et secundum aliquos, octo et novem millia deditorum inermium civium Sylla interfici jussit.

<sup>c</sup> Et scilicet.] Adversariis rationes adscribit ridiculas, ut eorum institutum ridiculum videatur.

<sup>d</sup> Convivia.] De hoc omni castrorum

Pomp. dedecore Plutarchus, et ipse Cæsar loquitur.

<sup>e</sup> Dimotis.] Id est, seorsum positis, et accuratè pensculatis. Ita verò, quicumque decipi metuit, facto opus est.

<sup>f</sup> Intereunt.] Quàm appositè et ad ingenium Cæsaris accommodatè isthuc injecit.

<sup>g</sup> Instituta.] De sumptuariis legibus loquitur, quas adversus grassantem corruptionem satis firmas non credit.



ludibrio sunt; sed si suam cuique rem familiarem, finem sumptuum <sup>a</sup> statueris; quoniam is incessit mos, homines <sup>b</sup> adolescentuli, sua atque aliena consumere, nihil lubidini, atque aliis rogantibus denegare, pulcherrimum putent; <sup>c</sup> eam virtutem et magnitudinem animi, pudorem atque modestiam pro socioriâ æstiment. <sup>d</sup> Ergo animus ferpx, pravâ viâ ingressus, ubi consueta non suppetunt, fertur accensus in socios modò, modò in cives: movet composita, et res novas <sup>e</sup> veteribus acquirit. Quare <sup>f</sup> tollendus fenerator in posterum, uti suas quisque res curemes. Ea vera, atque simplex via est, magistratuum populo, non creditorum, gerere; et magnitudinem animi in addendo, <sup>g</sup> non demendo reip. ostendere. Atque ego scio, quam aspera hæc res in principio futura sit; præsertim iis, qui se in victoriâ licentiùs liberiùsque, quàm artiùs, futuros credebant; quorum si saluti, potiùs quàm lubidini consules; illosque, nosque, et socios, in pace firmâ constitues. Si <sup>h</sup> eadem studia, artesque juventuti erunt; næ ista egregia tua fama, simul cum urbe Româ brevi concidet. Postremò sapientes pacis causâ bellum gerunt, <sup>i</sup> laborem spe otii sustentant. Nisi illam firmam efficis, vinci, an vicisse, quid retulit? Quare capesse per deos remp. et omnia <sup>k</sup> aspera, uti soles, pervade. <sup>l</sup> Namque aut tu mederi potes, aut omittenda est cura omnibus. Neque <sup>m</sup> quisquam te ad crudeles pœnas, aut acerba iudicas, in-

## INTERPRETATIO.

<sup>1</sup> *Ob has causas animus ferox ingressus pravâ viâ, ubi consueta non suppetunt fertur accensus, modò in socios, &c.*

## NOTÆ.

<sup>a</sup> *Statueris.*] Discordiæ vires maximas subtraxerit, qui hoc auctoris monitu uti dixerit: ut enim optime Florus, *Magnificus apparatus conviviorum, et sumptuosa largitio, nonne ab opulentiâ paritura mox egestatem?* Hæc Catilinam patriæ suæ impexit.

<sup>b</sup> *Adolescentuli.*] Utinam aliquando apud viros principes ea rerum humanarum cura exoriatur, ut post futuris consulant, dum venientium institutioni propiciunt.

<sup>c</sup> *Eam.*] Id est, in eo positam.

<sup>d</sup> *Veteribus.*] Hoc est, *Aliena consumendo, nihil lubidini denegando.* Cæterum vide mihi, quæso, quomodo sententiam suam expresserit. Petita res ex ipsis naturæ visceribus, ubi omnia iisdem conservantur principis quibus generata sunt. Verùm jocus est ex rerum veterum et novarum oppositione; quæ eò minùs bene composita videntur; quod ex veteribus nova non soleant emergere.

<sup>e</sup> *Tollendus.*] Istud certè maximè est disquisitionis: multa enim incommoda ex fenore tangit Sallustius, in eo abusus plurimus, attamen, quomodo in totum tolli possit, non video.

<sup>f</sup> *Non demendo.*] Magis istud rhetoricè, quàm pollicicè dictum; nisi Sallustius nimis feneratorum licentiæ obviàm ire conatus est. Quamvis enim aliquid videaris debitori per fœnus detrahare, per idem illi sæpè multum addideris.

<sup>g</sup> *Eadem.*] De quibus suprâ, *Sua* scilicet, et *aliena* consumere, &c.

<sup>h</sup> *Laborem.*] Militarem præsertim intellege.

<sup>i</sup> *Aspera.*] Quæ videlicet in ordinandâ republicâ occurrunt.

<sup>k</sup> *Namque.*] Cæsari assentatur.

<sup>l</sup> *Quisquam.*] Bonus scilicet. Verùm ideo non addidit quia rem ipsam terminis usque adeo invidiosis proposuit, ut qui maximè cupiant, eam non ausint defendere.

vocat : quibus civitas vastatur magis, quàm corrigitur ; sed uti pravas artes, malasque lubidines, ab juventute prohibeas. Ea verò clementia erit, consuluisse, ne meritò cives patriæ <sup>a</sup> expellerentur ; retinuisse ab stultitiâ, et falsis voluptatibus ; pacem concordiamque stabilivisse : <sup>b</sup> non, si, flagitiis obsecutus, delicta perpessus præsens gaudium cum mox futuro malo concesseris. Ac <sup>c</sup> mihi animus, quibus rebus alii timent, maximè <sup>e</sup> fretus est negotii magnitudinē ; et quia tibi <sup>d</sup> terræ, et maria simul omnia componenda sunt ; (quippe res parvas <sup>e</sup> tantum ingenium attingere nequit) magnæ curæ magna merces est. <sup>f</sup> Igitur provideas oportet, uti plebes, largitionibus, et publico frumento <sup>g</sup> corrupta, habeat negotia sua, quibus <sup>h</sup> ab malo publico detineatur ; <sup>i</sup> juvenus probitati, et industriæ, non sumptibus, neque divitiis, studeat. Id ita eveniet, si pecuniæ, quæ maxima omnium pernicies est, <sup>k</sup> usum, atque <sup>l</sup> decus dēmpseris. Nam sæpè ego cum animo meo reputans, quibus quisque rebus <sup>m</sup> clarissimi viri magnitudinem invenissent : quæ res populos, nationesve magnis <sup>n</sup> auctoribus auxissent ; ac deinde quibus causis amplissima regna et imperia corruissent : eadem semper bona, atque mala reperiebam ; omnesque victores divitias contempsisse, et <sup>o</sup> victos cupivisse. Neque aliter quisquam extollere sese, et divina mortalis attingere potest ; nisi

## INTERPRETATIO.

<sup>1</sup> *Ac animus meus maximè nititur iis rebus quas alii timent, negotii, scilicet, magnitudine.*

## NOTÆ.

<sup>a</sup> *Expellerentur.*] Ciacconius mallet *expellantur*.

<sup>b</sup> *Non.*] Supple *Clementia fuerit*.

<sup>c</sup> *Fretus.*] Benè de Cæsare se idèò sperare innuit, quòd ille res soleat exequi difficillimas, viris enim cordatis difficultas animum auget.

<sup>d</sup> *Terræ.*] Potius est ut Sallustium, *Terrâ et mari*, scripsisse credamus. *Douza*.

<sup>e</sup> *Tantum.*] Cæsari iterum assentatur. Cæterum maxima laus est, minima etiam cum maximis procurare.

<sup>f</sup> *Igitur.*] Non poterunt ad suum usum satis hanc periodum excutere politici.

<sup>g</sup> *Corrupta.*] Supple *ut quidem nunc est* : neque verò intendit Sallustius, ut populus in eo permaneat.

<sup>h</sup> *Ab malo.*] Homines verò pravo otio perdit lucis sunt et pestis reipublicæ.

<sup>i</sup> *Juventus.*] Optimè auctor, qui rerum caput attingit. Atque equidem haud istud dico per impudentiam, quasi in viro summè politico aliquid ausim alibi

reprehendere ; verum quia quantum in juventutem peccetur, pœnitet.

<sup>k</sup> *Usum.*] Non in totum sed illum quem antè habuit.

<sup>l</sup> *Decus.*] Cùm, non homines, modò, sed omne quod est, esse porrò, et benè esse per naturam quærat ; primum est ut id illi ante omne suum faciant, per quod reliqua comparantur. Ex quo perspicuum est, quam pessimè et, flagitiosè reipublicæ consulant ; qui virtutem, honorem, omnia denique argento jubjiciunt.

<sup>m</sup> *Clarissimi.*] In omnibus libris *clari* legi, auctor est Carrio.

<sup>n</sup> *Auctoribus.*] In quibusdam scriptum est *auctionibus*, pro quo Ciacconius reponit *auctibus*, phrasi Livio et Tacito usitatâ.

<sup>o</sup> *Victos.*] Scilicet in iis progressus facimus, quibus incumbibus ; neque fieri potest ut, qui maximo cum labore accumulandis divitiis studuit, sine eo virtutem nactus fuerit.

omissis pecuniæ et corporis gaudiis, animo indulgens, non assentando, neque concupita præbendo, <sup>a</sup> perversam gratiam gratificans; sed in labore, patientiâ, bonisque præceptis, et factis fortibus exercitando: Nam domum, aut villam extruere, eamque signis, auleis, aliisque operibus exornare, et omnia potius, quam semet visendum efficere; <sup>b</sup> id est, non divitias decori habere, sed ipsum illis flagitio esse. Porro ii, quibus bis die ventrem onerare, nullam noctem sine scorto quiescere, mos est; ubi animum, quem dominari decebat, servitio oppressere: nequicquam eo postea hebeti, atque claudo, pro exercitio uti volunt. Nam imprudentiâ pleraque, et se præcipitant. Verum hæc, et omnia mala pariter cum honore, pecuniæ desinent; si neque magistratibus, neque alia vulgo cupienda, venalia erunt. Ad hoc providendum est, quonam modo Italia, atque provinciæ tutiores sint: id quod factu haud obscurum est. Nam iidem omnia vastant; suas deserendo domos, et per injuriam alienas occupando. Item ne, ut adhuc, militia injusta, aut inæqualis sit: cum alii triginta, pars nullum stipendium faciet: et frumentum id, quod antea præmium ignaviæ fuit, per municipia, et colonias illis dare conveniet: cum, stipendiis <sup>c</sup> emeritis, domos everterint. Quæ reipublicæ necessaria, tibi que gloriosa ratus sum, quam paucissimis absolvi. Non pejus videtur pauca nunc de facto meo disserere. Plerique mortales ad judicandum satis ingenii habent, aut simulant; verum tamem ad <sup>d</sup> reprehenda aliena facta, aut dicta, ardet omnibus animus: vix satis apertum os, aut lingua prompta videtur, quæ meditata pectore evolvat: quibus me subjectum haud pœnitet, magis <sup>e</sup> reticuisse pigeat. Nam sive hæc, seu meliore aliâ viâ perges; à me, quidem, pro virili parte dictum, et adjutum fuerit. Reliquum est optare, uti, quæ tibi placuerint, ea dii immortales approbent, benè que evenire sinant.

## NOTÆ.

<sup>a</sup> *Perversam.*] Id est, Quæ plus doloris et mali afferat quàm voluptatis.

<sup>b</sup> *Id est.*] Utinam istud aliquando illi animo reputarent, qui se, per divitiarum abusum, non modò illustres fieri arbitrantur; sed, spretis insuper quibus gloriari velle videntur titulus, et Christi nomine, ejus membra sanguinemque, pro libitu, pedibus proculcant.

<sup>c</sup> *Emeritis.*] Id est, postquam legibus destinatum tempus militiæ dedissent.

<sup>d</sup> *Reprehendenda.*] Illos carpit qui suum studium et scripturam reprehendebant.

<sup>e</sup> *Reticuisse.*] Id est, de iis non monuisse Cæsaremque optima esse credebat.

## DE REPUBLICA ORDINANDA.

## ORATIO • II.

SCIO ego, quàm difficile, atque asperum factu sit, consilium dare regi, aut imperatori; postremò cuiquam mortali, cujus opes in excelso sunt: quippe cùm et illis consultorum <sup>b</sup> copiae adsint; neque de futuro quisquam satis callidus, satisque prudens sit. Quin etiam sæpè prava magis, quàm bona consilia prosperè eveniunt; <sup>c</sup> quia plerasque res fortuna ex lubricine suâ agitat. Sed mihi studium fuit adolescentulo rempublicam capessere, atque in eâ cognoscenda multam, magnamque curam habui: non ita, uti magistratum modò caperem, quem multi malis artibus adepti erant; <sup>d</sup> sed etiam uti rempublicam domi, militiæque, quantumque armis, viris, opulentiâ posset, cognitum haberem. Itaque mihi, multa cum animo agitati, consilium fuit, famam <sup>e</sup> modestiamque meam post tuam dignitatem habere; et cujus rei lubet periculum facere, dum quid tibi ex eo gloriæ acciderit. Idque non temerè, aut ex fortunâ tuâ, decrevi; sed quia in te, præter cæteros, artem tuam egregiè mirabilem comperi; semper tibi majorem in adversis, quàm in secundis, rebus animum esse. Sed <sup>f</sup> per cæteros mortales illa res clarior est, quòd et priùs defessi sint homines laudando atque admirando munificentiam tuam, quàm tu faciendo quæ gloriâ digna essent. Equidem mihi decretum est, nihil tam ex alto reperiri posse, quod non cogitanti tibi in promptu sit. Neque ego, quæ visa

## INTERPRETATIO.

<sup>a</sup> Sed etiam uti haberem rempublicam cognitam, et cognitum haberem quantum respublica posset domi et militiæ, armis, viris, opulentiâ.

## NOTE.

<sup>a</sup> II.] Nemini, qui utramque orationem, seu epistolam legeret, dubium esse potest, quin hæc prior sit.

<sup>b</sup> Copiæ.] Maximam facit consulendi difficultatem consultorum numerus, dum ignarissimi loquacitate, aut pravo studio, bonorum consulto depravatum eunt.

<sup>c</sup> Quia.] Hinc fit ut imperiti perversa sua consilia veris anteponan, bonosque agitent.

<sup>d</sup> Modestiamque.] Iniqua plerumque hominum judicia et perversam voluntatem experiuntur qui aliis consulere satagunt: adeoque viam sibi munit Salustius, ne per imprudentiam aut impudentiam Cæsari consilium dedisse videatur.

<sup>e</sup> Per cæteros mortales.] Alii habent per deos immortales.

sunt, de rep. tibi scripsi, quia mihi consilium, atque ingenium meum <sup>a</sup> amplius æquo probaretur; sed inter labores militiæ, interque prælia, victorias, imperium, statui admonendum te de negotiis urbanis. Namque tibi <sup>b</sup> si id modò in pectore consilii est, uti te ab inimicorum impetu vindices, quoque modo contrà <sup>c</sup> adversum consulem beneficia populi retineas; indigna virtute tuâ cogites. Sin in te ille animus est, qui jam à principio nobilitatis factionem disturbavit; plebem Rom. ex gravi servitute in libertatem restituit; in præturâ inimicorum arma inermis disjecit; domi militiæque tanta, et tam præclara facinora fecit, uti ne inimici quidem queri quidquam audeant, nisi de magnitudine tuâ: quin accipe tu ea, quæ dicam <sup>d</sup> de summâ repub. quæ profectò aut tu vera invenies, aut certè haud procul à vero. Sed quoniam Cn. Pompeius aut animi pravitate, aut quia nihil eo maluit quàm quod sibi obesset, ita lapsus est, ut hostibus tela in manus jaceret: quibus ille rebus remp. conturbavit, eisdem tibi <sup>e</sup> restituenda est. Primùm omnium <sup>f</sup> summam potestatem moderandi, de vectigalibus, sumptibus, iudiciis, senatoribus paucis tradidit; plebem Romanam, cujus antea summâ potestas erat, <sup>g</sup> nosque his quidem legibus, in servitute reliquit. Iudicia, tametsi, <sup>h</sup> sicut antea, tribus ordinibus tradita sunt: tamen iisdem illi factiosi regunt, dant, adimunt, quæ lubet: innocentes circumveniunt: suos ad honorem extollunt. Non facinus, non probum, aut flagitium obstat, quò miniùs magistratus capiant: quod commodum est trahunt, rapiunt; postremò, tanquam <sup>i</sup> urbe captâ, lubricine, ac licentiâ suâ, pro legibus utuntur. Ac me quidem mediocris dolor angeret, si virtute partam victoriam more suo <sup>k</sup> per servitium exercerent. Sed homines inertissimi, quorum omnis vis, virtusque in linguâ sita est; fortè, atque <sup>l</sup> alterius socordiâ dominationem oblatam insolentes agi-

## NOTÆ.

<sup>a</sup> *Amplius æquo.*] Qui alteri consilium dat, superior esse videtur; illud excusat Sallustius.

<sup>b</sup> *Si id.*] Tacitè innuat injurias vindicandas, et supremam potestatem invadendam.

<sup>c</sup> *Adversum consulem.*] Marcellum intellico, cum Æmilium, alterum consulem pecuniâ Cæsar suum fecisset; his enim, non, ut quidem existimavit, Marcello, et Lentulo consulibus, scriptam fuisse hanc epistolam crediderim.

<sup>d</sup> *De summâ.*] Omnes libros de summâ republicâ, quomodo ferè prisci loquuti sunt, scriptum habere, testatur Carrio.

<sup>e</sup> *Restituenda.*] In omnibus libris restituendum legi testatur Carrio: phrasi antiquâ.

<sup>f</sup> *Summam.*] Si vera loquitur Sallustius, hinc, ideò tantum tribunitiam potestatem

restituisse Pompeium intelligemus, quod eum antea fecisse vidimus, ut auram popularem captaret, volentibusque servitium imponeret.

<sup>g</sup> *Nosque.*] Ordinem equestrem intellige.

<sup>h</sup> *Sicut antea.*] Lege Plantiâ plebi communicata iudicia, ordini senatorio à Syllâ translata fuerant. Lege verò Aureliâ quam tulit L. Aurelius Cotta prætor, inter senatores, equites, et tribunos ærarios, iudicia eadem, ex Pompeii voluntate divisa sunt.

<sup>i</sup> *Urbe captâ.*] Ab hostibus, scilicet, qui omnia pro libidine agunt.

<sup>k</sup> *Per servitium.*] Id est, cum civibus, veluti cum servis, agendo.

<sup>l</sup> *Alterius.*] Id est, aliorum; neque his quemquam singulatim designat.

tant. Nam, quæ seditio, ac dissensio civilis, tot tamque illustres familias ab stirpe evertit? Aut quorum unquam victoriâ animus tam præceps, tamque immoderatus fuit? L. Sulla, cui omnia in victoriâ lege belli licuerunt; tametsi <sup>a</sup> à Sulpicio hostium partes muniri intelligebat: <sup>b</sup> tamen, paucis interfectis, cæteros beneficio, quàmmetu, retinere maluit. At hercule nunc <sup>c</sup> cum Catone, L. Domitio, cæterisque ejusdem factionis; quadraginta senatores; multi præterea cum spe bonâ adolescentes; sicuti hostiæ, mactati sunt: cùm interea importunissima genera hominum tot miserorum civium sanguine satiari nequiverunt: non orbi liberi, non parentes exactâ ætate, non gemitus virorum, luctus mulierum, immanem, eorum animum inflexit: quin, accerbius indies malefaciendo, ac dicundo, dignitate alios, alios civitate, eversum irent. Nam quid ego de te dicam, <sup>d</sup> cujus contumeliam homines ignavissimi vitâ suâ commutare volunt? Scilicet neque illis tantæ voluptati est <sup>e</sup> (tametsi insperantibus accidit) dominatio, quanto mœrori tua dignitas; qui optatius habent, ex tua calamitate <sup>f</sup> periculum libertatis facere, quàm per te populi Rom. imperium maximum ex magno fieri. Quò magis tibi etiam atque etiam animo prospiciendum est, quonam modo reî stabilitas, communiasque. Mihi quidem quæ mens suppetit, eloqui non dubitabo. Cæterum tui erit ingenii probare, quæ vera, atque utilia factu putes. In duas partes ego civitatem divisam arbitror, sicut à majoribus accepi; in patres, et plebem. Antea in patribus summa auctoritas erat, vis multò maxima in plebe: Itaque sæpius

## INTERPRETATIO.

<sup>a</sup> *Qui magis optant libertatem suam in discrimen adducere, ex calamitate tuâ, quàm Romanum imperium, ex magno, per te fieri maximum.*

## NOTE.

a à *Sulpicio.*] Carre veteribus libris, ut ille ait, manu ductus pro *Sulpicio*, *supplicio*, reposuit: idque auream correctionem vocat, quam quidem culvis, qui sensum communem habeat, probatum iri non dubitat. Me verò minime puduerit cum paucis, quibus sensus bonus fuerit, à communi recedere; eo præsertim inductus, quòd nisi, Sulpitii mentione, sententiam suam Sallustius, tanquam metis quibusdâ coarctaverit, falsissima ejus oratio fuerit. Cæterum, ad plenam hujus loci intelligentiam omnino videndus est Paterculus. Histor. lib. 2.

b *Tamen, paucis interfectis.*] Assumit auctor quod commodum, et, pro tempore, verum fuit; antequam Sylla in Asiam

adversus Mithridatem proficisceretur. Illi verò in laudem vertit quod, tunc temporis, coactus fecit: alioqui post ultimam, et firmam victoriam, non alius unquam, in cives Syllâ crudelior fuit.

c *Cum Catone.*] Intellige senatores à Catone, Domitio, ulisque ex factione Cæsari adversâ, interfectos fuisse; dummodo ne quid ex irâ et dolore, senatu motus Sallustius admisceat. Nota verò phrasim, quâ facilè, nec aliter quàm in re notissimâ utaris.

d *Cujus.*] Id est, *Qui neque vitam perdere dubitant, modò tibi aliquam faciunt contumeliam.*

e *Tametsi.*] Major est autem ea voluptas quæ insperanti accidit.

in civitate <sup>a</sup>secessio fuit, semperque nobilitatis opes diminutæ sunt, et jus populi amplificatum. Sed plebes eò liberè agitabat, quia nullius potentia super leges erat; neque divitiis, aut superbiâ sed bonâ famâ, factisque fortibus, nobilis ignobilem anteibat: humillimus quisque in <sup>b</sup>armis, aut militiâ, nullius honestæ rei egens, satîs sibi, satîsque patriæ, erat. Sed, ubi eos paulatim expulsos agris, inertia, atque inopia incertas domos habere subegit; cœpère alienas opes petere, libertatem suam cum republicâ venalem habere. Ita paulatim populus, qui dominus erat et cunctis gentibus imperitabat, dilapsus est: et pro communi imperio, privatim sibi quisque servitutem peperit. Hæc igitur multitudo primùm malis moribus imbuta, deinde in artes, vitasque varias <sup>c</sup>dispalata, nullo modo inter se congruens, parum mihi quidem idonea videtur ad capessendam rempub. Cæterum additis novis civibus, magna me spes tenet, fore, ut omnes expergiscantur ad libertatem: quippe cum illis libertatis retinendæ, tum his servitutis amittendæ, cura orietur. Hos ego censeo, permixtos cum veteribus novos, in coloniis constituas; ita et res militaris opulentior erit, et plebes bonis negotiis impedita malum publicum facere desinet. Sed non inscius neque imprudens sum, cum ea res agetur; quæ sævitia, quæve tempestates hominum nobilium futurae sint; cum indignabuntur omnia funditus misceri, antiquis civibus <sup>d</sup>hanc servitutem imponi, regnum denique ex liberâ civitate futurum, ubi unius munere multitudo ingens in civitatem pervenerit. Equidem ego sic apud animum meum statuo, malum facinus in se committere, qui incommodo reip. gratiam sibi conciliet. <sup>e</sup>Ubi bonum publicum etiam privatim usui est, id verò dubitare aggredi, socordiæ, atque ignaviæ duco. M. Livio <sup>f</sup>Druso semper consilium fuit, in tribunatu summâ ope niti pro nobilitate; neque ullam rem in principio agere intendit, nisi illi auctores fierent: sed homines <sup>g</sup>factiosi, quibus dolus atque malitia, fide cariora erant, ubi intellexerunt, per unum hominem <sup>h</sup>maximum beneficium multis mortalibus dari; videlicet et <sup>i</sup>sibi quisque conscius, malo

## INTERPRETATIO.

<sup>i</sup> Et scilicet quisque conscius sibi se esse animo malo atque infido, existimaverunt de Druso juxta ac de se.

## NOTÆ.

a *Secessio.*] De iis jam sæpius vidimus.

b *Armis.*] Ingeniosè, ad vitandam tautologiam, Sallustio indignam: Douza pro *armis*, unius literæ levi mutatione, *arvis* reposuit.

c *Dispalata.*] Id est, *dispersa*, cum aliud aliud genus vitæ sequerentur.

d *Hanc servitutem.*] Id est, *hæc omnia in civitatem induci, ut veteribus civibus servitûs imponeretur.*

e *Ubi bonum.*] Directè dixisset. *Ubi bonum etiam publicè usui est*: verum honestius expressit, cum primò publici boni rationem habuit.

f *Druso.*] Politicum virum de isto Velæum adivisse nequaquam pigebit.

g *Factiosi.*] De nobilibus loquitur, itemque senatu, qui Drusum senatui ipsi faventem per invidiam oppræsserunt.

h *Maximum.*] Civitatem scilicet.

atque infido animo esse; de M. Livio Druso juxta, ac de se, existimaverunt. Itaque metu, ne per tantam gratiam solus rerum potiretur, <sup>a</sup> contrà eam nixi, <sup>b</sup> sua ipsius consilia disturbaverunt. Quò tibi, imperator, majore curâ fideque amici, et multa præsidia paranda sunt. Hostem adversum opprimere, strenuo hominì haud difficile est; occulta pericula neque facere, neque vitare, bonis in promptu est. Igitur, ubi eos in civitatem adduxeris, quoniam quidem revocata plebes erit, in eâ re maximè animum exercitatio, uti colantur boni mores; concordia inter veteres et novos coalescet. Sed multò maximum bonum patriæ, civibus, tibi, liberis, postremò humanæ genti, pepereris; si studium pecuniæ aut sustuleris, aut, quoad res feret, minueris. Aliter neque privata res, neque publica, neque domi, neque militiæ, regi potest. Nam ubi cupido divitiarum invasit, neque disciplina, neque artes bonæ, neque ingenium ullum satis pollet; quin animus magis, aut minùs maturè, postremò tamen succumbit. Sæpè jam audiui, qui reges, quæ civitates et nationes, per opulentiam magna imperia amiserint; quæ per virtutem inopèr ceperant. Id adeò haud mirandum est. Nam ubi bonus deteriorum divitiis magis clarum, magisque acceptum videt; primò æstuat, multaque in pectore volvit: sed ubi <sup>c</sup> gloria honorem magis in dies, virtutem opulentia vincit: animus ad voluptatem <sup>d</sup> vero deficit. Quippe <sup>e</sup> gloriâ industria alitur; ubi eam dempseris, ipsa per se virtus amara, atque aspera est. Postremò <sup>f</sup> ubi divitiæ claræ habentur, ibi omnia bona vilia sunt; fides, probitas, pudor, pudicitia. Nam ad virtutem <sup>g</sup> una, et ardua via est; ad pecuniam, <sup>h</sup> quâ cuique lubet nititur; et malis, et bonis rebus ea creatur. Ergò in primis auctoritatem pecuniæ demitto; <sup>i</sup> neque de capite, neque honore, ex coëlis quisquam magis, aut minùs, judicaverit; si neque prator, neque

## INTERPRETATIO.

<sup>1</sup> Quisque nititur ad pecuniam viâ quâ cuique lubet.

## NOTÆ.

a *Contrà eam.*] Adeoque reipublicæ qui benefacit illud quoque dissimulare debet; ne ipsius beneficii invidiâ, etiam ab iis quibus benefacit, opprimatur.

b *Sua ipsius.*] Alii, *Sua et ipsius*: Gronovius mallet. *Sua ipsorum.* Cæterum locus politicorum, si alius uspiam, meditatione dignus.

c *Gloria*] Inanis illa, scilicet, cujus fundamentum non est virtus.

d *Gloriâ.*] Hic vero gloriam veram, aut quamlibet intellige.

e *Ubi.*] Jamdù usque adeò istud com-

probatum est, ut omnium sæculorum, et totius orbis, oraculum videatur: interim eo spreto, hodieque propemodum omnes pereunt.

f *Una.*] Et istud consideratione dignum simplex est siquidem et simplicissima virtus; atque in angustum ita coarctata, ut neque in hanc, neque in illam, partem deflectere queat.

g *Neque de capite.*] Id est nullus dignitatem, vel existimationem auxerit, vel minuerit: quòd divitiis auctus, vel destitutus, fuerit.



consol, ex opulentiâ, verum ex dignitate, creatur. <sup>a</sup> Sed de magistratu facilè populi iudicium sit. Iudices à paucis probari, regnum est; ex pecuniâ legi, inhonestum. Quare omnes primæ <sup>b</sup> classis <sup>c</sup> iudicare placet, sed <sup>d</sup> numero plures quam iudicant. Neque <sup>e</sup> Rhodios, neque alias civitates, unquam suorum iudiciorum pœnituit: ubi promiscuè dives, et pauper, <sup>f</sup> uti cuique sors tulit, de maximis rebus, juxtà ac de minimis, disceptat. Sed de magistratibus creandis haud mihi quidem absurdè placet lex, quam C. Gracchus in tribunatu promulgaverat: ut ex confusis quinque classibus sorte <sup>g</sup> centuriæ vocarentur. Ita coæquati dignitate, pecuniâ, virtute anteire alius alium properabit: nec ego magna remedia contrâ divitias statuo. Nam perinde omnes res laudantur, atque appetuntur, ut earum rerum usus est: malitia præmiis exercetur. Ubi ea dempseris, nemo omnium <sup>1</sup>gratuitò malus est. Cæterum avaritiâ, bellua fera, immanis, intoleranda est: quæ intendit, oppida, agros, fana, atque domos, vastat; divina cum humanis permiscet: neque exercitus neque mœnia obstant, quò minùs vi suâ penetret: famâ, pudicitia, liberis, patriâ, atque parentibus, cunctos mortales spoliât. Verum, si pecuniæ decus ademeris; magna illa vis avaritiæ facile bonis moribus vincetur. Atque hæc ita sese habere, tâmet si omnes æqui atque iniqui memorent; tamen tibi cum factione nobilitatis haud mediocriter certandum est; cujus si dolum caveris, alia omnia <sup>2</sup> in proclivi erunt. Nam hi, si virtute satîs valerent, magis œmuli bonorum, quàm invidi, essent. Quia desidia, et inertia, et stupor eos, atque torpedo, invasit; strepunt obtrectant, alienam famam suum dedecus existimant. Sed, quid, ego plura, quasi de ignotis, memo-

## INTERPRETATIO.

<sup>1</sup> *Nemo omnium est malus pro nihilo.* | <sup>2</sup> *Alia omnia erunt facilia.*

## NOTÆ.

a *Sed de.*] Id est, *populus cognoscat quidnam ad iudicandum idonei fuerint.*

b *Classis.*] Classis pars est civium, ex censu in ordinem relata. In quinque verò classes cum capite censorum centuriâ universum populum Romanum Servius Tullius distribuit; quarum classium prima, ut opulentissima, ita et potentissima, erat.

c *Judicare.*] Id est, *Dignos reputare quibus iudicandi munus conferatur.*

d *Numero.*] Id est, plures ex primâ classe constituendos, qui re ipsâ populo jus dicerent.

e *Rhodos.*] Rhodus nobilis est insula maris Mediterranei, inter Cyprum et Cretam.

f *Uti cuique.*] Cuique faciliùs toleraret

Gronovius, si sequeretur *cecidit*, non tulit; itaque illi potius placet, *utcumque fors tulit*; nihil tamen necesse habeo mutare.

g *Centuriæ.*] Non modò in classes populum Romanum Servius divisit, sed et classes in centurias. Ut verò divitibus maximam faceret potestatem, primæ classis dedit prærogativam, ut prima suffragium ferret: ex quo plerumque eveniebat, cum ea reliquis omnibus præpolleret ut rarò ab aliis classibus suffragium peteretur. Gracchus, ut plebi primum et antiquum suum jus restitueret, volebat ut sorte centuriæ ad suffragia vocarentur. Verum de his omnibus omnino adire opus est eos, qui ea ex professò tractaverunt.

rem? M. Bibuli <sup>a</sup> fortitudo, atque animi vis, in consulatum erupit; hebes linguâ magis malus, quam callidus, ingenio. Quid ille audeat, cui consulatus, maximum imperium, maximo dedecori fuit? An L. <sup>b</sup> Domitii magna vis est, cujus nullum membrum â flagitio aut facinore vacat? Lingua vana, manus cruentæ, pedes fugaces; quæ honestè nominari nequeant, inhonestissima. Unius tamen M. Catonis ingenium versutum loquax, callidum, haud contemno. Parantur hæc disciplinâ <sup>c</sup> Græcorum. Sed virtus, vigilantia, labos, apud Græcos nulla sunt. Quippe, cùm domi libertatem suam, per inertiam amiserint; censesne eorum præceptis imperium haberi posse? Reliqui de factione sunt inertissimi nobiles; in quibus, sicut in statuâ, præter nomen, nihil est additamenti. L. Posthumius, et M. Favonius, mihi videntur quasi magnæ navis supervacua onera esse, ubi salva pervenire <sup>d</sup> visi sunt; si quid adversi coortum est, de illis potissimum <sup>e</sup> jactura fit, quia pretii minimi sunt. Quoniam nunc, uti mihi videor, de plebe renovendâ, corrigendâque, disserui: de senatu, quæ tibi agenda videntur, dicam. Postquam mihi ætas ingeniumque adolevit haud fermè armis, atque equis, corpus exercui, sed animum in literis agitavi: quod naturâ firmius erat, id in laboribus habui. Atque ego in eâ vitâ multa legendo, atque audiendo, ita comperi; omnia regna civitates, nationes, usque eò, prosperum imperium habuisse, dum apud eos vera consilia valuerunt: ubicumque gratia, timor, vóluptas, ea corrupère, post paulo immi-nutæ opes, deinde ademptum imperium, postremò servitus imposita est. Equidem ego sic apud animum meum statuo; cuicumque in suâ civitate amplior, illustriorque locus, quàm aliis est, ei magnam curam esse reip. Nam cæteris salvâ urbe, tantummodo libertas tuta est: qui per virtutem sibi divitias, decus, honorem, pepererunt; ubi paulùm inclinata resp. agitari cœpit, multipliciter animus curis, atque laboribus, fatigatur; aut gloriam, aut libertatem, aut rem familiarem defensat: omnibus locis adest, festinat; quanto in secundis rebus florentior fuit tanto in adversis asperius, magisque anxie agitatur. Igitur ubi plebes senatui, sicuti corpus animo, obedit, ejusque consilia consequitur: patres consilio valere decet, populo supervacanea est calliditas. Itaque majores nostri cùm bellis asperrimis premerentur, equis, viris, pecuniâ amissâ, nunquam defessi sunt armati de imperio certare. Non inopia ærarii, non vis hostium, non

## NOTÆ.

a *Fortitudo.*] Ironia est.

b *Domitii.*] Ænobarbi nomine, qui consul ante aliquot annos fuerat.

c *Græcorum.*] Certè non ita de Sallustio merita erat Græcia.

d *Visi sunt.*] Vetus editio, ut testatur

Carrjo, habet *visi sunt*, pro quo Vaticana corrigit *visi sunt*: Lipsius ingeniosâ sanè conjecturâ reponit *visi sunt*. Fortè nihil mutandum.

e *Jactura fit.*] Id est, in profundum abjiciantur.

adversa res, ingentem eorum animum subegit; quā, quæ virtute ceperant, simul cum anima retinerent. Atque ea magis fortibus consiliis, quā bonis præliis, patrata sunt. Quippe apud illos <sup>a</sup> una resp. erat: ei consulebant: factio contra hostes parabatur; corpus atque ingenium, patriæ, non suæ quisque potentia, exercitabat. At hoc tempore, contra eā homines nobiles, quorum animos socordia, atque ignavia, invasit; ignari laboris, hostium, militia, domi factione instructi, per superbiam cunctis gentibus moderantur. Itaque patres, quorum consilio antea dubia resp. stabiliebatur; oppressi, ex aliena libidine, hæc atque illuc fluctuantes agitur: interdum alia, deinde alia, decernunt: ut eorum, qui dominantur, simultas, ac arrogantia fert, ita bonum, malumque publicum existimant. Quod si aut libertas æqua omnium, aut sententia <sup>b</sup> obscurior esset; majoribus opibus resp. et minus potens nobilitas esset. Sed quoniam coæquari gratiam omnium difficile est; quippe cum <sup>c</sup> illis majorum virtus partem reliquerit gloriam, dignitatem, clientelas; cætera multitudo pleaque inscia: sit sententia eorum à metu libera. Ita occulto sibi quisque alterius potentia <sup>d</sup> carior erat. Libertas juxta bonis; et malis, strenuis, et ignavis optabilis est. Verum eam plerique metu deserunt, stultissimi mortales; <sup>e</sup> quod in certamine dubium est, quorsum accadat, id per inertiam in se, quasi victi, recipiunt. Igitur duabus rebus confirmari posse senatum puto: si numero auctus <sup>f</sup> per tabellam sententiam feret. Tabella <sup>g</sup> obtentui erit, quod magis animo libero facere audeat: <sup>h</sup> in multitudine, et præsidii plus et usus amplior, est. Nam ferè his tempestatibus, alii judiciis publicis, alii privatis suis, atque amicorum negotiis implicati, haud sane

## NOTE.

<sup>a</sup> *Una.*] Id est, quæ in factiones non erat divisa. Salus est profecto omnium membrorum societas et communicatio; penitus discordia et abalienatio.

<sup>b</sup> *Obscurior.*] Obscurior est ipse Sallustius, dum minus obscurum queritur aliorum sententiam. Badius intelligit de obsequio, quo omnes ferè erga paucos tenebantur, quodque illis minus cognitum fuisse auctor desiderasset. Ego verò hic agi crediderim de suffragiis, quæ per tabellas, de quibus etiam postea Sallustius loquitur, ferebantur; ne cujusquam sententia ab ullo cognosci posset.

<sup>c</sup> *Illis.*] Nobilibus, scilicet.

<sup>d</sup> *Carior.*] Id est, cum singulis per tabellam, nemine consensu sententiam suam dicere licuerit, omnes sibi et reipublice magis quàm paucorum superbia, suffragio suo consulunt.

<sup>e</sup> *Quod.*] Servitutem intelligit, quæ,

quam in partem eadat, quāmdiu pro libertate certatur, nullius scire potest.

<sup>f</sup> *Per tabellam.*] Non unus fuit semper apud Romanos sententiam suam dicendi modus, ut neque apud alias gentes. Vobis primò, deinde, ut major libertas esset, per tabellas, suffragium suum ferebant. Quæ de re, vide, in primis, Delectum Latinitatis Moneto Jesuitæ attributum.

<sup>g</sup> *Obtentui.*] Badius exponit ad obtinendum. Ego ita intelligo ut tabella quasi velum fuerit et operimentum, sub quo latitantes liberè suffragia sua dixerint. *Obtentui*, id est, obtinendum et obtegendum.

<sup>h</sup> *In multitudine.*] Istud verò disquisitione multa opus habet, atque pro multiplici rerum et personarum ratione est limitandum.

H h

<sup>a</sup> reip. consiliis adfuerunt; neque eos magis occupatio, quàm <sup>b</sup> superba imperia distinguere. Homines nobiles cum paucis senatoriis, quos <sup>c</sup> additamenta factionis habent, quæcumque libuit probare, reprehendere, decernere, ea, uti libido tulit, fecere. Verum ubi, numero senatorum aucto, per tabellam sententiæ dicuntur; illi superbiam suam dimittunt, ubi iis obediendum erit, quibus antea crudelissimè imperitabant. Forsitan, imperator, perlectis literis desideres, quem numerum senatorum fieri placeat: quoque modo in multa, et varia officia distribuatur: et <sup>d</sup> quoniam judicia primæ classis mittenda putem, quæ <sup>e</sup> descriptio, qui numerus, in quoque genere, futurus sit. Ea mihi omnia generatim describere haud difficile factu fuit; sed prius laborandum visum est de summâ consilii, idque tibi probandum verum esse. Si hoc <sup>f</sup> itinere uti decreveris, cætera in promptu erunt. Volo ego consilium meum prudens, maximèque usui esse. Nam ubicumque tibi res prospera cedit, ibi mihi bona fama eveniet. Sed me illa magis cupido exercet, uti quocumque modo, et quamprimùm, resp. adjuvetur. Libertatem gloriâ cariorem habeo; atque ego te oro, hortorque, ne <sup>1</sup> clarissimus imperator, Gallicâ gente subactâ, populi Rom. summum atque invictum imperium tabescere vetustate, ac per summam discordiam dilabi, patiaris. Profectò, si id accadat, neque tibi nox, neque dies, <sup>2</sup> curam animi sedaverit; quin insomnia <sup>3</sup> exercitus furibundus, atque amens, alienatâ mente feraris. Namque mihi pro vero constat, omnium mortalium vitam divino numine <sup>3</sup> invis; neque bonum, neque malum facinus cujusquam pro nihilo haberi; sed ex naturâ, diversa præmia bonos, malosquæ sequi. Interea fortè ea tardiùs procedunt: suis cui-

## INTERPRETATIO.

<sup>1</sup> Ne cum sis clarissimus imperator, &c. | mente feraris.

<sup>2</sup> Quo minùs in somniis vexatus, | <sup>3</sup> Namque pro certo comperi, om-  
furibundus, atque amens, emotâ | nium mortalium vitam divino nu-  
mine cerni:

## NOTE.

<sup>a</sup> Reip. consiliis.] Quibus de reipublica bono disceptabatur.

<sup>b</sup> Superba.] Quòd paucorum nollent subservire superbiz.

<sup>c</sup> Additamenta.] Ita loquitur de ministris et satellitibus superbiz paucorum, hoc est de iis, qui cæco obsequio potentioribus, in omnibus suffragabantur.

<sup>d</sup> Quoniam.] Id est, quid de illis faciendum.

<sup>e</sup> Descriptio.] Gall. Qu'en sera le departement.

<sup>f</sup> Itinere.] Id est, si prout ego admonui, ita facere decreveris.

<sup>g</sup> Curam.] Conscientiæ angores intelligit. Cæterum summâ arte scopum suum Sallustius dissimulat. Eò spectat tota oratio, ut summum imperium Cæsar occupet, sperans se per eum, illos persecuturum, à quibus senatu motus fuerat. Plurimus ad hanc rem causas subtexit, at gloriâ potissimùm, quâ ferè solâ Julius movebatur. Neque id tantùm, cum virtute gloriâ ita copulat, ut nisi obtineret magnanimus imperator; non modò gloriæ, sed virtuti, sed patriæ, terga vertisse videatur.

que animus ex conscientia spem præbet. Quod si tecum patria atque parentes possent loqui, scilicet hæc tibi dicerent: O Cæsar, nos te genuimus, <sup>1</sup>fortissimi viri, in optimâ urbe, decus, præsidiumque nobis, hostibus terrorem. Quæ multis laboribus, et periculis ceperamus, ea tibi nascenti cum animâ simul tradimus, patriam maximam in terris; domum, familiamque in patriâ clarissimam; præterea bonas artes, honestas divitias: postremo omnia honestamenta pacis; et præmia belli. Pro his amplissimis beneficiis non flagitium à te, neque malum facinus, petimus; sed uti libertatem eversam restituas. Quâ re patrâ, profecto per gentes omnes fama virtutis tuæ volitabit. Namque hæc tempestate, tametsi domi militiæque præclara facinora egisti: tamen gloria tua cum multis viris fortibus æqualis est: si verò urbem amplissimo nomine, et maximo imperio, prope jam ab <sup>2</sup>occasu restitueris: quis te clarior, quis major, in terris fuerit? Quippe si morbo jam, aut fato hæc imperio secus accidat; cui dubium est, quin per orbem terrarum vastitas, bella, cædes, oriantur? Quod si tibi bona lubido fuerit, patriæ, parentibus, gratificandi; postero tempore, rep. restitutâ, super omnes mortales gloria agnita, tuæque unius mors vitâ clarior erit. Nam vivos interdum fortuna, sæpè invidia, fatigat: ubi anima naturæ cessit, demptis obrectationibus ipsa se virtus magis magisque extollit. Quæ mihi utilia factu visa sunt, quæque tibi usui fore credidi, quam paucissimis potui, perscripsi. Cæterum deos immortales obtestor, uti, quocumq; modo ages, ea res tibi, reique publicæ, prosperè eveniat.

## INTERPRETATIO.

<sup>1</sup> Nos fortissimi viri genuimus te in urbe optimâ, ut sis nobis decus, &c.

<sup>2</sup> Si verò restitueris prope jam ab interitu urbem, cui nomen est amplissimum, &c.

## C. SALLUSTII CRISPI

## IN M. TULLIUM CICERONEM

## DECLAMATIO.

GRAVITER, et iniquo animo, maledicta tua paterer, M. Tulli, si te scirem iudicio magis, quàm morbo animi, petulantia istâ uti. Sed, quoniam in te neque modum, neque modestiam ullam animadverto, respondebo tibi: uti, si quam maledicendo voluptatem cepisti, eam male audiendo amittas. Ubi quærar? Quos implorem, P. C. diripi

## NOTÆ.

a Male.] De te, scilicet.

rem. atque <sup>a</sup> audacissimo cuique esse <sup>b</sup> perfidiæ ! An apud populum Rom. qui ita largitionibus corruptus est, ut sese, ac fortunas suas venales habeat ? An apud vos, P. C. quorum auctoritas turpissimo cuique et sceleratissimo ludibrio est ? Ubi M. Tullius leges, judicia populi Rom. <sup>c</sup> defendit, atque in hoc ordine ita moderatur, quasi unus reliquus ex familiâ viri clarissimi Scipionis Africani ; ac non repetitus, accitus, ac paulò antè insitus, huic urbi cîvis. An verò, M. Tulli, facta ac dicta tua obscura sunt ? An non ita à pueritiâ vixisti, uti nihil flagitiosum corpori tuo putares, quod alteri <sup>d</sup> collibuisset ? Scilicet, istam immoderatam eloquentiam apud M. Pisonem non pudicitia jacturâ perdidicisti ? Itaque minimè mirandum est, si eam flagitiosè venditas, quam turpissimè parâsti. Verùm, ut opinior, <sup>e</sup> splendor domesticus tibi animos attolit : uxor sacrilega, ac perjurus delibuta : filia matris pellex, tibi jucundior, atque <sup>f</sup> obsequentior, quàm parenti par est. Domum ipsam tuam vi, et rapinis, funestam tibi ac tuis comparasti : videlicet uti nos commonefacias, quàm conversa sit resp. cùm in eâ domo habitas, homo flagitiosissime, quæ P. Crassii, viri consularis, fuit. Atque hæc cùm ita sint, tamen Cicero <sup>g</sup> se dicit in consilio deorum immortalium fuisse ; indè missum huic urbi, civibusque, custodem, <sup>h</sup> absque carnificis nomine, qui civitatis <sup>i</sup> incommodum in gloriam suam ponit : quasi verò non illius conjurationis causa fuerit consulatus tuus, et ideo resp. disjecta eo tempore, quo te custodem habebat. Sed, ut opinor, illa te magis extollunt, quæ post consulatum cum Terentia uxore de rep. consuluisti, cùm legis <sup>k</sup> Plautia judicia domi faciebas ; ex conjuratis alios morte, alios pecuniâ condemnabas : cùm tibi alius <sup>l</sup> Tusculanam, alius <sup>m</sup> Pompeianam villam, ædificabat ; alius

## NOTE.

a *Audacissimo.*] Totum istud in unum Ciceronem recidit.

b *Perfidie.*] Sadianus oodex habet *perfidie locum*. Verùm optime viderunt alii hanc ex margine irrepsisse in textum, imperitiâ, explicationem. Cæterum sensus satis patet.

c *Defendit.*] Ut Ciceronem dedecoret, vult collapsam penitus videri rempublicam, in quâ ille dominetur.

d *Collibisset.*] Turpitudinem notat masculam.

e *Splendor.*] Ironia.

f *Obsequentior.*] Obscurna et flagitiosa honestè (modò et verè) carpit.

g *Se dicit.*] Perversè istud ex Ciceronis orationibus extortum.

h *Absque carnificis nomine.*] Ideo dicit, quòd Cicerone invigilante, Lentulus alii-

que Catilinæ populares in carcere neati fuerint.

i *Incommodum.*] Verum est ob imminentem reipublicæ à Catilinâ calamitatem, consulatum M. Tullio mandatum fuisse ; eumque ex eo gloriam maximam nactum esse : at quam subtiliter, tam et perversè, crimen patriciarum cum Ciceronis laude quisque hic est declamator, confundit.

k *Plautia.*] Hæc à Plautio, tribuno plebis, adjuvante Catulo, lata est ; ut de eorum capite quereretur, qui adversus rempublicam conjuravissent, &c.

l *Tusculanam.*] Tusculum oppidum fuit Fatii, non longè à Româ ad ortum, ubi Cicero villam illo nomine habuit.

m *Pompeianam.*] Duodecimo, plus minùs à Neapoli, milliario.

domum emebat: qui verò nihil poterat, is erat calumniæ proximus; is aut dumum tuam oppugnatum venerat, aut insidias senatui fecerat; denique de eo tibi <sup>a</sup> compertum erat. Quæ si tibi falsa objicjo, redde rationem, quantum patrimonii acceperis: quid tibi litibus accreverit; quâ ex pecuniâ domum paraveris, Tusculanam, et Pompeianam infinito sumptu ædificaveris. Aut, si retices; cui dubium potest esse, quâ opulentiam istam ex sanguine et visceribus civium paraveris? Verum, ut opinor, homo novus <sup>b</sup> Arpinas, <sup>c</sup> ex C. Marii familiâ, ejus virtutem imitatur: contemnit similitudinem hominum nobilium, populi R. curam habet: neque terrore, neque gratiâ, commovetur. Illud vero amicitia tantum, ac virtutis <sup>d</sup> est animi? Immo verò homo levissimus, supplex inimicis amicis contumeliosus: modò harum, modò illarum, partium: fidus nemini; levissimus senator, mercenarius patronus; cujus nulla pars corporis à turpitudine vacat: lingua vana, manus rapacissimæ, gula immensa, pedes fugaces; quæ honestè nominari non possunt, <sup>e</sup> inhonestissima. Atque is, cum ejusmodi sit, tamen audet dicere: <sup>f</sup> *O fortunatam natam me consule Romam!* Te consule fortunatam, Cicero? Immò verò infelicem et miseram, quæ crudelissimam <sup>g</sup> proscriptionem civium perpessa est: cum tu, perturbatâ rep. metu percultos omnes bonos parere crudelitati tuæ cogebas: eum omnia judicia, omnes leges in tuâ lubidine erant; cum tu, sublatâ lege <sup>h</sup> Porciâ, ereptâ libertate, omnium nostrum vitæ, necisque, potestatem ad te unum <sup>i</sup> revocaveras. Atque parum est, quòd impunè fecisti, verum etiam commemorando exprobras; neque licet <sup>k</sup> oblivisci servitutis suæ. <sup>l</sup> Egeris, oro te, Cicero, perfeceris quod libet; satis est perpessos esse; etiâne aures nostras <sup>m</sup> odio tuo onerabis? Etiâne molestissimis verbis insectaberis! *Cedant arma*

## NOTÆ.

a. *Compertum erat.*] Id est, *Certò sciebas eum conjurasse; deinde et ipsum eundem morti addicebas.*

b. *Arpinas.*] Irrisio est.

c. *Ex C. Marii.*] Ideò dicit, quòd et Marius, cujus virtus maximè enituerat, Arpino oriundus esset.

d. *Est animi.*] Id est, *an eas tantum habet virtutes Cicero?*

e. *Inhonestissima.*] Jam suprà eadem exprobravit.

f. *O fortunatam.*] Versus scripsit Cicero de suo consulatu, quorum hic unus est, quem Juvenalis non obscurè tanquam ridendum reprehendit.

g. *Proscriptionem.*] Dicit non justè multatos fuisse qui cum Catilinâ conjuraverant. Non irâ arbitrati sunt boni cives: interim ob servatam tunc temporis rem-

publicam à Clodio et aliis seditiosis ad exilium Cicero compulsus est.

h. *Porciâ.*] De eâ vide suprà, p. 44.

i. *Revocaveras.*] Per senatûs decretum, *Viderent consules ne quâ republica detrimenti caperet.* Nam ipse urbis præsidio relictus fuit, Antonius Collega conjuratos persequutus est.

k. *Oblivisci.*] Hoc ideò dicit, quòd Cicero diligentia suæ in liberandâ republicâ sæpius mentionem fecerat.

l. *Egeris.*] Quasi dicat, *Esto, quando ita placitum superis, rempublicam disjeceris; ne insuper calamitatem nobis toties objicias.*

m. *Odio.*] Hic vim habet peculiarem, significat enim odium, importunitatem ex re maximè odiosâ.

*toga* <sup>1</sup> *concedat laurea lingua.* Quasi verò togatus, et non armatus, ea, quæ gloriaris, confeceris; atque inter te, Syllamque dictatorem, præter nomen imperii, quidquam interfuit. Sed quid ego plura de tuâ insolentiâ commemorem, quem <sup>a</sup> Minerva omnes artes edocuit, Jupiter optimus maximus in consilio deorum admisit, Italia exulem humeris suis deportavit. Oro te, <sup>b</sup> Romule Arpinas, qui egregiâ tuâ virtute omnes <sup>c</sup> Paulos, Fabios, Scipiones, superasti; quem tandem locum in hac civitate obtines? Quæ tibi <sup>d</sup> partes reip. placeant: <sup>e</sup> Quem amicum, quem inimicum habes? <sup>f</sup> Cui in civitate fecisti insidias ancillares? Quo jure, cum de exsilio tuo Dyracchio redisti, eum sequeris? Quos tyrannos appellabas, eorum nunc potentia faves; qui tibi antè optimates videbantur, eosdem nunc dementes, ac furiosos, vocas. <sup>g</sup> Vatinii causam agis: <sup>h</sup> de Sextio malè existimas: <sup>i</sup> Bibulum petulantissimis verbis lædis: laudas Cæsarem: quem maximè odisti, ei maximè obsequeris: <sup>k</sup> aliud stans, aliud sedens de rep. sentis: his maledicis, <sup>l</sup> illos odisti, levissime transfuga: neque in hac, neque in illâ, parte fidem habes.

## INTERPRETATIO.

<sup>1</sup> *Corona ex lauro tradatur linguæ et eloquentiæ.*

## NOTE.

a *Minerva.*] Alio nomine Pallas dicta est, dea belli et sapientiæ. Ciceronem verò irridet auctor, quasi se à Minerva edoctum jactitasset.

b *Romule.*] Per amaram irisionem.

c *Paulos.*] Illustrissimos viros recenset, ut Ciceronem irrideat. Notiores verò sunt omnes, quàm ut quidquam de iis dicatur.

d *Partes.*] Vult auctor Ciceronem maximum videri tenebrionem, et, ut postea dicit, levissimum transfugam; qui modò cum his, modò faciat cum illis; hodiè cum uno, cràs cum altero conjunctus sit.

e *Quem amicum.*] Hunc locum non intelligere se ingenuè fatetur Glareanus, vir alloqui doctissimus; quod quidem mirarer, nisi quotidie ad res apertissimas caligare oculos sentiremus. Sensus verò est, Ciceronem eo modo cum omnibus vixisse, ut quinam amici, quinam inimici, essent, nullus posset cognoscere; non enim placet Thysii expositio.

f *Cui.*] Videtur aliquem ante eos indicare, cui Cicero ancillarum more serviverit; eumque, cum Cæsar tunc temporis Româ abesset, crediderim fuisse Pompeium: neque enim ejus semper et Ciceronis una et eadem fuit voluntas.

g *Vatinii.*] Tribunus fuit plebis, senatui maximè exosus, in quem Cicero orationem habuit.

h *De Sextio.*] Pro isto eam quam modò diximus Cicero habuit orationem.

i *Bibulum.*] Hic cum Cæsare consul fuit, eique frustra restitit, cum legem agrariam rogaret: tum verò inter Ciceronem et Cæsarem non conveniebat.

k *Aliud stans.*] Id est, aliud dicis, aliud sentis; stantes enim sententiam suam dicebant in senatu.

l *Illos odisti.*] Id est, eos, quibus assentaris odisti.



## IN SALLUSTIUM DECLAMATIO:

Quæ Ciceroni falsè tribuitur.

EA demum magna voluptas est, Crispè Sallusti, æqualem, et parem verbis vitam agere; neque quidquam tam obscœnum dicere, cui non ab initio pueritiæ omni genere facinoris ætas tua respondeat, ut omnis oratio moribus consonet. Neque enim, qui ita vivit, uti tu, aliter ac tu, loqui potest; neque, qui tam illoto sermone utitur, vitâ honestior est. Quò me vertam, P. C.? Unde initium sumam? Majus enim mihi dicendi onus imponitur, quo notior est uterque nostrum. Quòd si aut de meâ vitâ, atque actibus nostris, huic conviciatori respondero, invidia gloriâ consequetur: aut, si hujus facta, mores, omnem ætatem nudaverò, in idem vitium incidam procacitatis, quod huic objicio. Id vos, si fortè offendimini, justius huic, quàm, mihi, succensere debetis, qui initium introduxit. Ego dabo operam, ut et pro me minimo cum fastidio respondeam, et in hunc minimè mentitus esse videar. Scio me, P. C. in respondendo non habere magnam expectationem, quòd nullum vos sciatis novum crimen in Sallustium audituros, sed omnia vetera recognituros: quîs et meâ, et vestrâ jam et ipsius, aures calent. Verùm eò magis odisse debetis hominem, qui ne incipiens quidem peccare minimis rebus posuit rudimentum; sed ita ingressus est, uti neque ab alio vinci possit, neque ipse se omninò reliquâ ætate præterire. Itaque nihil aliud studet, nisi, uti lutulentus sus, cum quovis velitari. Longè verò fallitur opinione. Non enim procacitate linguæ vitæ sordes eluuntur, sed est quædam calumnia, quam unusquisque nostrum, testante animo suo, fert de eo, qui falsum crimen bonis objectat. Quòd si vita istius memoriâ viceret, aliam P. C. non ex oratione ejus, sed ex moribus, spectare debetis. Jam dabo operam quàm maximè poterò, uti breve id faciam. Neque hæc altercatio nostra vobis inutilis erit, P. C. Plerumque enim resp. privatis crescit inimicitia, ubi nemo civis, qualis sit vir, potest latere. Primum igitur, quoniam omnium majores Crispus Sallustius ad unum exemplum et regnum

## NOTÆ.

a *Initium introduxit.*] Queritur uterque et Sallustius et Cicero, quod, sibi ab altero injuriâ oblata, prior lacessitus fuerit: quod quidem, præter alia, me maximè movet ut credam, declamationes istas à quibusdam declamatoribus scriptas tantum, non recitatas, fuisse. Sed eâ de re, quibus tantum erit otii, docti judicabunt.

b *Præterire.*] Malefaciendo, scilicet.

c *Calumniâ.*] *Reproche.*

d *Memoriâ.*] Id est, *Si obliti fueritis qualis fuerit vita istius, et quomodo antea vixerit.*

e *Ad unum exemplum et regnum.*] Diu certè hic hæsi, ut, quid sibi vellet, auctor, divinarem. Tandem arbitratus sum, ad ista Sallustii verba, *Oro te, Romule;*

querit; velim mihi respondeat, numquid, quos protulit, Scipiones, et <sup>a</sup> Metelli <sup>b</sup> ante fuerint aut opinionis, aut gloriæ, quam eos res gestæ suæ, et vita innocentissimè acta commendavit? Quòd si hoc fuit illis initium nominis, et dignitatis cur non æque de nobis existimetur, cujus et res gestæ illustres sunt, et vita integerrimè acta? Quasi verò tu sis ab illis viris, Sallusti, ortus! Quòd si esses, nonnullos jam tuæ turpitudinis pigeret. Ego meis majoribus virtute mea præluxi, uti, si priùs noti non fuerint, à me accipiant initium memoriæ suæ: tu tuis vitæ, quàm turpiter egisti, magnas offudisti tenebras; ut etiam, si fuerint egregii cives, certè venerint in oblivionem. Quare noli mihi antiquos viros objectare. Satiùs est enim, me meis rebus gestis florere, quam majorum opinione niti; et ita vivere, ut ego sim posteris meis nobilitatis initium, et virtutis exemplum. Neque me cum iis conferri decet, P. C. qui jam decesserunt, omnique odio carent, et invidiâ; sed cum iis, qui mecum unà in republicâ versati sunt. Sed si fuerim aut in honoribus petendis nimis ambitiosus; (non hanc dico popularem ambitionem, cujus me principem confiteor; sed illam perniciosam, contrà leges, cujus primos ordines Sallustius duxit) aut in gerendis magistratibus; aut in judicandis maleficiis tam severus: aut in tuendâ republicâ tam vigilans, quàm tu proscriptionem vocas; credo quòd non omnes tui similes incolumes in hac urbe vixissent. At quanto meliore loco respublica tuenda staret, si tu, par ac simili, scelestorum civium, unà cum illis adnumeratus esses? An ego tunc falsò scripsi, *Cedant arma togæ*: qui togatus armatos, et pace bellum, oppressi; An illud mentitus sum, *Fortunatam me consule Romam*; qui tantum intestinum bellum, et domesticum urbis incendium, extinxit? Neque te tui piget, homo levissime, cùm ea culpas, quæ in historiis mihi gloriæ ducis? An turpius est, P. C. scribentem mentiri, quàm illum palàm hoc ordine dicentem? Nam quod meam <sup>d</sup> ætatem increpuisti, tantum me abesse puto ab impudiciâ, quantum tu abes à pudiciâ. Sed quid ego de te plura querar? Quid enim mentiri turpe ducès, qui mihi assus sis eloquentiam uti vitium objicere? Cujus semper nocens eguisti patro.

## NOTE.

*Arpinas, qui egregiâ tuo virtute omnes Paulos, Fabios, Scipiones, superasti, &c.* Ciceronem reperiisse; eumque significare voluisse, pravè et ineptè ab adversario factum, quòd sibi Ciceroni Romulî nomen imposuerit: quasi, ut clarus fieret necesse habuerat, vel majores claros ostendere, vel Romulum esse.

<sup>a</sup> *Metelli.*] Fortè istius, potius quàm Pauli aut Fabii, mentionem facit; quia

præcipuè per ipsius Sallustii historiam clarissimus evasit.

<sup>b</sup> *Ante fuerint.*] Id est, antè, hominum existimationem, aut gloriam, consequuti fuerint.

<sup>c</sup> *Quam.*] Pro quod. Quod; Tueri, scilicet, Rempublicam, tu, Crispe Sallusti, vocas proscriptionem. Relativum quam cum proscriptionem construxit.

<sup>d</sup> *Ætatem.*] Id est, adolescentiam.

nio. An ullum existimas posse fieri civem egregium, qui non his artibus et disciplinis sit eruditus? An ulla alia putas esse rudimenta, et incunabala, virtutis, quibus animi ad gloriæ cupiditatem aluntur? Sed minimè mirum est, P. C. si homo, qui desidiæ, ac luxuriæ, plenus sit; hæc uti nova, atque inusitata, miratur. Nam quod ista inusitata rabie petulanter in uxorem, et in filiam meam invasisti, a quæ facilius mulieres se à viris abstinerunt, quàm tu vir à viris, satis doctè, ac peritè, fecisti. Non enim me sperasti mutuam tibi gratiam relaturum, et vicissem tuas compellaturum. Unus enim satis es materiæ habens, neque quidquam turpius est domi tuæ, quàm tu. Multum te verò opinio fallit, qui mihi putasti parare invidiam ex meâ re familiari; quæ multò mihi minor est, quàm habere dignus sim. Atque utinam ne tanta quidem esset quanta est; uti potius amici mei viverent, quàm ego testamentis eorum locupletior essem. Ego fugax, Crispe Sallusti? Furori tribuni pl. cessi: utiliùs duxi, b quamvis fortunam unus experire, quàm universo populo R. civilis essem dissensionis causa: qui, postea quàm c ille suum annum in rep. perbacchatus est; omniaque quæ commoverat, pace, et otio, resederunt; hoc ordine revocante, atque ipsâ rep. manu retrahente me, reverti. Qui mihi dies, si cùm omni reliquâ vitâ conferatur; animo quidem meo d superet, cùm universi vos, populusque R. frequentes adventui meo gratulatus est. Tanti me fugacem e mercenarium patronum hî æstimaverunt. Neque hercule mirum est, f si ego semper justas omnium amicitias æstimavi. Non enim uni privatim ancillatus sum, neque me addixi; sed, quantum quisque reip. studuit, tantum mihi fuit; aut amicus, aut inimicus. Ego nihil plùs volui valere, quàm pacem: multi privatorum audacias nutriverunt ego nihil timui, nisi leges: multi arma sua timeri voluerunt. Ego nunquam volui quidquam posse, nisi pro vobis: multi ex vobis, potentiâ freti, in vos suis viribus abusi sunt. Itaque non est mirum, si nullius amicitia usus sum, qui non perpetuo reip. amicus fuit; neque me pœnitet, si aut potenti g Vatinio reo patrociniûm pollicitus sum; aut Séxtii insolentiam repressi; aut h Bibuli patientiam culpavi, aut virtutibus Cæsaris favi. i Hæ laudes enim

## NOTÆ.

a Quæ.] Tum uxor, tum filia mea.

b Quamvis.] Vel iniquissimam.

c Ille.] Tribunus scilicet, Clodius.

d Superet.] Id est, *Præstantior et jucundior videatur*. Sed vide, mihi, quæso, quomodo, non tantum objecta diluat, sed in gloriam vertat.

e Mercenarium.] Istud objectaverat Sallustius, seu quisque fuit ejus loco declamator.

f Si.] Pro *Quandoquidem*.

g Vatinio.] Respondet ad id quod Sal-

lustius dixerat, Ciceronem Vatinii causam agere, postquam orationem contra ipsum habuisset.

h Bibuli patientiam.] Tanta fuit, referente Suetonio, ut nonnulli, quod ita Cæsari in consula cesisset, non Caio Julia Cæsare, et Bibulo, consulibus; sed Caio et Julio, per jocum, scriberent.

i Hæ laudes.] Virtuti, nimirum, et viris probis, quomodo cunque favere; inde tantum sibi amicos parare: illos, si priorem sanctitatem et vitæ innocentiam flagitiis

egregii civis, et unicæ sunt. Quæ si tu mihi uti vitia objicis, <sup>a</sup> temeritas tua reprehendetur, non mea vitia culpabuntur. Plura dicere, si apud alios mihi, esset dicendum P. C. non apud vos, quos habui omnium actionum mearum monitores. Sed, ubi rerum testimonia adsunt, quid opus est verbis? Nunc, ad te uti revertar, Sallusti, patremque tuum præteream; qui si nunquam in vitâ suâ peccavit, tamen majorem injuriam reip. facere non potuit, quàm quòd te talem filium genuit. Neque tu si quid in pueritiâ peccasti, exsequar; ne parentem tuum videar accusare, qui eo tempore summam tui potestatem habuit; sed qualem adolescentiam egeris: hâc enim demonstratâ, facile intelligetur, quàm petulanti pueritiâ, tam impudicus, et procax, adoleveris. Postea quàm immensæ gulæ impudicissimi corporis quæstus sufficere non potuit; et ætas tua jam ad ea <sup>b</sup> patienda, quæ alteri facere collibuisse, exoleverat: cupiditatibus infinitis efferebaris, uti, quæ ipse corpori turpia non duxisses, in aliis experireris. Itâ non est facilè reputare, P. C. utrum inhonestioribus corporis partibus rem quæsierit, an amiserit. Domum paternam, vivo patre, turpissimè venalem habuit, vendidit. Et cui dubium potest esse, quin mori coëgerit eum, quo, hic, nondum mortuo <sup>c</sup> pro hærede gesserit omnia? Neque pudet à me eum quærere, quis in P. Crassi domo habitet; cum ipse respondere non queat, quis in ipsius habitet paternâ domo. <sup>d</sup> At hercule lapsus ætatis tyrocinio, postea se correxit? Non ita est: sed abiit in sodalitiū sacrilegi Nigidiani: his judicis ad subsellia attractus, extrema fortuna stetit: et ita discessit, uti non hic innocens esse, sed judices pejerâsse, existimarentur. Primum honorem in quæsturâ adeptus, hunc locum, et ordinem, despectum reddidit, cujus aditus sibi quoque, sordidissimo homini, patuisset. Itaque timens, ne facinora ejus clam vos essent, cum omnibus patribus familias opprobrio esset; confessus est, vobis audientibus, adulterium; neque erubuit ora vestra. Vixeris, uti libet, Sallusti; egeris, quæ volueris: satis sit, unum te tuorum scelerum conscium esse; noli nobis languorem, et soporem nimium exprobrare. Sumus diligentes in tuendâ pudicitia uxorum nostrarum: sed ita exporrecti non sumus, ut à te cavere possimus. Audacia tua vincit studia nostra. Ecquod hunc movere possit, P. C. factum ac dictum turpe; quem non puduit palàm, vobis audientibus, adulterium confiteri? Quòd si nihil pro me tibi respondere voluissem,

## NOTÆ.

maculaverint, relinquere. Uno verbo bene, et quòd laudandum sit, fecisse se profitetur Cicero, cum nulli se itâ addixit, quin virtutis et reipublicæ causâ, ejusdem adversarium sequeretur.

<sup>a</sup> *Temeritas.* Cum id tu vitupres quod laudi ducitur.

<sup>b</sup> *Patienda.*] Obscœnissima et flagitiosissima reprehendit.

<sup>c</sup> *Pro hærede gesserit omnia.*] Id est, rebus hereditariis omnibus, tanquam dominus usus sit.

<sup>d</sup> *At hercule.*] Ironia est.

sed illum censorium <sup>a</sup>elogium <sup>b</sup>Ap. Claudii, et L. Pisonis, integerrimorum virorum, quo usus est quisque eorum, pro lege palam universis recitarem; nonne tibi viderer æternas inurere maculas, quas reliqua vita tua cluere non possit? Neque post illum <sup>c</sup>delectum senatus te unquam vidimus. <sup>d</sup>Nisi fortè in ea te castra coniecisti, quò omnis sentina reip. confluerat. At idem Sallustius, qui in pace ne senator quidem manserat; postea quàm resp. armis oppressa est, et <sup>e</sup>idem victor, qui exules, reduxit; in senatum post quæsturam <sup>f</sup>reductus est; quem honorem ita gessit, uti <sup>g</sup>nihil non venale in eo habuerit, cujus aliquis emptor fuerit. Ità igitur egit, uti nihil non æquum, ac verum, duxerit, quod ipsi facere collibuisse; <sup>h</sup>neque aliter vexavit, ac debuit, si quis prædæ loco accepisset magistratum. Peractà quæsturà, postea quàm magna <sup>i</sup>pignora eis dederat, cum quibus similitudine vitæ se conjunxerat; unus jam ex illo grege videbatur. Ejus enim partis jam exemplar erat Sallustius, <sup>k</sup>quò tanquam in imam voraginem cætus omnium vitiorum excesserat: quidquid impudicorum, <sup>l</sup>cillonum, parricidarum, sacrilegorum, debitorum fuit in urbe, municipiis, coloniis, Italià totà, sicut in fretis, subsederant; nominis perdit, ac notissimi, nullà in parte castris apti, nisi licentià vitiorum, et cupiditate rerum novarum. <sup>m</sup>At postea quàm prætor factus est, modestè se gessit, et abstinenter? Nonne ita provinciam vastavit, uti nihil neque passi sint, neque expectarent gravius socii nostri in bello; quàm experti sunt in pace, hoc Africam interiorem obtinente? Unde tantum hic exhaust, quantum potuit aut <sup>n</sup>fide nominum transjici, aut in naves contrudi. Tantum, inquam, P. C. exhaust, quantum voluit: ne causam diceret, <sup>o</sup>sestertio duodecies cum Cæsare paciscitur. Quòd si quippiam eorum falsum est, hic palam refelle; unde tu, qui modò ne paternam quidam domum ædimere potueris, repente, tanquam somnio beatus, <sup>p</sup>hortos pretio-

## NOTÆ.

<sup>a</sup> *Elogium.*] Testificato est censorum, vituperationis causa, cum ab ipsis senatu motus est Sallustius.

<sup>b</sup> *Ap. Claudii, et L. Pisonis.*] Hi duo Emilio Paulo et Claudio Marcello consulibus censuram gravem exercuerant.

<sup>c</sup> *Delectum.*] Moris erat, ut censores senatum legerent, eoque illos per ignominiam moverent, quorum depravatos mores cognoscebant.

<sup>d</sup> *Nisi.*] Pro *Sed*.

<sup>e</sup> *Idem.*] Cæsarem intellige.

<sup>f</sup> *Reductus.*] Sallustium intellige.

<sup>g</sup> *Nihil non.*] Fidem, puta, suffragia.

<sup>h</sup> *Neque aliter.*] Ideo tantum Sallustium dicit quæsturam gessisse, ut ex eà prædam aliquam consequeretur.

<sup>i</sup> *Pignora.*] *Des assurances.* Id est, factis ostenderant se pessimis civem esse.

<sup>k</sup> *Quò.*] Id est, ad quem Sallustium.

<sup>l</sup> *Cillonum.*] Id est, cinedorum et turpiter viventium, ut ait Cælius Rhodiginus: ab antiquo verbo *cellere*, quod est, *motitare*; unde etiam Plautus meretrices appellat *recellitunas*.

<sup>m</sup> *At postea quàm.*] Ironia.

<sup>n</sup> *Fide nominum.*] Id est, permutatione. Gall. *Par lettre d'é change.*

<sup>o</sup> *Sestertio.*] Alii habent Sestertium, Glareano teste; quanquam et illud licere multis elegantibus auctorum exemplis ostendit Budæus.

<sup>p</sup> *Hortos.*] Qui Sallustiani dicti sunt.

sissimos, villam Tiburti C. Cæsaris, reliquas possessiones, paraveris. Neque piguit quærere, cur ego P. Crassi domum emissem: cùm tu veteris villæ dominus sis, cuius paulò antè fuerat Cæsar? \* Modò, inquam, patrimonio non comeso, sed devorato; quibus rationibus repentè factus es tam affluens, et tam beatus? Nam quis te faceret hæredem, quem ne amicum quidem suum satis honestum quisquam sibi ducit nisi similis, ac par tui? At hercule egregia facta majorum tuorum te extollunt: quorum sive tu es similis, sive illi tui, nihil ad omnium scelus, ac nequitiam, addi potest. Verùm, ut opinor, honores tui te faciunt insolentem. Tu, Crispe Sallusti, tantidem putas esse <sup>b</sup> bis senatorem, et bis quæstorem fieri; quanti bis consu- larem, et bis triumphalem? \* Carere debet omni vitio, qui in alterum paratus est dicere. <sup>d</sup> Is demum maledicit, qui non potest verum ab altero audire. Sed tu omnium mensarum assecla, omnium cubicu- lorum in ætate, <sup>e</sup> pellex, et idem postea adulter, omnis ordinis turpi- tudo es, et civilis belli <sup>f</sup> memoria. Quid enim gravius pati potui- mus, quàm quòd te incolumem in hoc ordine videamus? Desine bo- nos petulantissimâ consecrari linguâ: desine morbo procacitatis isto uti: desine unumquemque moribus tuis estimare: his moribus ami- cum tibi facere non potes, videris velle inimicum habere. Finem dicendi faciam, P. C. Sæpè enim vidi gravius offendere animos au- ditorum eos, qui aliena flagitia apertè dixerunt, quàm eos qui com- miserunt. Mihi quidem ratio habenda est, non quid Sallustius me- ritò debeat audire; sed ut ea dicam, si quâ ego honestè effari pos- sum.

## C. SALLUSTIUS CRISPUS EXPLICIT.

## NOTÆ.

a *Modò.*] Id est, non à longo tempore.

b *Bis senatorem.*] Amara est irrisio: Sallustio acutè exprobat quòd senatu mo- tus fuerit: atque insuper eum arguit, quasi idèò ineptè gloriaretur.

c *Carere.*] Postquàm satis adversarium agitavit, ipsum, quod maximè perstringit, de imperitiâ, ed quodammodo de officio, admonet.

d *Is demum maledicit.*] Id est, sine suo detrimento maledicere potest.

e *Pellex.*] Jam supra, quòd muliebria passus esset, exprobravit.

f *Memoria.*] Id est, qui omnia in memo- riam revocat, quæ per civiles discordias passi sumus.

# INDEX

## RERUM MAXIME MEMORABILUM.

## A.

ABORIGINES, *Page* 22

Abstinentia, quid, 20, d

Achæi, 219, a

Accusativi olim in is, 17, a

Actæon, 220, f

Atherbal, 78. Victus Romam proficiscitur, 83

Ejus Oratio ad Senatum, 84. Mores, 95. Jugurthæ obuius procedit, *Ib.* A quo vincitur, 96. Romam legatos mittit, 97. Ejus ad Senatum literæ, *Ib.* A Jugurthâ excruciatu interficitur, 99Adolescentium animi mobiles, 28. Dolis facile capiuntur, *Ib.* Eorum mores, 229

Adrimetum à Phœnicibus conditum, 93

Adversæ res etiam bonos detrectant, 124

Ætæa, 109, f

Æquitas, quid, 19, c

Æthiopes, 94

Africæ descriptio, 91, 92

Albinus, 108. Consul in Africâ bellum renovat, 109

Allobroges ab Umbreno sollicitantur, 48. Deprehenduntur super ponte, Mulvio, 51

Amazones, 217, c

Ambitio quid Romæ effecit, 25. Vitium propius virtutem quàm avaritia, *Ib.*

Ambitûs damnati Autronius et Sylla, 31

Amicitia quomodo firma, 33, c

Amici officio et fide parantur, 91

Animâ quis fruitur, 19

Animus vitæ imperator, 73. Æternus, 74. Ejus artes plurimæ, quibus claritudo paratur, 75. Quomodo servitio opprimatur, 231

Antiochus, 176

Antonius Consul, 45. Catilinam persequitur, 67

Antonius, 203, u

Appius Poëta, 225

Apulia, 38, b

Aquila quæ in exercitu Catilinæ, 70

Archelaus, 205, o

Argentum ære solutum, 42

Ariobarzanes, 206, m

Aristæus, 220, b

Aristonicus in triumphum ductus, 205

Armenia, 206, n

Arsaces, 204, d

Asia à Romanis obsessa, 205

Aspar, 168. A Boccho accersitur, qui Jugurtham acta edoceat 170.

Ad Bocchum remittitur ut Syllam Jugurthæ tradere persuadet, *Ib.*

Athenienses per scriptores celebrati, 24

Attalus, 205, f

Avaritia quid Romæ effecit, 25. Ejus descriptio, 237. Quomodo vincenda, *Ib.*

Aulus, 110. Hyeme milites in expeditionem evocat, *Ib.* A Jugurthâ deluditur, *Ib.* Sub jugum mittitur ejus exercitus, 112

Aurelia Crestilla Catilinæ conjux, 28

Auster, 188, d

Autronius ex Catilinæ conjuratis, 30

### B.

BÆBIUS à Jugurthâ pecuniâ capitur, 107. Ejus maxima impudentia, 108

Baleares, 166, e

Bello ingenium plurimum posse quando cognitum, 18. Bellum ex arbitrio sumitur, non ponitur, 144. Illud civiliter deponendum, 227. Pacis causâ gerendum, 229

Beneficii quàm maleficii in republicâ immemorem esse præstat, 106

Bestia Consul, 100. Adversus Jugurtham missus, *Ib.* Secretò cum illo transigit, 101. In eum gravis invidia, *Ib.* Ab ipso in Numidiâ qui fuerunt relictî omnia flagitia cum Jugurthâ faciunt, 107

Bibulus, 238, 244, i 247

Bocchus, 95. Ejus proximi à Jugurthâ magnis muneribus ad sui studium perducuntur, 143. Cujus filia Jugurthæ nupserat, *Ib.* Romanorum amicitiam quæsierat, 143. Cum Jugurthâ belli adversus Romanos societam iniit, *Ib.* A Metello legatos accipit: eidemque remittit, 144. Romanos cum Jugurthâ aggreditur, 159. Romam legatos mittit, 164. Qui spoliata ad Syllam perveniunt, 165. A Mario petit, ut Syllam ad se mittat, quamobrem, 166. Ejus perfidia, 171. Ejusdem ad Syllam oratio, *Ib.* Jugurtham Romanis tradere pollicetur, 170. Tradit, 171

Bomilcar, 108. Cum Rutilio certat, 123. Ad tradendum Jugurtham à Metello allicitur, 129. Quod ille quidem conatur, 130. Ideò Nabdalsam sibi adjungit, 136. Ad quem scribit, *Ib.* Cujus literæ à Nabdalsæ cliente ad Jugurtham deferuntur, 137. Morte afficitur, *Ib.*

Bonus gratuitò nemo vult esse, ubi malos præmia seequuntur, 181

Bonum publicum privato anteponendum: quanquam hoc cum illo potest conciliari, 235

Bruttium, 217, n

Bithynia, 189, g

### C

CÆSAR Pontifex maximus, 54. Ei Catulus et Piso infensi, quamobrem, *Ib.* Eum Cicero inter conjuratos non vult nominare, *Ib.* Ei nonnulli equites gladio minitantur, 55. Ejus oratio, 56. Cum Catone comparatur, 65. Bellum aliorum pace molius gessit, 226. Creditum non condonat, *Ib.* In adversis majorem animum gerit, 232. Gallicam gentem subegit, 240

Cale, 221, m

Capsa, 152. A Mario incensa, 144

Capua, 39, d

Capys, 221, c

Carbo, 227

Cassius ad Jugurtham mittitur, 107



- Catabathmos, 91, g  
 Catilina, 21, 27. Quinam illi favent, 30. Prima ejus conjuratio, 31. Repetundarum reus consulatum petere prohibetur, *Ib.* Ad conjuratos orationem habet, 32. Eos quomodo confirmat, 35. Arma per Italiam parat, 36. Mulieres sibi adscivit, quam obrem, 37. Ciceroni insidias parat, quæ malè caduit, *Ib.* Incendia parat, 38. In senatum venit, 41. In castra Manliana proficiscitur, *Ib.* Scribit se in exilium Massiliam ire, 43. Ejus epistola, 44. Imperii insignia sumit, 45. Ei plebs favet, 46. Deinde ejus consilia execratur, 53. Quantum initio ejus exercitus, 66. Servilia repudiat, 67. In Galliam profugere tentat, *Ib.* Orationem habet ad milites, *Ib.* Aciem instruit, 70. Pugnat, 70. Vincitur, 71  
 Cato, 60. Ejus oratio, *Ib.* Decretum fit senatûs sicut ille censuerat, 64. Ab eo multi mactati, 234. Qualis, 238  
 Catulus cur Cæsari infensus, 54  
 Cea insula, 220, d  
 Chalcedon, 206, f  
 Charybdis, 218, e  
 Cicero consul cum Antonio, 36. Catilinæ insidias præcavet, 37, 38. Per Fulviam ejus consilia cognoscit, *Ib.* De iis ad senatum refert, 39. Conjuratos ad se vocat, 52. In senatum ducit, *Ib.* Civis reptitius, 242. Testamentis amicorum locuples factus, 247.  
 Cilicia, 209, f  
 Cimbri, 70 b 177, h  
 Cinna, 184, b  
 Cirta, 96. A Jugurthâ obsidetur, 97. Ibi prædam, Metellus collocaverat, 144  
 Cyzicus, 206, g  
 Classes quid, 237, b  
 Clementia vera, 230  
 Comitia quid, 36, d  
 Concordiâ res parvæ crescunt, 81, k, l. Ejus bona firmanda, 238.  
 Conjurant cum Catilinâ qui, 30. Nullus ex multitudine castra relinquit, 46. Eorum consilium, 50. In senatum ducuntur, 52. Servandi traduntur, 53. Puniuntur, 66  
 Consilium dare regi difficile : Cur, 232  
 Consuetudo in naturam vertitur, 146  
 Consules regibus Romæ subrogantur, 23. Illis potestas maxima quibus verbis permittitur, 39  
 Consultantes de rebus dubiis, ab odio, amicitia, irâ, &c. vacuos esse decet, 56  
 Consultores pessimi cupido et ira, 132  
 Consulto, priusquam incipias; ubi consulueris, maturè facto opus est, 18  
 Contentio inter plebem et nobilitatem quid effecerit, 77  
 Continentia quid, 19, b  
 Corduenni 218, h  
 C. Cornelius eques pollicetur Ciceronem confodere, 38  
 Cornelius Scriba, 177, f  
 Corpus et ejus omnia brevè dilabuntur, 74  
 Corycus, 187, b

Cos insula, 221, a

Cottæ Consulis oratio ad populum, 212

Crassus cum Catilinâ conjurâsse creditus, 31. Quod Vulturii indicio confirmatur, 58

Creta, 205, k

Cumæ, 220, e

Curio, 197

Curius cum Catilinâ conjurat, 36. Per eum conjuratio patefacta, *Ib.*

Cyrenenses magni atque opulenti, 141. Cum Carthaginiensibus diu bellum gesserunt, 142

Cyrus, 18

D.

DABAR, 168. Internuncius, 179

Dædalus, 189, e

Damasippus, 59, d

Danubius, 215, k

Dardania, 221, e

Deorum auxilia quibus parentur, 63

Discordâ res maxima dilabuntur, 81

Discumbendi modus apud Romanos, 203, e

Divino numine mortalium vita invisitur, 240

Divitiæ Romanis exitia, 24, 26. Eas, qui contempserunt, victores; qui concupiverunt, victi sunt, 230. Divitiis quinam sunt flagitio, 231. Divitiarum studium reipublicæ certa pestis, 236.

Domitius, 227, 238

Durius, 194, b

Dyrrachium, 185, d

E.

EDERE bis in die vitio ducitur, 231

Elephanti, 102. Interfecti, 123

Enceladus, 221, h

Equites Romani cum telus circum ædem Concordiæ Cæsari gladio minitantur, 55

Etruria, 37, i

Eumenes, 205, e

Euphrates, 208, c

Eurus, 188, c

Exercitus P. R. quando primum corrupti, 26

Extollere se ut oporteat, 230

F.

FABIUS Sanga, Allobrogum Patronus, 49

Factiosorum mores, 233, 235

Fæsulæ, 36, e

Famam alienam suum esse dedecus putant inertes, 237

Fasces quid, 31, p

Favonius, 238

Fœdus nullum senatûs populi que Romani injussu fieri poterat, 112

Fortuna simul cum moribus immutatur, 19. In omni re dominatur, 23. Ejus lubido, 24. Eâ non eget animus, 73, 74. Fortunæ suæ unusquisque est faber, 225

Fulvia conjurationem Catilinæ patefacit, 36

Fulvius parentis jussu interficitur, 48

## G.

- GABINIUS**, et ejus lex, 209, g  
**Gaddir**, 190, e  
**Gætuli**, 92, b. Ad militiam à Jugarthâ quærantur, 143. Ordines habere docentur, *ib.*  
**Galli ante Romanos gloria belli**, 65. Eos vincunt, 171. Adversus illos Romani pro salute, non pro gloria, certant, 182  
**Gauda**, 132, 183  
**Germania veteribus sub Gallia comprehensa**, 174  
**Gladiatoriae familiae in municipia distribuntur**, 40  
**Gloria invidiam vincere difficillimum**, 81. **Gloriam invidia sequitur**, 125. **Gloria majorum posteris lumen**; quæ eorum nec bona, nec mala in occulto esse patitur, 148  
**Gracchus**, 90, 115. Ejus lex, 237  
**Græci ante Romanos facundia**, 65. **Quales**, 238  
**Galussa Masinissæ filius**, 78.

## H.

- HÆRES secundus quis**, 132, m  
**Hannibal res Romanas afflixit**, 77  
**Helenus**, 221, d  
**Heraclea**, 206, k  
**Hercules in Hispania interiit**, 92  
**Hiempsal**, 78. **Ferociter cum Jugartha agit**, 82. **Interficitur**, 89  
**Hilerda**, 186, a  
**Hippo à Phœnicibus condita**, 93  
**Historiam scribere difficile, quamobrem**, 19. In ea scribenda quomodo laus invenienda, 20, a. Ejus beneficio Athenienses maximi facti sunt, 24. Ejus usus, 75, 76  
**Hortari qui vult, primus ire debet**, 195  
**Humanum genus sorte potius virtute regitur**, 73.

## I.

- JAPYDIA**, 215, h  
**Jason**, 190, b  
**Ignem sese corrumpunt perfug**, 140  
**Illegetum**, 193, l  
**Imagines majorum**, 76, m  
**Imperium iis artibus retinetur quibus partum est**, 19. **Imperia et magistratus, ut virtus est eorum qui ea sustinent, perinde habenda**, 77. **Easæpè in eos à quibus accepta convertuntur**, 196. **Imperium alteri nemo volens concedit**, 225. **Illud qui obtinet, quia malo esse licet, formidatur**, 226. **Imperia crudelia magis acerba quam diuturna**, 227  
**Infinitivi modi loquendi formulæ**, 23, g  
**Ingenium præstat viribus**, 18. **Socordia torpescit**, 74, 75  
**Injuriae oblatae nemini parvæ videntur**, 57  
**Interrex**, 185, a

## K k

Invidia ex opulentia oritur, 22. Invidiam gloria vincere difficillimum, 81. Gloriam sequitur, 125  
 Ira et cupidus pessimi consultores, 132  
 Jugurtha rex Numidarum, 77, 78, 79, 80. Micipsæ decreta rescindenda proponit, 82. Hiempsali infensissimus, 83. Copias armatus, omni-  
 que Numidiæ imperare parat, *ib.* In Romanæ nobilitatis avaritia  
 spem habet, 84. Cujus legati plerosque pecunia corrumpunt, *ib.*  
 A quibus Jugurtha defenditur, 89. Legatos Romanos corrumpit,  
 90. In regnum Atherb. animum intendit, 95. Agros vastat, *ib.*  
 Ejus ad legatos Romanos responsio, 96. Ad eum alii mittuntur,  
 98. Qui frustra discedunt, 99. Numidas puberes togatosque  
 promiscuè interficit, 99. Filium Romam legatum mittit, 100.  
 Se cretò cum Calpurnio et Scauro transigit, 101. Romam venit,  
 107. Abit, 109. Albinum ludificat, 110. Auli exercitum sub  
 jugum mittit, 112. Vult facere deditionem, 118. Metello insi-  
 dias struit, 120. Pabula corrumpit, 126. Romanorum castra ir-  
 rumpit, 127. Pugnandi modus, 128. Deditionem facit, cujus  
 mox pœnitet, 130. Bellum renovat, 133. Omnibus diffidit,  
 137, 139. Ejus dolus, 151. Ad Bocchum legatos mittit, 159.  
 Romanos aggreditur, *ib.* Superat, 160. Deinde magna clade  
 vincitur, 161. Iterum Romanos invadit, 162. Stratagemate uti-  
 tur, *ib.* Vix evadit, *ib.* Syllæ a Boccho traditur, 171  
 Juventus Romana qualis, 23.

## L.

LABOR quo sensu usurpandus, 19, a. Viris convenit, 149  
 Lacedæmonii in Græcia bella gerere primi et Athenienses cœperunt,  
 18  
 Laetania, 193, k  
 Lares, 34, f  
 Legati Romani regnum Numidiæ divisum missi, 90. Legati ado-  
 lescentes Atherbalem et Jugurtham arma deponere jubent, 96.  
 Alii Jugurthæ pacem imperantes frustra discedunt, 99  
 Leges pro vita civium, 58  
 Lentulus cum Catilina conjurat, 30. Romæ quoscumque potest so-  
 licitat, 48. In senatum a Cicerone ducitur, 52. Ibi coarguitur,  
*ib.* Eum eripere conantur liberti, 55. In carcere occiditur, 66  
 Lepidus, 173. Ejus contra Syllam oratio, 175. Alia Philippi ad-  
 versus, Lepidum, 180  
 Leptitani ad Metellum legatos mittunt, 240. Amici et socii P.  
 Romani, 141  
 Libertatis restituendæ ratio, 235. Omnibus optabilis, 239.  
 Libyes, 92, c  
 Licinii oratio, 195  
 Locus medius apud Numidas honorificentissimus, 82  
 Lubido, 19, d. 23. Quid faciat, 116. Lubido bona, 241  
 Lucani, 192, d

Lucullus, 190, a  
Lycaonia, 209, c.

## M.

- MAGISTRATUS** minores vigiliis præstunt, 40, Magistratuum insignia a Tuscis sumpta, 59
- Manlius** primus ex conjuratis arma aperte movet, 36. Ad Marci-um Epistola, 42
- Malus** est nullus gratuitò, 237
- Mamilius** et ejus rogatio Jugurthæ factores, 113
- Manlius Marii** legatus, 150
- Marcus** solus consulatum gerit, 39, g
- Marius**, 118. Cui magna portenduntur, 130. Quis, 131. Contra Metellum accensus, 132. A quo dimittitur, 138. Romæ celebratur, *ib.* Fit consul et Imperator, 139. Nobilitatem exagitat, 145. Ad populùm habet orationem, *ib.* Veteranos ambit, *ib.* Milites scribit, quos, 151. In Africam proficiscitur, *ib.* Cui exeroitus à Rutilio traditur, *ib.* Prudentia ejus militaris, 152. Utres parat, 153. A militibus ad cælum fertur, 154. Mulucham castellum aggreditur, *ib.* Per Ligurem capit, 157. Cum Boccho et Jugurtha pugnat, 160. Ex hostium imperitia dolum machinatur, *ib.* In hiberna proficiscitur, 161. Ejus vigilantia, *ib.* Pudore exercitum coercet, *ib.* A Boccho et Jugurtha invaditur, 162
- Massilia**, 43, f
- Masinissa**, 77
- Massiva**, 108. Obtruncatur, 109
- Matrimonii** necessitudo apud Numidas levis, 143
- Mauritania**, 37, e
- Medius** fidius, 44, k
- Memmius** contra Jugurtham mittitur, 99. Ejus oratio, 102. Jugurthæ servandam fidem datam facit, 108
- Metellus** Creticus, 39. Celer, *ib.* Metellus Numidicus, 116, 117. Ad eum legatos mittit Jugurtha, 118. Quos promissis aggreditur ut sibi Jugurtham tradant, *ib.* Cum Jugurthâ pugnat, 122. Omnia ferro et igne vastat, 124. Exercitum dividit, ut terrorem augeat, 125. Zamam oppugnat, 128. Ejus superbiâ, 131. In quem aspere Romam scribunt negotiatores, 133. Vaccenses, punit, 135. Marium dimittit, 138. Capitis Romæ arcessitur, *ib.* Cum Jugurthâ pugnat, 139. Thalam maximo cum labore aggreditur, *ib.* Vehementissime dolet, quod Mario Numidia data, 144. Legatos ad Bocchum mittit, *ib.* Marii conspectum fugit, 151. Optime Romæ excipitur, *ib.*
- Mesopotamia**, 207, k
- Metuendum** multis qui se præbet, multos pariter metuit, 227
- Micipsa**, 78. Quid agit cum Jugurtha, 78, 79, 80. Ejusdem ad Jugurth. oratio, 81. Moritur, 82. Ejus Regnum inter Jugurtham et Atherbalem per legatos Romanos dividitur, 90

Militia justa esse debet, 231  
 Minos, 189, f 221, d  
 Mirari quid, 26, b  
 Miseris parum fidei adhibetur, 97  
 Mithridates, 47, m. Ejus ad Arsacem epistola, 204. Facta, 205  
 Montores qui optimi, 239  
 Muluehæ castelli descriptio, 155. A ligure penetratur, et perscribitur, *ib.* Capitur, 157  
 Munditiæ mulieribus ; viris labor convenit, 149  
 Mysii, 221, n.

## N.

NABDALSA, 136. A cliente proditur, 137. Ad Jugurtham accedit, *ib.* Natura falso ab hominibus accusatur, 73. Una et communis omnium, 147. Unum omnibus finem, vel ferro septis statuit, 177  
 Necessitatem extremam nullus, nisi muliebri ingenio, nihil ausus expectat, *ib.*  
 Necessitudo timidos fortes facit, 69  
 Nobilitas quæ Marii, et vera, 148  
 Nobilitatis commune malum superbia, 131  
 Nobilium mores, 150, 140  
 Novus homo quis, 36. Indigni consulatu videbantur, 131  
 Numantia, 79, a  
 Numidæ quales, 118. Regem in fuga non sequuntur, 124. Lacte et carne ferina vescuntur, 153. Marium magis quam mortalem timent, 157.

## O.

OLYMPUS, 166, f  
 Opimius a Jugurtha corrumpitur, 90  
 Orchomenus, 223, e  
 Orion, 221, k  
 Othus, 221, i.

## P.

PÆLIGNI, 166, f  
 Parat, 206, i  
 Partium et divisionum quæ causa, 113  
 Patres eur dicti senatores, 22  
 Patiens Nomen et Participium, e  
 Patriam vi regere, importunum, 75. Patriæ ad Cæsarem oratio, 241  
 Pax juxta et diuturna esse debet, 227  
 Pecuniæ studium tollere bonum maximum, 236  
 Pericula occulta bonus facere, nec vitare potest, *ib.*  
 Perpenna, 187, g  
 Perses, 56, c  
 Personæ, secundæ locutiones, 18, b  
 Pessimus quisque asperrime rectorem patitur, 226  
 Petreio exercitum permittit Antonius, 70

Philani, 142

Philippi adversus Lepidum oratio, 180

Phœnices, 93, l

Picenus ager, 38, a

Pietas Romanorum quæ, 26

Piso, 31. In citeriorem Hispaniam mittitur, 32. Interficitur, *ib.*

Plautia les, 41, a 233, h 242

Plebis ingenium, 46. Urbana cur depravata, *ib.* Catil consilia ex-  
ecratur, 53. Negotia sua debet habere, 230

Pompeii potentia formidolosa, 32. Ad bellum Mithridat. missus,  
47. Ejus ad senatum epistola, 193. Adolescens ad bellum sævis-  
simum projectus, *ib.* Facta, *ib.* Illum Romani metuunt, 201. Quis.  
226. Quamobrem multi ejus partes sequuntur, 227. Cæsari max-  
ime fuit adversus, 233. Quomodo remp. administraverit, *ib.*

Pomptinus Prætor, 51

Pop. Romanus libere agitatur cum nullius potentiâ super leges, 235.

Quomodo inducta servitus, *ib.* Illi supervacanea calliditas, 238.

Ita largitionibus corruptus, ut sese venalem habeat, 242

Posthumius, 238

Præmia diversa bonos et malos sequuntur, 240

Primipilus, 111, h

Ptolemæus, 205, l

Publipor, 192, e

Punicum bellum, 77. Punica fides, 169.

Q.

QUÆSIVIT *pro* rogavit, 184

Quintius, 197, f.

R.

REATE, 45, g

Regna quomodo intereant, 238. A quibus præcipue defenduntur, *ib.*

Regium imperium primum in terris, 18. Romæ mutatum, 23

Regum pace quam bello minor virtus, 18. Ex eo quid oriatur, *ib.*

Quinam illis formidolosi, 23. Regem armis quam munificentia  
vinci minus flagitiosum, 169

Renunculus, 191, k

Reprehendere alios multi cupiunt, qui nihil ipsi possunt, 281

Res secundæ sapientes fatigant, 26

Respublica honestis nominibus agitata, 47. Pacis artibus firmanda,  
226. Audacia in bello, æquitate in pace firmanda, 24

Rhegium, 100

Rhenones, 214, c

Rhodus, 56, d

Romæ exordium, aliæque, 22. Adepta libertate brevi crescit, 23. Pau-  
eorum virtute, 65. Romæ omnia venalia, 95. Quando illi pere-  
cundum, 228

Romanorum mores, 24. Quando prorsus immutati, 25. Corruptio  
eorum 27. Jugurthæ bellum inferunt, 100. Avaritiâ cæci Bocchi

amicitiā contemnunt, 143. Communes omnium hostes, *ib.* Quando maximā concordia vixerunt; et floruerunt, 174. Simultates excrucierunt, 175. Eorum descriptio, 207, 238, 239.

## S.

SANGUM, 191, g

Sallustius ad rempub. fertur; ibique multa adversa patitur, 20. Ad scribendum historiam animum adjicit, 21. Magistratum adeptus, 76. Ei libri Punici interpretantur, 91. Ejus historiæ, 173. In cognoscenda republica magnam curam habuit, 232, 238.

Samothrace, 205, c

Sardinia, 188, a

Saturninus, 181, i

Satyria, 101, l

Scaurus, 90. Ad Jugurtham et Atherb. legatur, 98. Calpurnii legatus, 100. Jugurthæ favet, 101. Quæsitores adversus Jugurthæ fautores, 113.

Scipio, 76, l. Ad Micipsam scribit, 80. Q. Scipio male pugnat adversus Gallos, 171

Scylla, 221, f

Secus *pro* sexus, 191, a

Seleucia, 207, g

Sempronia in Catilinæ conjuratis quæ mulier, 37

Sempronia lex, 100, a

Senatus ad Bocchi legatos responsio, 166

Serpentes siti infestiores, 152

Servile pro eo quod servitio corporis exercetur 21, b

Sestertius quid, 39, m

Spartacus, 224, a

Signa, 26, a

Sucro, 194, a

Suffragia obscura esse debent, 239. Per tabellam quandoque lata, *ib.* f

Sulpitius, 181, k

Sumptuum finis res familiaris, 229

Supplicia pro sacrificiis, 24, d

Sibyllæ, 52, k

Sylla, 25, g 157. Legatus ad Bocchum, 163. Ejus ad illum oratio, 20. Bocchi legatos liberaliter habet, 165. Animi ferax, 167. Volucem castris ejicit, *ib.* A Boccho occulte accersitur, 169. Eum ad tradendum Jugurtham hortatur, 170. Romulus appellatur, 176. Supplicia in post futuros composuit, *ib.* Beneficio quam metu multo retinere maluit, 234

Syphax, 77, k

Syrtes, 94, e 141.

## T.

TABULÆ novæ quid, 35, a

Tanais, 217, d

Tarentus, 186, g



Tartessus, 190, d  
 Tauromenia, 218, g  
 Taurus, 189, i  
 Tauri populi, 219, b  
 Thala a Metello expugnata, 140  
 Toreumata, 34, g  
 Tribunitia potestas restituta, 47. A Sylla disjecta, *ib.* f  
 Turia, 188, e  
 Turpilius, 134. Capite pœnas solvit, 135.

## V.

VACCA, 101  
 Vaccensium conjuratio, 134. Eorundum pœna, 35  
 Valentia, 188, f  
 Vesta, 28, b  
 Vettius Picens, 177, f  
 Villa publica, 228, b  
 Vineæ quid, 96, d  
 Virtuti omnia parent, 19. Virtute parta magna industria haberi decet, ne deformentur, 225  
 Vis numero plurali, 192  
 Voluptates ignaviæ nullus cum virtutis præmiis habere potest, 147  
 Volux Bocchi filius, 162. Syllæ metum efficit, 166. Præsidio eidem missus a patre, 167. Qui Romanos prodere creditur, *ib.* Castris ejicitur, *ib.* Ejus honesta oratio, 167  
 Utica, 98  
 Vulturii ad Catilinam epistola, 51. Cum Allobrogum legatis, in ponte Mulvioprehenditur, *ib.* Conjunctionem in senatu aperit, 52  
 Uxores multas ducunt Numidæ, et Gætuli, 143.

## Z.

ZAMA, 126, c.

FINIS.

